



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

3 2044 012 934 204



OL 45421.20(3)



Harvard College Library

FROM THE BEQUEST OF

JAMES WALKER, D.D., LL.D.

(Class of 1814)

FORMER PRESIDENT OF HARVARD COLLEGE

"Preference being given to works in the
Intellectual and Moral Sciences."

12

ՄԱՏԵՆԱԳՐՈՒԹԻՒՆՔ

Ն Ա Խ Ն Ե Ա Ց

ՍՈՒՐԲ ԵՓՐԵՄ

The Writings

of
Ephraim, Khoran, Syro, Sauid.
Volume III

Interpretations of the four-
teen Letters of St. Paul.

Venice
The Monastery of St. Lazarus
1836

ՍՐԲՈՅՆ

Ե Փ Ր Ե Մ Ի

ՄԱՏԵՆԱԳՐՈՒԹԻՒՆՔ



ՀԱՏՈՐ ԵՐՐՈՐԴ.

ՄԵԿԵՆՈՒԹԻՒՆ ԶՈՐԵՔՏԱՍԱՆ ԹՂԹՈՅՆ ՊԱՆԴՈՍԻ



Ի ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ




ՅԱՄԻ 1836 ՌԾԶԵ

~~OL 42521.5~~

~~IV 10037~~

~~OL 42400.1~~

✓



~~OL 42397.11 (3)~~

✓

Walker fund

OL 45421.20 (3)

✓

ՄԵԿՆՈՒԹԻՒՆ

ԼՈՒԼՔԵԼՈՅՆ

ԶՈՐ ԱՐԱՐԵԱԼ Է

ՏԵԼՈՆ ԼԻՐԵՅԻ

ԵՒ

ԽՈՐԻՆ ԱՍՈՐԻՈՅ

ԱՍՈՐԻՈՅ ԺՐԱԳԻ

ԴԻՏԵՄՔ, զի նոր կտակարանք՝ կամ պարզեք
կամ 'ի ձեռն կարգին տուելոյ՝ Յունաց է
տուեալ: Եւ քանզի բազմապատում բանիւք խօսե-
ցան զԱւաքեալ, որք խօսեցանն ըստ առատ ըստ ի-
մաստուն մեծատուն գիտութե լեզուին իւրեանց,
կամեղև և ինձ առնել կարճառօտս համառօտս Ա-
սորւոց աղքատաց լեզուով գիտուէ: Թէպէտ մի մի'ի
բանից անտի Աւաքելոյ բազմադուռն է, սակայն ոչ
եթէ հարկ ինչ վտանգի է 'ի մեզ ելանել ընդ ամե-
նայն դրունսնոցա. զի ոչ եթէ ժողովրդեանն թարգ-
մանեմք զնոսա, այլ իմաստուն գիտնոց երկրորդեմք
զնոսա: Եւ վասն այսորիկ զգօրութիւնն նոցա ասեմք
մեք, և ոչ զբազմադէմ'երեսսնոցա. և զճմարտու-
թիւնն նոցա գրեմք մեք, և յերկայնութենէ պատմու-
թեանն նոցա հրաժարեմք մեք: Մի այսուհետև
տրամիցին Յոյնք վասն Ասորւոց, զի համարձակե-
ցան մեկնել զնոր կտակարանս. զոր օրինակ և ոչ Ա-
սորիք ինչ տրամեցան վասն Յունաց անտի, որ թարգ-
մանեցին զհին կտակարանս:

ՀՈՌՈՎՄՐՅՆՑԻՍ

ՊԱՏՄԵԱՅ Պաւղոս վասն առաջին գալստեանն տեառն մերոյ . և երկրորդ՝ թէ վասն եր եղև ինքն գալուստն : Զի ամենայն՝ մեղք դառնուե զոր համարեցաւ , որ էին յառաջ քան զգալուստն առաջին , զի ցուցցէ և յայտ արասցէ եթէ վասն նոցա եղև գալուստն : Աժ արգել և փակեաց զհեթանոսս 'ի ներքոյ մեղաց բնութե . յայնմիկ , ասէ , որով իւրիք դատինմ դու զընկերն քո , ցուցեր և յայտ արարեր՝ եթէ գիտես դու զայն՝ որ ինչ քեզ չար թուի , ընկերին մի արասցես : Արգել և փակեաց զԺողովուրդն 'ի ներքոյ մեղաց օրինացն . «Դու , ասէ , որ ասեսդ՝ եթէ մի չնասցեն , չնաս դու» , եցոյց թէ գիտեն զնոսա հերքայեցիքն , և ոչ առնեն :

Եւ յիստորիկ զի ասաց , արդարացոյց զըստուգութիւն , և պարտաւորեաց զազատութիւն . և եղև այնուհետև կարօտութի կողմանցն երկոցունց , այս ինքն Ժողովրդեանն և հեթանոսաց , ձրի բժըշկաւն : Քանզի սոյն իսկ այս շնորհք մկրտութեամբն զամենայն մարդ կեցուցին : Այսուհետև պարծանք կողմանցն երկոցունց ոչ եթէ 'ի գործոց ինչ է , զի 'ի նոցանէ կողմանէ նոքա մահապարտք էին , այլ 'ի ձեռն հաւատոցն այնորիկ՝ որ մահուամբն իւրով հատոյց զպարտինն նոցա :

Եւսաց յետ այսորիկ և վասն հաւատոց՝ որ արդարացուցին զԱբրահամ յառաջ քան զԹլփատութիւն : Եւ յետ այսորիկ ասաց նա վասն օրինացն Ադամայ , զի 'ի նմանէ թաղաւորեաց մահ : Եւ յետ այսորիկ ասաց նա վասն մեղացն՝ որ զօրանային 'ի սրտի , և տախտակին օրէնքն ապրեցուցանել զմեզ 'ի նոցանէ

ոչ կարացին : Յետ այսորիկ ասաց նա վասն ելանելոյ ժողովրդեանն և վասն մոմանելոյ հեթանոսաց : Արդ լից այսորիկ և լից այլոց՝ որ իցեն 'ի թղթի աստ, Առաքեալ գրէ առ հռովմայեցիս յասել իւրում այսպէս :

ԳԼՈՒԽ Ա

ՊԱՒՂՈՍ, ասէ, կոչեցեալ : Այս ինքն, զի կոչեցաւ նա 'ի ձեռն յայտնութեանն, որ եղև 'ի վերայ նորա 'ի ճանապարհի անդ Դամասկեայ . և առաքեցաւ նա Յիսուսէ Գրիստոսէ քարոզել զաւետարանն : Եւ ոչ եթէ յորժամ՝ կոչեցայն ես՝ յայնժամ ընտրեցայ . այլ ընտրեալ իսկ էի ես, որպէս և ընկերք իմ, յաւետարանն իյ յառաջ քան զլինելն աշխարհի :

Լսյ իսկ և այս աւետարան մի աւետարանիչ երևեսցի ձեզ, ով հռովմայեցիք . զի յառաջագոյն հաստատեալ էր սա գրովք սրբովք մարգարէից, և ակնարկեալ էր 'ի նոսա վասն Որդւոյ նորա, այն՝ որ այժմ իսկ երևեցաւ մարմնով 'ի զաւակէ տանն Դաւթի, սոյն իսկ այս յայտնեցաւ եթէ Որդի է նա ինչ : Ի՞նչ յայտնեցաւ . այլ զօրութիւն և հոգւով սրբութիւն . այս ինքն 'ի ձեռն զօրութեց իւրոց, և 'ի ձեռն պարգեւացն՝ որ սփռեալ լինին 'ի վերայ աշակերտացն իւրոց հոգւով սրբով :

Որ յարեան, ասէ, 'ի մեռելոց : Եւ ոչ եթէ այլ դժարոյց զնա : Մեռեալ էր նա և կենդանի : Զի համարեցաւ նա մեռեալ, վասն մարմնոյն իւրոյ . և կենարար, վասն անմեռութեն իւրոյ : Քանզի ասաց, բայ յայտնեցաւ՝ եթէ Որդի է նա ինչ . ոչ ասաց եթէ յաւրոյց զնա, զի մի լիցի նա ընդդէմ դարձեալ բանին իւրոյ . այլ ասաց՝ եթէ յարեաւ նա 'ի մեռելոց, զի եղիցի նա կատարիչ և կնքիչ պատգամին իւրոյ : Զի նովաւ ընկալաք մեք շնորհս . այս ինքն 'ի ձեռն աւագանին մկրտութեան . և առաքելութիւն՝ 'ի ձեռն պարգեւաց հոգւոյն : Զի քարոզեսցէ՝ ոչ եթէ վասն գարշ և պիղծ և աղտեղի գնացիցն մերոց զորս համարեցաք մեք, այլ վասն անուանն իւրոյ : Նա և դուք, ով հռովմայեցիք, յայնցանէ էիք՝ որ կոչեցեալ

են . մի զրկեալ գտանիցիք 'ի շնորհաց անտի' որ առաքեցին զիս առ ձեզ :

Ար միանգամ իցէք 'ի Հռոմէ' կոչեցելոց սրբոց . այս ինքն երախայից և կնքաւորաց : Սուրբք էին կրնքաւորքն վասն քաւութեն զոր առին մկրտութիւն . լուացարուք , ասէ , և սրբեցարուք : Շնորհք ընդ ձեզ և խաղաղութիւն յԱրտուծոյ 'ի Հօրէ մերմէ . այն որ կոչեացն զմեզ , և մերձեցոյցն յիւր որդեգրութիւն : Եւ 'ի տեառնէ Յիսուսէ Քրիստոսէ . և ոչ 'ի ձեռն տեառն մերոյ Յիսուսի Քրիստոսի : Գոհանամ զայ իմոյ 'ի ձեռն Յիսուսի Քրիստոսի : Քանզի ասաց նա վերագոյն՝ բայ 'ի տեառնէ , զի ցուցցէ վասն անձուհ նորա . ասաց աստ՝ 'ի ձեռն Յիսուսի Քրիստոսի , զի յայտ արասցէ և վասն մարդկութե նորա : Մեծ հաւատքդ ձեր ըստ մեծ քաղաքիդ ձերոյ , պատմեալ են ընդ ամենայն աշխարհս :

Այ կայ է ինձ անձ զոր պաշտեմն զնա 'ի հոգիս . այս ինքն հոգեւոր գնացիւք , և ոչ պատարադադոհ օրինօքն . և աւետարանաւն Որդւոյ նորա , և ոչ Մովսիսեան գրովքն : Զի անպակաս յիշատակ մատուցանեմ վասն ձեր յաղօթս իմ . և աղաչեմ զի ոչ եթէ յետ երկայն ժամանակաց , այլ զի արդէն իսկ բացցին ինձ դուռն ճանապարհի տեսանել զձեզ : Եւ տաց ես ձեզ շնորհս ինչ հոգեւորս , որպէս և ընկերաց ձերոց քաղաքացւոցն և կորնթացւոց վասն հաստատութե ձերոյ . զի նոքօք հաստատեալ կայցէք դուք 'ի ժամանակս հալածանաց՝ մխիթարակից լինել մեզ ընդ ձեզ , և աղաչել 'ի միասին 'ի ձեռն հասարակաց հաւատոց :

Այ կամիմ եթէ տգէտք եղիցիք , եղբարք . զի բազում անգամ յօժարեցի ես գալ առ ձեզ . զի և 'ի ձեզ գտաւ ինձ պտուղ՝ որ մատչի առաջի մեծութեն , այս ինքն առաջի աշակերտութե՝ յորում հանգչի 'ի նմա անձութիւն , որպէս գտաւ ինձ և յայլ հեթաւնոսն յիմաստունս և յամբիտս . այս ինքն որ խոնարհինն հնազանդել մեզ , և որ ոչ . և նոցա իսկ եթէ հնազանդին և եթէ ոչ հնազանդին , սակայն ես պարտապան եմ քարոզել : Եւ յօժար եմ , զի և 'ի հեզ հռովմայեցիս աւետարանել : Կամ վասն զի

հետի ելին ասաց՝ բայ յօժարեալ եմ. կամ վասն զի քաղաք կռապաշտուութե էր, և ոչ դժ համարձակէր մտանել անդր :

Այ եթէ ամաչեմ ինչ վասն աւետարանիս. վասն խաչին՝ ինչ որ քարոզի 'ի սմա : Զօրութի է նա ապ, որ բաւական լինի հնազանդել զապօտամբութի հեթանոսաց. և փրկութի, որ ոչ անցանէ, ապ չրէից և հեթանոսաց՝ որք հաւատանն 'ի նա : Արդարութիւնն ապ. այս ինքն գնացք առաջնոցն, յայտնին 'ի նա 'ի հաւատոց 'ի հաւատս . 'ի հաւատոց անտի Աբրահամն, 'ի հաւատս որդւոցն Աբրահամն : Եւ զի այսպէս հանդերձեալ էր լինել, գիրք իսկ վըկայեն յասելն իւրեանց՝ եթէ «Որ արդարն է, 'ի հաւատոց կեցցէ», :

Հայտնելոց է բարկութիւն ապ յերկնից՝ ինդրել զվրէժ իբրեւ յօրինաց 'ի բնութենէ, յայնցանէ՝ որ զճշմարտութի անիրաւութեան ընդունին. զի գիտեն զճշմարտութի, և պաշտեն զանիրաւուն : Գիտութիւն ապ յայտնի է 'ի նոսա. զի աժ 'ի ձեռն աւարածոց իւրոց զանձն իւր յայտնեաց նոցա : Որ աներևոյթն է 'ի սկզբանէ աշխարհի. կամ բնութիւնն արարածոց, զոր գրեացն Մովսէս. կամ վասն Որդւոյ ասաց, զի ծածկեալ էր և յայտնեցաւ այսօր. և երևեցաւ դարձեալ զօրութի նորա 'ի ձեռն նշանաց իւրոց, որպէս 'ի սկզբանէն 'ի ձեռն արարածոց իւրոց : Զի եղիցին նոքա առանց պատասխանի տալոյ, այնոքիկ՝ որ միանգամ մոլորինն 'ի նմանէ յետ այսր ամենայնի :

Ո՛ր ծանեան նոքա զաժ 'ի ձեռն արարածոցն նորա, այլ ոչ եթէ զաժ կամ զարարիչ այսր բնութեց փառաւորեցին կամ գոհացան զնմանէն. այլ նանրացան նոքա 'ի խորհուրդս իւրեանց 'ի ճշմարտութենէ անտի փառաց նորա : Զի ոչ վասն ամենայն սքանչելեացն փառաւոր առնէին նոքա, այնոքիկ՝ որ և վասն միոյ միոյ 'ի սքանչելեաց անտի նորա փառաւորել պարտ էին. և խաւարեցան անմոռութի սիրտք նոցա 'ի լուսոյ անտի գիտունն նորա : Եւ իբրեւ ինքեանք անմիտք էին յայսմիկ, յայսմիկ զանձինս առ իմաստունս ունէին. յիմարեցան և խտտորեցան յայ

տալ փառս նմանուէ պատկերի մարդոյ և թռչնոց , սողնոց և չորքոտանւոց :

Եւ քանզի նոցա հաճոյ եղև խոտորել յայն , այն որ սիրէն զսրբութի և զպարկեշտութի , և սիրեցին նոքա զպատկերս որ համարձակեն նոցա գործել՝ ինչ որ հակառակ է այսմ ամենայնի , մասնեաց զնոսա ան . ոչ 'ի ձեռն այնր ընչի զոր ատէին նոքա , այլ մատնեցան նոքա 'ի ձեռն պիղծ ցանկութեն զոր ցանկայր սիրտ նոցա . և անարգեցին զմարմինս իւրեանց յանձինս իւրեանց , որպէս և սիրեցինն ինքեանք : Եւ կռովք իւրեանց՝ որոց երկիրն պաքանէին նոքա , նա և արժան իսկ էր խնդրել զվրէժ յանձանց իւրեանց , և անարգել զմարմինս իւրեանց յանձինս իւրեանց . այնպիսի՝ որք փոխանակեցին զճմարտութիւնն այն 'ի ստութե իւրեանց , և հնազանդեցան և պաշտեցին զարարածս , և ոչ զարարիչ երկրպագել :

Եւ անայք նոցա գործեալ փոխեցին զօրէնս բնութե իւրեանց , և հնազանդեցան և պաշտեցին : Լուր դու , զի և կանայք նոցա ինքեանք փոխեցին զօրէնս իւրեանց յօրէնս անօրէնս . և ոչ եթէ 'ի բռնութի ուրուք վարեալ էին նոքա : Եւ արք նոցա թողին զօրէնս զօրինի կանանց . նոքին իսկ դարձեալ թողին , և ոչ եթէ յուսմբէ բռնադատեալ լինէին : Ոչ եթէ ցանկութի նոցա միայն ած զնոսա յայս իրս , այլ և ագահութի նոցա : Զի զգարձ փոխարինին մոլորութե իւրեանց զոր տային կանանց , անդրէն յանձինս իւրեանց ընկալան : Եւ ոչ ընտրեցին նոքա յանձինս իւրեանց ճանաչել զան , իբրու կարող էին , մատնեաց զնոսա ան . այս ինքն լիք թող զնոսա ոչ 'ի բռնութի կամ 'ի մեղս , այլ 'ի միտս անձանց իւրեանց , այն որ ազատութիւն իւրով օտարացաւ յօգտակար հաւանութենէ անտի : Արդ մատնեաց զնոսա 'ի միտս անարդուութե գործել նոցա զանարժանս , զոր և գործէինն իսկ :

Ի ի են նոքա 'ի կամաց իւրեանց ամենայն անօրէնութիւնք հանդերձ ամենայն չարութք զոր համարեցաւ : Նոքին իսկ՝ որ գիտեն զարդարութիւնն այն և զայն գործեն , մասնեալ լինին նոքա 'ի ձեռս մահուան երկրորդի . և ոչ եթէ որ առնեն զայն , նոքա միայն ար-

ժանի են մարհու, այլ և որ հաղորդին և յանձն առնուն զգործս նոցա: Նոյն իսկ է այն՝ զոր երկրորդ եւացն 'ի վերայ նոցա ինքն Աւաքեալ: Հպարտք, ամբարտաւանք, և գտակք չարեաց, որ ինչ կրէր յըն կերս նոցա: Թերեւս վասն դատաւորաց նոցա ասաց, այնոքիկ՝ որ զկաշառն առնոյին. ոչ եթէ միայն զի զչարեացն հակառակ ոչ լինէին, այլ և թիկունք և գովիւք ևս լինէին գործելեաց չարեաց:

ԳԼՈՒԽ Բ

Եւստի պատասխանի տալոյ ես դու, ով մարդ, թէ ասիցես թէ չգիտեմ. զի որով իւրի դատիս դու և պարտաւորես զընկեր քո, զանձն քո դատապարտես. նոսին իսկ ընկերաւն դատապարտիս դու: Վասն զի իբրեւ զնորա գործման գործես դու, զի՞նչ ևս՝ արդեւք համարեսցին դու՝ յորժամ դատիս զայնոսիկ՝ որ զայնպիսիսն գործեն, քանզի և դու ինքն զնոյն գործ գործես, եթէ դու ապրելոց ինչ իցես: Գիտացեալդ պարծիս. օգնէ, եթէ զամենայն որ միտն գամ գրեալ է յօրէնսն՝ առնես և կատարես. ապա եթէ յանցաւոր օրինացն գտանիցիս, համարեալ լինի թլփատութիւն քո յանթլփատուի: Զի ոչ եթէ որ յայտնի է՝ հրեայ է, և ոչ եթէ որ յայտնի է մարմնով՝ այն թլփատութիւն ճշմարիտ, այլ այն թլփատութիւն որ սրտին է, հոգւով և ոչ գրով. այս ինքն գնացիւք օրինացն բնութե և ոչ թլփատութեւն գրոյն Մովսէսի: Այլ զի գոհուի նորա ոչ առ յայտնի ականէ մարդկութենէ, այլ առ 'ի ծածուկ ականէ անծուութենէ: Զի՞նչ օգուտ իցէ քեզ զի թլփատեալ իցէ մարմինդ քո նշանաւն, և հաւասարեալ են խորհուրդդ քո ընդ այնոսիկ՝ որ ոչ են դրոշմեալ հոգիք նոցա՝ ի դրոշմ հաւատոց: Արդ պարծանք թլփատութեան արգելան, և պարծանք հաւատոց ահա առաքինանան:

ԳԼՈՒԽ Գ

Իսկ արդ զի՞նչ աւելի է հրէին, և զի՞նչ օգուտ է 'ի Թլփատութենէ անտի: Եթէ զԹլփատութիւն սրտի խնդրէ անձ, բազում ամենայն իրօք հաստատեցաւ. այս ինքն հաւատարիմ եղև բանն այլ, և օգտակար 'ի ձեռն Թլփատութեն: Քանզի ասաց, բայ այսպէս եղիջիք՝ Թլփատեալ. և ցայն վայր Աբրահամ և Սառա ամուլք էին: Կանխեաց Թլփատութիւն, քարոզեաց զհաւատսն Աբրահամին 'ի մէջ հեթանոսաց անհաւատից: զի իբրև հարցին զնա, ասեն. զի՞նչ է այդ զոր գործեսդ, ասաց նոցա. ա. սէ. նշան է այս՝ որով դրօշմինն սովաւ հաւատք ծնունդեան իմոյ. զի որդիք որ ծնանելոց են յինէն առ յապա, իբրև զաստեղս երկնից, իբրև զաւազ առ ամին ծովու, նոքա Թլփատին սովաւ: Եւ եթէ նոցուն իսկ 'ի հեթանոսաց՝ որք լուանն և ոչ հաւատացին, են բազումք զի հաւատացին, որք և Թլփատեցանն իսկ: Դարձեալ ցոյց նա զօգուտ Թլփատութեն, Թէ յիշեցուցիչ է նա անմեղութե, որպէս նշան որ զի կապէ վասն մոռանալոյ:

Եւ ինչի, ասէ, անձ ճշմարիտ արդարութեամբ. այս ինքն զի արդար է նա 'ի ստուգութեն. և առանց օրինաց ոչ Թողոյր նոցուն հեթանոսաց: Այն զի ա. սէ՝ ամենայն մարդ սուտ, ըստ Մովսէսի օրինացն. զի ոչ որ երբէք կարէր կատարել զնոսա: Զի եթէ ոչ տուան օրէնքն, զիարդ հաստատի այն՝ զի ասէ. «Արդար եղիցես 'ի բանս քո, և յաղթես յորժամ դատին ընդ քեզ», այս ինքն յորժամ տրտնջեն զքէն: Զկնի օրինացն անցանելոյ դատապարտեցաւ Ադամ. զի ծանիցեն ծնունդք նորա՝ Թէ առանց անցանելոյ զօրինօքն ոչ դատապարտին: Որպէս դատեցաւ նա ընդ Դաւթայ՝ 'ի ձեռն հաւանու և յաղթեաց. քան զի գրեաց, ասէ «Մի՛ չնար և մի՛ սպանաներ»,:

Եւ յայէս ամպարտ է նա 'ի դատաստանի իւրում պատժովքն պատուհասից, զոր ածէ հասուցանէ վրէժինդրութին նորա վասն օրինաց սրտին զոր ետ

արդարութիւնն նորա : Քանզի խուէին ժպրհք և յամառք, և ասէին՝ եթէ ապիրատուի մեր զիրաւունսն այ կացուցանէ, և ստուծին մեր զճմարտութիւնն նորա . և այսու իմովս կաց նորայն, զի՞ ևս ես իբրև զվեղաւոր պարտաւորիմ՝ ընդդէմ այսոցիկ ասաց . զի թէպէտ գրեաց՝ բայ “Յաղթեսցես ՚ի գնտելքում”, ոչ եթէ ՚ի դատապարտութիւն մեր, և վասն յաղթութեան արդարութեան նորա գրեաց զօրէնս ՚ի վերայ սրտից մերոց . զի եթէ այս այսպէս է, արդարեւ ապիրատուին մեր կացուցանէր զարդարութիւնն նորա :

Այլ իբրև զմարդիկ եկայք քննեսցուք . զի եթէ ոչ այսպէս, զիմորդ դատի անձ զաշխարհ : Հարկ է, ասէ, զի տացին օրէնքն, թէպէտ և ՚ի դատապարտութի ընդունելեաց նորա տուեալ լինէին : Այլ նա ոչ եթէ այսպէս ետ զնոսա . և վկայեն տունն Մովսէսեան և այլք, որք արդարացանն նոքօք : Այլ այս իբրև զայն է, զի ասէ . “Որ հայհոյենն զմեզ, և առնն զմէնք՝ եթէ արասցուք զսար, զի եկեսցէ բարի”, Քանզի ոտվոր էր յասել, եթէ “Ուր յաճախեցին մեզքն, անդէն աւաւելան և չնորհքն”, սկսան նոքա երկրորդել զնա յետ ընդդէմ . ասեն . յաճախեսցուք ՚ի մեղանչել, զի բազմացի աւ մեզ գթուի նորա : Եւ պատիժք պատուհասից այնպիսեացն յիւրաւի են . վասն զի այսն արարին նոքա զչնորհն :

Իսկ արդ զի՞նչ ևս օգուտ եմք մեք, զի յառաջաւ նամք : Այս ինքն զի՞նչ, ասէ, օգուտ է մեզ թէ ձեզ թուի՝ եթէ մեք ինչ դատապարտեմք զչրեայս և զհեթանոսս . զի ինչ որ գրեալ է, զնոյն երկրորդեմք մեք . զի չիք արդար, և ոչ այն՝ որ խնդրէ զանձ, և ոչ մի : Բայց խառնեաց նա և եղ զհեթանոսս ընդ չրեայս . որպէս զի արգելեալ փակեցէ զերկոսին կողմանն ընդ մեզօք : Ի համարել իւրում ասէ . “Իբրև զգերեզման բաց են կոկորդք նոցա . լեզուաւ իւրեանց նենգաւորք եղեն”, այլովքն հանդերձ : Առաւանել պատասխանի վասն օրինացն, որ և վասն նոցին իսկ էր ամենայն պատերազմն, զայս գիտեմք, ասէ, զի որ ինչ միանգամ օրէնքն ասեն, որդւոցն օրինաց ասեն : Այսոցիկ՝ որ պարծինն նոքօք, նոցա ասաց՝ բայ ամենայն բերան խցցի : Եւ որով խցցի .

այլ յայնմիկ, զի ասէ . “Աիբ արդար, և ոչ այն՝ որ առնէ զողորմութիւն, , , , Հանդերձ այլովք զոր պատմեցին մարգարէքն, զոր միանգամ գործէին նոքա : Արդ ա՛ռ նա զօրութիւնոցա՝ որ երկրորդեաց միով բանիւ և ասաց՝ բայ ամենայն բերան խցցի . քանզի ՚ի գործոց անտի օրինաց չիք բանալ բերանոյ որդւոց օրինաց : Արդ պարծանք կողմանց երկոցունց ոչ յօրէնս կշտամբիչս են, այլ ՚ի գթութիւն քաւիչ . զի յօրինաց անտի եղև գիտութիւն մեղաց . այս ինքն զի արդարութիւն, որ ՚ի նոսա յանդիմանիչ էր ամենայն չարեացն՝ որ գործեալն լինէին ՚ի մեզ :

Իսկ արդ առանց օրինաց արդարութիւն այլ յայտ նեալ է . այն զի կարեն կեալ երկայնմտութեամբ նորա ամենայն ապաշխարողք՝ կարօտք երկայնմտութեամբ . զի անդ սուր սրեալ գնայր զկնի յանցանաց : Առանց օրինաց, ասէ, արդարութիւնն այլ յայտ նեալ է . վասն զի ոչ ՚ի նոցանէն ուսանիմք մեք ըզհաւատս և զհեղութիւն, այլ յաւետարանէ : Նա և ինքն իսկ օրէնքն վկայեն վասն արդարութեանս մերոյ . կամ այն է զի դրոշմեալ էին նոր կտակարանքս ՚ի հնումանոց, կամ զի վկայեցին օրէնքն վասն-Քրիստոսի թէ գալոց է, կամ զի ինքեանք օրէնքն ուսուցանէին զհեղութիւն և զհաւատս . ըստ այնմ զի ասէ . “Որ քեզ չար թուի, ընկերին մի առներ, , , :

Իւրդ յայնմիկ ոչ եթէ որոշումն ինչ էր՝ եթէ սա մեղաւ, և սա ոչ մեղաւ . քանզի ռմենեքին մեղան, և նուազեալ են ՚ի փառաց անտի զոր կամէր անտալ նոցա ՚ի ձեռն արդարութե . և արդարանան ձրի ՚ի չնորհանորա և ՚ի փրկուի նորա ՚ի ձեռն հաւատոցն : Այն զի ՚ի սկզբանէ իսկ ետ գնա անդ դարուցն առաջնոց, որ մեղանն : Մինչ չև եկեալ էր այս տուչուն չնորհաց, սփռեցին զճառագայթս իւրեանց ՚ի դարս դարս . յամենայն դարս ապրեցուցին զմեղաւորս ՚ի ձեռաց արդարութեանն : Ի ժամանակի իբրև արարին նոքա զորթն ո՛վ ապրեցոյց զնոսա . զի ահա աւաւսիկ օրէնքն ՚ի մահ մատնէին զառնելիս կռօցն : Արդ եթէ օրէնքն նզովեն և սպանանեն զչարագործս, և դուք զայս ամենայն չարիս գործէիք հանապազօր, զիմրդ կամ որպէս ապրեցայք դուք : Արդ զի յայտ

եղև՝ թէ և յայնժամ շնորհօք կէիք դուք և հաւատովք, ընդէր այլանման լինին յաչս ձեր իբրեւ օտարք, այն որ առանց սոցա առաջի կալ օրինացն և ոչ մի վայր ոչ կարէիք: Վասն մեղացն, ասէ, անցելոց 'ի ներեւն նյ վասն հանդիսի այսր արդարութե, որ արդարացուցանէ այսօր մկրտութե՞ զայն՝ որ 'ի հաւատոց անտի է տեսաւ մերոյ Յիսուսի Բրիստոսի:

Երբ ո՛ւր են պարծանքն. արգելան: Այս ինքն առ ո՛ւմ մնացին պարծանքն. մի եթէ առ այնոսիկ՝ որ գործեն զգործս օրինացն: Ոչ այդպէս. այլ առ այնմ՝ որ գտանէին այլ օրէնս հաւատոցն: Համարիմք մեք. այս ինքն գիտացաք մեք՝ եթէ հաւատովք արդարանայ մարդ, և ոչ 'ի գործոց: Մի եթէ չբէ ից միայն իցէ նձ, զի կէս մարդկան սիրելիք են նմա, և կէսք ատելիք: Քաւ, մի եղիցի. զի 'ի մի հաւասար գլխուի անդ՝ բաժինք սիրելեաց և ատելեաց չէ արժան լինել: Եթէ թլփատութիւն, ասէ, ինքն անձին իւրում ոչ օգնեաց, և ձրի շնորհօք եկեաց, սոյնպէս և անթլփատութի կեայ: Քանզի ետես նձ եթէ յօրէնսն 'ի խիստս և 'ի սաստիկս գլխութի քաւիչ գնայր, ոչ հաճոյ թուեցաւ նմա՝ իբրու ինքն խաւնարհէր առ նոսա շնորհօք՝ թէ զրկեսցի և անուանեսցի խիստ ըստ օրինաց: Զխստութի նյ քարոզեն օրէնքն, իբրու նա ընդ ամենեսին շնորհօք կրի: Արդ մերժեաց նա և 'ի բաց արար զխոթոտեալ օրինացն, զի ամենայն մարդոյ ճաշակեսցի ճշգրտութի քաղցրութեան նորա: Արդ զօրէնս ինչ խափանեմք մեք. քաւ եղիցի: Ոչ ասեմք մեք՝ եթէ առանց զօրութե են. և վասն զի յոյժ բազում և սաստիկ է զօրութիւնն սոցա, ոչ կարաց լուծութիս մեր կալ առաջի նոցա:

ԳԼՈՒԽ Դ

ԻՍԿ արդ զինչ՝ ասեմք զԱքրահամէ, որ նահապետն էր հարցն մարմնով: Այս ինքն զի 'ի զաւակէ նորա որպիսի որդիք յամառք ծնան: Զի եթէ

Աբրահամ գործովք արդարացաւ, էին էին պարծանք գործոցն՝ որ արդարացուցանէին զնա, այլ ոչ առ ձեռն՝ որ ողորմեցաւ նմա: Եւ վասն այսորիկ ասեն զիրք. ոչ զի գործեաց Աբրահամ եւ համարեցաւ նմա յարդարութի, այլ զի հաւատաց նա յայն՝ որ արդարացուցանէ զամուարիշտս, եւ համարեցաւ նմա յարդարութի:

Եւրդ եթէ արդարանալ կամիս դու, զինչ եւս կարօտ իցես դու թլփատութե. զի ահա աւանիկ յառաջ քան զթլփատութի հաւատքն արդարացուցին զԱբրահամ. քանզի այն՝ ոյր գործքն են, ոչ ըստ շնորհաց համարեալ լինին նմա վարձքն, այլ ըստ պարտեաց. իսկ Աբրահամն համարելով համարեցան նմա վարձքն իւր յարդարութի, այս ինքն՝ ի շնորհս: Ապա եթէ դուք, ասէ, գործովք ձերովք կամիք պարծել, մեք առ Աբրահամ տկար իբրեւ զմեզ՝ զոր հաւատքն արդարացուցին՝ ընթանամք: Զի եթէ պահեցին ժողովուրդն եւ հեթանոսք զօրէնս իւրեանց, ըստ պարտեաց համարի նոցա զվարձս իւրեանց: Ապա եթէ ամենեքին մեղան եւ նուազեալ նոքա լինել վրէժինդիրք, այսու հետեւ շնորհք արդարանան. այս ինքն յորժամ հաւատան նոքա իբրեւ զԱբրահամ յարդարացուցին մեղաւորաց: Զի ցուցցէ եթէ եւ նոքին իսկ որ զօրէնմի պարհեն, կարօտեալ փափագէին թողութե շնորհացն:

Եւ առ իմ ասէ, ասաց, եթէ «Երանի է առն՝ որում անձ համարեցաւ նմա զարդարութիւնս նորա», այս ինքն զի արդարացուցանէ զնա անձ անցնց գործոց: «Երանի, ասէ, այնոցիկ՝ որոց թողութի եղև մեղանաց նոցա»: Եկ, ասէ, տեսցուք յոր կողմն շրջի այս երանութի. յանթլփատութին՝ այն որ հաւատացն եւ ծածկեցան մեղք նորա ի թողութին մկրտութե, թէ ի թլփատութի՝ որ հանապազօր մերկանան եւ խայտառակեն զնա օրէնքն զոհից պատարագօքն. այս ինքն յայտնելովն մեղաց նոցա, որ լինէր ի ժամ պատարագաց նոցա:

Ինծացաւ դարձեալ կապել զճառս իւր յանթլփատութիւնն Աբրահամն: Արդ զիարդ, ասէ, համարեցան հաւատքն Աբրահամն յարդարութի. մինչ

գեռ 'ի ԹլփատուԹե էր, եթէ յանթլփատուԹեան : Տես, ասէ, որչափ զօրագոյն են հաւատք : Իբրեւ Թրլ փատեցաւն Աբրահամ, ոչ գրեալ է՝ եթէ արդարացաւ նա . այլ իբրեւ հաւատացն : Այլ զի մի եպերեւցէ նա զԹլփատուի, և լինիցի նա այնուհետեւ իբրեւ այն՝ Թէ ընդ վայր ինչ տուեալ է, արար զնա իբրեւ զպսակ՝ որ կնքէ զյաղթուԹիւն . ոչ եթէ նա ինքն է պսակ յաղթուԹին, այլ կնքիչ : Իբրեւ նշանակ մի, ասէ, արար զԹլփատուԹին 'ի դատակնիք արդարուէ, այն՝ որ յանթլփատուԹե անդ . այս ինքն արդարուԹին զոր ստացաւ 'ի ձեռն անթլփատուԹեան՝ լինել նմա հայր ամենայն հաւատացելոցն յանթլփատուԹեանէ, զի համարեցին նոցա՝ որպէս և նմայն՝ հաւատք իւրեանց յարդարուԹի . զի կոչեցցի նա հայր ԹլփատուԹե այնոցիկ՝ որք հաստատեալ են 'ի շաւեղս հաւատոց անթլփատուԹեան Աբրահամու :

Օ ի ոչ Թէ յօրէնսն որ տուան յետ չորեքարիւր ամի՝ տուան աւետիքն Աբրահամու՝ լինել նմա ժառանգ աշխարհի, այլ վասն արդարուԹե հաւատոց նորա . զի եթէ յօրինաց անտի էր ժառանգուԹիւն, հաւատքն ընդունայն լինէին, և աւետիքն դատարկացեալ, յայնմիկ՝ զի ոչ կատարեալ լինէին պահպանուԹիքն օրինաց : Եւ զի կանխեաց և ետ բարեկամին իւրոյ զաւետիսն արտաքոյ օրինացն, վասն մեղացն՝ որ էին արտաքոյ քան զարդարուԹի, ածին արգելին և փակեցին աւետիքն զամենայն 'ի ներքոյ օրհնութե վասն օրինացն՝ որ պատրաստեալ էին արգելու զամենայն ընդ անիծիւք :

Օ ի օրէնք զբարկուԹիւն գործեն : Վասն այսորիկ այն՝ որ հաւատայրն, և որ ոչ հաւատայր, հարկ էր նմա Թլփատել, զի մի մեռցի : Զի հաւատալ մարդոյ կամք են, և ոչ բռնուԹի . վասն այսորիկ ամենայն գործք բռնուԹե կոչեցան յանուն օրինաց, և գործք ազատուԹե անուանեցան յանուն հաւատոց : Քանզի գայթաղեցաւ աշխարհ 'ի հաւատոց անտի Աբրահամու, զի այն կամացն եղև ազատ, և օրէնք բռնուի են զարհուրեցուցիչք, առակեաց նա զժամանակ օրինացն 'ի տղայուԹի, և զսա յերիտասարդուԹի . ոչ զի նոքին իսկ ժամանակն առաջնորդեն

մեզ, այլ քանզի ինքեանք ժամանակքն 'ի գործոց առ տի մերոց ընդունին զանուանս . զոր օրինակ և մարդիկ 'ի պտղոյ գործոց իւրեանց :

Որպէս օգնական եղեն օրէնք 'ի ժամանակի անդապստամբութե, սոյնպէս և ֆնասակար են այժմ . զի եկին հաւատք , այնք՝ որ արդարացուցին զԱբրահամ յառաջ քան զօրէնս : Վասն այսորիկ ոչ, ասէ, 'ի գործոց, այլ 'ի հաւատոց . զի ըստ շնորհաց եղիցին աւետիլքն հաստատուն ամենայն զաւակին . ոչ թէ այնոցիկ միայն՝ որ յօրինաց անտի են , այս ինքն ոչ Հրէից միայն , այլ և հեթանոսաց՝ որ 'ի հաւատոց անտի են Աբրահամու հօր մերոյ : Որպէս և գրեալ է, եթէ հայր ազգաց բազմաց . ամենեցուն որ հաւատան իբրեւ զքեզ յիմ՝ որ կենդանի առնէ զմեռեալս , և կոչէ զգոյն իբրեւ 'ի գոյէ : Զոր օրինակ կոչեաց նա զՍահակ 'ի չգոյէ , սոյնպէս ապրեցուցանէր զնա 'ի սեղանոյ անտի : Ասել թէ թլփատեցարուք , դիւրին է լսողացն առնել զայն . բայց ասել վասն ամուսնութեն ևս անդաւակութե՝ եթէ աճէ և բազմանայ իբրեւ աւագ և աստեղք , դուք խորհեցարուք , որ սքանչելի . յայտնի չարչարեալք միում ժամանակի , թէ համբերութի վտան որոյ առ յապայն էր :

Հաւատաց , ասէ , յիմ՝ որ կենդանի առնէ զմեռեալս , և կոչէ զգոյն իբրեւ զգոյն : Այս ինքն զի 'ի մեռեալ մարմնոյ անտի Աբրահամու և 'ի մեռեալ արդանդէ անտի Սառայի կենդանացոյց և հան ած զայնոսիկ՝ որ ոչն գոյին 'ի նմին ժամանակի անդ : Զի շնորհեցան , 'ի տեղի աւետեաց նոցա գովեաց իմ ըզհաւատս հարցն նոցա . զի հաւատաց 'ի ծնունդս նոցա , որպէս զի ելցէ ծնունդն 'ի նմանէ նմանող լինել հաւատոց ծնչին իւրոյ . և զի ստացի նա զհաւատն զայնս զոր ստացան զնա մինչ չեւ ծնեալ էր նա : Սոքա զօրութի են այնորիկ՝ զի ասէ . “Որ անյոյսն յուսով հաւատաց ,” . և այն՝ զի ասէ . “Ոչ ինչ հայեցաւ նա 'ի մարմինն իւր մեռեալ , և 'ի մեռելութի արգանդին Սառայի ,” , հանդերձ այլովք ընկերովք իւրեանց : Եւ ոչ, ասէ , վասն նորա միայն գրեցաւ՝ եթէ համարեցան հաւատք նորա յարդարուի , այլ

և վասն ձեր . զի և ձեզ որպէս և նմայն համարեսցի յարդարութի : Այն զի հաւատացէք դուք յայն՝ որ յարոյցն զտէր մեր Յիսուս Քրիստոս , որ մասնեցաւ վասն անօրէնութեց մերոց , և յարեաւ վասն զմեզ արդարացուցանել :

ԳԼՈՒԽ Ե

Երբ արդարացաք մեք հաւատովք մերտութեն , և եղև մեզ խաղաղութի առ նձ , և հաշտեցաւ ընդ մեզ 'ի ձեռն տեառն մերոյ Յիսուսի Քրիստոսի . զի նովաւ ընծայիցիմք մեք 'ի շնորհս աւետարանիս այսորիկ , յորում կամք և պարծիմք յուսովն փառաց նորա . այս ինքն առաքինութեամբն նշանաց նորա : Բայց և 'ի նեղութիս մեր որ վասն նորա է՝ պարծիմք մեք . գիտեմք մեք՝ թէ նեղութի՝ այս ինքն զի նեղութի համբերութի կատարի 'ի մեզ . և փորձիմք մեք , զի եմք մեք սպասիչք յուսոյն՝ որ ոչ ամաչեցուցանէ : Քանզի սէրն նոյ սիրեաւ է 'ի սիրտս մեր 'ի ձեռն Հոգւոյն սրբոյ . այս ինքն 'ի ձեռն Հոգւոյն սրբոյ զոր ընդունիմք մեք :

Օ ի եթէ Քրիստոս վասն տկարութես մերոյ 'ի Ժամանակիս յայսմիկ յետնում 'ի վերայ ամաղաքտաց՝ որ ոչ եղև բաւական կատարեալ զօրէնմն՝ մեռաւ , վասն բարոյ որ հագիւ թէ մեռանիցի , զինչ հատուցի նմա , կամ առ յումմէ՝ հատուցի՝ այն որ վասն բարոյն մեռանի : Վասն արդարոց և վասն մարտիրոսաց թերեւ և համարձակեսցի որ և մեռանել վասն յուսոյն զոր ընդունին 'ի Քրիստոսէ անտի իւրեանց հատուցումն 'ի կատարածի : Յայսմիկ առաւել քան յամենայնի ցոյց նա զսէրն իւր՝ որ առ մեզ էր՝ մահուամբն իւրով զոր մեռաւ վասն անօրէնութեց մերոց : Զի եթէ վասն ամաղաքտութե մերոյ մեռաւ , որչափ ևս առաւել արդարացուցէ նա զմեզ արեամբն իւրով , և ապրեցուցէ զմեզ 'ի բարկութենէ անտի՝ որ գալոցն է 'ի վախճան կատարածի : Զի եթէ մինչ թշնամիքն էաք գործովք մերովք՝ հաշտեցաւ ընդ մեզ նձ 'ի ձեռն մարհու Որդւոյ իւրոյ , որչափ

ևս 'ի հաշտել անդ ապրեցուսցէ զմեզ կենօք նորա :
 Այլ եղիցին և պարծանքն մեր յաճ վասն տեառն
 մերոյ Յիսուսի, որ մեռաւ նա վասն մեր, և հաշտե-
 ցոյց զմեզ ընդ առաքելն իւրում: Եւ արար նա դար-
 ձեալ զամենայն մարդիկ մի մարմին, և խօսեցաւ նա
 ընդ մի երեսս Ագամայ մեղաւորի, և սկսաւ ցուցա-
 նել Ագամա առ Ագամ: Զոր օրինակ սերմանեաց նա
 մեզս պղծութե' 'ի մարմինս սուրբս, և թաղեցաւ
 խմոր չար յամենայն զանգուած մեր, սոյնպէս սեր-
 մանեաց տէր մեր զարդարուն 'ի մարմին մեղաւոր,
 և փոխեաց խմոր նորա զզանգուածն մեր: Որպէս
 վասն Ագամայն մօին մեղք, և 'ի մեղաց անտի մահ,
 այսպէս և 'ի վերայ ամենեցուն տարածեցաւ սոյն իսկ
 այս մարհ: Քանզի ամենեքին՝ թէ մեծաւ և եթէ
 փոքու՝ յանցանելով յանցեան: Զի մինչև յօրէնսն
 Մովսէսի, որ բազմացան պատուիրանք, մեղք իբրեւ
 այն թէ չէին համարեալ: Թերևս վասն աղամեան
 օրինացն ասաց. քանզի գրէ զինի նորա՝ թէ յառաջ
 չէին օրէնք:

Այլ թագաւորեաց մարհ Սաղամայ մինչև 'ի Մով-
 սէս, և այլ: Ոչ է այս յայտ՝ եթէ մինչ յոր վայր.
 ոչ եթէ մինչ իջոյց զօրէնսն, և ոչ եթէ մինչ ընկալաւ
 նա զփառան յերեսս իւր, և ոչ եթէ մինչև զի ասա-
 ցաւ նմա՝ եթէ ես եմ աճ Աբրահամու, Սահակայ
 և Յակովբու, և ոչ եթէ մինչ զի կոչեցան Ուսեէ՝
 Յիսու. և ոչ եթէ մինչ 'ի վերջին մարգարէիցն՝ որ
 նա ինքն է Յովհաննէսն: Թագաւորեաց, ասէ, մահ
 և 'ի վերայ այնոցիկ՝ որ ոչն յանցեան ըստ նմանութե'
 յանցուածոցն Ագամայ: Այս ինքն և 'ի վերայ այ-
 նոցիկ՝ որ ոչն յանցեան և կերան 'ի ծառայ անտի գի-
 տուէ. զի նա ինքն է օրինակ լինելոց ժամանակացն.
 զի ուսուցէ թէ զոր օրինակ թագաւորեաց մարհ
 զանցանելով զպատուիրանաւն Ագամայ 'ի վերայ ա-
 մենայնի, թագաւորեաց, ասէ, կենդանուի յարուն
 'ի ձեռն տեառն մերոյ 'ի վերայ ամենայնի:

Այլ ոչ եթէ որպէս յանցանքն եղեն, սոյնպէս և
 պարգևք նորհաց: Այս՝ զի ոչ եթէ ըստ քնասու
 պակասութե'ն Ագամայ, այնպէս և օգուտն՝ որ եղև
 'ի ձեռն տեառն մերոյ: Զի եթէ վասն յանցանաց

միոյն մարդոյ ստեղծելոյ եղև տեղի մահու թաղաւորել, իսկ այնպիսի յորս առաւելան շնորհքն մկրտութե, և արդարութիւն որ յորինացն արտի է, որչափ ևս առաւել աւելն նոքա զկեանսն պատրաստեալ փոխանակ անցաւոր կենացն, և թաղաւորեացն դարձեալ վասն միոյն, զի նա ինքն է ոչ Ադամ, այլ տէր մեր Յիսուս, որ է ինքն արարիչ Ադամայ: Զի դատաստանքն որ եղին վասն միոյն, այս ինքն դատապարտուին՝ որ եղև մեզ ՚ի ձեռն միոյն ՚ի դատապարտուի, այլ շնորհքն և պարգևքն մկրտութեն՝ որ սփռեցան վասն բազում մեղաց, յարդարութիւն ածեն զմեզ և արդարացուցանելով արդարացուցանեն զմեզ ՚ի ձեռն քաւութեն՝ որ ձրի տան մեզ:

Օ ի որպէս յանհնազանդութենէն միոյն մարդոյ և ՚ի պատճառս նորա մեղաւորք բազումք հաստատեցան, սոյնպէս և ՚ի հնազանդութենէ անտի միոյն, որ եղև նոցա օրինակ բարեաց, արդարք բազումք հաստատեցին: Այլ օրէնքն ՚ի ներքս անկան. զի ցուցցէ եթէ կրճիմն ՚ի միջի են նոքա, զի ՚ի մէջ երկուց ընչից մոլին և կացին, զի մեղք բազմասցին. որ ասաց վասն բազում օրինաց զոր յաւելին: Զի ուր առաւել եղին մեղք, անդէն առաւելան և շնորհք. այս զի ՚ի հեթանոսան, ուր յաճախեցին մեղքն, ՚ի նոսին առաւելան շնորհքն արարին: Զի որպէս թաղաւորեցին մեղք ՚ի մահու անդ, այս ինքն զի յանցուցին և սպանին, սոյնպէս և շնորհքն թաղաւորեցեն յարդարութենէ անտի. այն զի կենդանացուցանէ և արդարացուցանէ զմեզ:

ԳԼՈՒԽ Զ

Ի՞նչ արդ զի՞նչ ասեմք, յաճախեացուք ՚ի նոյն մեղս, որպէս այսն առնեն զմեզ թշնամիքն, զի շնորհք առաւելեացին: Քաւ լիցի. ոյք միանգամ մեռաք ՚ի մեղաց անտի ՚ի ձեռն քաւութե մկրտութեն, զի արդ մարթասցուք նմին ՚ի նովին կեալ: Թէ ոչ գիտէք դուք, զի որ միանգամ մկրտեցաք ՚ի Քրիստոս Յիսուս, ՚ի մահ անդր նորա մկրտեցաք. և մեռաք մեք

ի կենաց մերոց աշխարհի իբրև զայն՝ որ մեռաւ ի մերկանալ մարմնոյն իւրոյ կենաց ժամանակեանս : Եւ արդ զի չարչարեցաք մեք ընդ նմա մկրտութիւն , որպէս յարեալ նա ի մեռելոց փառօք Հօր իւրոյ , սոյնպէս և մեք ի նորոգումն կենաց շրջեսցուք յետ կենդանութեն՝ որ ի մկրտութենէ անտի է :

Օ ի եթէ տնկակից եղեաք նորա , ոչ յայտնի մահումք՝ այլ մկրտութիւն , զի նա ինքն է նմանութի մահու նորա , սոյնպէս և յարութիւն նորա կեցցուք՝ յարժամ ծաղկիցիւք իբրև ուռք ի վերայ Զուրցն գրնացից ի ներքուստ ի մկրտութենէ անտի . զի նովաւ եղեսք մեք տնկակից նորա : Զայս գիտասլիք՝ եթէ հին մարդ խաչակից եղև նմա , զի դարձեալ միւսանդամ ըստ առաջին գնացիցն մի գնացցուք : Զի որպէս և մեռան՝ արդարացաւ նա ի մեղաց , սոյնպէս և մեք՝ որ մեռաք ընդ Քրիստոսի մկրտութիւն՝ հաւատամք թէ և կեցցուք ևս ընդ Քրիստոսի աստ և անդ . աստ գնացիւք մերովք , և անդ ի ձեռն բաւաւք հատուցման գնացիցն մերոց :

Օ ի զոր օրինակ Քրիստոսն յարեալ ի մեռելոց և այլ ոչ մեռանի , զի մահն՝ որ պիտոյ էր ի հատուցումն ամպարշտուէ մերոյ՝ մեռաւ նա , և որ եկեացն կենդանի է յաւիտեան , սոյնպէս և դուք՝ որ մեռաւուք ի մեղաց անտի , մի ևս թագաւորեսցին մեղքն ի մահկանացու մարմինս ձեր . այլ պատրաստեցէք զանձինս ձեր նոյն , որպէս ի մեռելոց ի կենդանիս : Զի եթէ անդամք ձեր լինիցին զէն արդարութեանն նոյն , յայտ է եթէ մեղք այնուհետև ի վերայ ձեր ոչ տիրեսցեն : Զի ոչ էք դուք ընդ օրինօք . այս ինքն ի ներքոյ պատժոց օրինացն :

Ոչ այնուհետև արժան է մեզ , որովհետև բարձաւ ի մէնջ երկիւղն օրինաց , և եղեաք մեք ընդ շնորհօք , դարձեալ միւսանդամ մեղանչել և յանցանել : Զոր օրինակ գոյն հնարք արդարանալ , սոյնպէս դիւրին է մեզ մեղանչել . զի որում պատրաստեցէք զանձինս ձեր ի ծառայութի հնազանդուէ , ծառայ էք պին միկ՝ որում հնազանդիքն . եթէ մեղաց , և եթէ ի հնազանդութի արդարութե : Ի՞նչպէտ և ծառայք էիք մեղաց , այժմիկ հնազանդեցարուք պաշտել Գոր

ծովք ձերովք . զի առակ վարդապետութեանն՝ որ տուաւն ձեզ : Եւ արդ զի ազատեցարուք դուք 'ի մեղաց անտի , և մտիք դուք ընդ արդարութեն ծառայութե , ասեմ՝ թէ զգոյշ կացէք վասն տկարուն մարմնոյ ձերոյ , եթէ դուցէ յարիցեն 'ի վերայ ձեր , և յաղթահարեսցեն զձեզ : Արդ որպէս պատրաստեցէք զմարմինս ձեր զէն 'ի ծառայութի պղծուե , այս ինքն պաճուաճանաց , կերեցութե և գիջուե , սոյնպէս արդ պատրաստեցէք զմարմինս ձեր պահոց , աղօթից և գձձութե . զի եղիջիք դուք ծառայք արդարութե և սրբութե : Մինչ դեռ ծառայքն էիք մեղաց , դատարկացեալք էիք 'ի գործոցն արդարութե . զի ոչ անսացէք դուք հնազանդել երկոցունց , զի մեղացն միայն առանձինն հնազանդեցարուք : Իսկ արդ զինչ պտուղ գործոց էր ձեր յայնժամ . այլ այս , վասն որոյ արդ այսօր դուք զամօթի հարեալ էք : Զի աստ վարձեցան ձեզ զամօթ , և վախճան նոցա դարձեալ ժողովի մահն երկրորդ : Այլ արդ զի ազատեալ էք դուք 'ի մեղաց անտի , և եղէք դուք 'ի ձեռն չնորհաց ծառայք արդարութե , պտղաբերք եղիջիք դուք այն որ կատարած նորա կեանք են յաւիտենից : Զի զոր օրինակ թոշակն մեղաց մահ է , սոյնպէս և պարգեքն՝ որ 'ի ձեռն տեսաւն մերոյ տուան մեզ՝ 'ի կեանսն յաւիտենից լինելոց են :

ԳԼՈՒԽ Ե

() Ի զոր օրինակ կին առնակին կապեալ է նա յօրէնս առն իւրոյ , ցորչափ ժամանակս կենդանի է այրւն . ապա եթէ մեռանի այրն , արձակեալ է նա յօրինաց անտի առնն՝ լինել նմա ում կամիցի : Եւ և մեռայք դուք ընդ օրինօքն մարմնովն տեսաւն մերոյ զոր առէք , և պարտ է պատշաճ է լինել ձեզ նմա , այնմ՝ որ էջն 'ի մեռեալս վասն ձեր , և ել մատուցանել ձեզ 'ի ժամ գալստեանն պտուղ սուրբ այ : Մինչ էաքն մեք մարմնով . այս ինքն մինչ դեռ օրինօքն էաք , ցաւք ցանկութե որ յօրէնսն , այս ինքն են նորա՝ մի շնար , մի գողանար , և այլ ևս , զօրա-

ցեալ էին առնել զմեզ պտուղ մահու : Եւ զի արգելար Առաքեալ զանձն իւր 'ի ներքոյ այսոցիկ , զի մի լինիցի նա իբրեւ աւելորդ այսր թողուէ՝ որ 'ի ձեռն տեառն մերոյ , և զի մի տացէ նա տեղի պարծանաց այլ ումեք :

Այլ այժմիկ զի դատարկացաք մեք յօրինաց անտի , այս ինքն զի եղեն մեզ աւելորդ օրէնքն , և մեռաք մեք այնմիկ՝ որում պատրաստեալ էաք 'ի ծառայութի , այս ինքն զի հնազանդեալ էաք 'ի ներքոյ տէրութեն նորա , 'ի նորոգումն հոգւոյն գնացուք , և ոչ 'ի հնութի գրոյն . այս ինքն հոգեւոր գրնացիւք , և ոչ հին պահպանութի գրոց : Զնոր կտակարանս , որ լին է հոգեւոր և երկնաւոր գործովքն , կոչէ կենարար . զի քարոզէ նա կեանս մահապարտաց , այնքիկ՝ որ ըստ հին կտակարանացն 'ի մահ մատնեալ լինէին :

Իսկ արդ , ասէ , զինչ ասեմք . օրէնքն մեղք իցեն . քաւ լիցի . նա և ճանաչէի իսկ ոչ զմեղսն , եթէ ոչ նորա էր ասացեալ . և ոչ զցանկութի գիտէի ես 'ի դրախտի անդ , եթէ ոչ նորա ասացեալ էր՝ եթէ մի ցանկայցես : Ի ձեռն այսր պատուիրանի կենարարի գտին պատճառս մեղքն , և գործեցին յիս զամենայն ցանկութի իւրեանց . զի առանց օրինացն Ադամայ մեղքն մեռեալ էին առ 'ի նմանէն . բայց նա կենդանի էր , և զփառս զգեցեալ էր յառաջ քան զօրէնսն : Այլ իբրեւ եկն եհաս պատուիրանն , մեղքն որ մեռեալ էին՝ կենդանացան , և Ադամ մեռաւ 'ի կենաց փառացն . և պատուիրանն որ 'ի կեանսն եղեալ էր , գտաւ նա նմա 'ի մահ : Արդ այժմիկ այն իսկ օրէնք Ադամայ սուրբ են և բարէրար : Իսկ արդ ինչ բարին մահ ինչ եղև . այս ինքն զի մեռցի՝ նոքօք Ադամ՝ եղան նմա . ոչ : Այլ մեղքն զի երեւեցին չարութիւն իւրեանց՝ բարեաւն ածեալ 'ի վերայ իմ զմահ . այս ինքն զի կենարար պատուիրանաւն սպանին , զի եղիցին յայտնապէս մեղքն մեղաւոր 'ի ձեռն պատուիրանին . այս ինքն զի յաւիտենից եղիցին դատապարտեալ մեղքն , յորմէ հետէ զանցուցին զԱդամ զպատուիրանաւն :

Այն զի խօսեցաւ Առաքեալ վասն մեղաց՝ որ մը

տին յաշխարհ, և ոչ եղեն կարող օրէնքն ընդդէմ կալ զօրութեն նոցա, իբրև ետես եթէ թարթափին լսողքն 'ի բազմապատիկ յօդապատ բանիցն նորա՝ ած ժողովեաց նա զպատմութիւն իբր 'ի բազում թարթափանաց անտի, և ած յայտնեաց զնա համառօտ բանիւք: Ի ձեռն ժողովեալ մարմնոյն՝ որ ժողովին 'ի նա ցանկութիւք, ժողովեաց նա զպատմութիւնն իւր՝ որ վասն ամ չարեացն էր պատմեալ 'ի Մովսէսէ՝ վասն մարմնոյ իմոյ: Քննեսցէ իւրաքանչիւր մարդ 'ի ձէնջ՝ թէ որպիսի չարիք բնակեալ են 'ի մարմնի իւրում:

Երդ եթող նա զաշխարհ, և մատեաւ առ մի մարմին նմանութի աշխարհի. զի առ մի ինչ դիւրին է ամենայն մարդոյ ընթանալ: Զի այն՝ որ յամենայն կողմանս երևի, ընդ ամենայն կողմանս ցրուեսցէ զտեսիլս տեսողաց իւրոց: Եթէ, ասէ, չարիքն 'ի ներքոյ քան զմեզ են, զի՞նչ օգուտ է ինձ՝ զի թլփատիմ և պահեմ զչաբաթ. զի ահա այս արտաքինքս որ գործին 'ի մարմնի, արգելուլ և անխայել զսիրտ 'ի ցանկութենէ անտի՝ որ 'ի ներքուստ որ խռովէ և պղտորէ՝ ոչ կարեն:

Երդ ետես Աւաքեալ եթէ բնութի յանցուցանէ և օրէնք անիծանեն, բնութի այրէ 'ի ներքուստ և օրէնք սուր մերկացեալ ունին արտաքուստ, և դիզան մեղք 'ի մեղաց վերայ, և ափշեցան և կացին յիմարեալ մեղաւորք, և հատին զյոյս իւրեանց, և մատնեցին զանձինս իւրեանց ամենայն չարեաց: Քանզի տեսին եթէ յօրինաց անտի հատեալ է յոյս իւրեանց, զի ամենայն ուր և որսացեալ լինէին՝ 'ի զեւուսն լինէին մատնեալ, 'ի մէջ բնութե և օրինաց ափշեցան նոքա, և թագաւորեցին 'ի վերայ նոցա մեղք: Որպէս ոյք ընկղմին յարբեցուի, զոր ինչ խնդրէ արբեցուի՝ զայն առնեն. և որպէս մարդ որ դարձեալ՝ որ թաղեալ կայցէ մարմին նորա 'ի տղմի, և ցանկայ զելանել, և որպէս զհարդ շրջեսցի նա յայնմ տղմի ըստ կամաց իւրոց, և ոչ ըստ կամաց իւրոց շրջշրջի. ըստ կամաց իւրոց՝ զոր ոչ այլ որ շրջշրջէ զնա, և ոչ ըստ կամա իւր շրջշրջի, վասն զի ոչ 'ի ներքուստ անտի ցանկայ նա՝ թէ այսպէս շրջշրջեսցի:

Եւ հայեաց դու ընդ կինն մեղաւոր, և ընդ Զա-

քէ մաքաւոր . զի ոչ այլ ինչ յաւել 'ի վերայ ազատութեն նոցա , այլ 'ի ձեռն ներելոյն՝ որ եթող նոցա զպարտիւն նոցա , բարձրացաւ գլուխ նոցա , և զօրացան . իբր այն թէ զօրութի ինչ կամ բռնութիւն ետ նոցա . վասն զի այն պարտիւն զոր ունէին նոքա յօրէնս անդ , ոչ պարտաւորեցին զնոսա : Իսկ այն զոր երկրորդեաց Աւաքեալ , բայ չիք արդար բայց 'ի միոյ՝ ըստ երկրորդելոյ սաղմոսին , այսպէս եկն եգիտ տէր մեր զԻպայէլ . և կնօջն մեղաւորի նմանէր նա . զի կամէր կինն ապաշխարել , և ոչ կարէր : Արտասուք կնօջն՝ որ 'ի վերայ ոտիցն տեաւան մերոյ ցանեցան , յաղթահարեցաւ Իսրայէլ թողուն նա մերոյ , այն ինչ՝ որ 'ի նմանէն յաղթահարեալ լինէր կինն : Քանզի 'ի ձեռն մկրտութե թող նա ամենայն մարդկան , որպէս և կնօջն մեղաւորի՝ բանիւ : Սիրեցին զՈրդի վասն թողութե նորա . և զարթեալ ազատութիւն յընկրմելոյ անտի իւրմէ , և յաղթահարեցաւ ցանկութի 'ի վերոյ անտի նորա , և լքումն քաջալերութիւն նորա , և յաղթահարեցաւ յուսահատութիւն յուսողն նորա : Եւ զի ոչ իշխէին օրէնքն թողուլ ումեք զմեզս , զայն և օրէնագէտքն իսկ վկայեն : Ո՛վ , ասեն , կարէ թողուլ զմեզս , բայց միայն անձ : Զի եթէ որք յակամայ կամս իւրեանց սպանանէին 'ի քաղաքն ապաստանի փախչէին , և ապա ապրէին . իսկ որք կամանս իւրեանց սպանանէին , ո՛րչափ ևս լինէին սպանեալք :

() ապաշխարութիւն զոր ետ անձ , ամենայն ժողովրդեանն ետ . զի մի , ասէ , անարգեցից ես զզաւակն Աբրահամու : Իւրաքանչիւր 'ի չարագործաց անտի զկնի յանցանաց իւրոց հատուցումն գործոց իւրոց գնայր : Զի եթէ շանց և գողոց և յանցաւորաց օրինացն հրամայեալ էր՝ թէ մի պահանջեսցին , եթէ այս այսպէս էր , ապա լուծեալ էին օրէնքն : Արդ ապաշխարութիւն որ տուաւ նոցա , ոչ եթէ 'ի մէջ առն ընկերի , այլ 'ի մէջ ազգի և ազգի , և 'ի մէջ գերութե և գերութե : Ազէ խորհեցարուք , ասէ , 'ի միտս ձեր , և ընտրեցէք . ո՞ր թագաւորեսցէ 'ի վերայ ձեր . օրէնքն՝ որ ոուր ունէին 'ի ձեռին , եթէ աւետարան՝ որ լին է ողորմութեամբ և գթութիւն : Զօ

ըուծէ արդարուծէն նոցա դիմակալ ոչ կարէք լինել, և զշնորհացն Որդւոյ դուք ոչ գոհանայք: Ո՞նախանձեցաւ ընդ ձեզ՝ թէ յետս կացէք յերկոցունց:

Արդ ընդ այս ամենայն հայեցաւ Առաքեալ, և սկսաւ ասել. օրէնքն, ասէ, հոգեւոր են: Հպարտացոյց զնոսա յայսմիկ, զի շրջեսցին և նկուն արասցէ զնոսա, յայնմիկ զի ասէ՝ որ տկարն է օրինաց: Հոգեւոր են օրէնք առ մարմնովս մերով՝ որ լի է մեղօք. բայց առ աւետարանն՝ օրէնք լի երկրաւոր աւետեօք և սաստիկ պատժովք՝ մարմնաւոր են: Արդ թէպէտ և օրէնքն հոգեւոր են, սակայն ընդ հոգեւորուծին նաջա մարմնաւորուծի գրգանաց և փափկուծի հաղորդեալ էր. զոր օրինակ ընդ մարմնաւորուծիւնն տեսաւ մերոյ խաչելուծի գործոց յարեալ էր: Վասն այսորիկ զգեցաւ տէրն մեր զմարմին և ներեաց մեզ, զի տացէ ստանալ մեզ վարս առողջս ընդդէմ տկար գրգանաց և փափկուծէ:

Բանգի հարկ էր հնազանդել ժողովրդեանն ՚ի ներքոյ օրինաց, յաճախեաց խոստացաւ նմա զերկրաւորս. զի ՚ի պատճառս բարեաց զոր սիրիցէ, հընազանդեսցէ զանձն իւր օրինաց զոր ոչ սիրէ: Աւետիս ետ նմա, զի ՚ի պատճառս նոցա սիրեսցէ նա զօրէնսն զայնոսիկ՝ որ ՚ի ձեռն գրգանաց փափկուծէ իւրեանց յապաղեցուցանէին զնա ՚ի պահելոյ զօրէնսն: Զի եթէ երկրաւորքս արգելեալ և կարճեալ էին ՚ի նմանէ, ահա խաչելուծին մարմնոյ նորա անխայեալ լինէր նա ՚ի մեղաց անտի՝ որ ՚ի ձեռն աւետեացն օրինացն զօրանայ ՚ի նա: Այն զի ասէ. վաճառեալ եմ ընդ մեղօք. այս ինքն կշտամբեալ եմ ես ՚ի սովորուծին մեղաց:

Օ ի զոր գործեմն, զայն ոչ գիտեմ. զի ոչ ոք գիտէ երբ կեայ, յորժամ ըղիսեն ՚ի նմա սղբա: Եւ զի, ոչ եթէ զոր կամիմն զայն առնեմ՝ այն է, զի ասէ. մարմին ցանկայ՝ որ ոչ կամք են հոգւոյ, այս ինքն խորհուրդք: Արդ ոչ զոր կամին զայն առնեմ, իբրեւ ծառայ մեղաց. և ոչ զոր գործեմն զայն գիտեմ, որպէս և ոչ ծառայ. այլ որպէս ցանկան միտք ծառայի ազատանալ, սոյնպէս ցանկայ ներքին մարդն մեր ազատուծէ: Եւ քանզի յետ միսնգամ ազատուծէ

Ծառայի կարող է վաճառել զազատութի իւր դարձեալ միւսանգամ՝ ի ծառայութի, վասն այսորիկ աւել. ազատեաց զքեզ, մի մտանէք ընդ լծով ծառայութե. ազատեաց զքեզ ի ձեռն մկրտութեն ի մեզաց անտի զոր գործեցեր դու յօրէնսն, մի գառնար ի մեղսն, և մի մտաներ ընդ լծով մեղացն՝ յորմէ ազատեցարն դու ի ձեռն քաւութե մկրտութեն :

() որ ատեմն՝ ասէ. այս ինքն զոր ատեն միտք իմ, նոյն ինքն զօրանան ի մարմինս իմ : Ապա թէ զոր ոչն կամիմ և ատեմ՝ զայն գործեմ, ասեմ վասն օրինացն՝ որ արգելուն զիս ի նոցանէն՝ թէ բարւոք են : Արդ ոչ եթէ ես գործեմ զայս, այլ մեղքն որ հին բազմօրեայ ժամանակաց հնազանդեն զիս : Գիտեմ, զի ոչ բնակեալ է ի մարմնի իմում ինչ բարի : Վասն մարմնոյն իւրոյ զի ասաց. մի՛ զի ցուցցէ թէ շնորհք պիտոյ են չար կնճռանս մերոյ, և ոչ արդարութիւն ստուգութե. և զի արգելեալ փակեցցէ զանձն իւր ընդ ամենեւին, որ զմարմին զգեցեալ են ի ներքոյ թողութե մկրտութե :

Եւ եթէ զոր ոչ կամիմ զայն առնեմ, ոչ եթէ ես գործեմ զայն. զի ոչ եթէ խորհուրդք իմ ներքինք գործեն զնոսա, այլ մեղքն զոր բնակեցուցի ես ի մարմինս իմ : Արդ տեսանեմ ես օրէնս մի, որ կամի կատարել յիս բարի ինչ, այն որ դժուարն է կամաց իմաց. վասն զի ի պատրաստի է նա գործել զչարիս : Հաճեալ եմ ընդ օրէնսն այ. այս ինքն մարդ մեր ներքին : Բայց դարձեալ տեսանեմ ես միւս ևս այլ օրէնս ի մարմինս իմ, զի նա ինքն է չար սովորութի՝ որ հնացաւ ի մարմնս իմ՝ հակառակեալ և ընդդէմ դարձեալ օրինացն, ընդ որում ցնծան միտք իմ. և գերէ զիս յօրէնս մեղացն՝ զոր բնակեցուցի ես ի սուրբ մարմինս իմ :

Եւ որ մի տառապեալ եմ ես. իոկ արդ ո՞վ ապրեցուցանէ զիս ի մարմնոյ աստի, այս ինքն ի մարմնաւոր գործոց անտի մարմնոյ. այլ շնորհքն տեսաւ մերոյ Յիսուսի Քրիստոսի, այն որ եղեն առ կնոջն մեղաւորի, առ ամենեւին՝ որ եկին և որ գալոց իցեն ի մկրտութի անդր : Արդ եթէ ոչ մեկնի և կարճի մարմին յամենայն երկրաւոր իրաց, որ նոքա են արմատք

նորա, ըստ նոցուն իսկ երկրաւոր իրաց տայ նա և զպտուղ իւր: Արդ պարտ է և պատշաճ է մարդոյ հրաժարել 'ի կարծէ անտի և 'ի մեղուէ յօրինացն. զի նոքօք գիրանայ մարդ և անկուշէ՝ ապաստան լինել նմա 'ի շնորհման, այն որ 'ի ձեռն հոգեւոր գնացիցն կեցուցանեն զմեզ: Արդ եթէ ես ինքն մտաց իմոց ծառայեմ օրինացն ան, և մարմնովս իմով՝ այս ինքն ըստ առաջին գնացիցն՝ օրինացն մեղաց:

ԳԼՈՒԽ Ը

Եւր որովհետեւ եկն թովիչս և քաւիչ, ոչ ինչ դատապարտութի է 'ի մեզ, այն որ յօրինաց անտի է: Որո՞ւմ է՞. այլ այնոցիկ՝ որ 'ի Գրիստոսն, դարձեալ միւսանգամ մարմնով ոչ չընցին՝. այս ինքն զի ապաշխարեցին և քաւեցան, և այլ ոչ ևս մեղանչեն, չիք նոցա խեղճ կամ խէթ յետ մկրտութեն յօրինաց անտի, այնոցիկ՝ զի եթէ որսացեալ էր զնոսա, թէպէտ և խոնարհէին և աղաչէին զնոսա, սակայն 'ի մահ մատնէին զնոսա: Զի վրէժխնդիրքն օրինաց տեղի ապաշխարութե ոչ տային նոցա, զոր ինչ քարոզք աւետարանի այնպէս ոչ գործեն: Նա և 'ի նոր կտակարանս գոյ արդարութի, որպէս և 'ի հնում անդ էին շնորհք. զի ճաշակք յերկոցունց յերկոսին կտակարանսն էին: Բայց թէպէտ և սաստկութի արդարութեանն այնոցիկ արգելին և փակեցին զամենայն մարդ ընդ պարտեօք, սակայն առատութի շնորհացս այնոցիկ պատառեցին և 'ի բաց ընկեցին զամենեցուն մոռհակս պարտեաց:

() րէնք հոգւոյ: Այս ինքն հաւատքն 'ի ձեռն մկրտութեն ազատեցին զքեզ թողութի նորա յօրինաց անտի մեղացն և մահու: Այն որ տկարն էր յօրինաց: Կամ զՄովսէս կոչէր տկար, զի կթօտ էր քաւութիւն վասն թերութե որ եղև 'ի վերայ վիմին, կամ զբահանայան և զզոհման պատարագացն՝ զի ոչ կարացին քաւել, մինչև եկն եհաս մի պատարագն,

և սպան զմեղս մարմնոյն իւրով . կամ ինքեանք օրէնքն էին հիւանդ , զի ոչ կարէին ումեք թողուլ զմեղսն : Արդ հիւանդ էին օրէնքն , զի ոչ կարէին ողորմել և գթալ յանցաւորացն . որպէս հիւանդ զի ոչ կարէ գործել ինչ որ զօրագոյն է քան զինքն : Ծառայ էին , զի 'ի ձեռն ծառայի տուեալ էին . և ծառայ զծառայ ազատել ոչ կարէ , զի երկոքին ճշմարիտ ազատութիւն Որդոյն կարօտ էին : Մարմնով , ասէ , առաքեաց ան զՈրդի իւր 'ի նմանութի մարմնոյ մեղաց : Զմարմնս մեղաւորաց մեղս կոչէ . զի զքեցաւ նա մարմին ըստ մարմնոյ նոցա . և ժողովեցան մեղք՝ որ պարտ էին օրինաց , և ան արգել զնոսա 'ի մարմնի անդ իւրում , և մեռաւ և մեռոյց զնոսա : Եւ վասն այնորիկ ասաց՝ բայ դատապարտեաց զմեղս 'ի մարմնի անդ իւրում :

Ս'ի արդարութի օրինացն կատարեսցի առ մեզ , զի ոչ նովին յուսահատութիւն զոր ունէաք մեք յօրէնսն՝ գնամք մեք : Ահա , ասէ , փոխանակ օրինացն եղև այս զոր կարծէք դուք՝ եթէ ընդդէմ նոցա է այս : Զի ոչ եթէ մարմնով գնամք մեք , որպէս և յայնժամն . այլ հոգւով , որպէս և օրէնքն իսկ խնդրէին : Արդարութիս մեր այսր աւուրս հաւասար է նոցա , և ոչ եթէ մեղքն մեր առաջինք : Զի որ մարմնով , ասէ , գնան , զմարմնոյ խորհուրդս խորհին : Վասն զի այնպիկ որ բնդ մեղոն շաղեալ են , նոցունց գործոց նման են և խորհուրդք նոցա . սոյնպէս և կողմն՝ որ զբարիս գործեն . մին վարձ 'ի մահ , և միւսն 'ի կեանս : Զի խորհուրդք մարմնոյ թշնամի են յան , այլ օրէնքն՝ անօրէն և սիրուն են առ ան . և մարմնաւորն թշնամի է երկոցունց . ոչ այս սիրուն է նա , և ոչ օրինացն հնազանդի :

Եւ դուք որ յայնժամ հակառակ օրինացն էիք , այսօր հոգեւորք եղերուք , և հնազանդեցարուք օրինացն . եթպէտ և կարծեն թլփատեալք և պարհոք շարաթուն՝ եթ հակառակ եմք մեք օրինացն , զի այն աւելորդքն օրինացն լուծեալ են 'ի վերուստ : Զի եթէ նոքա սպանանէին և կեցուցանէին , պարտ էր զնոսա յառաջագոյն 'ի վերայ սրտից գրել : Արդ տես դու , զի ոչ եթէ արդարութի լի են նոքա , և չիք 'ի

նոսա այն արդարութի՛ն որ ասէ . որ քեզ չար թուի , ընկերին մի առնել : Այլ դուք ոչ էք մարմնով , այլ հոգւով . այս ինքն ոչ էք դուք ընդ հին օրինօքն , այլ ընդ գործովք նորոյն : Ապա եթէ գործք նորոյն չիք 'ի ձեզ , այնպիսին չէ Բրիստոսի : Ապա եթէ Բրիստոս բնակեալ է 'ի ձեզ վասն գնացից գործոց ձերոց , մարմին մեռեալ է վասն մեղաց . ապա եթէ զՀոգի նորա որ առէք 'ի ձեզ մկրտութիւն՝ 'ի ձեռն պարգեւացն բնակեալ է 'ի ձեզ , և զմարմինս ձեր մահաւանացուս կենդանացուցէ վասն Հոգւոյն իւրոյ՝ որ բնակեալ է 'ի ձեզ :

Եւ յսուհետեւ մի հնազանդիք մարմնոյ . այս ինքն մի հնազանդիք դուք առաջին յուսահատուեն : Զնոսա կոչէ մարմին , քանզի զգործս մարմնաւորս ծնանելին նորա : Զի եթէ մարմնով կեցէք , այս ինքն եթէ առաջին գնացիւքն գնայցէք դուք , դարձեալ միւսանդամ մեռանիք դուք յետ կելոյ ձերոյ : Եթէ հոգւով . այս ինքն եթէ հոգւոր գնացիւք զգործս մարմնոյ մեռուցանիցէք , այսու կենօք զոր ունիք դուք՝ կայք և մնայք դուք : Զի որ միանգամն Հոգւոյն իւր վարին , այս ինքն զի որ հոգւոր իրօք չըջին , որդիք են նոքա իւր : Զի ոչ առէք դուք զՀոգին ծառայութեան . այս ինքն որ հնազանդէ զձեզ 'ի ծառայութին օրինաց . այլ՝ առէք զՀոգին՝ որ 'ի կատարումն ածէ զձեզ , զի յորդեգրութի կոչէ զձեզ : Եւ նովաւ կարդամք աբբայ , հայր մեր : Այն իսկ է զոր հանապազն ասէր , յայ Հօրէ մերմէ . որպէս և ժառանգակից Բրիստոսի : Եւ ինքն Հոգին սուրբ վկայէ հոգւոյս մերում . այս ինքն խորհրդոց մերոց , եթէ եմք՝ գործովք մերովք որդիք և ծառայք ընդ Բրիստոսի : Զի եթէ չարչարիցիմք ընդ նմա խաչելութիւն մարմնոց մերոց , ընդ նմին և փառաւորիցիմք 'ի ժամ յայտնութեանս . զի չեն ինչ համեմատ չարչարանք ժամանակացս այսոցիկ փառացն այնոցիկ , որ ամենայն արարածք փափագեն և կարօտին նոցա : Զի ամենայն արարածք սպասէին և ակն ունէին որդւոցն՝ որ ծնանելոցն էին 'ի կենդանութի յարութեան , զի 'ի պատճառս նոցա

1 Եօր . պակասէր այլ առէի զՀոգին՝ որ : 2 Եօր . Դի :

կենդանացին և նոքա : Ընդունայնու թէ՛ արարածք
հնազանդեցան . այս ինքն մարդիկ՝ որ երկիր պագին
արարածոց , կոչեցան արարածք . որպէս հաւասարեաց
նա անամնոց և նմանեաց նոցա : Ոչ իւրեանց
կամով հնազանդեցան . զի եղև պատճառք , և հնա-
զանդեցոյց զնոսա վասն յուսոյն : Կամտունն աղա-
մեան են՝ որ հնազանդեցան վասն յուսոյ , թէ ան լի-
նիմք . կամ մարդիկ են՝ որ հնազանդեցան երկիր պա-
գանել արարածոց վասն յուսոյն՝ թէ անք իցեն նք :

Եւ նոքին իսկ արարածքն յուսով ազատին 'ի ծա-
ռայութենէ անտի ապականութե՛ ազատութիւն՝ որ
լինելոցն է որդւոցն յաւուրն փառացն նա : Ասեն
բան . ազատելով ազատին արարածք , որպէս զի մեծաս-
ցին նոքա ընդ մեզ յաւուրն փառաց մերոց . փոխա-
նակ զի խոնարհեցան նոքա ընդ մեզ յաւուրն խոնար-
հութե՛ և տառապանաց մերոց : Գիտեմք մեք , ասէ ,
եթէ ամենայն արարածք հեծեն և երկնեն : Այս զի
այսպէս խնդրէ խոնարհութի՛ նոցա . զի ամենայն ա-
րարածք յորմէ հետէ հնազանդեցոյց զնոսա մարդն
վասն յուսոյ՝ թէ ան է արեգակն և լուսին հանդերձ
ամենայնիւ , յայնմ ժամանակէ հետէ հեծէին և հե-
ծեն , և սպասեալ ակն ունին որդւոցն որք 'ի յարուի
կենդանութե՛ ծնանելոց են , այն որ գիտեն ճանաչել
զարարածս իբրև զարարածս , և զարարիչն իբրև զա-
րարիչ :

Եւ և մեք իսկ՝ որ զխառնումն հոգւոյն ունիմք .
զի 'ի վախճան կատարածի ոչ եթէ 'ի խառնումն ինչ
լինի մեզ , այլ ամենայնիւ կատարէ զմեզ անծնութիւն :
Եւ մեք , ասէ , որ զհոգին ունիմք , նովին հոգւով
սպասեալ ակն ունիմք փրկուէ մարմնոց մերոց : Քան
զի այսուիկ յուսովն ննջեմք մեք . այլ յոյս՝ որ տեսա-
նելովն է , այն չէ յոյս : Այն զի ոչ տեսաք մեք զնա ,
որպէս և Ադամ զԾառն իւր . ապա եթէ ոչ՝ զի՞նչ
սպասէաք և ակն ունէաք : Եւ եթէ աներևոյթ փա-
ռացն ակն ունիմք , համբերուէ ակն ունիմք մինչև 'ի
ժամանակին՝ յորում զգենումք մեք զնոսա :

Եւ զի ասէ . « Ինքն Հոգին 'ի թիկունս հասանէ տը-
կարուէս մերում » , այս ինքն 'ի ժամ փորձանաց մե-
րոց : Զի զայն ինչ զոր կամք յաղօթս , որպէս զիարդ

արժան իցէ կալ, զայն ոչ գիտեմք. այս զի ոչ գիտեմք զինչ օգուտ իցէ մեզ : Այլ նոյն ինքն Հոգին բարեխօս լինի վասն մեր 'ի հեծութիս անմուռնայ, զի յայտ արասցէ զհոգաբարձուն իւր՝ որ վասն մեր է : Եւ որ քննէ զսիրտս, գիտէ զինչ խորհուրդք են Հոգւոյն . զի ըստ կամաց անձունն բարեխօսէ 'ի վերայ սրբոց : Այնպէս, ասէ, որ խօսէին լեզուօք, հագուով՝ յաղօթս կային . և նոյն ինքն Հոգի գիտէր զոր ինչ 'ի լեզուան դք գիտէին, և խօսէր նա : Եթէ որ սիրէին զանձ, ամենայն ինչ յաջողի նոցա 'ի բարութի . այս ինքն 'ի փորձութե, և առանց փորձութե . որոց խոստացան 'ի ձեռն Աբրահամու 'ի կոշումնս այսր աւուր :

Այլ զորս յառաջագոյն ծանեալ : Այս՝ զի յորմէ հետէ խոստացան նոցա, և հրաւիրեաց զնոսա կերպարանակից լինել Որդւոյն նորա . զի նա Որդի, և մեք որդիք : Զի եղիցի նա, ասէ, անդրանիկ 'ի մէջ եղբարց բազմաց : Արդ զորս յառաջագոյն հրաւիրեաց, այս ինքն է զհեթանոսս՝ զորս հրաւիրեացն 'ի ձեռն աւետեացն, զնոսին և արդարացոյց հաւատովքն և մկրտութիւն . և զորս արդարացոյցն, զնոսին և փառաւորս արար 'ի ձեռն պարգեաց Հոգւոյն : Արդ եթէ անձ 'ի հեթանոսաց կոյս է, ո՞վ է որ ըզմէն չարախօսէ . և թէ յՈրդի իւր ոչ խնայեաց վասն մեր, զիսրդ ոչ զամենայն ինչ զոր խոստացեալ է մեզ՝ նովաւ հանդերձ տացէ մեզ : Ո՞վ է որ բամբասի վասն հեթանոսաց՝ թէ ընդէր եղեն ընտրեալք այ : Զորս անձ արդարացուցանէ 'ի ձեռն քաւութեն, ո՞վ է որ դատապարտ առնէ զնոսա ըստ օրինաց :

Իսկ արդ ո՞վ է որ մեկնեացէ զմեզ 'ի Քրիստոսէ . նեղութիւն, թէ սով . այլովք հանդերձ : Բայց այսմ ամենայնի մեք յաղթեմք, զի կրեցաք մեք վասն այնորի՝ որ սիրեացն զմեզ : Զի հաճեալ եմ ես և գիտեմ, թէ ոչ մահ և ոչ կեանք և ոչ այլ ինչ արարածք, կամ չարչարանացն կամ Նեոխնն, կարեն մեկնել զմեզ 'ի սիրոյն Քրիստոսի :

ԳԼՈՒԽ Բ

Եւ իբրեւ ասաց նա վն մտին հեթանոսաց, դարձաւ նա և սկսաւ տրտմել վասն ելի ժողովրդեանն : “Տրտմութիւն է, ասէ, ինձ յոյժ . ուխտիւք ինդրէի նզով լինել ես ինքնին ’ի Քրիստոսէ վասն եղբարց իմոց, . զի նոքա ինքն են որդիքն Խրայէլի : Եւ այն որ յառաջն ասէ՝ և ոչ չարչարանք նեռինն որ զալոց է՝ մեկնեն զիս ’ի Քրիստոսէ, այժմիկ ինքն կամօք իւրօք ասաց, բայ ուխտիւք ինդրէի ես մեռանել ’ի Քրիստոսէ, զի եղբարքն իմ կեցցին ’ի Քրիստոս : Եւ զի ցուցցէ եթէ առաջի նոյ ոչ են խոտեալք և անարգեալք, ասաց՝ բայ նոքա կոչեցան յորդէգրութի, որպէս և հեթանոսք . իբրու հաղորդեալ են նոքա և յաւետիմն հարցն . այնոքիկ՝ ուստի Քրիստոսն կարգեցաւ և ծագեաց ’ի նոցանէն . զի նա ինքն է նա՜ ի վերայ ամենեցուն, և ոչ զի եղև նա նա՜ ի վերայ ամենեցուն :

Եւ ոչ եթէ անկաժ ինչ եղև բանն նոյ : Այս զի թէպէտ և յամենեւին ոչ գործեցաւ, սակայն ’ի նոցունց գործեցաւ : Նա և Խրայէլ՝ ոչ ամենեքին իւրայէլեանք իցեն : Եւ ոչ եթէ որովհետև զաւակ են Աբրահամու, ամենեքին որդիք իցեն . և վկայ են որդիքն Կենտուրայ և Խամայէլ . այլ “Ի Սահակայ, ասէ, կոչեսցի քեզ զաւակ, : Զի ցուցցէ և յայտարասցէ՝ թէ ոչ որ որդիք մարմնոյ են, այն որդիք նոյ են . այլ որդիք աւետեաց՝ որ ոչ յորովայնէ նորա են, համարեալ են ’ի զաւակ : Այլ թէպէտ Սահակ աւետեօք եղև, և Ռափկայի աւետեօք չնորհեցան որդիք, այլ մինչ չև ինչ մի բարի կամ չար գործեալ էր, յառաջագոյն կանխեաց երևեցաւ յօժարութի ընտրութեն նոյ, յայնմիկ՝ զի ասացաւ նմա . ասէ . “Երեցն կրտսերոյն ծառայեսցէ, : Այլ այս ընտրութիւն ոչ եթէ ’ի գործոց է, այլ յայնմանէ՝ որ կոչեացն . այս ինքն յայն օրհնէ անտի :

Իսկ իշխեմք ասել, թէ անիրաւութի գոյ յնա՜ . քաւ լիցի . զի Մովսէսի այսպէս ասաց . “Ողորմեցայց՝

որում ողորմեցայց » : Այլ թէպէտ և առ ձեզ յառաջագոյն եղև այս, զի ընտրեաց և անարգեաց առանց գործոց, և սիրեաց դարձեալ զձեզ և ատեաց զհեթանոսս : Իբրու դուք 'ի հեթանոսաց գործովք ձերովք չարեօք ոչ էիք որոշեալ : Արդ ոչ թէ է նոր ինչ է այս՝ որ եղև հեթանոսաց, և մինչ չև դրոշմեալ և նկարեալ էր 'ի գիրս ձեր մոռն հեթանոսաց, յայսմիկ զի ընտրեաց և անարգեաց յարգանդէ առանց մեղաց, և սիրեաց և ատեաց 'ի ձեռն Մովսէսի 'ի կամաց, խոտումն ձեր՝ որ վասն գործոց ձերոց չարեացն էր՝ դրոշմեալ լինէր խոտելով այն խաւայն և հեթանոսաց, այն որ առանց յանցանացն լինէր :

Ըրդ յայսմ հետէ ըստ վկայութեցն այնոցիկ՝ որ 'ի վերագոյն են, արդ ոչ այն բանք ինչ ենն՝ որ կամին, ոչ այն բանք ինչ ենն՝ որ ընթանայն, այլ բանք առ ողորմել ւնայ : Զի ահա աւասիկ մինչ չև յայտնեալ էին կամք և մեկնեալ էին ընթացք, յառաջագոյն յայտնեցաւ ընտրութիւն յօժարութե ւնայ : Ապա թէ բամբասիք դուք թէ ընդէր լինի այս այսպէս, բամբասեցարուք թէ ընդէր ընտրեցաւ Սահակ, և ելին եղբարք նորա, և սիրեցաւ Յակովբ, և ատեցաւ Յիսաւ : և ընդէր ասաց Փարաւոնի՝ եթէ «Ես գրդուեցից զքեզ, զի 'ի քեզ ցուցից զգորութիւն իմ և զփառս իմ, և պատմեցից զանուն իմ՝ ընդ ամենայն երկիր » : Արդ ահա աւասիկ երևեցաւ և յայտ եղև ըստ օրինակացս ըստ այսոցիկ՝ եթէ իշխանութիւն գնայ նա : ում կամի ողորմի, և ում կամի խրատանայ : Այլ մինչ չև ասացեալ էր նոցա զնա՝ թէ ւնայ մեղ դնես դու յայսմիկ, փութացաւ նա և ասաց նոցա . «Իսկ արդ դու, ասէ, թերևս այսպէս սիրցես, թէ մեղ ևս զի՞ դնէ, զի ահա աւասիկ կամք նորա կատարին » : դարձաւ նա ընդդէմ նոցա ոչ 'ի հաճել զնոսա, յայնմիկ զի ասէ . «Ո՞վ կարէ կալ նմա հակառակ » :

Իսկ արդ դու ով էս մարդ, որ պատասխանի վասն այսորիկ կարող ես տալ ւնայ . զոր օրինակ ոչ ունի իշխանութիւն զանգուածն բամբասել զբրուտն, և ոչ դուք իշխեք եպերել զիշխանութիւն տէրութե արար-

չին : Զի եթէ բրուտն ունի իշխանութիւն 'ի վերայ կաւոյն իւրոյ՝ առնել իւր անօթս զոմն յանարգանս , և զոմն 'ի պատիւ , և սոյնպէս անձ ած հասոյց երկայնամտութիւն զբարկութիւն , ոչ 'ի վերայ բարութեան և գեղեցիկ անօթոյ՝ իբրու իշխան երես առնել զայս , այլ ոչ ելնա արտաքս քան զարդարութիւն . թէպէտ և երկայնամտութիւն մեծաւ ածնա զբարկութիւն 'ի վերայ անօթոյն բարկութեան՝ որ պատրաստեալ էին 'ի կորուստ :

Ի՞նչնա զբարկութիւն իւր , սոյնպէս և սփռեաց նա զմեծութիւն փառաց իւրոց 'ի վերայ անօթոյն պատրաստեւոցն յողորմութիւն , զորս յառաջագոյն պատրաստեաց զնոսա 'ի փառս իւր . այս ինքն է յաւուրց անտի Աբրահամն : Եւ սոքին իսկ այս ոչ եթէ 'ի չրէից միայն են , այլ և 'ի հեթանոսաց . զոր օրինակ և Ովսէէ՝ ասաց . “Կոչեցից զոր ոչ ժողովուրդ իմ՝ ժողովուրդ ինձ , Եւ միւս ևս մարգարէ ասէ . “Ի տեղւոյ յայնմիկ յորում ասիցեն զնոսա՝ թէ ոչ ժողովուրդ իմ դուք , անդ կոչեսցին նոքա որդիք այ կենդանոյ , ” :

Ի՞նչնա դարձեալ ածել վկայութի յիսայեայ , զի ցուցցէ և յայտ արասցէ՝ թէ յաւուրց անտի մարգարէից դրոշմեալ էր խոտուածն անարգութեանոց : Ասաց՝ բայ “Եթէ իցէ թիւ սրգւոյն Խրայելի՝ իբրեւ աւազ առ ավին ծովու , սակաւ ինչ 'ի նոցանէ ապրեսցին , ” : Եւ դարձեալ ասէ . “Եթէ ոչ տեսուն կամարարի թողեալ էր մեզ զաւակ , Սողոմայ և Գոմորայ նմանեալ էաք , ” : Արդ զի՞նչ ևս ասեմք . եթէ հեթանոսք որ ոչ զհետ արդարութեան օրինացն Մովսէսի երթային , հասին արդարութեան հաւատոցն Աբրահամն . և որդիքն Խրայելի՝ որ երթային զհետ օրինացն , յայնմիկ զի ոչ ստացան զհաւատս , ոչ կարացին ստանալ զնոսա 'ի գործոց անտի յօրինաց . այլ գթեցին նոքա առ վիմին գայթազութեան . որպէս և ասաց զնոցանէ Խայի՝ որ 'ի նոցունցն էր :

ԳԼՈՒԽ Ժ

Եւ աղօթք իմ առ անձ վասն նոցա, զի ապրեացին և փրկեսցին. քանզի զնախանձ այլ կրեն յանձինս իւրեանց հաստատել զօրէնս նորա : Այլ ոչ ծանեան զնա, զի տգէտ են նոքա յարդարուէ անտի այլ, այն՝ որ 'ի ձեռն հաւատոցն կատարին, և զիւրեանց արդարութիւն՝ որ յօրինաց անտի է՝ խնդրեն կացուցանել. զի կատարած օրինացն զոր ունին՝ Բրիստոս է : Այս ինքն ասաց, բայ գայ. և ահա եկն, և հաստատեցաւ. այլ ոչ այնոցիկ՝ որ երթան զհետ արդարութե, այլ այնոցիկ՝ որ հաւատան յարդարութիւն : Զի Մովսէս այսպէս գրէ, եթէ «Որ արասցէ զարդարուի որ յօրինացն է՝ կեցցէ նովաւ աստէն», : Իսկ որ 'ի հաւատոց անտի արդարութիւն՝ այսպէս ուսուցանէ և ասէ. մի ասեր 'ի սրտի քում, ով ել յերկինս և իջոյց զԲրիստոս. և ով ել յանդունդս դժոխոց և յարոյց զԲրիստոս 'ի մեռելոց : Բայց զայս երկուս որով գայթաղէին նոքա, հաւատոց ետ զնոսա : Զի եթէ, ասէ, խոստովան լիցիս դու սոքօք 'ի սրտի քում. այս է սիրտ՝ որ հաւատայ յարդարութի, և բերան՝ որ խոստովան լինի 'ի կեանս և 'ի փրկութի :

Այլ զի մի ասասցեն՝ եթէ հաւատս նորս եկեալ քարոզէ 'ի մտաց իւրոց, ած նա վկայութի 'ի գրոց և ասէ՝ Եթէ «Ամենայն որ հաւատասցէ 'ի նա, մի ամալնացէ» : Եւ յայսմիկ ոչ ինչ խտրեաց նա, և ոչ ըզհրեայս և ոչ զհեթանոսս : զի մի է տի ամենեցունց, և մի է դուռն կենաց՝ որ 'ի ձեռն հաւատոց բացաւ ամենեցունց. և պատրաստեալ է նա լսել ամենայն մարդոյ՝ որ կարդայ առ նա : Գրեալ այսպէս է. առ Թէ. «Ամենայն որ կարդասցէ զանուն տեառն՝ կեցցէ», : Իսկ զիմրդ կարդասցեն՝ որք 'ի նմայն են. յայսմիկ զի եթէ հաւատովք կեանս նոքա, ոչ հաւատացին. կամ զիմրդ հաւատասցեն՝ որում լսել ոչ կամին. կամ զիմրդ լուիցեն առանց քարոզչի, այս ինքն առանց մեկնչի, որպէս և Փիղիպոս՝ ներքինւոյն. և զիմրդ

1 Եօրինակին շիտոս :

քարոզեցին նոցա առաքեալքն՝ թէ ոչ առաքեսցին առ նոսա . կամ՝ յամելով ոչ յամեցին առաքեալքն առ նոս , զի ճեպեցան ելին նոքա շրջել 'ի մէջ հեթանոսաց : Կամ զի այս , ասեն , որ պարտ էր լինել նոցա՝ եղև , և նոքա ոչ կամեցան ունկնդիր լինել քարոզչին , այն որ գրեալն էր վասն նոցա . « Իբրև՝ զի գեղեցիկ են ոտք » որ աւետարանեն զողջոյն և զխաղաղութիւն » : Այլ զոր օրինակ 'ի ժամանակի անդ քարոզուեմարգարէիցն ոչ ամենեքին լուան , սոյնպէս և այսօր : Սոյն իսկ այս՝ որ ոչ լսեն այժմիկ , ոչ մոռացաւ զմարգարէութիւն . զի Խաչի այսպէս ասաց . « Տէր , ո՞հաւատաց 'ի լուր մեր » :

Ի՞նչ տեսէք՝ զի հաւատք 'ի լսելոյ են , որպէս այսօր , զի լուր 'ի պատգամէ է : Այլ ասեմ . մի եթէ չէր լուեալ հերթեցւոց . այս քանզի ընդ ամենայն երկիր ել բարբառ առաքելոցն : Այլ թերևս թէ և աշխարհ լուաւ , Խաչայել ոչ լուաւ : Այլ ոչ եթէ այժմիկ միայն լուան . քանզի յառաջագոյն ասացեալ էր Մովսէսի . « Կախանձեցուցից զձեզ յոր ոչ ժողովուրդ իմ , և 'ի հեթանոսս անմիտս զկծեցուցից ըզձեզ » : Եւ Խաչի համարձակեցաւ՝ զմահաւ յանձն , և 'ի դէմն Որդւոյ համարձակեցաւ և ասաց . « Յայտնի եղէ ես՝ որ զիսն ոչ խնդրէին » : Այլ առ Խաչայել այսպէս ասէ . « Զօր ցերեկ զօրհանապազ ձգեցի ըզձեռս իմ առ ժողովուրդ խիստ և հակառակող » :

ԳԼՈՒԽ ԺԱ

Յէ՛ս այսորիկ զի ցոյց և պատմեաց 'ի գրոց վասն ունկնդիրն ոչ լինելոյ և մերժելոյ նոցա , դարձաւ նա 'ի զգուշացուցանել զհեթանոսս , զի մի մեղիցեն և մի հպարտացին . իբրու պատրէ նա և զհերթայեցիմն , և ցուցանէ թէ չէ փակեալ դուռն ընդդէմ նոցա՝ թէ կամին դառնալ և ապաշխարել : Մի թէ , ասէ , բնաւ ամենեկին մերժեաց ձեռ զժողովուրդ իւր . ոչ . իսկ ես ուստի՞ եմ որ ընտրեցայս . ոչ ահա յաւարայելէ եմ 'ի կրտսեր աղգէ Բենիամինի . արդ ինչ ցոյց ձեռ՝ թէ ոչ մերժեաց զժողովուրդ իւր . այս ինքն զայն՝

զոր յառաջագոյնն ծանեալ : Զայնս զսահաւան որ հաւատացեալն էին՝ կոչեաց ժողովուրդ , և ած վկայուած թի բանի իւրոյ զեւթն հազար՝ որ մնացեալն էին յաւուրս Եղիայի : Սոյնպէս , ասէ , յարդ ժամանակս սահաւք մնացին 'ի ժողովուրդ անդ , զի ընտրեսցին 'ի շնորհման : Եւ եթէ շնորհք են , ոչ են 'ի գործոց օրինաց :

Իսկ արդ զի՞ այսուհետեւ . այն ինչ զոր խնդրէրն Խորայէլ , այնմ ոչ կարաց հասանել : Բայց սակայն թէպէտ և ոչ հաս ընտրուին ամենեցուն , և ոչ զըրկեցան ոչ ամենեքին 'ի նմանէ . զի ընտրելոց որ էին 'ի նոսա՝ հաս , և այլոց 'ի նոցանէ ոչ հասանելով ոչ հաս , կուրանալով կուրացան առ ժամանակ մի . որպէս յառաջագոյն կանխեաց խօսեցաւ մարգարէն վասն նոցա . ասէ . “Ետ նոցա անձ աչա՝ զի մի տեսցեն , և ականջս՝ զի մի լուիցեն մինչև յայսօր ժամանակի , , : Եւ Դաւիթ այսպէս ասէ . “Խաւարեցին աչք նոցա , զի մի տեսցեն , , : Այլ ոչ եթէ զի գայթաղեցին նաքա , որպէս զի կործանեցին . այլ այս՝ զի 'ի մեղս նոցա եղև , եղեն կեանք հեթանոսաց առ նոցա նախանձու . որպէս և ասաց . “Նախանձեցուցից զձեզ յոր ոչ ժողովուրդ ” :

Եթէ խորատուն որ եկն 'ի վերայ նոցա 'ի մեղս նոցա , և եղև մեծուի հեթանոսաց , զի մօին 'ի ձեռն ելի նոցա , արդ որչափ ևս առաւել եթէ դարձցին նոքա և եղիցին քարոզք փոխանակ խաչահանուացն , և աւետարանիչք փոխանակ յապաղեցուցչաց : Զեզ ասեմ՝ որ կոչեցեալդ էք 'ի հեթանոսաց՝ ես Առաքեալ . այս ինքն զպաշտօն իմ , այս ինքն զինչ որ եղև 'ի ժողովուրդն և 'ի հեթանոսս , փառաւոր առնեմ . զի վասն այսորիկ կամէի ես՝ թէ նախանձեցուցից 'ի նոսա զմարմինս իմ , և ապրեցուցից զմանս 'ի նոցանէ , որք քարոզուածն բանից մերոց և նշանաց մերոց ոչ անսացին :

Վասնզի տէր մեր փոխանակ ամենայնի մեռաւ , երկեալ՝ ասել՝ թէ նախանձիմ ընդ Քրիստոս՝ եթէ մեռայց իբրև զնա , և ապրեցուցից ըստ նմանութե

նորա : Զի մի գառն է՝ որ զենաւ փոխանակ ամենե-
ցուն , և փոխանակ նորուն իսկ Առաքելոյ : Այլ զայս
զոր երկեաննա ասել յայտնապէս , ասաց զնա իմաւ
տութիւն : Այլ քանզի Քրիստոս ՚ի մարմինս նորա բնաւ
կեալ էր , ասաց՝ բայ նախանձեցուցից ՚ի մարմինս իմ :
այս ինքն ՚ի տէր իմ՝ որ բնակեալ է ՚ի մարմինս իմ :
Զոր օրինակ սպանաւ և ապրեցոյց զՀեթանոսս , սպա-
նայց և ես , և ապրեցուցից մահուամբ իմով զազգա-
տոհմ իմ :

Այլ զի մի կարծեսցեն Հեթանոսք , եթէ ժողովրդ
դեանն մոռտ լինի , ինքեանք խոտին և անարգին . զի
եթէ կործանուամն նոցա հաշտուի Հեթանոսաց եղև ,
և հաշտութի նոցա կեանք խոստացեալք՝ որ լինին
յետ յարութե : Զի յորժամ սկիզբն սուրբ է , և զան
գուածն . և յորժամ արմատքն սուրբ են , և ոստքն .
ապա թէ ոստքն արմատոյն փշրեցան և կոճոպեցան ,
և դու զի ձիթենի էիր վայրենի , այս ինքն զի տա-
րագիրք էիր Հեթանոսք , պատուաստեցարուք և ե-
լէք ՚ի տեղ ժողովրդեան , մի պարծիք . զի յեւանել
նոցա եղև մոռտ ձեր : Զի ոչ եթէ դուք բարձեալ
ունիք ՚ի վեր զարմատն . զի նոքա են առաքեալքն ,
որ ՚ի ժողովրդենէ անտի , որ իբրև զարմատս աւանիկ
բարձեալ ունին զձեզ :

Իւերևս ասիցես , եթէ ոստքն առաջինք փշրեցան ,
զի ես ՚ի նոցա տեղի անդր պատուաստեցայց : Բա-
րուր է . ՚ի թերահաւատութիւնք փշրեցան , և
դուք հաւատովք հաստատեցարուք . և մի հպարտաւ
նայք , զի ոչ եթէ ՚ի գործս ձեր եղև այս , այլ շնորհք :
Այն զի և ոչ ՚ի ժողովրդենէ անտի արգելեալ էին :
Արդ երկիր դու ՚ի մեղանչելոյ . զի եթէ ՚ի բուն ոստ
անդր , այս ինքն եթէ յորդիս անդ Աբրահամու ոչ
ինայեաց անձ՝ զի մեղան , զիարդ ՚ի ձեզ ինայէ՝ թէ
մեղանչէք : Զի ահա պատուաստելով պատուաստեալ
էք դուք . այս ինքն անուանելով անուանեալ էք
դուք որդիք Աբրահամու : Արդ որպէս ճաշակեցաւ
քեզ ՚ի կոյման անդ քում քաղցրութիւն այ , ճաշա-
կեցի քեզ և եւանելով ժողովրդեանն սաստկութիւն
այ , զի եթէ կայցես մնայցես դու յայս հաւատս . ապա
եթէ ոչ և դուք կոճոպեսցիք . և նոքա եթէ ոչ ՚ի

սմին ԹերաՀաւատութեն կայցեն , և նոքա պատու-
աստեցին ¹ :

Երբ այսու երկու բանիւք զոր ասաց՝ լոյծ նա զըն-
տրութիւն զոր եմոյծ : Զի Թէպէտ ընտրեաց , և ա-
նարգեաց . ցոյց զի ոչ որ ընտրեալն են՝ ընտիրք են .
քանզի եթէ մեղանչեն՝ խոտին և անարգին նոքա :
Եւ ոչ որ խոտեալն են՝ խոտան են . զի եթէ ապաշխար-
հեն , զողորմաւի գտանեն նոքա : Եւ նոքա , ասէ , Թէ
ոչ ՚ի նմին ԹերաՀաւատութեն կայցեն , պատուա-
ստեցին . զի կարող է անձ ՚ի ձեռն քաւուէ մկրտու-
թեն դարձեալ միւսանգամ պատուաստել զնոսա : Զի
եթէ դու որ ՚ի վայրենի ձիթենոյ անտի էիր , այս
ինքն զի եթէ դուք որ անօրէնք էիք , և ՚ի կուռմն
փակեալ կայիք՝ փշրեցայք ՚ի չար սովորութեց անտի
ձերոց և ՚ի դառն ծնչաց անտի ձերոց , և անուանե-
ցայք դուք որդիք Աբրահամու , որչափ ևս առաւել
նոցա դիւրին իցէ . զի ոչ եթէ յօտար հարս պատու-
աստին նոքա , այլ յԱբրահամ յաղբեւրն իւրեանց
և յարմատ՝ ուստի եղեն՝ պատուաստին :

Եւ ասիմ ես , եղբարք , եթէ գիտակ լինիջիք դուք
սակաւիկ մի խորհրդոցս այսոցիկ : Այս ինքն զի սգաս-
ջիք դուք սակաւիկ մի խորհրդեանս այսմիկ , զի մի և
եթ իցէք իբրեւ զայնոսիկ՝ որ յանձինս իւրեանց և եթ-
են իմաստունք : Զի կուրութի փոքր ՚ի շատէ մուտ
՚ի նոսա : Թերեւս այն իցէ , զի ասէ . “Մի ասեր ՚ի սրտի
քու” Թէ ով ել յերկինս և իջոյց զՔրիստոս , : Եւ այս
միկ իսկ կուրացան նոքա՝ Թէ զիարդ ծնանէր անձ .
այն զի և ՚ի հեթանոսաց անտի ոմանք կուրացան նո-
վաւ , և խոտեցան և ելին յեկեղեցւոյ . որպէս և Ժո-
ղովուրդն . Փոխանակ զի ոչ ընթերանեցան և կարկե-
ցան նոքա ելիւք Ժողովրդեանն , կարող էր անձ հա-
ճել և հաւանեցուցանել զնոսա . այլ ոչ հաճեաց և
հաւանեցոյց , քանզի եկեալ հասեալ էր Ժամանակ
մտին հեթանոսաց : Եւ իբրեւ մտին հեթանոսք , հա-
ւանեցոյց զնոսա ՚ի ձեռն Պաւղոսի , այն որ յափշտա-
կեցաւ և լուաւ բանս անճառս , և բաց նոցա դուռն
՚ի կեանս , այն որ յառաջագոյն ասացեալն էր վասն

1 Երբնակին պատուաստեցին :

նորա՝ եթէ «Եկեցէ՛ի Սիոնէ՛ փրկիչ, և դարձուցէ զամբարշտութիս Յակովբայ. և այս նոցա որ յինէն ուխտ պատուիրանի, ՚ի ժամանակի իբրև քաւիցեմ ես զմեզս նոցա մկրտուք», :

Թաւաթ ըստ աւետարանին թշնամի են, վասն զի ՚ի խաչն հանին. սակայն ըստ ընտրութե սիրելիք են վասն հարցն: Անգեղ ըն շնորհքն և կոչումն նոյն, այն որ եղեն առ հարսնոցա, եթէ դարձցին և ապաշարեցեն որդիքնոցա, Զի ահա աւասիկ և դուք երբեմն ապստամբք էիք յայն, բայց արդ ողորմութի գտիք ձրի վասն թերահաւատութե նոցա: Զի ոչ կամեցան հաւանել, ած արգել և փակեաց զնոսա: Եւ վկայէ այն՝ որ ՚ի վերոյն է, յայնմիկ՝ զի ոչ հաւանեցան, զի ձեզ ողորմեսցի: Զօրութի բանի նորա այս. զի արգել և փակեաց զնոսա ՚ի ներքոյ դատակրնքի վճարանաց. զի դարձեալ միսսանգամ ժողովուրդ յայտնի նշանաւոր նոյն պատարագօք և տասնորդօք, մարգարէիւք և թագաւորօք, որպէս զիւրք էին յառաջ, այլ մի ևս եղիցին: Մեղան նոքա որ թուն, և այս ամենայն կայր ևս առ նոսա: Այլ ոչ ողորմեցաւ նոցա այժմ, որպէս սովորն էր, զի ամենեցուն ողորմեսցի. և նոցա ողորմեսցի՝ եթէ կամիցին դառնալ և ապաշաւել:

Ի՞նչ խորք մեծուն, իմաստութե և գիտութե նոյն վասն այսց՝ զոր արար նա ՚ի մէջ ժողովրդեանն և հեթանոսաց, զի իբրև առանցքննելոյ են դատաստանք նորա՝ որ ՚ի մէջ ժողովրդեանն եղև. և ճանապարհք նորա՝ որ ՚ի մէջ հեթանոսաց՝ առանցքննելոյ են: Զի ո՞ր երբէք գիտաց զմիտն նոյն յառաջագոյն, թէ զայս առնելոց էր նա. կամ ո՞ր երբէք եղև խորհրդակից նորա ՚ի ժամանակի իբրև կամեցաւ նա առնել զայս. կամ զի՞նչ փոխ ետ նմա ժողովուրդն թէ տըրտընջեսցէ՝ թէ ոչ հատոյց անդրէն զփոխարէնն: Զի ամենայն ՚ի նմանէ լինի տուեալ, և ամենայն վասն նորա եղև. զի վասն երկոցունց նմա փառք և օրհնութի յաւիտեանս յաւիտենից. ամէն:

ԳԼՈՒԽ ԺԲ

Եւ այսորիկ զի ասաց նա վասն ելին ժողովորդեանն և վասն մտին հեթանոսաց, դարձաւ նա յանդիմանել և կշտամբել զհռովմայեցիսն՝ վարել զանձինս իւրեանց հեղուծք և հանդարտութք և զգուշութ. և զինորդեացին նոքա՝ ի միտս իւրեանց, և ընտրեացեն զբարիս, և հեռացեն ՚ի չարեաց։ Աղաչեմ, ասէ, զձեզ՝ պատրաստեցէք զմարմինս ձեր պատարագ. ոչ իբրև զանասունսն որ սպանեալն լինէին, և եղեալ լինէին ՚ի վերայ սեղանոյն՝ որ խափանեցաւ, այլ եղիջիք դուք պատարագ կենդանի, սուրբ, և հաճոյ այ՝ ի ձեռն այսր կենդանի պաշտաւման. այս ինքն որ քարոզիդ ՚ի մէջ այսօր. և քննեւ մարթասջիք՝ թէ որ իցեն կամք այ՝ բարին, հաճոյս և կատարեալն։

Դարձեալ միւսանգամ սկսաւ խրատել և յանդիմանել զնոսա, զի մի անգամնեցեն զմիմեանս վասն առաւելութե պարգեացն Հոգւոյն զոր ունէին նոքա։ Զայս, ասէ, ասեմք վասն չնորհացն այ՝ որ տուան ինձ անմի՝ որ են ՚ի ձեզ. այս ինքն է ընդ ամենեսին ընդ ձեզ։ Մի ինչ առաւել խորհեալիք քան զոր արժան է. այս՝ զի մի խնդրեոցեն իւրեանց պարգեւս մեծամեծս աւելի քան զկարն իւրեանց, և ոչ իցէ արժան թէ տացի նոցա, զի մի վնասիցեն նոքօք։ Այլ խորհելն ՚ի հնազանդութի սրբութե, այս ինքն պահել զհեղութի սգաստութ. զի իւրաքանչիւր որպէս անձ բարժանեաց ըստ չափոյն հաւատոց։

Իհա է որպէս բարժանեալ են պաշտամունք անդամոց մարմնոյ, սոյնպէս որոշեալ և բարժանեալ են չնորհք Հոգւոյն. զի ամենեքին մեք մի մարմին եմք ՚ի Գրիստոս, որպէս և անդամք եմք միմեանց։ Արդ եթէ ունիմք մեք չնորհս պարգեաց՝ որ միմեանց չեն նման, սակայն եկեղեցւոյ ամենեքին ՚ի պէտս գործոյ են, Զի է՝ որում մարգարէութի տուեալ է նմա ըստ չափոյ հաւատոց իւրոց։ Եւ այսպէս չնորհք տրուեալ են ՚ի մի միոջէ անտի իւրաքանչիւր ըստ օգտութե

իւրում: Արդ 'ի պատիւ զմիմեամբք եղիջիք ելանել, հանդերձ այլովք բազմօք պատուիրանօք՝ որ մերձ են առ այս պատուիրան:

ԳԼՈՒԽ ԺԳ

ԴԱՐՁԵԱԼ գրէ առ նոսա 'ի խոնարհուէ ունել զանձինս իւրեանց. ոչ առ վարդապետս իւրեանց միայն, այլ և առ իշխանս աշխարհի: Ամենայն անձն, ասէ, որ ընդ իշխանութիւն իցեն, 'ի հնազանդութե կացցեն. քանզի չեն ուստեք իշխանութիւն, եթէ ոչ յայ: Եթէ անօրէն և խիստ իցէ, 'ի խրատ անօրինաց և 'ի քննումն արդարոց տուեալ լինի նա. և եթէ քաղցր և ստոյգ իցէ, ողորմութիւն տուեալ է նա: Եւ որպէս զհարդ իցեն նոքա, յոր իրս և իցեն, սակայն այլ հրամանաւ են: Եւ արդ այսուհետեւ որ հաւառակ կայ իշխանին՝ որ կռիւի է չարաց, կամացն այլ հակառակ կայ. և որ հակառակն կան, յետ այսորիկ անձանց իւրեանց դատաստանս ընդունին:

Եւ ամիս եթէ ոչ երկիցես դու իշխանաց անտի. բաւրիս գործեսցիր, և փոխանակ երկիւղին քո 'ի նոցանէն՝ գովեստն քո բազմասցի 'ի նոցանէն: Զի այլ պաշտօնեայ է նա, զի 'ի նմա կատարին կամք այլ առ կողմն արդարոց և անօրինաց: Ապա եթէ չար գործես, երկիր և մի առներ. զի ոչ եթէ ընդունայն ինչ սուսեր ածեալ է նորա ընդ մէջ: Արդ հարկ է հնազանդ լինել, ոչ վասն զի վրէժինդիր է նա բարկուէ, այլ և վասն խղճի մտացն մերոց. այս ինքն վասն մրտացն մերոց, զի մի դարովեսցեն զմեզ. զի լցաք բարկութիւն, և կացաք հակառակ ընդդէմ նոցա յետ պատուիրանին որ պատուիրեցաւ մեզ՝ եթէ մի կայցէք հակառակ ընդդէմ նոցա: Զի վասն այսորիկ և հարկըս հարկանէք դուք, զի պաշտօնեայք էք դուք այլ, այն որ վասն խոնարհուէ իւրոյ հարկս ետ վասն ձեր, զի ձեզ օրինակ լիցի: Այսուհետեւ հատուցէք իւրաքանչիւր զպարտիս, և մի ումեք մի ինչ պարտապան գտանիցիք. բայց միայն զմիմեանս սիրելոյ: Զի որ սիրէ զընկեր իւր, զամենայն օրէնս կատարէ: Վասն

այնր զի ասէ . մի շնար, մի գողանար, այլովք հանդերձ, յայս բան կատարին՝ զի ասէ . սիրեսցես զընկերքս իբրեւ զանձն քո : Այն իսկ է զի ասէ . սէր եղբարց չար ինչ ոչ գործէ :

ԳԼՈՒԽ ԺԴ

Եւ 88 որ տկարն է 'ի հաւատոց՝ թէ զայս կերայց, և զայս ոչ կերայց, զնա ընկալարուք : Ոմն հաւատայ ուտել զամենայն . և այնպիսին թէպէտ և անձին իւրումինչ ֆնաս ոչ լինի, սակայն ընկերին ֆնաս լինի . զի որ հիւանդն է մտովք իւրովք, նա բանջար ուտէ : Զի այն որ ուտէն, զպահողն որ ոչն ուտէ՝ մի խափանեսցէ . և պահողն որ ոչն ուտէ, զայն որ ուտէ՝ մի դատեսցի . զի անձ զնա ընկալաւ վասն հաւատոց իւրոց : Արդ դու հով ես՝ որ դատիս զայլոյ ծառայ . եթէ չկայ, այս ինքն եթէ հիւանդանայ, կարող է անձ հաստատել զնա : Ոմն պահէ օր ըստ օրէ, ոմն պահէ զօրհանապաղ . զի են որ զնշանաւոր աւուրս պահեն, և են որ զամենայն աւուրս կենաց իւրեանց : Իւրաքանչիւր յիւրում չափու և կայցէ . թէ մեծ իցէ, և եթէ փոքր իցէ, հաստատելով հաստատիցի 'ի նմա : Եւ արասցէ զայն վասն յուսոյ, և մի վասն ընդունայն պարծանաց :

Եւ մենայն ոք որ խորհի զօրն, տեառն խորհեսցի . և որ ուտէն, տերամբ կերիցէ, և զանձ օրհնեսցէ : Եթէ կենդանի եմք, և եթէ մեռեալ եմք, տեառն եմք . զի վասն այսորիկ իսկ և Քրիստոս մեռաւ և յարեաւ եկեաց, զի մեռելոց և կենդանեաց առ հասարակ տիրեսցէ : Դու զի՞ դատիս զեղբայր քո՝ որ ուտէ . կամ դու զի՞ անդոմնես զեղբայր քո՝ որ պարհէ . քանզի իւրաքանչիւր մարդ 'ի մէնջ պատասխանի տալոց է ան փոխանակ գործոց իւրոց : Մի՞ այսուհետեւ զմիմեանս դատապարտէք . այլ զայս գիք 'ի մօտ ձերում, զի ոչ՝ ոք երբէք գայթագդու թի դիցէ եղբօր իւրում : Զայս գիտեմ և հաստատեալ եմ, և ոչ 'ի

մտաց իմոց՝ այլ տերամբ իմով որ յիս է, զի ոչ ինչ է պիղծ նովաւ : Որ հիւանդն է մտովք իւրովք, այս ինքն խորհրդովք իւրօք, ամենայն ինչ պիղծ է նմա : Բայց զայս զոր գրեաց առ հռովմայեցիսն, այն են զոր գրեաց առ կորնթացիսն . զի և 'ի հռովմէ ուտէին հաւատացեալք ընդ անհաւատս 'ի տան կռոցն . այլ ոչ եթէ զմիս զոհեալ և զգինի նուիրեալ, այլ միս սուրբ և գինի պարզ 'ի խորհրդոց կռապաշտութէ : Եւ քանզի ետես Առաքեալ՝ եթէ գայթաղին 'ի նոսա տեսողքն, արար զայնոսիկ որ ուտէինն՝՝ հաւատացեալս, զի մի յամօթ արասցէ զնոսա : Եւ կոչեաց զտեսողսն հիւանդս, և ասաց . «Մի, ասէ, կերակրովդ քով որ քեզ ոչ փնասէ՝ զնա կորուսաներ, վասն որոյ Գրիստոս մեռաւ », : Մի, ասէ, հայհոյեսցէ զքեզ նոյն իսկ բարին զոր գործես դու . զի արքայութին այն որում կարօտեալ փափագեալ ակն ունիմք նմա, ոչ եթէ այնու կերակրովն ստանամք զնա, այլ արդարութեւ և խաղաղութեւ, զոր առնիցես դու 'ի մէջ քո և եղբօրն քում : Զի որ յայսմիկ՝ զոր համարեցայ ես՝ ծառայէ Գրիստոսի, հաճոյ է նա նոյն, և ընտիր է նա մարդկան . այս ինքն զի գայթաղութիւն եղբօր իւրումնա ոչ լինի : Զի թէպէտ և ամենայն ինչ սուրբ է, որպէս և ասացի, այլ չար այնմ մարդոյ է՝ որ խղճիւ և գայթաղութեւ այլոց ուտէ :

Ի աւ է բնաւ ոչ ուտել միս, և ոչ որով եղբայրն քո գայթաղի : Ապա եթէ ասիցես՝ եթէ հաւատովք ուտեմ, եթէ հաւատս ունիս դու, յանձն քո պարծեսջիր նոքօք առ նոյն, և ոչ առաջի այնոցիկ՝ որ գայթաղին 'ի քեզ : Երանի է այնմիկ՝ որ ոչ դատեսցէ զանձն իւր յայնմիկ՝ զար խրատեացն . կամ զի բարւոք խրատեաց, և ոչ դատին զնա խորհուրդք իւր՝ թէ չարաչար խրատեաց . կամ զի ոչ դատեցաւ, և դատաւ պարտեաց զանձն իւր վասն գործոց բարեաց զոր գործեցին ընկերք իւր, և ինքն ոչ գործեաց : Եւ զի արգելցէնա զհիւանդս, զի բնաւ ամենեւին անդր մի երթիցեն՝ ասաց . «Իսկ որ խտրողն է, եթէ ուտէ՝ դատապարտի, զի ոչ հաւատովք սրբէ և ուտէ » :

1 Յօրինակին առիթն :

ԳԼՈՒԽ ԺԵ

Եւ ի զի արդեւցէ և զհաւատացեալսն, ասաց. պարտ է, ասէ, մեզ որ կարողքս եմք՝ զտկարութիւն տրկարաց բառնալ. և ոչ եթէ հիւանդութի 'ի վերայ տանջանաց զոր ունին նոքա՝ յաւելուլնոցա. և մի անձանց և եթ հաճոյ լինել իւրաքանչիւր 'ի մէջ, այլ և ընկերաց իւրոց հաճոյ լիցի 'ի բարիս, և նմանեացէ նա այսուիկ Գրիստոսի՝ որ ոչն անձին իւրում միայն եղև հաճոյ. որպէս և գրեալ է, եթէ «Նախատինք նախատչաց քոց անկան 'ի վերայ իմ», : Ասեմ, եթէ Գրիստոս Յիսուս թէպէտ յանձն առ թլփատութի, այլ ճշմարտութինն այն նա ինքն եղև թլփատութի. այս ինքն նա լից զտեղի թլփատութեն, զի հաստատուն լիցին աւետիք հարցն. զքեցաւ տէր մեր մարմին թլփատեալ 'ի թլփատեալ հարց անտի :

Եւ զի ասաց, բայ «Հաստատուն լիցին աւետիք հարցըն», , այն է՝ զի ասէ. «Եւ ես անարգեցից՝ զգաւակ որ դուոցն խրայէի», . այս ինքն ոչ անարգեցից : Սոյն իսկ այս լցեալ կատարեցաւ միոյն, որպէս զի լցեալ կատարեցաւ դարուն չորրորդի 'ի ձեռն Քաղաքու և Յիստոսի : Եւ վասն զի այս անուն հարցն պարծանք էր թլփատելոցն, իսկ հեթանոսք անթլփատք՝ զի չիք նոցա հարք թլփատեալք՝ փառաւոր արասցեն զանձ վասն ողորմուէ. այս ինքն ինքեանք իսկ հեթանոսք եղիցին 'ի տեղ հարցն թլփատելոց : Նա և վասն այսորիկ իսկ զքեցաւ տէր մեր մարմին թլփատեալ, զի օրհնեցէ նովաւ զհեթանոսս անթլփատս՝ հաւատաւորող հաւատոցն Աբրահամու, այն որ յանթլփատութենէ անտի էին :

Եւ նա վկայութի այնմիկ, եթէ հեթանոսք վասն ողորմութեան փառաւոր արասցեն. և ասաց, բայ գրեալ է՝ եթէ «Խոստովան եղէցքեզ՝ 'ի հեթանոսս», . և դարձեալ ասէ. «Ուրախ լերուք հեթանոսք հանդերձ Ժողովրդեամբ այն», . դարձեալ ասէ. «Օրհնեցէք ամենայն հեթանոսք զտէր», : Եւ զայս զի երկրորդեաց, զի ցուցցէ և յայտ արասցէ՝ եթէ յաւուրց անտի մար.

գարեից նոցա դրոշմեալ էր մոտոն Հեթանոսաց, որ լինելոցն էր 'ի ձեռն արմատոյն Յիսեայ՝ որ յայտնելոցն էր, 'ի նա Հեթանոսք յուսասցին :

Իբրդ ունիմես պարծանս ոչ արտաքոյ քան զՔրիստոս, այլ 'ի Քրիստոս Յիսուս առ անձ . քանզի ոչ եթէ իշխեմ խօսել ինչ քան զոր գործեաց Քրիստոս 'ի ձեռն իմ . զի գործքն որ գործին ինե՝ նոքա վկայք են բանից իմոց : Սղբին իսկ այս որ եղեն յիս 'ի մէջ Հեթանոսաց՝ ոչ եթէ լոկ բանիւք եղեն, այլ արդեամբք և զօրութք և նշանօք և արուեստիւք և զօրութք Հոգւոյն ան : Այն զի նովաւ Հաս ինձ չըջեալ յերուսաղէմէ մինչև 'ի կողմանս լիւրիկացւոց՝ լի առնել զամենայն աշխարհս զաւետարանն Քրիստոսի : Զի ոչ կամիմ ես քարոզել զաւետարանն, ուր միանգամանաւորեալ իցէ անունն Քրիստոսի . այլ այնմ որ գրեալն է . ասէ . «Որոց ոչ ասացաւ վա նորա՝ տեսցեն զնա» : Ինե կամիմ ես կատարել զայս . զի աւետարանեցից ես զնա, ուր ոչ իցէ լուեալ զլուր նորա : Զի մի երբէք 'ի վերայ այլոյ հիման չինիցեմ . այս ինքն, մտից քարոզեցից 'ի տեղի՝ ուր կանխեցին միտին ընկերք իմ : Արդ քան զի չիք տեղի դատարկ յայս գաւառս, քանզի լցի ես զսոսա աւետարանաւն Քրի : Եւ քանզի անձուկ յոյժ ունէի ես տեսանել զձեզ, յորժամ անցանիցեմ ես 'ի կողմանս սպանիացւոց, տեսից ես զձեզ, և լցայց ես ձեօք . այս ինքն շահեցայց : Բայց այժմիկ երթամ ես յերուսաղէմ վասն պաշտաման սրբոյն՝ որ են յերուսաղէմ . զի հաճոյ թուեցաւ մակիրդոնացւոցն և աքայացւոցն հաւասարութի ինչ՝ առնել պաշտաման տրոց . այս ինքն զի հաւասարեցին ընդ աղքատսն ընդ սուրբս՝ որ են յերուսաղէմ : Զի զպարտիս իւրեանց հատուցանեն նոցա, այսուիկ զոր տանս տանել նոցա : Զի հոգեւոր իրացն նոցա կցորդ են, այս ինքն յաւետարանի անդրապարտին և մարմնաւորացն 'ի ձեռն տրոցն հարկատու լինել նոցա : Զայս յորժամ կատարեցից՝ եկից առ ձեզ, և 'ի ձէնջ յուղարկեցայց 'ի Սպանիա : Գիտեմ զ'ի գալ անդ առ ձեզ՝ հրամանաւ տեառն աւետարանի

եկից : Աղաչեմ զձեզ, եղբարք, օգնական լինել ձեզ ինձ յաղօթս առ անձ, զի ապրեցայց ես յապստամբացն՝ որ են 'ի հրէաստանի . զի պատարագքն պաշտաման մերոյ զոր տանիւք մեք յերուսաղէմ, ընդունելի լիցին առաջի տեառն, և խնդութք եկից ես առ ձեզ 'ի կամս անյ :

ԳԼՈՒԽ ԺԶ

ԱՆՉԵՍ զձեզ, եղբարք, դէտ ակն կալլիք 'ի վր' այնոցիկ՝ որ առնեն զհերձուածս, և դնեն զգայթագղուին . զի այնպիսիքն տեառն մերոյ Յիսուսի Քրիստոսի ոչ ծառայեն, այլ պորտոյն իւրեանց . և քաղցր բանիւք և օրհնելովն իւրեանց խաբեն և պատրեն, և գերեն զմիտս անմեղաց : Զի ձեր հնազանդութի յամենայն կողմանս հասցէ . կամ գնացքն ձեր բարիք առ ամենայն մարդ հասցեն, կամ աւետարան զոր առէք ընկալայք՝ առաջի ամենայն մարդոյ քարոզեսցի : Եւ անձ խաղաղութե խորտակեսցէ զսատանայ՝ որ աշխատն առնէ զձեզ այսու ամենայնիւ . և դիցէ զնա 'ի ներքոյ ոտից ձերոյ . փոխանակ զի կամեցաւ նա յողորդել զքարոզութի բերանոյ ձերոյ :

ԿՈՐԸՆԹՆԻՅԻՍ ԸՌԸՁԻՆ

Լ Ի կորընթացիսն, իբրև եկն եհաս առ նո-
սա աւետարանն 'ի ձեռն Պաւղոսի, և ըն-
կալան զՀոգին, տիրեաց 'ի նոսա հպարտութի ամ-
պարտաւանութե 'ի ձեռն շնորհացն պարգևաց Հո-
գոյն : Եւ սկսաւ մի մի 'ի նոցանէն յաճախել մերձե-
ցուցանել առ ինքն զմերձաւոր իւր : Եւ զառաջին զոր
աշակերտէր՝ փութայր վաղվաղակի վարդապետն իւր
և մկրտէր զնա . զի թէ գուցէ այլ ոք յառաջեսցէ,
տացէ նմա կնիք, և կոչեսցէ զնա յանուն իւր : Զի
թէպէտ և զնոր քարոզութիւն քարոզէին ճոքա, սա-
կայն զՀին սովորութի սգեցեալ էին : Թէպէտ և ա-
ղանդք ուխտից որոշեալք, որպէս տանն Պղատովնեայ
և Ալիստատողեայ չէին նոցա, սակայն սովորութիւն
հերձուածոց՝ որպէս նոցայն, նոյնպէս և նոցա 'ի նո-
սին : Իսկ յառաջնորդս նոցա և 'ի վարդապետս ոմն
հերբայեցի էր, և այսուիկ 'ի վերայ ընկերաց իւրոց
հպարտացեալ ամպարտաւանէր . և ոմն իմաստուն
էր, և ոմն մեծատուն էր և տուրս բաշխէր, և ոմն
մարգարէութի ունէր, և ոմն ազգս լեզուաց, և ոմն
թարգմանութի լեզուաց, և ոմն հալածանօք հա-
լածեցաւ և չարարեցաւ վասն աւետարանին : Այլ
իբրև իւրաքանչիւր 'ի սոցանէն յայն ինչ զոր ունէր
առ ինքն՝ նովին և ձեռն յանձին հարեալ հպարտա-
ցեալ և պարծէր, սակայն աշակերտքն նոցա աւելի
քան զնոսա նոքիմք պարծանօք վարդապետացն պար-
ծէին նոքա : Առաքեալ գրել նոցա խոնարհութի՝ յա-
սել իւրում այսպէս :

ԳԼՈՒԽ Ա

ՊԱՒՂՈՍ առաքեալ Յիսուսի Քրիստոսի 'ի կամսնայ, որ եղև վասն դարձին ձերոյ . և Սոսթենէս եղբայր : Կցորդ արար իւր եղբայր 'ի Թղթի . զի ուսուսցէ նոցա, զի եթէ եղբայր վասն խոնարհութե Պաւղոսի վերացաւ, մինչև զի անուն իւր ընդ Առաքելոյ 'ի Թղթի գրեսցի, որչափ ևս առաւել նոքա հաւասարեսցեն և միաբանեսցին ընդ միմեանս . զի գրէ եթէ միազոյգ են նոքա : Եկեղեցոյդ կորընթացւոց՝ որ հիւանդացաւ, և ամենեցուն որ կարգան յամենայն տեղիս զանուն տեառն մերոյ Յիսուսի Քրիստոսի, որ ցարդ ևս չև է հիւանդացեալ նոցա : Գոհանամ զայլ յամենայն ժամ, զի ոչ նուազեալք եղերուք դուք, և ոչ 'ի մի շնորհս որ տուեալն են այլոց եկեղեցեաց : Եւ այս միայն պակաս է ձեզ, ակն ունել յայտնուն տեառն մերոյ, զի անբիծք և անարատք գտանիլիք՝ դուք յայնմ աւուր :

Ղաջեմ զձեզ, եղբարք, զի զմի բան կալիք դուք ամենեքեան, և մի լիցին 'ի ձեզ հերձուածք . այլ եղերուք դուք ամենեքին 'ի մի բան և 'ի մի խորհուրդ . փոխանակ զի էք դուք այժմիկ 'ի միտս բաժանեալս : Ազդ եղև ինձ վասն ձեր, եղբարք, 'ի քղուայացւոց անտի . ոչ իբրև չարախօս էին զձէնջ, այլ իբրև տրու մեալ էին վասն ձեր : Արդ ազդ եղև ինձ՝ եթէ հակառակուիք իմն պաշտին 'ի ձեզ : Այս զոր ասեմ, ոմանք 'ի ձէնջ ասեն՝ մեք պաւղոսեան եմք . ոմանք ասեն՝ ապողոսեան եմք : Խոնարհեցոյց և յայսմ վայրի զանձն իւրքան զԱպաւղոս, զի յամօթ արասցէ զայնոսիկ՝ որ 'ի վերայ միմեանց բարձրացեալ հպարտանային : Զի ոչ եթէ յանուն Պաւղոսի և Ապողղոսի, և ոչ յանուն Պետրոսի և Քթի անուանեալ լինէին . յանուն վարդապետաց իւրեանց կոչեալ լինէին : Եւ զի մի յամօթ արասցէ զնո, և յայտնեսցէ 'ի մէջ աշխարհի զանուանս նոցա, թաքուցանէ զանուանս

նոցա՝ զի մի խայտառակեսցին . գրեաց զիւր անուն և զընկերաց և զտեառնն ամենեցուն , զի բայ թերևս յանդիմանեսցին և կշտամբեսցին , և եկեսցեն 'ի խոնարհութիւն հեղութեան :

II) Ի թէ , ասէ , Պաւղոս 'ի խաչ ելեալ է վասն ձեր , և կամ յանուն Պաւղոսի մկրտեցարուք դուք , զի յա նուն Պաւղոսի աւագիկ հպարտացեալ պարծիք դուք : Գոհանամ զայ , զի զոք 'ի ձէնջ ես ոչ մկրտեցի : Բայց դարձեալ գոհանամ , զի զերկուս 'ի ձէնջ մկրտեցի . զի գիտաօրիք եթէ յանուն Քրիստոսի մկրտեցի : Զի ոչ առաքեաց զիս Քրիստոս մկրտել փութապէս վաղ վաղակի , որպէս դուքդ առնէք , այլ աւետարանել . ոչ եթէ ճարտարութեալ բանից , որպէս և ոմանք 'ի ձէնջ ձեռն յանձին հարեալ պարծին նովաւ : Զի եթէ մկրտանէ իմաստութի , ընդունալն լինի զօրուի խաչին՝ այն՝ որ առաքինեցաւն 'ի մէջ ամենայն հեթանոսաց առանց իմաստութե : Զի թէպէտ և Յունաց մոլորելոց զինի իմաստութեան՝ յիմարուի է բան խաչին , սակայն մեզ փրկելոցս՝ որ կենդանացաքս նովաւ՝ զօրութիւն է այ :

III) Զի մի կարծիցէք եթէ ես անարգեցի զիմաստութի , յայնմիկ՝ զի հասու ոչ եղէ նմա , լուարուք դուք իբր 'ի գրոց . զի որպէս յառաջագոյն անարգեալ էի , խոտեալ էր ըստ մարգարէուէ հոգւոյ . զի գրեալ է այսպէս . ասէ . « Կորուսից ճարտարութի ճարտարաց , և զիմաստութի գիտնոց անարգեցից » : Արդ ո՞ր է իմաստութի որ հպարտանայ , կամ դպիրն որ պարծի , կամ քննիչն որ քննէ ճարտարութե և խորագիտութե զքնինս աշխարհիս այսորիկ : Զի ահա յիմարեցոյց ան . այս ինքն զի անարգեաց և խոտեաց ան զիմաստութի աշխարհիս այսորիկ : Քանզի իմաստութեան այսոր հաճեցաւ ան փոխանակ իմաստութեան՝ յիմարութե , այս ինքն միամտութե քարոզուէս այսորիկ , ապրեցուցանել զհաւատացեալս : Եւ քանզի Հրեայք զնշանս խնդրեն և ոչ զիմաստութի տանն Պղատոնեայ , և հեթանոսք զիմաստութի խնդրեն առաւել՝ քան

զնշանս, այլ մեք քարոզեմք զխաչելեալն Քրիստոս . գայթաղուծի է և չարչարանք նորա և Հրէիցնչա-
նախնդրաց, և յիմարուի է նա և հեթանոսացն ի-
մաստուծիւնախնդրաց : Այնոցիկ՝ որ կոչեալ են 'ի
Հրէից կամ 'ի հեթանոսաց՝ Քրիստոս զօրուի այ և
իմաստուի նորա : Զօրուծի է նա այ, զի խափանեաց
զամենայն կուռս . և իմաստուի է դարձեալ նորա,
զի հաճեաց և հաւանեցոյց խաղաղութիւնս զվայրենու-
ծիւնն հեթանոսաց :

Ղդդ առեք դուք ձեզ առակ օրինակի 'ի կոչ-
մանէ անտի ձերմէ . զի ոչ բազում իմաստունք են 'ի
ձեզ մարմնով : Զի եթէ իմաստուծի ինչ պիտոյ էր,
զսոփեստոսս ընտրէր, և ոչ զորսորդս : Եւ ոչ հզօրք
և ազնուականք բազում ինչ են 'ի ձեզ : Այլ ընտրեաց
նա զանիմաստս, զի յամօթ արասցէ նոքօք զիմաս-
տունն մոլորեալս . և զտկարս ընտրեաց, զի յամօթ
արասցէ նոքօք զհզօրսն՝ որ եղեալ են 'ի կոխան ցան-
կուծեց : Եւ ընտրեաց զանտոհման և զանարգն և որ
բնաւն եղեալ իսկ չէր, զի խափանեցէ զպարծանս
հպարտուէ զայնոցիկ՝ որ եղեալն են . զի մի պարծեա-
ցի ամենայն մարմնաւոր այսուիկ՝ որ անարգեցաւս
առաջի այ : Այլ զի 'ի նմանէ դուք էք 'ի Քրիստոս
Յիսուս . զի նա ինքն եղև մեզ իմաստուի, զի 'ի ձեռն
պարգեաց շնորհացն նորա խօսիմք մեք . և արդա-
րուծի մեր, զի օգնուծք նորա արդարացուցանեմք
մեք . և փրկուի մեր, զի մահուամբ նորա փրկեցաք
մեք . և նրբուի մեր, զի մկրտուք նորա քաւեցաք մեք :
Զի անմիւս նովաւ պարծեսցուք մեք, և ոչ գործովք մե-
րովք . ոպ և գրեալ է . որ պարծի, 'ի տէր պարծեսցի :

ԳԼՈՒԽ Բ

ՄԱ և ես թէպէտ և եկի առ ձեզ, ոչ եթէ ա-
ռաւելուծք բանիւք, իմաստուծք հրետորէից, և ոչ
իմաստուծք պետէից աւետարանեցի ես ձեզ զխոր-
հուրդն այ . և ոչ 'ի մտի իմում եդի ես աւելի ինչ
գիտել, բայց միայն զՅիսուս Քրիստոս, և զսոյն խաչ-
ելեալ : Եւ ես տկարուծք, երկիւղիւ և դողուք բազ-

մաւ, և ոչ պարծանօք և հպարտուի՞ եղէ ես առ ձեզ: Եւ բանն իմ և քարոզուին իմ ոչ եթէ պատիր բանիւք իմաստութե, այլ արդեամբք հոգւոյն զօրուի, այս ինքն արդեամբք 'ի գրոց հոգւոց. և զօրուի նշանաց: Եւ զայս զոր գործեցի, զի մի եղիցին հաւատքն ձեր յիմաստութե մարդկան, այլ 'ի զօրութե անտի նշանաց:

Օ իմաստութի խօսիմք մեք ոչ եթէ ընդ տղայս, այլ ընդ կատարեալս. զիմաստութի ոչ զաշխարհիս այսորիկ, և ոչ զիշխանաց ժամանակացս այսոցիկ՝ որ խափանելոցս են, այլ խօսիմք զիմաստութի նշան 'ի խորհուրդս ծածկեալս. այս ինքն 'ի ձեռն խորհրդոյն՝ որ ակնարկեալ էին 'ի մարգարէան, այն որ ծածկեալն էր ճշգրտութի նորա յամենայնէ, այն զոր ընտրեաց անձ կանխաւ 'ի փառս իւր յառաջ քան զաշխարհ. այս՝ զի ընտրեալ էր սա յառաջ քան զաշխարհ 'ի խորհուրդս նշան 'ի վախճանի ժամանակաց լինել: Զոր մի յիշխանաց, այս ինքն եթէ մի 'ի քահանայից անտի՝ ոչ գիտաց. զի եթէ էր գիտացեալ, արդեւ ոչ 'ի խաչ հանեալ լինէր զտէրն փառաց: Այն իսկ է զոր ասացին առաքեալքն. գիտեմք եթէ մոլորութե խաբէութի գործեցէք դուք զայդ. արդ դարձարուք և ապաշաւեցէք, և ոչ որ համարի ձեզ զայդ 'ի մեղս:

Այլ որպէս գրեալ է. «Զոր ակն ոչ ետես, և ունկն ոչ լուաւ», եւ ուր գրեալ է զայս. այլ յաւետարանի անդամ մերոյ զոր ասաց՝ եթէ «Թագաւորք և արդարք ցանկացան տեսանել զոր դուքդ տեսանէք, և ոչ տեսին. և լսել յինէն զոր դուքդ լսէք, և ոչ լուան», Այլ մեզ յայտնեաց Հոգւով իւրով: Կամ զօրութեք զոր գործէր 'ի ձեռն նոցա, կամ այն է զի ասաց՝ բայ «Հոգի բարեխօս առաքեսցէ առ ձեզ Հայր իմ յանուն իմ. նա ուսուցէ ձեզ զամենայն», «Հոգին, ասէ, զամենայն ինչ քննէ», այս ինքն յայտնէ: Իսկ ով 'ի մարդկանէ՝ որ գիտէ ինչ զմարդոյ, եթէ ոչ հոգին մարդոյ որ 'ի նմա է: Սոյնպէս և զայն. Հոգւով նորա բաւաւ կան եղեաք հասու լինել խորհրդոց նորա:

Այլ մեք ոչ եթէ զայլ հոգի ընկալաք, այլ զՀոգին՝ որ յայն է. զի նովաւ ծանիցուք մեք զայն ինչ որ յայն շնորհեցաւ մեզ: Ոչ եթէ գործք մեր միայն հոգեւորք են, այլ զոր քարոզեմք մեք՝ ոչ եթէ ու-

սուսն իմաստութե է մարդկան, այլ վարդապետութիւն չորդոյ է. զի ՚ի ձեռն հոգեւոր գործոց քարոզի ձեզ, և ընդ հոգեւորսն զհոգիս մեր համեմատեմք. այս ինքն ձեզ՝ որ ՚ի լեզուս չորդոյդ խօսիք, ասեմք մեք: Զի որ չնչաւորքն են, ոչ ընկալան զչորդին, նոքա յիմարութի համարին զայս. այն է զի ասէ. «Մի արկանէք զմարդարիտ խողից», եւ ոչ կարէ գիտել թէ հոգեպէս քննի. այս ինքն զի հոգեւոր մարդոյն դատապարտի: Իսկ մարդն հոգեւոր յորում կատարին ՚ի նմա գործք չորդոյն, այնպիսին իբրեւ զամենայն քրննէ, ինքն յուժեքէ ոչ քննի: Իսկ արդ ո՞վ գիտաց ըզմիտան տեառն. բայց այն՝ որ հաղորդի ընդ նմա. զոր օրինակ, ասէ, արդարքն առաջինք որ հաղորդեցան յերկրպագութիւն՝ զիտացին զկամս նոյն, սոյնպէս մեք հաղորդութեւ մերով չարչարանացն ֆրիստոսի՝ ստացաք զմիտան ֆրիստոսի:

ԳԼՈՒԽ Գ

Եւ դուք թէպէտ և զգործս չորդոյն ունիք ՚ի ձեզ, սակայն ոչ կարացի խօսել ընդ ձեզ իբրեւ ընդ մարդս հոգեւորս: Եւ իբրեւ ընդ տղայս՝ որ սկսան լսել աւետարանի, ՚ի ֆրիստոս կաթն ջամբեցի ձեզ. և ոչ ետու ձեզ հաստատուն կերակուր, քանզի մարմնաւոր էք. նա և արդ իսկ ոչ էք բաւական հաստատուն կերակրոցն, քանզի մարմնաւոր էք: Ուր և արդ ևս ՚ի ձեզ հեռ և նախանձ և հակառակութիւն աճեցուցանել բազմացուցանել զաշակերտս ձեր, և կոչել զնոսա յանուանս իւրաքանչիւր, ոչ ահա մարմնաւոր էք: Մեք իսկ գլխովին վարդապետքս ձեր զինչ եմք. ոչ ահա պաշտօնեայք. այս ինքն միջնորդք՝ որով հաւատացէք: Զի թէպէտ ես տնկեցի և Ապաւղոս ջուր ետ, սակայն ի՞նչ աճեցոյց: Այսուհետեւ ոչ ՚ի վարդապետաց ձերոց, և ոչ ՚ի խրատչաց ձերոց է. այլ յոյ՝ որ աճեցուցիչն է. զի նոյն գործակից եմք, և ընթանամք մեք ձեռք հաճոյ լինել նոյն:

Իստ շնորհացն նոյն որ տուան ինձ, իբրեւ իմաստուն ճարտարապետ հիմն եդի. այս ինքն ճարտարապետ

Հոգւոյ : Հիմն , զի նա ինքն է հաւատք . բայց յայնմանէ զոր քարոզեցի ձեզ , չիք այլ : Եթէ որ շինէ 'ի վերայ սորա գործս բարիս իբրեւ զոսկի , կամ զուսուսմն չար և զգործս աղտեղութե իբրեւ զեղէգն և զխռիւ , հուրն նորա ընտրիչ աւուրն մեծի ընտրէ զայն : Զի որոյ շինուածն իւր կացցէ մնասցէ , զվարձս շինուածոյն իւրոյ յարքայութե ընկալցի : Իսկ որոյ շինուածն իւր այրեացի՝ տուժեացի , այս ինքն զի տանջեացի : Զի թէպէտ և յարութի յարուցանէ և կենդանացուցանէ զնա , սակայն ինքն այնպէս լինի կենդանի և ողորմելի իբրեւ 'ի հուր :

|| չ գիտէք եթէ տաճար նոյ էք դուք , և Հոգի նոյ 'ի ձեռն գործոց բնակէ 'ի ձեզ : Եւ որ ապականէ ըզտաճար նոյ նախանձու և պոռնկութե և այլովքն որ նման է սոցա , ապականէ զնա անձ . զի տաճար նոյ սուրբ է , այս ինքն էք դուք : Արդ մի որ խաբեսցէ զանձն իւր , և կարծեսցէ եթէ ոչ խնդրի վրէժ՝ որ առնէ արատ 'ի մարմնս իւր , այն որ արժանի եղև 'ի ձեռն պարգեաց շնորհացն լինել խորան Հոգւոյն :

Ի՞նչ եթէ որ կարծէ 'ի ձէնջ եթէ իմաստուն եմ՝ յաշխարհիս յայսմիկ , ոչ եթէ պարծելով միայն մի պարծեսցի յայսմիկ , այլ և յիմար ևս լիցի . այս ինքն միամիտ , անմեղ . զի եղիցի նա իմաստուն 'ի տէր : Զի իմաստութի աշխարհիս այսորիկ յիմարութի է . այս ինքն խոտանէ առաջի նոյ : Զի գրեալ է այսպէս . ասէ . “Եւ որ ըմբռնէ զիմաստունս խորագիտութիւն իւրեանց հանդերձ” . այս ինքն պատի զնոսա ըստ խորհրդոց իւրեանց : Եւ տէր գիտէ զխորհուրդս իմաստնոց . զի թէպէտ կարծին թէ հանձարեղք և խորինք իցեն , սակայն ընդունայն են : Արդ մի այսուհետեւ պարծեսցի որ 'ի մարդ . զի այս մի միայն է նորա : Զի ամենայն ինչ ձեր է , ոչ միայն մարդիկ , այլ և որ երեւի և որ ոչ երեւի , զոր պատրաստեալ է ձեզ : Արդ զի նմ ինչ մեր է , եղիցուք Քրիստոսի . ոնչ Քրիստոս նոյ :

ԳԼՈՒԽ Դ

ԵՅՍՊԻՍ համարեցին զմեզ մարդիկ իբրև զպաշտօնեայս Գրիստոսի, իբրև զհազարապետս խորհրդոցն նոյ . և յանուն ուրուք 'ի մէջ և կամ յայլոց դուք մի անուանիք : Այսպէս խնդիր է 'ի մէջ հազարապետաց , թէ որ հաւատարիմ գտցի յամենայնի : Ինչ և այս անարգանք են , եթէ 'ի ձէնջ դատեցայց , և կամ բնաւ ամենեւին յորդույ մարդոյ : Բայց սակայն թէպէտ և գիտեմ թէ իւրեք ես 'ի ձէնջ ոչ եպերիմ , և անձն իմ դարձեալ այլով իրօք զիս ոչ ստգտանէ . նա և ոչ յայսմիկ՝ զի ոչ ստգտանեն ինչ զիս միտք իմ , արդէն ինչ արդարացեալ լինիմ . զի ոչ եթէ միտք իմ են դատաւոր իմ , զի տէր է որ դատի զիս : Եւ մինչ նա արդարացուցանէ զիս , 'ի մէջ խղճի և խեթի եմ . վասն այսորիկ մի այսուհետեւ յառաջ քան զԺամանակ դատիք զիս մինչև եկեցէ տէր , լուսաւոր արասցէ զգաղտնիս՝ որ գործեցան 'ի ծածուկ . և յայտնեցէ զխորհուրդս սրտից , այս ինքն որ գործեցաւ և պաշտեցաւ 'ի խորհուրդս ներքինս . և ապա իւրաքանչիւր գովուի յայտ լիցի 'ի յայ դատաւորի :

() այս վասն ձեր առակեցի յանձն իմ և յԱպաւղոս , զի 'ի մէջ ուսջիք . զի որպէս ոչ մեք , և մի դուք առաւելս ինչ իմանալ քան զոր գրեալն է . այս ինքն է զի մի պարծիցիք իմաստութե ձերով . զի գրեալ է վասն նորա՝ թէ յիմարուի է առաջի նոյ . և մի հարաւ տանայցէք այսուիկ կամ այլովք 'ի վերայ միմեանց : Իսկ արդ ով է որ քննեաց զայդ՝ զոր ունիսդ դու , եթէ ոչ ձրի և շնորհօք առեալ է քո : Ապա եթէ պարգևօք առեր , զի պարծիս իբրև այն՝ թէ քո իցեն : Եւ զի՞նչ է այդ զոր առէք դուք՝ առ այնու զոր առին առաքեալքն . զի ահա աւանիկ 'ի ձեռն մանր պարգեացդ զոր առէք՝ յադեալ իցէք և մեծացարուք , և առանց մեր՝ այս ինքն առաջի մեր թագաւորեցէք : Լաւ եղև զի թագաւորեցէք այսօրիւք . զի և մեք որ ունիմք զդոսա , ընդ ձեզ թագաւորեցուք :

Դարձեալ Առաքեալ խոնարհեցուցանէ զանձն իւր

և զընկերս իւր, զի խոնարհուի իւրեանց հալածեսցէ զպարծանան՝ որ տոչորեցան 'ի կորընթացիսն : Ինձ այսպէս , ասէ , թուի՝ թէ մեզ առաքելոց յետոյ եցոյց ան զձմարտուն իբրեւ մահապարտաց . զի ահա աւասիկ եղեալ մեք տեսիլ աշխարհի , հրիշտակաց և մարդկան . այս ինքն հեթանոսաց և քահանայից և հերբայեցւոց : Մեք յիմարք վասն Քրիստոսի , և դուք իմաստունք 'ի Քրիստոս . այն իսկ է՝ դուք փառաւորեալք , և մեք անարգք : Մինչև յայսօր ժամանակի քաղցեալք և ծարաւեցալք և գործեցալք ձեռօք մերովք : Եւ ոչ եթէ այսու միայն եղեալ նոցա օրինակ , այլ և այլովք գործովք : Հայցոյէին զմեզ օրհնէալք . և ամենեւին իբրեւ առակ նշաւակի եղեալք յաշխարհի . և ամենայնի մեք երկիր պազանեմք :

Եւ զայս զի գրեցի առ ձեզ , ոչ եթէ յամօթ ինչ առնելով գրեցի զայս առ ձեզ , փոխանակ զի յետս ընդդէմ աւադիկ գործին 'ի ձեզ . այլ զի նմանողք եղիջիք մեզ իբրեւ որդիք : Քանզի գիտէք դուք՝ եթէ 'ի ձեռն աւետարանին ես ծնայ զձեզ . և վասն այսու բիկ առաքելի ես առ ձեզ զՏիմոթէոս՝ որ յիշեցուցէ ձեզ զձանապարհս իմ . այս ինքն զի պատմեսցէ ձեզ զգործս իմ որ 'ի Քրիստոս են . զի գիտասջիք՝ թէ որպէս գործեմ ես , սոյնպէս և ուսուցանեմ յամենայն եկեղեցիս : Քանզի ոմանք հպարտացան 'ի ձէնջ՝ 'ի վերայ միմեանց , և թուեցաւ դոցա թէ ոչ գայցեմ ես և խոնարհեցուցանիցեմ զդոսա : Եւ եկից հուպ ընդ հուպ , և 'ի միտ առից ոչ զբան ինչ հպարտացելոցն , այլ զգօրութի նոցա : Զի զարբայուի նոյ ոչ եթէ բանիւք իմաստութի ժառանգեմք զնա , այլ զօրութի համբերութեան : Արդ որպէս կամիք՝ գամ առ ձեզ , գաւազանաւ . այս ինքն խստութի թէ խոնարհուիք :

ԳԼՈՒԽ Ե

() Ի ահա աւադիկ պոռնկութի՝ որպէս և 'ի հեթանոսս ոչ գործեցաւ 'ի միջի ձերում . հպարտացեալք 'ի վերայ միմեանց , աւադիկ անուանի որդի զկին հօր իւրոյ ունի : Եւ դուք հպարտացեալ պար-

ծիք հոգեւոր պարգեւօք զոր ունիք : Եւ ընդէր ոչ լացէք և սգացարուք չարչարանօք և պարհօք , զի բարձցի 'ի միջոյ ձերմէ , կամ գործն և կամ գործիչ գործոյն : Արդ ժողովեցարուք դուք , և ես ընդ ձեզ հոգւով՝ զօրութիւն հանդերձ տեառն մերոյ որ 'ի ձեզդ է , մատնել զայնպիսին 'ի ձեռս սատանայի 'ի սատակումն մարմնոյ , զի ոգին ապրեսցի յաւուրն Խն մերոյ Յիսուսի Քրիստոսի : Այս ինքն զի մեկնեսցի նա 'ի նոցանէն , և մատնեսցի 'ի ձեռս գործոց իւրոց , զի անխայեալ լիցին այլք 'ի փաստէ անտի նորա : Զի եթէ դարձցի և ապաշխարեսցէ , ընկալցին զնա . ապա թէ ոչ , ահա մեկնելով նորա՝ յանդիմանեալ կըշտամբին այլքն , զի մի նմա նմանեսցին :

Այս բարւոք են պարծանքդ ձեր , զի յայդ իրա ած հասոյց զձեզ : Սրբեցէք 'ի ձէնջ զխմորն չարի , զի եղիջիք դուք նոր զանգուած 'ի Քրիստոս , որպէս անխը մորդ իսկ էք : Քանզի զատիկ մեր ոչ եթէ գառնն է՝ որ սպանաւ , այլ Քրիստոս է՝ որ զենաւ : Վասն այսորիկ արասցուք տօնս նորս , մի 'ի խմորս հինս , այս ինքն մի 'ի գործս օրինացն , և մի 'ի գործս չարուէց . այլ յանխմորս արդարուէց , այս ինքն 'ի գործս արդարութեց և ճշմարտուէց : Գրեցի ես ձեզ 'ի թղթի աստ զի մի խառնակ լինիջիք դուք ընդ պոռնիկս . և ոչ ընդ պոռնիկս աշխարհիս այսօրիկ , կամ ընդ ագահս՝ գրեցի ես առ ձեզ . ապա եթէ ոչ՝ այդ ինքն էր յաշխարհէ ելանել : Այլ եթէ դեղատար անուանեալ իցէ , և պոռնիկ իցէ , և կամ ագահ իցէ , այլովք հանդերձ , ընդ այնպիսին մի խառնակեալիք : Զի կայ մեր և դատել զաշխարհամարդս . զնեղբինսն դատեցարուք , և զարտաքինսն անձ յաւուր իւրում դատի , և բարձցէ զչարն 'ի միջոյ ձերմէ 'ի ձեռն առնելէաց չարին , որ որոշի 'ի միջոյ ձերմէ :

ԳԼՈՒԽ Զ

Իւրե՛ դք 'ի ձէնջ՝ եթէ իրք ինչ դատաստանի իցեն ընդ ընկերի իւրում , թողլով զսուրբս , և դատել առաջի որդւոց աշխարհի ագահաց : Եթէ ոչ գիտէք

զի սուրբք զաշխարհ դատին . այս ինքն զի դատին նորքօք աշխարհս : Եւ եթէ ամենայն աշխարհք ձեօք դատին , ոչ արդեւք արժանի իցէք դուք դատել ըզմանրամանր դատաստանսդ : Կամ ըջգիտէք դուք թէ զհրիշտակս դատիմք մեք , զի ընկերաց իւրոց առաքելոց ասաց՝ որ դատին զքահանայս՝ որ անուանեցան հրիշտակք : Եթէ մեծ դատաստանք օրհանդերձեալ պարտին՝ տուան մեզ , ո՞րչափ ևս առաւել երկրաւոր դատաստանք աշխարհիս այսորիկ : Արդ զերկրաւոր դատաստանս եթէ յանձին կրիցէք , զանարգս 'ի ժողովրդենէ դատաւորս նստուալիք :

Ի՞նչ ամօթոյ ձերոյ ասացի զայս . կոչեցի զձեզ 'ի դատաստանս անարգաց : Ընդէ՞ր որ իմաստուն է 'ի ձեզ՝ ոչ ընտրէ իրաւունս 'ի մէջ եղբօր ընկերի իւրոյ , և անխայեալ լինէին նոքա յերթալոյ 'ի դատաստանս առաջի անհաւատից : Ապա ամենեւին իբրեւ անարգութիւն յուռութե իմն է 'ի ձեզ : Զի՞ բնաւ դատաստանք իսկ գոյն 'ի միջի ձերում . զի եթէ զրկեալ և զլացեալ լինէիք դուք՝ որպէս և հրամայեցաւ իսկ ձեզ , և եթէ յորժամ յանցանեն ձեզ՝ թողուք , որպէս և քարոզեցաւ ձեզ , և ոչ 'ի դատաստանս ընդ միմեանս մտանէիք դուք : Եթէ ոչ գիտէք դուք՝ եթէ ագահք և պոռնիկք և որ առնեն զընկերս սոցուն՝ զարքայութիւնն այլ ոչ ժառանգեն : Եւ դուք այսպէս երբեմն ոմանք էիք . այլ լուացարուք սրբեցարուք և արդարացարուք . արդ մի դարձեալ միւսանգամ նորոգեսցին նոքա ձեզ :

Ի՞մենայն ինչ մարթ է ինձ ուտել . այլ ոք 'ի պատշառս կերակրոյ 'ի վերայ իմ մի տիրեսցէ : Կերակուր զի պորտոյ հաստեալ է , և պորտ ուտել խնդրէ . այլ անձ զկերակուր և զցանկութի պորտոյ խափանեսցէ : Մարմին դարձեալ որ ընտրեցաւ , ոչ 'ի պոռնկութի՝ այլ 'ի տէր , զի բնակեսցէ 'ի նմա . և տէր 'ի մարմին , զի սրբեսցէ զնա և բնակեսցէ 'ի նմա : Այլ անձ որ ըլտէրն յարոյց 'ի մեռելոց , և զմեզ ընդ նմա յարուցէ զօրութի իւրով . այս ինքն Գրիստոսիւ իւրով : Ոչ գիտէք եթէ մարմինք ձեր անդամք Գրիստոսի են , զոր գնեաց և բնակեաց 'ի նոսա . առեալ զանդամն յորում Գրիստոս բնակեաց 'ի նոսա , արտմութի առնի

ցեմք մարմին պոռնկուէ : Ո՞չ գիտէք դուք՝ զի մի մարմին են ասացեալ յօրէնս , թէ “Եղիցին նոքա մի մարմին” , Բանգի ‘ի մերձենալն մերում’ի տէր մեր՝ լինիմք մի հոգի : Փախիցուք ‘ի պոռնկուէ : Զամենայն մեղս զոր գործէ մարդ , թէպէտ և ‘ի ներքոյ մարհուն երկրորդի հնազանդեն զնա , այլ արտաքոյ մարմնոյն իւրոյ : Զի որ սպանանէն և գողանայ , ոչ եթէ սպանանէն և գողանալն խառնին նոքա . իսկ այն որ պոռնուկին , ոչ եթէ միայն միտքն նորա խառնին ‘ի կինն՝ որ պատահեաց նմա , այլ և մարմինն նորա . վասն այսօրիկ ասացեալ է . “Եղիցին երկուքին մի մարմին” , Ըրդայն որ պոռնուկին , յիւր մարմինն մեղանչէ . զի զայն որ յառաջն սակաւիկ մի էր նա անդամ Բրիտոսի , ‘ի ձեռն պոռնկուէ խոնարհի և առնէ զնա անդամ պոռնուկուէ : Զայս ոչ գիտէք դուք եթէ մարմինք ձեր տաճար են Հոգւոյն սրբոյ՝ որ բնակեալ է ‘ի ձեզ :

Եւ յիկ ասաց՝ եթէ “Ո՞չ գիտէք դուք՝ թէ մարմինք ձեր անդամք Բրիտոսի են” , և յաւել ևս ասաց՝ եթէ “Ո՞չ գիտէք դուք , եթէ մարմինք ձեր տաճար են Հոգւոյն սրբոյ՝ որ բնակեալ է ‘ի ձեզ” , զի ցուցցէ եթէ բանակետոլ և բնակութի Երրորդութեանն եղեալ են մարդիկ : Եւ այս այն է զոր ասայն տէր մեր . ասէ . “Որ պահեսցէ զպատուիրանս իմ , նա է որ սիրէն զիս , և Հայր իմ սիրեսցէ զնա . և առ նա եկեսցուք , և օթեվանս առ նմա կալցուք” : Եթէ պարհեսցէք , ասէ , զմարմինս ձեր յամենայն պղծութի , փառաւոր արարէք զանձ՝ որ բնակեալ է ‘ի մարմինս ձեր :

ԳԼՈՒԽ Ե

ՅԵՏ այսորիկ ասաց նա վասն կուսուէ՝ որ բարձրն է քան զամենայն , զի ոչ իշխեն ‘ի վերայ նորա օրէնքն : Բանգի ետես նա՝ եթէ քարոզեաց վասն նորա տէրն իւր , երկեալ նա թէ ինքն քարոզեսցէ զնա : Այլ իբրեւ ետես նա զմարդիկ՝ թէ ինդրեն զնա , եղև նա նոցա խրատատու և ոչ հրամանատու , և յորդորիչ և ոչ օրէնսդիր : Վասն որոյ գրեցէք , ասէ , դուք առ իս . բարւոք է մարդոյ եթէ ‘ի կին մարդ ինչ ոչ մեր :

ձեռքի . որպէս և դուքդ իսկ ասացէք : Այլ վասն պոռնակութեան մեռնայն մարդ զկին իւր յինքն կալցի : Եւ երանի թէ զրկելով ոչ զրկէք զմիմեանս , բայց եթէ ինչ 'ի միաբանութեան առ ժամանակ մի ուխտից կատարելոյ , պահոց և աղօթից . զի զաւուրս նշանաւորս համբերէք դուք , և ոչ փորձիք դուք 'ի սատանայի : Զայս ասեմ ներելով , և ոչ հրաման տալով : Կամիմ թէ ամենայն մարդ լինէր իբրեւ զիս . առանց պատուիրանի ընտրէր զայս : Այլ իւրաքանչիւր մարդոյ շնորհք տուեալ են յայ : Զայն իսկ զտեառնս իւրոյ երկրորդեաց , եթէ "Ոչ ամմարդ բաւական լինի այդմ , :

Եւ զի ասաց' բայ ոմն զի այսպէս , և ոմն զի այսպէս . այս զի ոմն է , զի այսու կարէ արդարանալ . և ոմն է , զի այլով իւրք տուեալ է նմա թաքաւորել : Ամուրեացդ , անկանայցդ . այս ինքն որ այրիք լեալ են արք և կանայք , լաւ իցէ նոցա եթէ կայցեն մնասցեն իբրեւ զիս . ապա եթէ ոչ ունին ժողով , և նոքա եւս ամուսնացին . զի լաւ է ամուսնանալ երկրորդում , քան զժեռնուլ ցանկութեամբ : Այլ կանամբեացն պատուիրէ տէր ինքնին , եթէ կին յառնէ իւրմէ մի մեկնեացի . ապա եթէ մեկնեացի , նոյնպէս անայր կեցցէ եթէ սրբուհի ընտրեաց իւր . կամ անդրէն առայր իւր հաշտեացի , և այլուամի լիցի :

Եթէ որ կին ունիցի կռապաշտ , և կնոջն հաճոյ իցէ կեալ ընդ առնն իւրում' կեցցէ . և կին դարձեալ որ ունիցի այր անհաւատ , և առնն կամ իցէ կեալ ընդ կնոջն' կեցցէ : Եւ եթէ կարծիցէ այրն հաւատացեալ եթէ պղծի ամուսնութիւն իւր 'ի ձեռն անհաւատ ընկերին , գիտացեն եթէ սուրբ է զաւակ առնն անհաւատի յարգանդ կնոջն հաւատացելոյ . նոյնպէս և կնոջն անհաւատի սուրբ է 'ի պատճառս առնն հաւատացելոյ : Ապա եթէ այս որպէս ասացիս' չէ , որդիք նոցա ըստ մտաց նոցա պիղծ են . բայց այժմ դեռ սուրբ են , եթէ կայցեն մնասցեն նոքա 'ի հաւատման զոր ետու նոցա : Ապա եթէ թերահաւատն կամիցի մեկնել առ 'ի հաւատացելոյ անտի' մեկնեացի , զի ոչ ինչ կայ հարկ վտանգի հաւատացելոյն յայս . միկ : Ուստի գիտէ այրն հաւատացեալ եթէ ապրեցուցանէ զկինն անհաւատ . կամ ուստի' գիտիցէ կինն'

Թէ զայրն կռապաշտ աշակերտեսցէ նա : Այլ իւրաքանչիւր որպէս կոչեաց նձ , այս ինքն է որպէս գտաւ նա յորժամ կոչեցաւ յաւետարան նորա , այսպէս և մնացէ : Զի ինչ զոր ձեզ ասեմ , և ամենայն եկեղեցեաց սոյնպէս պատուիրեմ :

Եթէ թլփատեալ որ կոչեցաւ , մի զզնասցի եթէ ընդէր չեման թլփատ . և եթէ դարձեալ յանթլփատու թէ որ կոչեալ իցէ , մի թլփատեսցի . զի թլփատու թիդ և անթլփատու թի ոչ ինչ են , այլ պահպանութի պատուիրանացն նյ : Եւ դարձեալ եթէ ծառայ կոչեցար , մի փոյթ լիցի քեզ եթէ կարիցես ևս ազատ լինել , և ելանել քարոզել զաւետարանն , և համբերել հալածանաց վասն նորա . քեզ այն լաւ իցէ , ազատեաց : Զի որ 'ի տէր կոչեցեալ է ծառայն , ազատ է նա 'ի մկրտուէ անտի տեսառն մերոյ . և որ ազատն կոչեալ է , ծառայ է նա 'ի ձեռն խոնարհու թէն Գրիստոսի : Արդ քանզի այս հաւասարք են , վասն այսորիկ ասացի՝ բամ իւրաքանչիւր յիւրում կոչման կոչեցաւ , 'ի նմին կացցէ :

Այլ վասն կուսանաց հրաման ինչ յնյ ոչ ունիմ . այլ խրատ մի տամ , որպէս այր մի՝ որոյ ողորմութիւն գտեալ է յնյ . արժանի եղէ հաւատարիմ լինել այսմ աւետարանի : Ես այսպէս համարիմ՝ եթէ լաւ իցէ այս . այս ինքն է թեթեւ և դիւրին վասն վտանգի աշխարհիս : Եթէ արարեր կին՝ ոչ մեղար : Բայց նեղութի՝ զի զնա անուանեաց , 'ի հարկ վտանգի լինի նոցա մարմնապէս : Այլ ես , եղբարք , ինայեցի 'ի ձեզ : Քանզի ժամանակ , այս ինքն՝ կամ կատարած , կամ օրն վախճանի մերոյ՝ կարճեալ և հասեալ է : Վասն այսորիկ և ոյք ունիցին կանայս , եղիցին որպէս թէ չունիցին . և որ լայցեն , այս ինքն որ տրտմեալն իցեն , որպէս թէ չտրտմիցին . և որք փափկանանն գրգանօք , որպէս թէ ոչ ըստ անձին դիւրի կտուք : Եթէ իցէ որ զի գուցէ նորա կոյս , և կաց մնաց նա ժամանակս ինչ որչափ և իցէ նա յուխտին , և գիտաց յանձն իւր թէ չիցեմ բաւական , մի վասն անցեալ ժամանակեանն ամաչեսցէ : Իսկ այն որ հաստատեալն իցէ

ի միտս իւր, և ինչ վտանգ ցանկութե ոչ իցէ նմա
դառնալ, և զայս ընտրեաց ՚ի սրտի իւրում պարհել
զկոյսն իւր, բարւոք առնէ : Եւ այն որ տայն ՚ի դուրս
զկոյսն իւր, բարւոք առնէ : Եւ այն որ ոչ տայն և ժուժ
կալ լինի, բարւոք առնէ :

ԳԼՈՒԽ Ը

Եւ վասն զոհելոյ գիւաց գիտեմք, զի յամենե
սին ՚ի մեզ գիտութի գոյ . թէպէտ և սոյն իսկ այս
գիտութիւն հպարտացուցանէ զայնոսիկ՝ որ ելանեն
ուտել անդր, սակայն սէր որ անխայեայ յընկերս իւր՝
ոչ ելանէ անդր . սա շինէ : Եթէ որ ձեռն յանձին հա
րեալ իցէ եթէ ինչ գիտիցեմ, չեւ ևս իցէ ինչ գիտա
ցեալ որպէս արժան է գիտել նմա, քանզի բազում
են այն՝ զոր ոչ գիտացեալ . բայց որ սիրէն օգնել, նա
է տեղակացեալ : Արդ վասն կերակրոցդ կուոցդ գի
տեմք մեք՝ զի ոչ ինչ կուուքդ են աշխարհի . և ամե
նայն որ անուանեալ կոչին աստուածք, չիք ամենեւին
այլ՝ բայց մի միայն անձ : Զի թէպէտ և իցեն ինչ պաշ
տամունք յերկինս կամ յերկրի, որպէս ասացի ես յա
ռաջագոյն՝ զի կոչին արեգակն և լուսին աստուածք
յերկինս, և այլ ևս յերկրի, այլ մեզ մի է անձ Հայր՝
յորմէ ամենայն ինչ եղև, և մի է տէր Յիսուս Քրիս
տոս՝ որով ամենայն ինչ եղև : Այլ ոչ եթէ յամենե
սին գիտութի գտանի այսր բանի զոր ասացի . զի են
ոմանք միամիտք ՚ի հաւատացելոց անտի՝ որ ելանեն
ուտեն ՚ի տան կուոցն . քանզի տեսանեն զհաւատա
ցեալս զառաջնորդն և զվարդապետն՝ որ ելանեն
անդր, և ՚ի տկարութ մտաց իւրեանց պիղծ համա
րեալ են . վասն զի ածէին զմտօք՝ եթէ զայս ինչ զոր
ուտեմք աստ, այն որպէս համարեալ է իբրև զոհեալ :

Արդ տեսէք, ասէ . զգոյշ լինիջիք՝ թէ գուցէ հա
մարձակութիդ այդ զոր ունիք դուք, կամ թէ զամե
նայն ինչ կերիցէք, կամ զի ոչ արգելուք դուք յեւա
նել անդր, լինիցի գայթաղուի տկարաց : Զի եթէ
դք յեղձարց տկարաց մտօք իւրովք, և տեսանէ զքեզ՝
որ զգիտութիսդ ունիս՝ բազմեալ ես անդ, և ցանկա

ցեալ փափագեցուցանէ զնա կեղծաւոր տեսիլ զոհիցն՝ ուտել զզոհեալն, ահա կորեալ անմեղն՝ վասն որոյ Քրիստոսն մեռաւ : Մի այսուհետեւ յանցուցանէք զեղբարս ձեր և կռփէք . այս ինքն դարձուցանէք զնոսայետս՝ ի ձեռն տկար մտաց իւրեանց : Արդ մի թեթեւ ինչ համարիք դուք զայս . զի ի Քրիստոս մեղանչէք դուք, եթէ ոչ զգուշանայք յեղբարս ձեր : Եթէ վասն կերակրոյ՝ որ ընկեցեալ լինի յաղբեւս՝ գայթագղեալ լինի եղբայր իմ, ոչ եթէ ի մտոյ՝ որ սակաւ աւուրս կերեալ լինի՝ ի թան կռոցն՝ արգելեալ լինիմ ես, այլ բնաւ ամենեւին միս ոչ կերայց մինչև յաւիտեան, զի մի եղբօրն իմում եղից գայթագղուի :

ԳԼՈՒԽ Բ

ՍԻ ԹԵ չիցեմ ազատ, զի ծառայուե պօրտոյ ես ոչ ծառայեմ. կամ թէ չիցեմ ես Առաքեալ, եթէ սրբեցից և կերայց իբրև զձեզ զամենայն ինչ . կամ զՅիսուս Քրիստոս զտէր ոչ տեսի ես, զի վասն սոցին իսկ զօրացուցանէ զիս . կամ գործ իմ և ջան իմ չիցէք դուք ի տէր իմ, թէ զայս հրամայեցից ձեզ : Իսկ արդ թէպէտ և այլոց որ ոչ տեսին զգօրութիս իմ՝ չիցեմ ես առաքեալ, այլ դէպ ձեզ՝ որ ի ձեռն իմ առէք պարգևս Հոգւոյն՝ առաքեալ եմ. և նշանակ առաքելուե իմոյ դուք էք ի ձեռն խօսից լեզուացն զոր ի ձեռն Հոգւոյն առէք : Զի գուցէ թերևս ի մեծամեծ պարգևացն առաքելոցն արժանի եղեաք, և ուտել և ընպել չունիցիմք իշխանութի՝ որպէս և առաքեալքն՝ զի ուտեն և ընպեն :

Պատասխանի սկսաւ նա առնել վասն անձին իւրոյ՝ ընկերաց իւրոց, և ասէ . «Ո՞վ իցէ՝ որ զինուորիցի երբէք իւրով թողալով, այլովք հանդերձ, եւ յօրէնս, ասէ, գրեալ է՝ եթէ «Մի կապեր զցուռկ եզին կալուտոյ» : Մի թէ, ասէ, վասն եզանց ինչ միայն փոյթ երայ, և վասն մեր ոչ . այլ յայտ է՝ եթէ զխորհուրդ մեր նկարեաց յեզինս անդ, այն որ կանխեաց յառաջագոյն և արար փոյթ վասն եզանց : Արդ ոչ եթէ մեծ ինչ է այս՝ եթէ մեք ի ձէնջ զմարմնաւորն հըն-

ձեռքով, որք զոգևորան սերմանեցաք 'ի ձեզ : Եւ այնուորիկ որ 'ի տան կռոց գործեն՝ 'ի տանէ անտի կերակրին, և որ սեղանոյն յերուսաղէմի պաշտօնեայք են, 'ի սեղանոյ անտի վայելեն : Եւ տէր մեր Հրաման ետ և ասէ, եթէ որ զաւետարանն նորա քարոզեն 'ի ժողովուրդն և 'ի հեթանոսս, յաւետարանէ անտի կեցցեն . այն է զի ասէ . “Ի տանէ անտի եղիջիք ուտել . արժանի է մշակն կերակրոյն իւրոյ” :

Այլ ես թէպէտ և զայս ամենայն առակս օրինակաց ունիմ, սակայն միով իւրիք յայսցանէ ես ինչ ոչ աշխատեցուցի զձեզ . զի լաւ է ինձ 'ի սովոյ մեռանել, քան թէ զպարծանս իմ զայս զոր աւետարանեմ ես ձրի՝ ընդունայն՝ համարեսցի : Նա և զոր աւետարանեմ ես՝ ոչ եթէ չնորհ ինչ է իմ կամ պարծանք, այս ինքն ոչ 'ի կամս իմ . հարկ 'ի վր կայ այնուորիկ՝ որ առաքեաց զիս . վայ է ինձ 'ի դատաստանաց անտի նորա, եթէ ոչ աւետարանեմ : Զի եթէ կամաւ զայս գործէի, վարձք էին ինձ վասն կամացն բարեաց զոր ունէի ես : Եթէ տնտեսուէ հաւատարիմ լինալ եմ ես, զի՞նչ վարձք են ինձ՝ եթէ վարձուք դարձուցանեմ ես զտնտեսուին հաւատացեալ :

Իբրև յայսմ ամենայնէ ազատ էի ես, ամենեցուն զանձն իմ՝ 'ի ծառայութեան կացուցի, զի փոխանակ ժառանգութեն զժառանգաւորան շահեցայց : Ընդ շրեայսն սրբեցայ և մտի 'ի տաճարն, զի շրեայսն շահեցայց : Ընդ այնոսիկ որ ընդ օրինօքն էին՝ գերծայ ես, զի զնոսա շահեցայց : Եւ եղէ ես ընդ անօրէնս, այս ինքն ընդ աթենացիսն՝ եղէ 'ի ժամանակի զի մտեալ չըջէի ես 'ի մէջ մեհենից նոցա իբրև այր մի անօրէն, զի զնոսա շահեցայց : Ընդ տկարան որ գայթաղուին և կործանին՝ տկարանայի ես, զի զնոսա շահեցայց : Այն է զի ասէ . “Ո՞վ է որ տկարանայ”, և ես ոչ տապիմ . կամ ո՞վ է որ գայթաղի, և ես ոչ մաշիմ” : Եւ զայս զոր առնեմ ես՝ զի կցորդ գտայց 'ի ձեռն այսր ամենայնի աւետարանին Գրիստոսի, այն որ հաճեւն կամեցաւ ընդ կեանս ամենայն մարդկան : Ո՞չ գիտէք դուք՝ որ յասպարիսին, այս ինքն յե-

1 Յօդանակին ընդհանայ :

2 Յօդանակին լուսմանայ :

դոմպէ ընթանան, թէպէտ բազումք են որ ընթանան, սակայն մի ըստ միովէ մնան, մինչև 'ի մի անդր կը թի պսակն : Այնոքիկ որ անդն ընթանան, յամենայնէ իրաց չարաց պարհէ մարդն զանձն, զի առցէ զպրսակն որ եղծանի անցանէ : մեր ո՞րչափ ևս բազմացին և յաճախեսցեն ընթացք մեր, և պարհեսցուք զանձինս մեր յամենայն իրաց չարաց : զի վասն պսակին՝ որ ոչ անցանի և ոչ եղծանի՝ ընթանամք մեք : Արդ ես իսկ աւասիկ այսպէս ընթանամ, որպէս ոչ յաներևոյթս ինչ իբրև զայն՝ որ ոչ գիտէ վասն ոյր մարտնչի : Թերևս պարտաւորութի գիպեսցի նմա փոխանակ յաղթութեն զոր ակն ունէր՝ պատահիցի նմա : Եւ այսպէս մարտնչիմ, որպէս զի ոչ եթէ զհողմըս ինչ զուր կոծիցեմ : այլ ճշնեմ զմարմինս իմ պարհօք, և հնազանդեցուցանեմ տքնութեմ : գուցէ երբեք ես այլոց քարոզեցի զարքայութի, ես իսկ գլխովին անպիտան գտանիցիմ յարքայութենէ անտի :

ԳԼՈՒԽ Ժ

ՊԱՐՁԵԱԼ առ նա ցուցանել, զի անցանելով նոցա ընդ ծովն, և այնոքիմք որ եղև նոցա յանապատի անդ, խորհուրդքն տեսառն մերոյ նկարեալ լինէին : “Հարք մեր, ասէ, ամենեքին ընդ ամպովն էին : և ամենեքին 'ի Մովսէս մկրտեցան յամպն և 'ի ծովն : և մանանայ կերակուր հոգևոր կերան, և զընպելի հոգևոր՝ որ բղետաց 'ի վիմէ անտի 'ի ձեռն գաւազանին՝ ընպէին : այլ վէմն 'ի ձեռն օրինակաց իւրոց նա ինքն է Քրիստոս” : Արդ եղև նա զծովն օրինակ մկրտութեն, և ամպն որ սփռեալ հովանի ունէր 'ի վերայ նոցա՝ օրինակ ձեռինն քահանային : Եւ զոր օրինակ զկնի մկրտութեն գայ հասանէ մարդ առ մարմին և առ արիւն, և ժողովուրդն իբրև մկրտեցան խորհրդով և ապա կերան զմանանայ հոգևոր և արբին զքուրն հոգևոր՝ կոչեցան հոգևորք վասն մանաւնային որ 'ի բարձանց էջ : Եւ Զուրքն որ նորոգապէս՝ որ 'ի վիմէ անտի վիրժէին : Եւ զի կոչեաց նա զվէմն Քրիստոս, զի ըստ օրինակի վիմին պատառեցաւ կող

տեառն մերոյ, և բղիւնցին 'ի նմանէ արիւն և քուր,
և արիւն 'ի քաւութի և յընպելի նմ' հեթանոսաց :

Այլ այս ամենայն զի եղև նոցա, որպէս զի ոչ ե-
թէ 'ի բազմութի անդր նոցա հանգեան կամք նոյ, 'ի
ժամանակի զի դրոշմէին առակքն օրինակի, զի ան-
կան նոքա 'ի մահայտնի յանապատի անդ. զի և նո-
վին անկանելոյն իւրեանց առակ օրինակի եղիցին.
նոքա մեզ, զի մեք մի լիցուք ցանկացողք չարեաց, որ-
պէս և նոքայն. մի պոռնկեցուք, և փորձեցուք զՔրիս-
տոս ըստ նմանութե նոցա : Այս ամենայն առակաւ
անցանէր ընդ նոսա, արդ գրեցաւ վասն խրատու մե-
րոյ : Այսուհետեւ որ ոք ձեռն յանձին հարեալ իցէ
հաստատուն կալ, զգոյշ լիցի 'ի մեղաց, գուցէ և նա
գլորիցի : Այլ հաւատարիմ է նո՞ր որ ոչ արկցէ ըզ-
ձեզ 'ի փորձանս առաւել քան զկարն ձեր. այս ինքն
զի մի ընդերկարեցին փորձանքն 'ի վերայ տկարու-
թեան մերոյ. այլ արասցէ ելս երագունս փորձուես ձե-
րոյ, զի համբերել կարասցիք :

Իբրեւ պատուիրեաց նա վասն այնր, եկն նա եպե-
րել աղարտել իմաստութե զայնոսիկ՝ որ ընդ հարս
իւրեանց և ընդ եղբարս իւրեանց 'ի տունս հեթա-
նոսաց երթային և ուրախ լինէին : Փախերուք, ա-
սէ, 'ի կռապաշտութենէ. այս ինքն 'ի տեղոյ՝ ուր
պաշտէին 'ի նմա դեք. թէ գուցէ ելանելոյն ձերով
անդր՝ հազորդք գտանիցիք դուք դիւաց, որ երկիր
պագին անդ : Ընտրեցէք դուք ձեզէն զոր ասեմ : Զի
զոր օրինակ միով մարմնոյն զոր առնումք մեք՝ մի մար-
մին լինիմք մեք ամենեքին, օրհնակէս և դուք 'ի ձեռն
միոյ կերակրոյն զոր ուտէք անդր, մի լինիք :

Հանդերձ օրինակաւն հոգւոյն զոր բերի ձեզ, միւս
ևս օրինակ մարմնաւոր բերի ձեզ : Տեսէք զխրայել
մարմնապէս. զի ոյք ուտեն յողջակիզաց անտի, նոքա
լինին կցորդ օեղանոյն : Այլ ոչ եթէ ասեմք՝ բամբ
կուռք ինչ՝ իցեն. զի գիտեմ ես՝ եթէ զոր զոհեն
հեթանոսքդ, դիւաց զոհեն. վասն այսորիկ զգուշա-
ցուցանեմ զձեզ անտի, զի կցորդուին ձեր ընդ դեւս՝
'ի կցորդութե անտի տեառն մերոյ զրկէ զձեզ : Զի

1 Յօրինակին կրկնաւ եր իւլ իւլ. գուցէ իւլ իւլ :

ոչ կարեք դուք 'ի բաժակէ տեսառն ընպել, և 'ի բաժակէ դիւաց . ոչ ուտել 'ի սեղանոյ տեսառն, և 'ի սեղանոյ դիւաց : Մի՛ եթէ նախանձուկս ինչ արկանէք դուք նմա այսուիկ . կամ հզօրք ինչ եմք քան զնա, զի ոչ պահանջեսցէ 'ի մէջ զայս : Թէպէտ և ամենայն ինչ մարթ է վասն ազատութե՛, այլ ոչ ամենայն ինչ որ մարթ է՝ օգուտ բերէ ընկերաց մերոց : Ոչ եթէ զանձանց միայն զօգուտ խնդրեսցուք, այլ և զընկերաց :

Եւ ամենայն ինչ որ 'ի վաճառի գտանի՝ կերայք, բայց միայն 'ի սեղան դիւաց մի՛ մերձենայք : Վասն խղճի մտաց մի՛ հարցանէք զոր 'ի վաճառի գտանէք . խիղճ ասեմ ոչ զհարցանելեաց, այլ զհարցողացն : Եթէ որ 'ի հեթանոսաց կոչէ զձեզ յընթրիս և կամիք երթալ, զամենայն զինչ առաջի դնեն ձեր՝ կերայք վասն քաղցի . մի՛ հարցանէք վասն խղճի մտաց, զի մի՛ հեւանդասցին : Ապա եթէ որ ասիցէ՝ եթէ այդ զոհեալ է, մի՛ ուտէք վասն նորա՝ որ գուշակն եղև, զի տեսառն է երկիր լրիւ իւրով : Թէ և աստ որ ոչ տայ ձեզ, սակայն այլուր ոչ արգելուն ձեզ : Վասն խղճի մտաց՝ եթէ տկարանան և եթէ ոչ տկարանան . ոչ զիմ ասեմ, այլ զայլոց : Մի՛ եթէ ազատութիս իմ յայլոց խղճէ մտաց դատապարտի . այս ինքն եթէ գայթագդին նոքա, ես նոցա նման լինիմ : Եւ եթէ ես գոհանամ և ուտեմ, ընդէր հայհոյիմ՝ վասն որոյ ես գոհանամ : Թերևս սուտ առաքեալքն հայհոյէին 'ի վերայ նր . վս զի քարոզէր, և ինչ յուսեքէ ոչ առնոյր . և փակեաց դռուն ընդդէմսուտ առաքելոցն՝ որ յառնուլ և եթ արձակեալ էր զաչս իւրեանց :

ԳԼՈՒԽ ԺԱ

Եւ Գոնմանողք լինիջիք դուք ինձ, որպէս և ես Քրիստոսի : Արդ զի ոչ է տեսեալ ձեր զՔրիստոս եթէ լինի նա ձեզ օրինակ, մեզ նմանողք եղերուք . որպէս և մեք զի ընթանամք նմանող լինել Քրիստոսի : Հպարտացոյց զնոսա և ասաց . “Գովեմ ձեզ, եղբարք, զի զամենայն ինչ յիշէք դուք զիմ . և որպէս

ետու ձեզ զպատուիրանն, նոյնպէս ունիք,, Գլուխ, ասէ, առն Քրիստոս է. և գլուխ կնոջ այր իւր է. և գլուխ Քրիստոսի նմ իւր է: Ի ձեռն այսց երկուց օրինակաց կամեցաւ ցուցանել. զի զոր օրինակ մարմինն այն՝ որ կոչեցաւ Քրիստոս՝ իբրու բնակից է՝ ի նա մարդոյ՝ է գլուխ առն, և որպէս այր բնակից կնոջ՝ գլուխ կնոջ, սոյնպէս գլուխ Որդւոյ ոչ եթէ բնուի է՝ որ օտար է նմա. զի նմ բնակից նորա է, գլուխ նորա է: Արդ այր ամենայն յորժամ յաղօթս կայցէ կամ մարգարէասցի, և զգլուխ ծածուկ ունիցի, յաւմօթ առնէ զգլուխ իւր. և կին ամենայն յորժամ յաղօթս կայցէ կամ մարգարէասցի բացաւ գլխով, ամօթ առնէ գլխոյ իւրում:

Այլ զայս ճառս վասն կանանցն, որ էին ՚ի Հռոմէ և ՚ի Կորնթոս և ՚ի քաղաքս քաղաքս՝ որ մտանէին յեկեղեցի կալ յաղօթս, քանի անգամ և մարգարէանալ մարգարէանային բացաւ գլխով, կամեցաւ ասել: Այլ ոչ եթէ լկտուծեամք ինչ առնէին, զի զկնի սովորուէ հնոյն երթային: Այլ կամեցաւ Առաքեալ թէ ՚ի ձեռն այսր զոր ասէր վասն գլխոյ առն և կնոջ, զի ածցէ զգլուխ կանանցն ՚ի քող հանդերձի, այն որ յաւուրցն յաւիտենից առանց քողոյ հանդերձի չըջէին բացաւ գլխով: Ոչ, ասէ, հաստատեցաւ այր վասն կնոջ. այլ զոր օրինակ ամենայն ինչ վասն Ագամայ հաստեցաւ, սոյնպէս և Եւայ վասն Ագամայ հաստեցաւ. վասն այսորիկ պարտ է կնոջ մարդոյ շուք ունել ՚ի վերայ գլխոյ իւրոյ վասն հրեշտակաց. այս ինքն վասն քահանայից: Զի թէպէտ և ՚ի տեղիս տեղիս հնազանդէ զնա, և յամենայն տեղիս վասն քահանայութե ընդ հնազանդութիւն նորա են:

Այլ իբրեւ նուազեցոյց և խոնարհեցոյց զկին, չըջեցաւ բարձրացոյց զգլուխ նորա յասել իւրում, եթէ “Որպէս կին յառնէ, սոյնպէս և այր ՚ի կնոջն”, Ահա, ասէ, չըջեցաւ հատոյց նա առն ՚ի ձեռն ծննդից երկանց զայն ինչ՝ զոր պարտ էր նմա ՚ի ժամանակի զի առեալ լինէր նա ՚ի նմանէն ՚ի ձեռն քնոյն առանց երկանց: Ապա եթէ ոք Յունաց անտի հակառակեալ ընդդէմ դարձցի վասն այսր և ասիցէ՝ եթէ հին սովորուի է այդ, և չիք ինչ հնար անցուցաւ.

նեւ, մեր՝ այս ինքն 'ի կողմանս Աբորւոց՝ չիք այդ սո-
վորուի, և ոչ եկեղեցեաց նոյ՝ որ յայլ կողմանս հաս-
տատեցան : Զի ոչ եթէ 'ի լաւ անդր յառաջագէմ՝
նկրտեցարուք դուք յայսմիկ, այլ 'ի նկուն անդր ի-
ջեալ խոնարհեցարուք դոքօք : զի յայս ամենայն բաւ-
բասանս եկիք դուք վասն դոցա :

Վարձեալ յորժամ 'ի մի վայր ժողովիք 'ի ժողովա-
ծեր յեկեղեցւոյ, լսեմ զի հերձուածք գոն 'ի ձեզ
և հակառակուիք լինին : զի և որ ընտիրքն և համ-
բերողքն իցեն 'ի ձեզ՝ յայտնի լիցին : Քանզի ժողո-
վելով ժողովէին նոքա 'ի զատիկ անդր յաւուր հինգ-
շաբաթւոյ յերեկորի 'ի ժամու, յորում կիծ տէր
մեր զմարմին իւր 'ի վերնատան անդ : Եւ իբրեւ ու-
տէին նոքա և ընպէին, ապա յետոյ կծանէին զմար-
մինս և առնուին : Եւ քանզի 'ի պահս էին ոմանք 'ի
նոցանէ, համբերէին և մնային ընկերաց իւրեանց, և
ոմանք ոչ : առաջինք որ ուտէին կմ ընպէին, առնուին՝
զմարմինս և գնալ : Իսկ վերջնոցն որոց ոչն էր կե-
րեալ, լինէր նոցա ամօթ և տրտմութի յոյժ : 'ի նո-
սին իսկ յայնոսիկ ըստգտանէ զնոսա և եպերէ և ա-
սէ : յորժամ ժողովիք դուք 'ի մի վայր յօրն ամ մերոյ,
իւրաքանչիւր զիւր ընթրիս յառաջանայ ուտել : ո-
մանք 'ի ձէնջ քաղցեալ լինին, և ոմանք արբեալ :

Եւ ընդէր, ասէ, արհամարհեալք դուք զեկեղե-
ցեաւն նոյ : զի արարէք դուք զդա իբրեւ զպանդոկի .
և յամօթ առնէք դուք դարձեալ զաղքատս՝ որ վասն
կարօտուէ և աղքատուէ իւրեանց չէին պատրաստ :
Այլ թէպէտ և ես ետու ձեզ զայս, որպէս և առի
'ի տեառնէ իմմէ՝ զայն ետու ձեզ : Զի թէպէտ և
յետ յնթրեացն բեկ և ետ նոցա զմարմինս և զարիւն
իւր, այլ ոչ եթէ 'ի մէջ քաղցելոց և արբելոց բաշ-
խեցաւ այն մարմին, ոնչ առ ձեզդ աւադիկ պաշտի :

Այլ քանից անգամ թէ և ուտիցէք զհացս զայս
և ընպիցէք զբաժակս զայս, զմահն տեառն մերոյ յի-
շեսջիք : Այլ մահն տեառն մերոյ ոչ այսու շփոթելովս
և խռովութե արժան է յիշել : զի ոչ եթէ վասն զի
չնորհօք տուաւ նա մեզ, անարգանօք և արհամար-

1 Երբնակին առնու . . . Լինի :

Համարք ուտիցեմք զնա : Զի զոր օրինակ որ ոչ հաղորդի և կցորդի ընդ խորհուրդս ընդ այս՝ չիք նր կեանք, և այն որ ուտէ 'ի հացէ անտի տեառն և ընպէ 'ի բաժակէ անտի յանարժանս՝ դատապարտ է նա մարմնոյ և արեան տեառն : Զկտի այս և 'ի վերայ ամենայն ազգաց և դարուց : Իսկ որ ուտէ և ընպէ անարժանութի, դատաստանս անձին իւրում ուտէ և ընպէ : Վասն այսորիկ բազումք են 'ի ձեզ տկարք և հիւանդք՝ որ հարան մարմնովք իւրեանց, զի յաներկիւղս մատեան նոքա 'ի մարմինն Գրիստոսի . և բազում մեռեալք են, զի մատեան նոքա 'ի դեղն կենաց առանց ահի դողութե : Զի եթէ զանձինս ընտրէաք և մեռնայաք 'ի նա, ոչ դատէաք և դատապարտեալք 'ի նմանէ : Այլ եթէ դատիմք մեք, 'ի տեառնէ խրատիմք մեք աստ, զի մի ընդ աշխարհի դատապարտեցուք մեք 'ի կատարածի : Այսուհետև, եղբարք, յորժամ 'ի մի վայր ժողովիցիք, միմեանց մնասցիք . և որ քաղցեալն իցէ և ոչ ունի ժոյժ մնալ ընկերաց իւրոց, 'ի տան իւրում կերիցէ, զի մի 'ի դատապարտութի լինիցի ժողովն ձեր :

ԳԼՈՒԽ ԺԲ

Այս վասն հոգեւորացն, այս ինքն որ արժանի եղեն պարգեւաց Հոգւոյն և ամպարտաւանեցին, գիտասցիք զառաջին խոնարհուին ձեր, զի հեթանոսքն էիք, և զանմուռնչ կուռս պաշտէիք : Զի զոր օրինակ զի չիք որ 'ի Հոգի անձութե խօսի, և գործէ յանուն Յիսուսի սքանչելիս Հոգւոյ, և ասէ՝ թէ նզովեալ է ինձ Քրիստոս, սոյնպէս չիք այն որ կարէ ասել՝ եթէ տէր է Յիսուս, եթէ ոչ 'ի Հոգին սուրբ : Քանզի մարդ՝ յորում կատարին 'ի նմա պարգեւք Հոգւոյն, նա կարէ ասել 'ի ձայն բարձր բարձառոյ՝ եթէ տէր է Յիսուս :

Թեպէտ և, ասէ, բաժինք չնորհաց և պաշտամանց և զօրութեց իցէ նա ձեզ, թեպէտ և իցէ բաժին 'ի մէջ չնորհաց և չնորհաց, այլ մի է Հոգի : Միում տուեալ է բան իմաստութե, այս ինքն բան հանճա-

րոյ . միւսում տուեալ են հաւատք՝ մեռանել փոխանակ նոցա . և այլում տուեալ են շնորհք բժշկութե . միւսում տուեալ է զօրութի՝ քաջալերել զընկերս իւր 'ի ժամանակի փորձութե . և այլում մարգարէութի՝ յայտնել և ցուցանել՝ որ ինչ լինելոցն է յապայ ժամանակս . այլում ընտրութիւն հոգւոց , այս ինքն կարգք բարւոք եկեղեցւոյ . միւսում ազգս լեզուաց պէսպէս . և այլոց թարգմանութիւն նոցուն իսկ լեզուաց : Այս ամենայն 'ի միջէ անտի Հոգւոյ է՝ որ բաշխէ և տայ ըստ կամաց իւրոց :

Վարձեալ առ ցուցանել 'ի ձեռն առականց օրինակաց՝ որ 'ի մարմնոյն են : Զի թէպէտ և այս պարգեք ամենայն՝ որ 'ի միւսում ժամու չեն՝ ինչ պիտոյ , այլ իւրաքանչիւր 'ի նոցանէ յիւրում ժամու պիտոյ են յոյժութեպէտ և իցեն 'ի նոցանէ մեծամեծ քան զընկերս իւրեանց , որպէս զի պիտոյ պաշտօն նորուն մեծ են , այնպէս պիտոյ է գործ և նորուն փոքուն : Արդ թէպէտ և սփռեցան շնորհք Հոգւոյն 'ի վերայ Հրէից և Հեթանոսաց և ծառայից և ազատաց , սակայն մի Հոգի արբաք մեք , և նովաւ 'ի պատճառս նորա եղեաք մեք ամենեքին անդամք Հոգւոյ :

Արդ ոչ կարեն պատուականք որ են 'ի մեզ , եթէ ոչ ընկալցին գլայտնութի փոքուն՝ որ է 'ի մեզ : Զի զոր օրինակ ոչ կարէ ասել գլուխ ցոտս՝ թէ չէք ինչ՝ դուք ինչ պիտոյ . զի ահաւասիկ են 'ի մեզ անդամք՝ որ երևին թէ տկարագոյնք իցեն , և նոքօք կատարին պէտք . և այլք որ թուին թէ անարգ իցեն , նոցա աւելի ևս պարտիմք առնել պատիւ . սոյնպէս եւ թէ մեծ իցէ պարգեն , եթէ փոքր , և եթէ պատուական իցէ մարդն յորում կատարի 'ի նմա , և եթէ անարգ , խառնելով խառնեաց անձ զեկեղեցի , որպէս և զմարմին , և եղ աւելի պատիւ այնմիկ՝ որ նուազն է , զի մի ինչ հերձուածք եղիցին 'ի մարմին անդ եկեղեցւոյ , որպէս և ոչ յանդամս մարմնոյ հերձուած ինչ է :

Այլ քանզի այսուիկ նախանձէին նոքա , եւ և եւ առնէին զմիմեամբք , առ նա փոքրկացուցանել զնո .

1 Եօր . Էն :

2 Եօր . յորում :

3 Եօր . Էն :

սա , այնոցիկ որ նոքոքն հպարտացեալ պարծէին . և մեծացուցէ քան զամենայն զսէրն , այն որ 'ի բաղմաց անտի արհամարհեալ էր : Եթէ ունիցիք դուք , ասէ , նախանձել , ոչ , ասէ , փոքուբոյ որ ոչդ են ձեր՝ յորում փակեալդ կայք , այլ ընդ մեծամեծս՝ յոր ցարդ ևս չե եք հասեալ 'ի նոսա : Ես ցուցանեմ ձանապարհ՝ որ տանի 'ի կեանս , որ լաւ է քան զայդ՝ յորումդուքդ փակեալ կայք :

ԳԼՈՒԽ ԺԳ

() Ի՛նչ պարծանք են այնորիկ՝ որ առ 'ի ձեռն՝ շոգւոյն խօսել 'ի մի լեզու կամ յերկուս : Զի եթէ զլեզուս մարդկան խօսիցիմ և կամ զհրեշտակաց , և սէր ոչ ունիցիմ , եղէ ես այնուհետեւ իբրեւ զպղինձ՝ զի հնչէ , կամ ծնծղայք՝ զի զօղանջեն : Զի զոր օրինակ պղինձ կամ ծնծղայք զի անշունչ են , և օտարք են նոքա ձայնին և բարբառոյն՝ որ հնչէ 'ի նոցանէն , սոյնպէս և ամենայն որ խօսի լեզուաւ , յայնմիկ զի ոչ գիտէ զինչ խօսի ինքն՝ պղնծոյն նմանի նա , զի զրկեալ է նա 'ի սգայութէ ձայնին :

Եւ ընդդէմ այնոցիկ՝ որ մարգարէութիւն և գիտութիւն և հաւատովքն հպարտացեալ էին՝ ասաց . զի եթէ ունիցիմ ես զմարգարէութիւն ոչ իբրեւ զձերդ , այլ զի գիտեմ ես զխորհուրդս ամենայն՝ որ ձեզդ իցեն յայտնեալ , և տացի ինձ դարձեալ ամենայն գիտութիւն փոխանակ այնր փոքր մի շոգւոյ գիտութե՝ որ տուաւ ձեզ , և լինիցին յիս դարձեալ ոչ իբրեւ զայդ փոքր մի հաւատս զոր ունիք դուք , այլ զամենայն հաւատս մինչև զլերինս փոփոխելոյ , և սէր ոչ ունիցիմ , ոչ ինչ իսկ եմ :

Եւ քանզի էին ոմանք՝ որ տրովք իւրեանց , և այլք վասն նեղութե զոր համբերէին վասն աւետարանին՝ հպարտանային 'ի վերայ ընկերաց իւրեանց , և ընդդէմ նոցա և ասաց . եթէ ջամբեմ ես զամենայն ինչս իմ աղքատաց , և մատնեմ զմարմինս իմ

1 Յօրինակին 'ի յետին :

ի կիզումն, և սէր ոչ ունիմ, ոչ ինչ օգտիմ: Այն է զոր ասացն տէրն նր, թէ «Մի, ասէ, առաջի մարդկան իբրև յաշտ մարդկան առնիցէք զտուրս ձեր. ապա թէ ոչ վարձս ինչ ոչ ունիք առաջի Հօրն ձերոյ յերկինս», Սէր ընդերկայնամիտ է և քաղցրանայ, զոր ինչ դուք առ միմեանս հակառակ դմին գործէք: Սէր ոչ նախանձի, որպէս և դուքդ: Սէր ոչ իննդրէ զիւր լաւն, այլ որ ինչ բազմացն լաւն է, զի կեցցեն: Արդ եթէ զայս զոր համարեցայ ես՝ պաշտին ՚ի ձեզ առ չգոյի սիրոյ, զի՞նչ օգուտ իցեն ձեզ պարծանքն պարգևաց որով պարծիքն դուք: Դարձեալ ասեմ, եթէ սէր երբէք ոչ անկանի. այս ինքն ոչ խափանի, որպէս խափանին պարգևքդ ձեր զոր ունիք դուք. զի մարգարէութիդ զոր ունիք դուք, խափանելոց է, և լեզուքդ դադարելոց են:

Օ ի թէպէտ և գիտացաք փոքր ՚ի շատէ, որչափ հանդերձեալ է գիտել մեզ՝ գիտացաք մեք. այլ յոր ժամ եկեսցէ կատարումն, խափանեսցի այն՝ որ փոքր ՚ի շատէն է. Զի զոր օրինակ խափանեալ է խորհուրդ տղայութեան առ գիտութիւն զոր ունիս դու այսօր, սոյնպէս խափանելոց է գիտութիւն այս մեր առ այն՝ որ հանդերձեալն է մեզ գիտել: Այժմիկ օրինակաւ իբրև ընդ հայելի տեսանեմք. իսկ ՚ի կատարածի՝ ճշմարտութիւն. այս ինքն դէմ յանդիման: Արդ խելամուտ եմ փոքր ՚ի շատէ. այլ ՚ի կատարածի գիտացից ոչ որպէս գիտացին, այլ որպէս ծանեաւն զիս անձ ՚ի ձեռն գնացից գործոցն իմոց: Արդ քան զամենայն պարգևսդ որով պարծիք դուք դոքօք, հաւատք և յոյս և սէր կան մնան: Զի մեծ է հաւատալ՝ թէ է անձ. յուսալ այնմ իմիք՝ յոր հաւատացն. և սիրել զպատուիրանս զայնոսիկ՝ որոյ պարգևացն նորա յուսամք մեք:

ԳԼՈՒԽ ԺԴ

Օ հեճ երթաք սիրոյ, և ապա զհետ չնորհաց Հոգւոյն, առաւել ևս զի մարգարէասօլիք: Զի որ խօսի ՚ի լեզուս՝ ընդ ան, այն որ գիտէն զինչ խօսի.

զի ոչ այլ զք և ոչ ինքն գիտէ զինչ խօսի : Իսկ որ մարդ արեւանայն՝ մարդկան խօսի, զի լսեն և գիտեն՝ եթէ շինուածի և միեմարուածի և սիոփուածի խօսի : Չի որ խօսի լեզուաւ, զանձն իւր միայն շինէ, յայսմիկ՝ զի գիտէ նա թէ արժանի եղև պարգևացն Հոգւոյն . իսկ որ մարդարեւանայն, զեկեղեցին ամենայն շինէ :

Եւսմիմ եթէ ամենեքին արժանի լինիջիք խօսել լեզուաւ, այլ առաւել ևս զի և մարդարեւասջիք . զի մեծ է շահիւք իւրովք որ մարդարեւանայն, քան զայն՝ որ խօսին լեզուաւ : Չի եթէ եկից ես առ ձեզ լեզուազ խօսելով, որ օտար իցէ լսելեաց ձերոց, զինչ օգուտ եղէց ձեզ . ո՛չ ահա այնուհետև լինիցիմ ես որպէս փող և քնար՝ որ անշունչք իցեն : Չի եթէ ընտրուի ինչ բարբառոյն չառնիցեն, զիարդ ծանիցեն զփողոյն հարկանել, կամ զքնարին հնչել : Սոյն պէս և դուք եթէ ասիցէք բան ինչ լեզուով՝ որ օտար իցէ յոյնութեդ ձեր, և լինիջիք դուք այնուհետև իբրև ընդ վայր խօսեցեալք, և ոչ ընդ մարդկան : Չի այն՝ որ խօսին լեզուով, յաղօթս կայցէ, զի կարող լինիցի մեկնել ՚ի ձեռն յոյն լեզուին Յունացն զայն ինչ զոր խօսի օտար լեզուով : Չի պարգևք Հոգւոյն այսպէս էին, զի միում տուեալ էին ազգք լեզուաց, և այլում թարգմանութի լեզուաց, զի կարօտ իցեն միմեամբք . այս ինքն այն՝ զի որ խօսէրն, այնու որ թարգմանէրն . և եկեղեցի երկոքումբք :

Եթէ կամ, ասէ, յաղօթս ՚ի լեզու, հոգին իմ կայ յաղօթս, այլ միտք իմ անպտուղ են . այս ինքն Հոգին սուրբ որ խօսի, գիտէ զինչ խօսի յիս . այլ միտք իմ զի ոչ գիտեն զինչ խօսի լեզուն, անպտուղ են յայնմ աղօթից : Իսկ ընդէր ոչ խնդրեմ ես խընդրուածովք գիտել զգորուի լեզուին . և կացից յաղօթս հոգւով, կացից յաղօթս և ընդ միտս իմ : Եւ եթէ դարձեալ ՚ի ձեռն լեզուին զոր աւեր դու՝ օրհնեսցես դու ՚ի հոգի քո, տգէտն որ օտար է լեզուիդ քո, զիարդ մարթէ ասել ՚ի քումգոհուէն անդ՝ ամէն : Թէպէտ և դու բարւոք ասիցես, սակայն ընկերն քո ոչ գիտէ զինչ դուն ասես . վասն այսորիկ և ոչ շինի նա : Եւ գիտէք դուք՝ զի առաւել քան ըզձեզ խօսիմ ես լեզուով . այլ ես ոչ ինչ պարծեցայ

այսուիկ : Այլ ի մէջ ժողովրդեան կամիմբանս հինգ՝ օրինօք և խրատու խօսել և շահել, քան զբեւր բան լեզուս խօսել. որ զի ոչ փառաւոր են, և զընկերս իմ ոչ շահին :

Սի տղայք ինիք դուք խորհրդովք ձերովք ըն. թանալ զինի այնոցիկ՝ որ զանմեղս յողորդեն, և կատարելոց ինչ օգուտ ոչ լինին : Եւ յօրէնս գրեալ է, եթէ “Յօտար լեզու և ի շրթունս օտարս խօսեցայց ընդ ժողովրդեանս ընդ այսմիկ . սակայն և այնպէս ոչ լուիցեն ինձ, ասէ տէր,” : Արդ եթէ վասն ժողովրդեանն այնորիկ տուան լեզուք, զի գիտասցեն ի ձեռն լեզուացն զժամանակ աւետարանին նորոյ, լեզուք այսուհետեւ նշանակի վասն իցեն՝ ոչ հաւատացելոց, որպէս դուքդ էք, այլ թերահաւատից, այս ինքն հերբայեցւոց բաժանելոց . այնոցիկ՝ որ ասացեալն է վասն նց. ասէ. “Եւ ոչ այսպէս իցեն լեզուաց՝ լուիցեն ինձ, ասէ տէր,” : Իսկ մարգարէութի ոչ անհաւատից, այլ հաւատացելոց . զի եթէ ոչ հաւատան զայն ինչ զոր ասես դու, զիարդ լսեն զայն ինչ զոր խօսիս դու :

Ապա եթէ կայցէ ժողովուրդն ամենայն ի մի տեղի, և ամենեքին լեզուս խօսիցին միանգամայն, տրգէտք որ մտանեն անդր, ոչ որպէս ասացին առաքելոցն՝ թէ քաղցուալիցք են արեւալք, ասեն և վասն մեր՝ մոլեգնեալ իմն են : Ապա եթէ ամենեքին մարգարէ իցեն և շինիցեն, և գայցէ մտանիցէ ոք յանհաւատից կամ ի տգիտաց, յանդիմանեսցի ի մոլորութի իւրմէ և քննեսցի ի չարեաց իւրոց զոր գործեաց, և գաղտնիք սրտի նորա յայտնեսցին ի ձեռն մարգարէութեն՝ որ յայտնեն զգաղտնիս նորա, անկանի խոնարհ երկիր պագանէ և ասէ՝ եթէ արդարեւ նձ գոյ ի սոսա . զի նա յայտնեաց սոցա զգաղտնիս, որ ի ներքս ի սրտի ծածկեալ էին :

Արդ յորժամ ժողովիք դուք ի սպաս պաշտաման սպասաւորութե կամ ի միաշաբաթւոյ, որ գիտիցէ սաղմոս՝ ասասցէ, կամ որ ունիցի վարդապետութի ուսուցէ . և այսպէս մի ըստ միով խօսեսցին ամենեքին ի շինուած եկեղեցւոյ : Եւ եթէ ի լեզուս դժ խօսեսցի և ոչ դժ իցէ որ թարգմանիցէ, լուռ լիցի ի

մէջ ժողովրդեանն . ընդ անձին իւրում խօսեսցի աղօթիւք ընդ անձ : Մարգարէք դարձեալ երկու կամ երեք խօսեսցին , և այլքն մեկնեսցեն . այս ինքն ի մացուսցեն ժողովրդեանն զոր ինչ մարգարէք մարգարէացոսն : Զի՝ հոգի մարգարէութե՝ մարգարէից հնազանդի . այս զի ինչ որ խօսեալ լինէր 'ի մարգարէէ անտի , 'ի միւսմէ մարգարէէ անտի մեկնեալ լինէին : Զի ոչ է անխառնութե , այլ խաղաղութե . այս ինքն ոչ անկարգութե , այլ ըստ կարգի :

Եւ որպէս յամենայն եկեղեցիս սրբոց՝ կանայք ձեր յեկեղեցիս լուռ լինիցին : Ասեն բան . կին մի՛ 'ի մարգարէից անտի 'ի ներքս յեկեղեցւոյն կորնութեացուցն խօսէր : Վասն այնորիկ ասաց . եթէ ոք ձեռն յանձին հարեալ իցէ մարգարէ լինել կամ հոգևոր , ծանիցէ նախ զինչ գրեցի ես առ ձեզ , զի տեառն պատուիրանք են . ապա եթէ ոչ՝ և ոչ ինքն երևեալ լինի առ տէր մեր : Արդ նախանձեցարուք ընդ մարգարէանալ , իբր ոչ արգելուցուք դուք զայնոսիկ՝ որ խօսին լեզուովք : Այլ ամենայն ինչ սգաստուք և իմաստուք : Եւ ըստ կարգի գործեցէք , որպէս և վայելէ իսկ :

ԳԼՈՒԽ ԺԵ

ՄԱՐԶԵԱԼ ասաց նա վասն յարուե կենդանութե տեառն մերոյ , այն որ երևեցաւ Պետրոսի և երկու տասանիցն , և երևեցաւ հինգ հարիւր և աւելի ևս եղբարց միանգամայն . զի 'ի նոցանէ բազումք են որ կան մինչև յօրս յայս՝ յորում այս ասացաւս : Եւ յետ երևելոյ Յակովբոս և ամենայն առաքելոց , այս ինքն իւթանասուն և երկուցն , հուսկ յետոյ քան զամենեսին երևեցաւ և ինձ իբրև անարգի միոջ Առաքելոյ :

Եւ յօռհետեւ եթէ ես և եթէ առաքեալքն ամենեքեան այսպէս քարոզեցաք վասն Քրիստոսի՝ եթէ յարուցեալ է 'ի մեռելոց : Զիարդ ասեն ոմանք՝ 'ի ձէնջ՝ եթէ յարուելի մեռելոց չիք . զի եթէ յարուելի մեռելոց չիք , այն որ և խաչելութիւն վասն նորա եղև ,

1 Յօրինակին չի :

ապա և Քրիստոս չեւ է յարուցեալ, և ընդունայն ևն հաւատքն ձեր՝ որ ՚ի տէր են, և դեռ անդէն ՚ի նոյն մեզս կայցէք դուք . զի ոչ քաւեցայք դուք թերահաւատութիւն ձերով, զի թաղեցարուք դուք մկրտութիւն ընդ այնմիկ՝ որ մեռաւ և յարեաւ յաւուրն երրորդի : Եւ ըստ ձերոյ բանիդ՝ որք ննջեցին ՚ի Քրիստոս մարտիրոսութիւն, և կորեան նոքա . յայնմիկ՝ զի չէք նոցա յարութի : Եւ եթէ այսու հալածական կենօքս միայն յուսացեալ եմք ՚ի Քրիստոս, ահա ողորմելի են կեանք մեր քան զամենայն մարդկան՝ որ տառապեալ իցեն յաշխարհիս յայսմիկ : Ապա եթէ աստ ՚ի խաչ եւ լեալ եմք պարհօք, և հալածեալ եմք, և անդ ինչ հատուցումն ոչ գտանեմք, եթէ այդ այդպէս իցէ՝ կերիցուք և արբցուք, գոնեայ զաստեանս ընկալցուք . զի ըստ ձերոց բանիցդ՝ ինչ աւելի քան զոր աստս է, չիք ընդունել մեզ :

Այլ Քրիստոս զի յարեաւ ՚ի մեռելոց, զի եղիցի նա սկիզբն յարութեւն ամենայն մեռելոց : Զի որպէս եղև Ադամ սկիզբն մահու ամենայն կենդանեաց, եղև և տէր մեր սկիզբն կենդանեաց ամենայն մեռելոց : Այլ թէպէտ և կելով կեան նոքա, այլ իւրաքանչիւր որպէս գտանի ոք՝ այնպէս և կեայ : Նախ Քրիստոս . այս ինքն զի յարեաւ նախ Քրիստոս, և ապա յառնեն ՚ի գալստեամն նորա քրիստոսեանքն : Եւ ապա լինի կատարած, յորժամ տացէ ՚ի ձեռս զթագաւորուիւնս ձոր : Ոչ եթէ զի Որդի ոչ է թագաւոր . զի եթէ չայր թագաւոր է, և Որդի թագաւոր՝ որդի թագաւորին . սոյ զի եղիցի գլուխ արքայուն նորոյ՝ չայր :

Այլ ապա ըստ կարգի օրինի զկնի ձոր եզ Որդի : Յորժամ խափանեսցէ, ասէ, զամենայն զիշխանութիս և զպետութիս և զզօրութիս և զիշխանս հալածիչս աւետարանին, և զզօրութիս չարի կողման նախանձու : Զի պարտ է նմա՝ թագաւորել, մինչև դիցէ զթշաւ միս իւր՝ այս ինքն մարմնաւորք և հոգեղէնք՝ ՚ի ներքոյ օտից նորա : Եւ յետին՝ այս ինքն յետ այսորիկ՝ խափանեսցի և մահ՝ թշնամին կենդանեաց մարդկան : Եւ զամենայն ինչ հնազանդ արար ՚ի ներքոյ ու

1 Եօրինակին նման . որպէս և այլուր նոյն . գուցէ նման, նոյն :

տից նորա 'ի կատարածի : Այլ յորժամ ասէ՝ թէ
 “Ամենայն ինչ հնազանդեչ է”, և ուր ասացն՝ թէ “Ա-
 մենայն ինչ տուաւ ինձ 'ի Հօրէ իմի”, այլ յորժամ
 ասէ՝ թէ տուաւ ինձ, մի ածեր զմտաւ՝ եթէ չէ տու-
 եալ. ապա թէ ոչ՝ սուտ առնես դու զայն՝ որ ասէ,
 եթէ “Ամենայն ինչ որ Հօր է, այն իմ է”. և զայն
 զմիւսն ևս, եթէ “Ամենայն ինչ որ իմ է, այն քո է. և
 որ ինչ քո է, այն իմ է”, : Խօսեցաւ այսպէս առ մեզ
 'ի պատճառս մարմնոյ, իբր ոչ եթէ այսպէս է վասն
 ընդթէ անոթի Որդւոյ :

Այլ յորժամ ասէ. “Հնազանդեսցի նմա ամ”, ,
 յայտ է՝ եթէ հնազանդեալ է նմա ամենայն բայց
 յայնմանէ՝ որ հնազանդեցոյց նմա զամենայն : Ապա
 եթէ յայտ է՝ եթէ հնազանդեալ է նմա զամենայն,
 որպէս և ասացեր, ով տէր իմ Առաքեալ, զիմորդ ա-
 սես՝ եթէ յորժամ հնազանդեսցի նմա ամենայն : Ա-
 պա եթէ ոչ հնազանդեցաւ նմա ամենայն, զիմորդ
 ասես՝ եթէ հնազանդեալ է նմա ամենայն : Եւ եթէ
 հնազանդեալ է նմա ամենայն, զիմորդ ասես՝ եթէ
 յորժամ հնազանդեսցի նմա ամենայն, ապա և ինքն
 Որդի հնազանդեսցի այնմիկ՝ որ հնազանդեցոյց նմա
 զամենայն : Իսկ ով իցէ այն՝ որ համարձակիցի յա-
 սել՝ յորժամ հնազանդիցի Որդւոյ ամենայն, ապա
 շրջի հնազանդի և Որդի Հօր : Զի ահա իբրեւ զայս
 և 'ի թշնամւոյ անտի խօսեցեալ եղև 'ի լերին անդ,
 եթէ “Զայս ամենայն զթագաւորուիս և զփառս իւ-
 բեանց քեզ տաց, եթէ անկցես և խոնարհ երկիր պաղ-
 ցես ինձ”, : Զի եթէ յորժամ հնազանդեսցի նմա ա-
 մենայն, ապա հնազանդի նմա, եթէ այդպէս է,
 այժմիկ ոչ է հնազանդեալ նա. և յորժամ հնազան-
 դեսցի նմա ամենայն, փոխանակ այսր շրջի հնազան-
 դի նա այնմիկ՝ որ հնազանդեցոյց նմա զամենայն :

Այլ արդ մինչ հնազանդէր Հայր զամենայն ինչ Որ-
 դւոյ, ինքն Որդի ոչ կարէր հնազանդել իւր՝ զամե-
 նայն : Եւ սատանայ բաւական եղև հնազանդել
 զամենայն արարածս վասն սուտ յուսոյ, և Որդի ոչ
 կարէր հնազանդել իւր զամենայն : Այլ թէպէտ և

1 Եօրինակին զտէքս իւր ամենայնի . ուղղեցաք ըստ յաջորդին :

պատճառք այսր ամենայնի խոնարհութիւն է, այլ որպէս զի ոչ եթէ յորժամ հնազանդեսցի նմա ամենայն՝ յայնժամ հնազանդեսցի եւ Որդի Հօր, այն որ 'ի սկզբանէ յաւիտենից առանց փոփոխելոյ է նա ընդ Հօր իւրում 'ի ծնունդէն: Սոյնպէս եւ ոչ զի՝ ոչ հնազանդեալ է նմա ամենայն՝ ասեմք մեք. այլ հնազանդեալ է նմա ամենայն, և ոչ է հնազանդեալ նմա: Հնազանդեալ է ամենայն՝ աստուածուն նորա. վասն այնր զի ասէ, եթէ «Ամենայն ինչ որ քո է՝ այն իմ է», բայց հնազանդին մարմնոյն. այն որ բնութեամբն իւրով հնազանդ իսկ էր, վասն ողորմութեան ջնորհաց այնորիկ՝ հնազանդեցուցից վերնոց և ներքնոց արար զնա: Արդ յորժամ հնազանդի Որդւոյ այս ազատութիւն ապստամբ և 'ի Հօրէ, նովաւ և ընդ նմին հնազանդի և Հօր. զի եղիցի նա անձ ամենայն յամենայնի. այս ինքն զի եղիցի անձ 'ի մէջ ամենայնի, որպէս և է նա և տեղի ամենայնի: Իբրու զի և այսօր իսկ այսպէս է նա 'ի ծածուկ և յայնոսիկ՝ որ ոչն կամին. այլ 'ի կատարածի յամենայնի լինի նա յայտնապէս. զի ծագեն նովաւ արդարք իբրեւ զարեգակն, կամ աւելի քան զայս, որչափ բաւական լիցի բնութի մարդկեղէն ընդունել:

Իայց դարձեալ շրջեցաւ նա առ ճառսն իւր և ասէ. զի՞նչ գործեսցեն որ մկրտին վասն մեռելոց, եթէ մեռեալք ոչ յառնեն: Զի եթէ ոչ յառնեն, զի՞նչ շահի որ մկրտեն զնա. ընդէր մկրտէր նա ընդ նմա 'ի մկրտուին: Եւ կամ ընդէր համբերեմք մեք հալածանաց, եթէ յարուի ոչ լինի: Նա և յեփեսոս գազանաց արկին զիս, զի՞նչ օգուտ էր ինձ զի լինէի ես կերակուր գազանաց, եթէ յարուի անդր՝ որպէս ասէք դուք՝ չեմ գալոց: Կերիցուք այսուհետեւ և արքցուք մինչ դեռ կենդանիքս եմք. զի կեանք խոստացեալք յետ անցաւորացս այսօցիկ չիք մեզ: Մի խաբիք յետ այնօցիկ՝ որ ասենն ձեզ այսպէս. զի ապականեն զմիտս ձեր յստակս չարաչար պատմութիւնք Յունաց: Զի ասէին՝ եթէ զիարդ ասեն յառնեն մեռեալք, կամ որով մարմնով գան: Զի ասա մարմինն ոցա որ անկաւ՝ մաշեալ և սպառեալ է:

1 Յօրինակին յէջ անգլիսէն:

Օգտեաց նոցա առակ 'ի սերմանեաց' որ 'ի մահուան իւրում կեայ, և ոչ ինչ նման է սերմն նոր բուսոյն . որ հաստ մի լոկ մի 'ի սերմանեաց սերմանես դու, այլ անձ զգեցուցանէ սերմանն քում մարմին, որպէս և կա . մի : Այլ թեպէտ և զամենայն սերմանին բուսուցանէ, քանզի իւրաքանչիւր սերմանեացն զիւր մարմին տայ նոցա, այլ ոչ եթէ ամենայն մարմին թռչոյ և զազանաց և մարդկան մի են՝ եթէ 'ի միասին եկեցան յարութիւն անդր . Այլ մարմին է մարդկան՝ որ ստեղծաւ 'ի ձեռս աս և խոստացեալ է նմա յարութի, և այլ մարմին է անասնոյ և թռչոյ և ձկան՝ որ պակաս են յայսմանէ . այլ մարմին է երկնաւորաց, այս ինքն որ գործեն զգործս երկնաւորս, և այլ մարմին է երկրաւորաց՝ որ գործեն զգործս յերկրի : Որպէս աստղ քան զաստղ առաւել է լուսով իւրով, սոյնպէս երկնաւորք քան զերկրաւորս առաւել են անդ յարութեան մեռելոց :

Արդ սերմանին մարմինք ապականութիւն, և յառնեն առանց ապականութե . սերմանին անարգութիւն մերկութիւն, և յառնեն փառք . սերմանին տկարութիւն մահուանն, և յառնեն զօրութիւն յարութեն . սերմանի մարմին չնչաւոր, և յառնէ հոգեւոր . այս ինքն սերմանին ըստ նմանութե Ադամայ առաջնոյ, և յառնէ ըստ նմանութե Ադամայ հոգեւորին : Որպէս մարդն հողեղէն, այս ինքն որ 'ի գործս երկրիս զանգեալ են, սոյնպէս և հողեղէնքս . և որպէս երկնաւորն էր, սոյնպէս և որ գործովքն իւրեանց երկնաւորք են : Որպէս սգեցաք մեք ծննդեամբ զկերպարանս երկրաւորին, պատրաստեալ եմք սգենուլ յարութե անդ զկերպարանս զերկնաւորին :

Այլ քանզի ոչ միաբանէին աղանդք ուխտիցն Յուսաց, որպէս և էին որ ասէին՝ թէ չիբ յարութի, այսպէս էին որ ասէին՝ թէ չիբ շունչ : Եւ վասն այսորիկ և ընդդէմ նոցա ևս ասէ . եթէ շունչ չիք, որպէս և ասէք դուք, այլ արդարութիւն որ յօրէնսն և յիրաւունս ձեր է՝ վկայէ վասն յարութեն եթէ է նա : Արդ որովհետեւ այսմ մարմնոյ որ երեւիս՝ ապականութիւն յաւիտենից աւետարանեցէք սմա, և որ ապականելոց է՝ ժառանգել զայն ինչ որ ոչ ապականի՝ չէ հնար,

արդ ո՛ւր առնուն զհատուցումն իւրեանց այնոքիկ՝ որ նեղեցին՝ զանձինս իւրեանց աստ վասն ան . զի ահա շունչն՝ որ մարթ էր առնուլ զհատուցումն՝ չիք ՚ի միջի . և մարմինս է՝ ապականութե՛ յաւիտենից նիւթարարէք զնա :

Ա՛րդ, ասէ, այս խորհուրդ է, զի ընտանեաց յայտնի, և ոչ արտաքնոց . հաւատացելոցս որ խոստովան լինի յարութի անդր՝ ասեմ, և ոչ փիղիսոփայից՝ որ ուրացեալ են յարութե՛ անտի մեռելոց : Ամենեքին ննջեսցուք . և այս բարւոք է վասն այնոցիկ՝ որ մնալոցն են ՚ի գալուստն : Ամենեքին նորոգեսցուք . զի թէպէտ և արդարք յառնեն ՚ի նորոգումն փառաց, սակայն և մարմինք մեղաւորացն նորոգին . զի ոչ նովին ցաւովք և խնդուք իւրեանց յառնեն, այն է զի ասէ՝ յառնեն մեռեալք առանց ապականութե՛, և մեք նորոգիմք : Պարտ է այսմ մարմնոյ մահկանացուի սգենուլ զկենդանուի, զանմահուի . և այսմ մարմնոյ ապականութե՛ սգենուլ զփառս զանապականութե՛ : Եւ յորժամ սգեցցի մահկանացուս և ապականութիս զանմահուի և զանապականութիս, կատարեսցի ՚ի սմա բանն որ գրեցաւ վասն սորա՝ եթէ ընկաւ մահ՝ ՚ի պարտութի յարութե՛ : Արդ ո՛ւր է յաղթութի քո, մահ, որ յԱդամայ անտի մինչև յայս օր էր . և ո՛ւր է, մահ, խայթոց քո, այն որ սկիզբն արարին ՚ի պողոյ անտի Ծառոյն : Այլ խայթոցք մեղաց օրէնքն, որ եղաւ տանն Ադամայ ՚ի դրախտի անդ : Այլ չնորհք ան, որ ետուն մեզ յաղթութիւն յետ այսր ամենայնի պարտաւորութե՛ . ոչ ՚ի ձեռն մեր, և ոչ ՚ի ձեռն մարգարէիցն փրկչաց մերոց, այլ ՚ի ձեռն Յիսուսի Քրիստոսի տեառն մերոյ :

ԳԼՈՒԽ ԺԶ

Եւ վասն հաշուին՝ այն որ ՚ի սուրբն է՝ որպէս հրամայեցի ես եկեղեցեացն գաղատացւոց, սոյնպէս և դուք առնի՛րք ըստ միում միում միաշաբաթւոյն :

1 Յօդանակին գրեալ էր որ ոչ նեղեցին :

Այն էր զոր ժողովէր յամենայն աշխարհաց՝ տալ տանել աղքատացն՝ որ էին յերուսաղէմ, որպէս հրաման ետուն նմա առաքեալքն : Դուռն մեծ և կարևոր՝ որ բացաւ նմա յԵփեսոս, կամ՝ի ձեռն մարդկանն որ աշակերտեալ էին նմա, կամ՝ի ձեռն հաւածանացն որ ՚ի Թշնամեաց անտի էր. զի յարեան ՚ի վերայ նորա ընկենուլ զնա անդ գազանաց :

Այլ վասն տանն Ստեփանեայ դուք ձեզէն իսկ գիտէք, զի նոքա եղեն ինձ պտուղ ՚ի կողմանս քայացւոց : Կամ աշակերտուԹ՛ք և կամ տրուք իւրեանց զոր տային տանել աղքատացն յերուսաղէմ : Զի ամենայն ինչ՝ ձեր փոխանակ լիցի, գործք իմ և անձն իմ և կեանք իմ՝ որ ՚ի Քրիստոս են : Ո՛ սիրոյն Առաքելոյ, որ առ ժողովուրդն իւր էր. ո՛ գթոյն նորա, որ առ հեթանոսս օտարս էր : Փոխանակ կենացն հերբայեցւոց նշով լինել ՚ի Քրիստոսէ խնդրէր նա, և փոխանակ կենացն հեթանոսաց զգործս իւր և զանձն իւր և զկեանս իւր տայ նա :

ՆՈՐԸՆԹԱՅԻՍ ԵՐԿՐՈՐԿ

ԱԼԱԾՈՒԾԸ մեծ անհնարին յարեալ 'ի վերայ աւետարանին, և նեղեցան կորնթացիքն ըստ կարի իւրեանց. բայց Առաքեալ աւելի քան զկարն իւր : Եթող Առաքեալ զգործս նեղութե, որ պատեալ էին զնովաւ յասիացւոց անտի, և զՏիտոս 'ի մխիթարութի և 'ի քաջալերութի կորնթացւոցն փութայր նա առաքել : Այլ իբրեւ եկն նա առ 'ի նաջանէն, և պատմեաց նմա վասն համբերութե նեղութե նոցա զուարթացաւ և ուրախ եղև, և գրեաց առ նոսա վասն նեղութե իւրեանց 'ի ձեռն Ապղու. զի 'ի ձեռն մեծամեծ նեղութեց զոր տեսանեն 'ի նա, թեթեասցին յաչս իւրեանց նեղութիւն չափաւոր՝ որ պատեալ էին զնոք : Գրեաց դարձեալ զի ներեսցեն և թողցեն նմա 'ի ձեռն երկրորդ թրդ թոյն, այնմիկ՝ զոր կապեացն առաջին թղթոյն, հանդերձ չարչարանօք և զեղջ և ապաշաւ մտօք զոր սգեցաւ այնպիսին, և նեղութիւն որ պատեցին զկորնթացիսն՝ փորձեցաւ նա և ոչ շարժեցաւ կամ յողորդեցաւ նա՝ ի թիւրեւ 'ի հաւատոց անտի : Արդ վասն զղջանալոյ նորա, և վասն ժուժկալութե՝ որ եղև նա 'ի հալածանս, գրեաց նա՝ զի թողցեն նմա. ոչ իբրեւ բռնադատէր զնոսա, այլ իբրեւ խնդրէր և աղաչէր զնոսա :

ԳԼՈՒԽ Ա

ՊԱՒՂՈՍ Առաքեալ, ոչ 'ի ձեռն Յիսուսի Քրիստոսի, այլ Յիսուսի Քրիստոսի 'ի կամաց ւնյ. զի յայտ նեսցէ զընտանութիւն, և հալածեսցէ զօտարութի :

Եւ Տիմոթէոս եղբայր : Խոնարհեցոյց զանձն իւր , զի զանուն իւր ընդ եղբօր 'ի Թղթի առ կորնթացիս հալածանս՝ գրեսցէ : Եկեղեցոյդ նա՝ որ է 'ի Կորնթոս , որ նեղեցաւդ . և սրբոցդ՝ որ 'ի կողմանս աքայացւոցդ են , որ համբերինդ և հալածեալդ եղեն : Ընորհօք ընդ ձեզ և խաղաղութի յնոյ Հօրէ մերմէ , այն որ արժանին արար զձեզ լինել նմա յորդէգրութի . և 'ի տեառնէ մերմէ Յիսուսէ Քրիստոսէ , այն որ մերձեցոյց զձեզ և արար իւր ժառանգակիցս : Օրհնեալ է նա՛ Յիսուսի , վասն մարմնոյն . և Հայր գլխութեց , վասն որդէգրութեն : Իբրու յայնմիկ՝ զի ասաց վերագոյն՝ խաղաղութի յնոյ 'ի Հօրէ մերմէ և 'ի տեառնէ Յիսուսէ Քրիստոսէ , և ոչ 'ի ձեռն նոյ մերոյ Յիսուսի Քրիստոսի , լուծաւ այն՝ զի ասէ . նա՛ Յիսուսի Քրիստոսի :

Եւ , ասէ , որ մխիթարեաց զմեզ յամենայն նեղութեց մերոց : Կամ 'ի ձեռն աշակերտութեն՝ որ բազմամնայր նոցա , կամ 'ի ձեռն զօրութեն և սքանչելեացն զոր գործէր 'ի ձեռն նոցա : Զի և մեք զայլ նեղեալս մխիթարեացուք 'ի ձեռն բանին զոր լսեն 'ի մէնջ , և 'ի ձեռն համբերութե նեղութեն զոր տեսանեն 'ի մեզ . խնդրուածովքն այնոքիմք , այս ինքն վասն խնդրուածոցն զոր խնդրեցաք մեք յնոյ վասն ձեր , զի համբերել կարասցիք դուք իբրեւ զմեզ : Զի որպէս յաւելան չարչարանք Քրիստոսի 'ի մեզ , սոյն պէս 'ի ձեռն Քրիստոսի առաւելեացին խնդրուածքն մեր . այս ինքն բանայ դուռն այն իմիք՝ զոր խնդրեմք մեք : Զի եթէ նեղիմք մեք , վասն ձերոյ մխիթարութե և փրկութե նեղիմք մեք . այս ինքն զի տեսցիք և նմանողք եղիցիք մեզ : Եւ եղիցի ձեզ զօրութի համբերել չարչարանաց զնոյն չարչարանս , զոր և մեք աւելի քան զձեզ կրեցաք : Եւ յոյսս մեր այս՝ որ վասն ձեր էր , հաստատուն եղև . քանզի գիտեմք մեք՝ եթէ կցորդ եմք չարչարանացն , նոյնպէս և մխիթարութեն լինիցիմք . այս ինքն ընդունելուք մխիթարութե :

() այս ցուցանեմ ձեզ , եղբարք , վասն չարչարանացն՝ որ անցին ընդ մեզ 'ի կողմանս ասիացւոց , զի առաւել քան զկար մեր ծանրացաւ 'ի վերայ մեր : Եւ անձամբք անձանց մերոց վասն բազում տանջա-

նացն զվճիւ մահու յանձինս մեր ընկալաք . զի ոչ էաք մեք յանձինս ապաստան՝ թէ կարեն համբերել մարմնով, այլ յամ՝ որ յարուցանէ զմեռեալս . այս ինքն զի կենդանացուցէ զմեզ 'ի մեռելոց : Զի որպէս 'ի մեռելոց փրկեաց զմեզ և կեցոյց , այն որ յայնչափ մահուց՝ որ յարեան 'ի վերայ մեր՝ փրկեաց զմեզ , և առաւել ևս փրկեսցէ յայնցանէ որ յառնելոցն են՝ օգնականութիւն աղօթից ձերոց : Զի 'ի բազմադէմ շնորհաց անտի առաւել յաճախեսցեն առ մեզ պարգեւքն նոյն . շնորհք՝ ոչ որ լինին 'ի մեզ վասն մեր , այլ շնորհք՝ որ գործին 'ի մեզ վասն բազմաց . զի փոխանակ մեր միայնոյ բազումք գոհասցին զնմանէ , վասն մեր 'ի բազմաց փառաւորեսցին ա : Զի պարծանք մեր ոչ է թէ յայլոց են՝ որ ոչ ճանաչեն զմեզ , այլ են պարծանք մեր վկայութիւն մտաց մերոյ . զի սրբուք մարմնով և հոգեւով որ ոչ են իւրիք թաւալեալ , և արդարութիւն՝ որ ակնառութիւն ոչ աղտեղեալ , և շնորհք՝ որ 'ի վերայ ամենայնի ողորմութիւն սփռեալք մեք . արդ այսու ամենայնիւ շրջեալ եմք յաշխարհի : Եւ ոչ 'ի ճարտարութիւն մարմնաւորս երեւեցաք մեք . այս ինքն ոչ կեղծաւորութիւն և մարդկեղէն արուեստգիտութիւն : Արդ ոչ երեւեցաք մեք ուրեք այսոքիւք , և առաւել ևս առ ձեզ :

() Ի ոչ է թէ այլ ազգ ինչ գրեմզայս որ գործեցաւս 'ի մեզ՝ առ ձեզ , այլ զոր վկայէք դուք՝ զայն գրեմք առ ձեզ , զՈրդին նոյն Յիսուս Քրիստոս՝ որ 'ի ձեռն իմ և Սեղիանոսի և Տիմոթեայ քարոզեցաւ ձեզ : Ոչ զի 'ի միասին մտին նոքա 'ի Կորնթոս . ոչ յայոնն և յոհն՝ քարոզեցաւ ձեզ , այլ յայոնն . այս ինքն բանիւ ճշմարտութիւն : Զի ամենայն աւետիք նոյն 'ի նմին իսկ յայոնն հաստատեցան . այս զի կատարեցան նոքա , և ոչ ստեցան : Վասն այսորիկ սոյն իսկ այս ամենայն ճշմարտեալ ինքնին է ամէն 'ի մեզ 'ի փառս նոյն . այս ինքն զի ելանէ զկնի փառաւորուն նոյն : Զի ամէն է որ հաստատէ զմեզ ընդ ձեզ սիրով , և հաստատէ զՔրիստոս մեօք ընդ ձեզ զօրութիւն . այն որ նա ինքնին օծ և դրոշմեաց զմեզ 'ի ձեռն ռաբունային Հոգւոյն զոր ետ 'ի սիրտս ձեր : Այլ ես վկայ գիտեմ կոչեմ յանձն իմ , զի անխայեցի 'ի ձեզ . վասն այսո-

րիկ ոչ իսկ եկի ես 'ի Կորնթոս : Այս ինքն վասն այնր թերուութեց՝ զոր անարգեացն և եպերեաց զնոս առաջին թղթովն : Զի թէպէտ և տեարք հաւատոց ձերոց չիցեմք մեք, սակայն գործակից եմք ուրախութեց ձերոց : Զի հաւատովք հաստատեալ էք դուք . այս ինքն հաւատովք՝ զոր ետու ես ձեզ :

ԳԼՈՒԽ Բ

ԵՑՐԵՑԻ զենել 'ի սրտի իմում, զի մի միւսանգամ տրամութիւն եկից ես առ ձեզ : Զի եթէ ես միութարուիս ձեր տրամեցուցանեմ զձեզ, իսկ այն ո՛վ իցէ որ ուրախ առնիցէ զիս և զձեզ, եթէ ոչ զեղջ և ապաշաւ այնորիկ՝ որ տրամեցաւն յինէն : Եւ զայս զի գրեցի ես առ ձեզ 'ի թղթի անդ իմում յառաջնում, զի մի յորժամ գայցեմ՝ տրամեցուցեն զիս գործովք իւրեանց չարեօք . այն զի արժան էր նոցա ուրախ առնել զիս գործովք իւրեանց բարեօք : Քանզի յուսացեալ եմ և գիտեմ՝ եթէ ուրախուիս իմ այս, որ ուղիղ գործովքն այնորիկ՝ որ ապաշաւեաց, և ընկերաց իւրոց՝ որ խոնարհեցան, ամենեցուն ձեր է : Ի բազում վըշտաց որ պատեալ էին զին և 'ի նեղութենէ սրտի զոր ունիմ ես առ ձեզ, գրեցի ես զայս առ ձեզ բազում արտասուօք 'ի ձեռն Սպաղու : Իբր ոչ եթէ զի տրամեցուցից զձեզ, այս ինքն ոչ զի վշտացուցից զձեզ նեղութիւնք իմովք, այլ զի զսէր իմ գիտասջիք դուք զոր ունիմ ես առաւելապէս առ ձեզ : Զի թու զի ես աղաչել . զի թէ ասյրեցայց 'ի փորձանաց անտի՝ որ պատեալ են զին և, և հոգ յանձին առի ես վասն ձեր 'ի ձեռն թղթոյս գրել առ ձեզ :

Իսկ այն որ արար զտրամութիւն, և առ զկին հօր իւրոյ, ոչ եթէ նա միայն տրամեցոյց զիս . զի նա փոքր 'ի շատէ ըստ իւրում չափոյ տրամեցոյց զիս : Թերեւս վասն առաջին յանցանաց նոցա ակնարկէ աստ, եթէ որպէս եթող նոցա, թողցեն և նոքա այնմ՝ որ յանցեաւն : Այլ զի մի ծանր թուեցայց ես ձեզ ամենեցուն . կամ զի ոչ ասացից ընդդէմ ձեր ամենեցուն, կամ զի ոչ ծանրացուցի 'ի վերայ ձեր ամենեցուն 'ի

ինդրեւ անդ 'ի ձէնջ ամենեցուն : Հատ լիցի այնպիսոյն պատուհաս՝ որ 'ի բազմաց անտի ընկալաւ . պարտ և պատշաճ է ձեզ անխայեալ 'ի վերայ այնպիսոյն , վասն զի զատ և յատուկ է նա 'ի ձէնջ ամենեցուն : Եւ միտարեալիք զնա 'ի օգոյ անտի և 'ի տրտմութենէ՝ զոր զգեցաւ նա յետ թողլոյն մերոյ առաջնոյ . գուցէ յառաւել տրտմութենէ անտի որ եղև նմա , ընկղմիցի այնպիսին . կամ որ նմա իսկ նման իցէ մտաց չարչարանօք : Նա և ես իսկ աղաչեմ զձեզ , զի հաստատեալիք 'ի նա զսէր ձեր , այն որ զբազում ժամանակս ամիոփեցէք զնա 'ի նմանէ : Եւ առաւել զի գրեցի ես առ ձեզ վասն նորա , զի չափ առից ես զձեր՝ եթէ յամենայն 'ի հպատակութե կայցէք դուք ինձ . այս ինքն զի որպէս լուարուք դուք ինձ առաջին թղթովն , և զատէք մեկնեցէք զնա 'ի ձէնջ , և արդ լուիջիք ինձ , խառնեալիք զնա ընդ ձեզ . զի եթէ ինչ ումեք շնորհէք , առաւել ևս ես : Ապա եթէ և ես անխայեցի շնորհեցի ումեք 'ի ձեռն խնդրուածօքս զոր խնդրեցի ես 'ի ձէնջ , վասն ձեր առաջի Բրիստոսի շնորհեցի . այս ինքն վասն սիրոյն Բրիստոսի : Զի ահ և երկիւղ՝ եթէ գուցէ ընկղմեսցի նա 'ի սատանայէ , քանզի չեմք ինչ անտեղեակ խորհրդոցն նորա . զի և բազում տրտմութիւն , որպէս և պատիր ուրախութիւն , նոյնպէս գիտէ նա կորուսանել զմիտս :

Այլ իբրեւ հասի ես 'ի կողմանս տրուացւոց յաւետարանն Բրիստոսի , և բաց ինձ դուռն աշակերտելոյ , ոչ եղև հանգիստ կատարեալ հոգւոյ իմոյ , զի ոչ գտի ես զՏիտոս զեղբայր իմ . այլ հրաժարեցի ես զորս աշակերտեցին , և ելի ես 'ի կողմանս մակիդոնացւոց : Այլ նոյն շնորհքն լիցին՝ որ յամենայնի ըզհուսակն հարկանէ զմէնջ 'ի Բրիստոս , ոչ յայտնուի միայն , այլ հանապազորդ գործովք իւրովք որ առ մեզ են . իբրեւ այն թէ յամենայն ժամ երեւի նա մեզ , և յայտնի առնէ 'ի մեզ յամենայն տեղիս զհոտ անուշից գիտութիւն իւրոյ :

Սինչև դեռ մեք 'ի կողմանս ասիացւոց 'ի մէջ հալածանաց եղեաք , 'ի կողմանս մակիդոնացւոց և ընդ ամենայն տեղիս բուրեաց 'ի պատճառս մեր հոտ անուշից գիտութիւն նորա : Զի հոտ անոյշ եմք մեք

այս 'ի Բրիստոս 'ի մէջ փրկելոցն և 'ի մէջ կորուսելոցն : Զի մեք իբրև առ 'ի մէնջ հոտ անոյշ եմք մեք կողմանցն երկոցունց , այնոցիկ՝ որ փոփոխիցին և արարին զմեզ իւրեանց հոտ մահու՝ իբրու էաք մեք հոտ կենաց նոցին իսկ որք հալածենն զմեզ և մեռանին մեօք 'ի մահ , և այնոցիկ՝ որոց հոտ եմք մեք կենաց որ աշակերտին մեօք , և կեան մեօք 'ի կեանս : Որպէս և հոտ երկուց ծծոց , այսպէս բուրբը՝ 'ի ձեռն զօրութեցն և քթանչելեացն հոտ առաքելոցն՝ 'ի պատրաստի ունել նոցա աշակերտս , և հանդերձեալ նոցա հալածիչս : Զի մեք ոչ այնպէս եմք , որպէս և այլքն . այս ինքն որպէս և առաքեալքն սուտք՝ որ խառնեն զքանն այս ընդ ստուիս : Թերևս նոքին իսկ այնոցիկ գրեցին զպրակսաւաթայսգ՝ որ խառնեալ և գրեալ են 'ի ճշմարտութենէ և 'ի ստուութենէ : Այլ մեք ճշգրիտ զճշմարտութիւն զոր առաքյայ , առաջի այս 'ի Բրիստոս խօսիմք :

ԳԼՈՒԽ Գ

Եւ վասն այսորիկ դուք ձեզէն իսկ վկայէք , զի ոչ եթէ վերստին չսկսանիմք զանձինս մեր ձեզ ընծայեցուցանել , և կամ խնդրել թուղթս յայլոց վր ձեր : Այլ թուղթ մեր , այս ինքն քարոզութի մեր՝ դուք ինքնին իսկ էք , և իբրև 'ի սիրտս մեր գրեալ է գիտութիւն և իմաստութիւն՝ ընթերցեալք մեւք , առաջի ամենայն մարդկան յայտնեալք և հաստատեալք , զի էք դուք թուղթ Բրիստոսի . զի գործովք ձերովք իբրև 'ի միջոյ գրոց ահա աւասիկ քարոզի Բրիստոս՝ որ պաշտեցաւն մեւք . այս ինքն որ քարոզեցաւն 'ի ձեռն՝ մերում . այն որ գրեցաւն ոչ մրով կամ քարեղէն տախտակօք , այլ Հոգւով և 'ի տախտակս արտի մարմնեղէնս :

Յոյս մի զայսպիսի ունիմք մեք 'ի ձեռն Բրիստոսի առ ամ . իբր ոչ եթէ բաւական ինչ եմք խորհել իբրև 'ի մէնջ , բայց եթէ տուեալ լինի մեզ իմաստութիւն ,

1 Եօրինակին 'ի յեռնի :

ինդրել անդ 'ի ձէնը ամենեցուն : Ըստ լիցի այնպիսոյն պատուհաս՝ որ 'ի բազմաց անտի ընկալաւ . պարտ և պատշաճ է ձեզ անխայեալ 'ի վերայ այնպիսոյն , վասն զի զատ և յատուկ է նա 'ի ձէնը ամենեցուն : Եւ մխիթարեսցիք զնա 'ի սգոյ անտի և 'ի տրտմութենէ՝ զոր զգեցաւ նա յետ թողլոյն մերոյ առաջնոյ . գուցէ յառաւել տրտմութենէ անտի որ եղև նմա , ընկղմիցի այնպիսին . կամ որ նմա իսկ նման իցէ մտաց չարարանօք : Նա և ես իսկ աղաչեմ զձեզ , զի հաստատեսցիք 'ի նա զսէր ձեր , այն որ զբազում ժամանակս ամփոփեցէք զնա 'ի նմանէ : Եւ առաւել զի գրեցի ես առ ձեզ վասն նորա , զի չափ առից ես զձեր եթէ յամենայն 'ի հպատակութե կայցէք դուք ինձ . այս ինքն զի որպէս լուարուք դուք ինձ առաջին թղթովն , և զատէք մեկնեցէք զնա 'ի ձէնը , և արդ լուիցիք ինձ , խառնեսցիք զնա ընդ ձեզ . զի եթէ ինչ ուրեք շնորհէք , առաւել ևս ես : Ապա եթէ և ես անխայեցի շնորհեցի ումեք 'ի ձեռն խնդրուածօքս զոր խնդրեցի ես 'ի ձէնը , վասն ձեր առաջի Բրիստոսի շնորհեցի . այս ինքն վասն սիրոյն Բրիստոսի : Զի ահ և երկրիդ եթէ գուցէ ընկղմեսցի նա 'ի սատանայէ , քանզի չեմք ինչ անտեղեակ խորհրդոցն նորա . զի և բազում տրտմութիւն , որպէս և պատիր ուրախութիւն , նոյնպէս գիտէ նա կորուսանել զմիտս :

Այլ իբրև հասի ես 'ի կողմանս տրուացւոց յաւետարանն Բրիստոսի , և բաց ինձ դուռն աշակերտելոյ , ոչ եղև հանգիստ կատարեալ հոգւոյ իմոյ , զի ոչ գտի ես զՏրտոս զեղբայր իմ . այլ հրաժարեցի ես զորս աշակերտեցին , և ելի ես 'ի կողմանս մակիդոնացւոց : Այլ նշնորհքն լիցին՝ որ յամենայնի ըզհալկն հարկանէ զմէնը 'ի Բրիստոս , ոչ յայտնուի միայն , այլ հանապազորդ գործովք իւրովք որ առ մեզ են . իբրև այն թէ յամենայն ժամերեւի նա մեզ , և յայտնի առնէ 'ի մեզ յամենայն տեղիս զհոտ անուշից գիտութե իւրոյ :

Ս) Ինչև դեռ մեք 'ի կողմանս ասիացւոց 'ի մէջ հալածանաց եղեաք , 'ի կողմանս մակիդոնացւոց և ընդ ամենայն տեղիս բուրեաց 'ի պատճառս մեր հոտ անուշից գիտութե նորա : Զի հոտ անուշ եմք մեք

այս 'ի Քրիստոս 'ի մէջ փրկելոցն և 'ի մէջ կորուսե-
լոցն : Զի մեք իբրեւ առ 'ի մէջ Տոտ անոյշ եմք մեք
կողմանցն երկոցունց , այնոցիկ՝ որ փոփոխիցին և ա-
րարին զմեզ իւրեանց Տոտ մահու՝ իբրու էաք մեք
Տոտ կենաց նոցին իսկ որք հալածենն զմեզ և մե-
ռանին մեօք 'ի մահ , և այնոցիկ՝ որոց Տոտ եմք մեք
կենաց որ աշակերտին մեօք , և կեան մեօք 'ի կեանս :
Որպէս և Տոտ երկուց ծծոց , այսպէս բուրեղ 'ի ձեռն
զօրուեցն և սքանչելեացն Տոտ առաքելոցն՝ 'ի պատ-
րաստի ունել նոցա աշակերտս , և հանդերձեալ նո-
ցա հալածիչս : Զի մեք ոչ այնպէս եմք , որպէս և
այլքն . այս ինքն որպէս և առաքեալքն սուտք՝ որ
խառնեն զբանն այս ընդ ստուիս : Թերեւ նոքին իսկ
այնոքիկ գրեցին զպրակասաւածայսդ՝ որ խառնեալ
և գրեալ են 'ի Ճմարտութենէ և 'ի ստութենէ :
Այլ մեք չգրիտ զՃմարտութիւն զոր առաքյայ , ա-
ռաջի այս 'ի Քրիստոս խօսիմք :

ԳԼՈՒԽ Գ

Եւ վասն այսորիկ դուք ձեզէն իսկ վկայէք , զի
ոչ եթէ վերստին չսկսանիմք զանձինս մեր ձեզ ըն-
ծայեցուցանել , և կամ խնդրել թուղթս յայլոց վր
ձեր : Այլ թուղթ մեր , այս ինքն քարոզութի մեր՝
դուք ինքնին իսկ էք , և իբրեւ 'ի սիրտս մեր գրեալ
է գիտութիւն և իմաստութիւն՝ ընթերցեալք մեւք , առա-
ջի ամենայն մարդկան յայտնեալք և հաստատեալք ,
զի էք դուք թուղթ Քրիստոսի . զի գործովք ձերովք
իբրեւ 'ի միջոյ դրոց ահա աւասիկ քարոզի Քրիստոս՝
որ պաշտեցան մեւք . այս ինքն որ քարոզեցան 'ի
ձեռն՝ մերում . այն որ գրեցան ոչ մրով կամ քարե-
ղէն տախտակօք , այլ Հոգւով և 'ի տախտակս սրտի
մարմնեղէնս :

Յոյս մի զայսպիսի ունիմք մեք 'ի ձեռն Քրիստոսի
առ ամ . իբր ոչ եթէ բաւական ինչ եմք խորհել իբրեւ
'ի մէջ , բայց եթէ տուեալ լինի մեզ իմաստութիւն ,

1 Եօրինակին 'ի յեռնի :

այն որ արժանիս արար զմեզ լինել պաշտօնեայք նո-
րոցն կտակարանացն . ոչ այնու մովսէսեան գրողն ,
այլ Հոգւոյն . այս ինքն որ 'ի ձեռն գործոց Հոգւոյն
քարոզի : Զի գիրն սպանանէ 'ի ձեռն պատժոյն՝ որ
գրեալ են 'ի նմա , բայց Հոգին կեցուցանէ . այս ինքն
աւետարանն կեցուցանէ երկայնմտութիւն՝ որ ներէ նոյն :

() Ի եթէ պաշտօն մահուն , վասն զի սպանանէր
նա արդարութիւն իւրով , նոյն իսկ այն որ գրեցաւ և
կարգեցաւ 'ի տախտակս քարեղէնս , յայնչափ յա-
հագին փառս եհաս , այս ինքն փառօքն զոր սգեցեալ
էր և իջանէր՝ որ բերէրն զնա , որչափ ևս առաւել
պաշտօն Հոգւոյն եղիցի փառօք , որ մեծ է քան զա-
ռաջինն : Եւ եթէ պաշտօն դատապարտութե , այս
ինքն զի պահանջէր նա զպարտիսն՝ 'ի փառս եղև ,
որչափ ևս առաւել ծաղկեսցէ պաշտօն արդարութե
'ի փառս , այս ինքն պաշտօն շնորհաց : Քանզի ոչ ե-
թէ փառաւորեալ լինի փառաւորեալն յայսմ՝ 'ի կող-
ման վասն առաւելութե փառաց , այս՝ զի յաչս փա-
ռացն զոր հանդերձեալ են առաքեալքն ընդունել ,
իբրև զոչ ինչ համարեալ են փառքն՝ որ տուան յիշա-
նել անդ օրինացն : Զի եթէ որ խափանելովն և ան-
ցանելովն է , այս ինքն թէ օրէնքն որ անցին , և Մով-
սէս որ խափանեցաւ՝ փառօք երևեցաւ , որչափ ևս
առաւել որ կալոցն և մնալոց է յետ յարութե յաւի-
տենից՝ առաւել ևս իցէ նա փառօք յաւիտենից :

Եւրդ վասն զի ունիմք մեք զայսպիսի յոյս վասն
փառացն մշտնջենաւորացն , վասն այսորիկ բազում
համարձակութե , այս ինքն դուզնաբար շրջիմք մեք .
Եւ չեմք ինչ կարօտ երևելոյ , որպէս և Մովսէսն՝ այն
որ արկանէրն զքողն 'ի վերայ երեսաց իւրոց , զի չկա-
րէին հայել որդիքն Խրայէլի յերեսսն Մովսէսի 'ի
կատարած խափանելոյն . քանզի կուրացան միտք իւ-
րեանց , և ոչ կարացին հայել 'ի խորհուրդսն՝ որ էին
յօրէնս նոցա : Զի մինչև յայս օր յորժամ ընթեռնուան
զհին կտակարանս , նոյն քող ձգեալ է 'ի մէջ երե-
սացն Մովսէսի և աչաց նոցա : Նոյն իսկ քող ձգեալ
է 'ի մէջ գրոյն Մովսէսի և մտաց նոցա . և վասն այ-
նորիկ ոչ երևի նոցա՝ եթէ 'ի ձեռն Քրիստոսի խա-
փանելոց է , այս ինքն կատարելոց է :

Այլ մինչև յայսօր որչափ և կարդան զՄովսէս տեսողք . զի կոչեցան կտակարանք Հինքյանուն ծառայի, որպէս և կոչեցան գիրքն այլք յանուն մարգարէիցն որ մարգարէացան զնոսա : Արդ զի հաւասարեցան գիրք Մովսէսի ըստ մարգարէիցն ընկերացն իւրոց , մեծացան աւետիքն Որդւոյ քան զմարգարէիցն , և աւետարանն տեառն քան զքարոզուի ծառայիցն : Այլ յորժամ կարդան , ասէ , զՄովսէս , այս ինքն զգիրսն Մովսէսի , առաքաստեալ են սիրտք նոցա ծածուկ քողովն փոխանակ յայտնի քողոյն՝ որ դարձաւ յաչաց նոյն : Եւ յորժամ դարձցին առ տէր , զոր օրինակ յորժամ հայէր Մովսէս առ ւած՝ 'ի բաց առնոյր զքողն յերեսաց իւրոց , սոյնպէս և 'ի մտաց անտի նոցա բառնայ , յորժամ դարձցին և հաւատացեն 'ի տէր : Զի տէր Հոգի սուրբ է . այս՝ զի ոչ է նա կապեալ և արգելեալ 'ի միում տեղւոյն : Եւ ուր Հոգին տեառն է , անդ ազատութի է . այս ինքն նորին ազատութե է գտանել յամենայն տեղիս՝ ուր և իցէ տէր : Այլ մեք ամենեքին բացօք երեսօք , որ ոչ ծածկեալ են իբրև զերեսսն Մովսէսի , զի զփառսն տեառն զծածկեալսն իբրև ընդ հայելի տեսանեմք , և 'ի նոյն կերպարանս նորոգիմք մեք . այս ինքն սպասեալ ակն ունիմք ընդունել 'ի փառաց 'ի փառս . այս ինքն 'ի փառաց անտի որ կորեան 'ի դրախտի անդ , 'ի փառսն զոր հանդերձեալ եմք մեք ընդունել յարքայութե : Որպէս և 'ի տեառն Հոգւոյն . այս զի 'ի ձեռն գործոց ահա վկայէ վասն որոյ իրիք մեքս խօսիմք :

ԳԼՈՒԽ Դ

Այսօր յայտնի կ'ունիմք մեք զպաշտօնս զայս , և հանապազօր չարչարիմք վասն սորա . վասն զի գտաք մեք զողորմութի , զի դառնայցեմք անդրէն 'ի տեղին զոր կորուսաք : Այլ հրաժարեմք յամօթալից խաբէութենէ անտի յայնցանէ՝ որ ոչն իշխէին օրէնքն 'ի վերայ նոցա : Եւ ոչ գնասցուք մեք խորամանկութի , և ոչ նենգեսցուք զբանն նոյն , որպէս և սուտ առաքեալքն . այլ յայտնութի և ստուգութի , պիտի որ

եղև 'ի վերայ իմ 'ի Ճանապարհի անդ Դամասկեայ ,
 ընծայեցուցանեմք զանձինս մեր . այս ինքն զՃամար-
 տու[թ]ի մեր՝ առ ամենայն խորհուրդս բաժանեալս
 մարդկան : Զի ոչ է ծածկեալ յուսմեքէ աւետարանն
 մեր . և ե[թ]է իցէ ևս ծածկեալ , յայնցանէ իցէ ծա-
 կեալ՝ որոց անձ ժամանակացս այսոցիկ , այս ինքն մա-
 մոնայ ժամանակացս այսոցիկ կուրացոյց զմիտս նո-
 ցա , զի մի ծագեացէ 'ի նոսա լոյս աւետարանին՝ որ
 քարոզի նովաւ փառքն Քրիստոսի . այս ինքն չարչա-
 րանքն Քրիստոսի , որ է ինքն պատկեր կերպարանաց
 ւայ . Զի ոչ ե[թ]է զանձինս ինչ քարոզեմք յաշխարհի ,
 այլ զՅիսուս Քրիստոս զտէր . իբրու վասն անձանց
 մերոց չարչարանօք մերովք , և 'ի ձեռն նշանաց մե-
 րոց քարոզեմք մեք՝ ե[թ]է ծառայք նորա եմք : Զի
 անձ որ ասաց յաւուրն առաջնում՝ յարարածոց՝ 'ի
 խաւարէ անտի որ ծածկեալ ունէր զգործս՝ լոյս ծա-
 գեսցէ մաշիչ և սպառիչ խաւարի , նա էր՝ որ ծագեաց
 'ի սիրտս մեր , զի լուսաւորեցուք գիտութեմք՝ որ
 զրկեալս էաք յամենայն գիտութեց . վասն լուսաւո-
 րութե , ասէ , գիտութե փառացն , ոչ երեսացն Մով-
 սէսի , այլ երեսացն Քրիստոսի :

Եւ յուհնէտե ունիմք մեք զգանձս զայս զծածուկ
 յամանս խեցեղէնս . այս ինքն է՝ տուան մեզ այս պար-
 գեք 'ի ձեռն մարմնոյն Քրիստոսի : Զի առաւելութի
 զօրութեն իցէ յայ , և ոչ 'ի մէնջ . այս ինքն զի առ-
 'ի նմանէ իցէ առաւելութի և կատարումն մեր , և
 ոչ իբրև 'ի գործոց մերոց : Յամենայնի նեղիմք մեք ,
 այլ ոչ նուազիմք . զի վասն յուսոյն կենաց խոստացե-
 լոց ոչ նուազիմք մեք : Ե[թ]է կարօտանամք ինչ , այլ
 ոչ տարակուսիմք . զի ոչ ե[թ]է վասն չարեաց ինչ տա-
 րակուսիմք մեք : Ե[թ]է հալածիմք , այլ վասն զօրու-
 թեն պահպանութեն : որ էր ընդ մեզ՝ ոչ լքանիմք :
 Եւ ոչ դարձեալ յաշակերտութէ անտի մերմէ լքա-
 նիմք մեք . զի մեծութե մեծացուցանեն զաշակեր-
 տութիւն մեր 'ի ձեռն այսորիկ : Ե[թ]է չարչարիմք , այլ
 ոչ սատակիմք . զի զգաղուն գտանեմք մեք : Յամե-
 նայն ժամ զմահ չարչարանացն տեառն մերոյ 'ի մար-

1 ԅօրինակին պակասութիւնն :

մինս մեր կրեսցուք . զի վասն զի անմահ կեանքն Յիսուսի՝ ի մահկանացու մարմինս մեր յայտնեսցին : Այսուհետև մահ ՚ի մեզ զօրանայ , և կեանք ՚ի ձեզ . այս ինքն ՚ի մեզ հզօրանայ մահ յայտնի , և ՚ի ձեզ կեանք ՚ի ծածուկ :

Եւ որ ունիմք մեք զնոյն հոգի հաւատոց , զմի խորհուրդ կայցուք ամենեքեան . ո՞նչ և գրեալ է . ասէ . “Հաւատացի զոր և խօսեցայ ,” : Եւ մեք հաւատամք , քանզի և խօսիմք ևս . և զնոյն զայն ինչ՝ որ հաւատացան մեզ , քարոզեմք մեք : Զի գիտեմք՝ եթէ որ յարոյց զտէր մեր Յիսուս ՚ի մեռելոց , և զմեզ ընդ Յիսուսի . այս ինքն որպէս յարոյց նա զՅիսուս , յարուցեց և զմեզ , և յանդիման կացուցեց , և հաստատեսցէ զմեզ ձեօք հանդերձ . կամ զի հաստատեսցէ զմեզ և զձեզ , կամ զի հաստատեսցէ զաւետան մեր ՚ի սիրտս ձեր : Այս ինքն զի ամենայն ինչ որ եղև , վասն հեթանոսաց եղև . զի փոխանակ շնորհաց՝ որ եղև միում ժողովրդեանն և ՚ի միջէ ժողովրդեանն անտի փառաւորէր , շնորհքն յաճախեսցեն ՚ի բազմաց գոհութենէ անտի , յաւելեսցին ՚ի փառսնայ : Վասն այսորիկ ոչ ձանձրանամք հալածանօք արտաքնոց , և նեղութիւնք անձանց մերոց : Զի թէպէտ և արտաքին մարդկութիւն մեր ապականի պահովք և տքնութիւն և հանապազօրդ վիրօքս՝ որ լինին ՚ի սմա , այլ ներքինս նորոգի օր քան զօր : Զի թէպէտ և այժմիկ ռակաւիկ մի նեղիմք մեք չարչարանօք և տանջանօք , այլ փառքն զոր ժառանգելոցն եմք՝ յաւիտենից են : Քանզի ոչ գիտեմք մեք դիտել զայս՝ որ երևիս , քանզի ժամանակեան է . այլ զայն՝ որ ոչն երևի , որ բոլինի յաւիտենից :

ԳԼՈՒԽ Ե

() ԱՅՍ ԳԻՏԵՄՔ՝ զի այս որ երկրաւոր տաճար չի նուաճոց մերոց է , զի նա է մարմին մեր , քակելոց է . զի մեք շինած յերկինս ունիմք նա , այս ինքն ըզփառսն զոր կորոյս Ադամ . այն որ ոչ թէ ՚ի ձեռս ստեղծեալ իրրև զմարմին , և ոչ եթէ ժամանակեան

է մնալոց մեզ, որպէս և առ Աբամն, այլ տաճար է նա յերկինս . այս ինքն երկնաւոր է , որ կալոց մնալոց է 'ի մեզ յաւիտեանս յաւիտենից : Եւ վասն այն ընակու թէ որ յերկինս է՝ զոր կորուսալն , փափագեմք սգե նուլ : Եւ երանի թէ յորժամ մերկացեալն իցեմք . այս ինքն յորժամ մեռեալն իցեմք , և յարուցեալ ոչ մերկ գտանիցիմք որպէս տունն Ագամայ , զի կորուսին : Քանզի որ եմք ընդ յարկաւս ընդ այսուիկ , այս ինքն մարմնովս , տաղտկամք , ծանրացեալ եմք և աստէն թաթաւիմք . քանզի ոչ կամիմք մերկանալ , այլ զայս 'ի վերայ այնր սգենուլ . այս ինքն զի 'ի կեանս մեր սգեցցուք զփառս , և ընկղմեսցի մահկանացուս մեր 'ի կեանսն : Եւ այն որ պատրաստէ մեզ զայս 'ի կատարածի, րո՞նք է այն՝ որ ետն իսկ մեզ զառհաւատ չեայն Հոգւոյն իւրոյ : Զի զոր օրինակ արժանի եղեն մարմինքս մեր լինել ընակու թի Հոգւոյ նորա , սոյն պէս արժանիս առնէ զնոսա 'ի կատարածի . զի և ըզփառան յաւիտենից սգեցցին նոքա :

Լորդ մի այսուհետեւ տրամեսցուք մեք՝ զի մեռանիմք . քանզի գիտեմք ստոյգ՝ եթէ որչափ յամեմք 'ի մարմնի աստ , օտարանամք մեք 'ի տեառնէ . այս ինքն յայտնի անտի տեառն մերոյ : Զի հաւատովք գնամք , և ոչ կարծեօք . զայս զի թէպէտ և հաւատովք մերովք որ 'ի նայն են՝ ընդ մեզ է նա 'ի ծածուկ , այլ տեսեամք 'ի ծածուկ է նա 'ի մէնջ : Վասն այսորիկ համարձակիմք և հաճեալ եմք առաւել ելանել 'ի մարմնոյ աստի , զի մտցուք առ ան և տեսեամք ևս : Վասն այսորիկ և առատանամք ևս . զի եթէ ելանիցեմք և եթէ մտանիցեմք , հաճոյ և եթ իցեմք նմա . այս ինքն գործովք՝ որ 'ի կեանս մեր գործեմք մեք , և չարչարանօք մարտիրոսու թէ՛ որ յելանելն մերում կատարի մեզ : Քանզի էին ոմանք զի 'ի ժամ նշանացն առաքելոցն մերձենային 'ի նոսա և խոստովան լինէին . և 'ի ժամ չարչարանաց և տան ջանաց նոցա երկնէին և փախէին 'ի նոցանէ :

Լյս է , զայս զոր գրեմք մեք առ ձեզ , ոչ եթէ զանձինս ինչ ընծայեցուցանեմք ձեզ , այլ պատճառ իմն տամք ձեզ զպարծանաց վասն մեր , զի ունիջիք առ այնոսիկ՝ որ առ աչն պարծիցին . այս ինքն զի

յայտնեօքն պարծին, իբրու հեռի էին նոքա 'ի գործոցն ծածկելոց : Զի եթէ առանցաք ինչ, այն առանձ բանք . և եթէ հաստատուն կամք 'ի միտս, այն ձեզ : Այս ինքն թէ չարչարիմք մեք, այս ուրախ առասցէ զաստուածութիւն՝ որ ուրախ լինի ընդ չարչարանս . և եթէ նշանօք առաքինանամք, այս ուրախ արասցէ զանմեղուծիդ ձեր՝ որ խնդայ ընդ առաքինութիս : Զի սերն քօի՝ որ մեռաւ վասն ձեր, ստիպէ զմեզ խորհել զայս, եթէ որպէս անձ փոխանակ բազմաց մեռաւ, և բազումքն որ ապրեցան յայտնի մահուանէ անտի, մեռցին 'ի ցանկութեց անտի և վասն աւետարանին նորոյ . զի մարդկեղէն մահուամբն իւրեանց հատուցեն Որդւոյ, այնմիկ՝ որ 'ի վերայ նոցայն մեռաւ և յարեաւ :

Այլ զի փակեցէ զդուռն ընդդէմսուտ Բրիստոսիցն՝ որ գալոցն էին՝ ասաց : Այսուհետեւ մեք զոր ոչ գիտեմք ամենեւին մարմնով . զի թէպէտ և գիտեաք մարմնով, զԲրիստոս գիտեաք . այլ այսուհետեւ զայլ ոք եթէ եկեսցէ, ոչ գիտեմք զնա Բրիստոս : Զի նա ինքնին հաստատեաց 'ի մեզ զբանն հաշտութե, և լինել մեզ վասն Բրիստոսի պատգամաւոր : Քանզի չէ ինչ մարթ դարձեալ միւսանգամ վերստին գալ առ ձեզ Բրիստոսի մարմնով, ահաւասիկ եկաք մեք առ ձեզ պատգամաւորք խաղաղութե փոխանակ Բրիստոսի : Այլ ոչ եթէ պատգամաւորք միայն հաշտութեան եմք մեք, այլ բարեխօսք ևս : Եւ զոր օրինակ Բրիստոս մեւք աղաչեաց զձեզ, և վասն Բրիստոսի աղաչեմք զձեզ մեւք, հաշտեցարուք ընդ այլ : Զի այն որ ոչն գիտէր զմեղս, զի ոչ գործեաց նա զմեղս, վասն ձեր մեղօ արար զնա, այս ինքն խաչ արար զմարմին նորա, զի դուք լինիջիք ոչ մեղք՝ որպէս էինք իսկ, այլ արդարութիւն՝ որ չէիք :

ԳԼՈՒԽ Զ

Եթէ թէպէտ և աղաչեցաք զձեզ մեւք վասն Բրիստոսի, և Բրիստոս մեւք աղաչեաց զձեզ, արդ և անձամբք մերովք աւասիկ աղաչեմք զձեզ՝ մի ընդու-

նայն գնորհման նոյ ընդունիլիք դուք . այն որ յայս ամենայն չարչարանս եկին վասն սիրոյ ձերոյ , ընկալալուք զմեզ և կեցըիք : Քանզի այս է ժամանակ ընդունելի զոր մարգարէքն մարգարէացան վասն սորա . և այս է օր փրկուէ , զի 'ի սմա 'ի ծածուկ մահուանէ անտի ապրեցայք դուք , որպէս և գիւրք քարոզեցին վասն սորա : Եւ մի ինչ 'ի մի իրս ումեք դնիցէք գալթագղուի , զի մի հայհոյեսցի պաշտօն մեր , այս ինքն աւետարանուին մեր . այլ յամենայնի ընծայեցուցուք զանձինս մեր գործովք և ճշմարտութիւն իբրեւ զպաշտօնեայս Քրիստոսի :

() Ի պարտ և պատշաճ է լինել 'ի մեզ համբերութիւն բազում քան զամենայն հանգիստս արտաքինս մարմնոց մերոց , և քան զչարիս՝ որ բղետն յանձանց մերոց , 'ի նեղութիւն , 'ի վիշտս , 'ի բանդս հալածչաց , 'ի խռովութիւն յիշխանաց , 'ի վաստակս ճանապարհի , 'ի քարոզել զաւետարանն , և 'ի տքնութիւն աղօթից , և 'ի պահս կերակրոց , և 'ի սրբութիւն անձանց , և 'ի գիտութիւն ճշմարտուէ , և յերկայնմտութիւն , և 'ի քաղցրութիւն առ միմեանս , և 'ի չոգի սրբութե , այս ինքն 'ի գործս չոգւոյն , և 'ի սէր առանց երկմտութե , և 'ի բանս ճշմարտութե առ արտաքինս և առ ներքինս , և 'ի զօրութիւն նոյ . այս ինքն 'ի ձեռն մեծ օգնութեան նոյ : Իսկ վասն զինուն արդարութե՝ որ ընդ աջմէն և ընդ ահեկէն է , այս ինքն առ որդիսն աջու , և առ որդիսն ձախու , փառօք և անարգութիւն . այս ինքն նշանօք և հալածանօք . իբրեւ գոհութիւն և պարսաւանօք . գոհութիւն առ 'ի բարեկամաց , և պարսաւանօք առ 'ի թշնամեաց . իբրեւ մոլալը կարծեալ եմք , իբրու ճշմարիտ եմք . իբրու անծանօթք 'ի ժամ հալածանաց , և ծանուցեալք 'ի ժամ նշանաց . իբրեւ մահականացուք 'ի հալածանաց , ահա աւասիկ կենդանի եմք 'ի տէր մեր . իբրեւ իրատեալք յապականութիւնս , այլ ոչ եթէ մահապարտեալք . իբրեւ տրտմեալք թուիմք 'ի ժամ չարչարանաց , այլ 'ի ներքոյ հանապազ ուրախ եմք . իբրեւ տնանկք թէ չիցէ ինչ մեր , և զբազումս ծածուկ կենօքն մեծացուցանեմք մեք . իբրու թէ ոչ ինչ ունիցիմք մեք յաշխարհի , և զամենայն ինչ ունիմք մեք իշ

խանութք . զի և յերկինս և յերկրի ունիմք մեք :

Իւերանք մեր բացեալ են առ ձեզ . այս ինքն բերանք մեր հանդերձ որտիւք մերովք սփռեալ կան առաջի ձեր , կորնթացիք : Ոչ ինչ այսուհետեւ նեղիք դուք 'ի մէնջ . այլ թէ նեղիցիք ևս , 'ի դուրս ձեր նեղիք դուք սիրել զմեզ : Եւ քանզի իբրեւ որդիք սիրիցէք զմեզ , հասուցունք մեծ զորդւոց պարտիմք ձեզ : Արդ ընդարձակեցարուք դուք . այս ինքն անմեղք եղերուք , և մի լինիք բաժանորդք այնոցիկ՝ որ քննեն , այլ հաւատացելոցն . քանզի զոր օրինակ չիք հաղորդութի արդարութեւ ընդ անօրէնութի , և ոչ լուսոյ ընդ խաւարի , և ոչ Յիսուսի Քրիստոսի ընդ սատանայի , սոյնպէս չիք միմեզ և բաժին հաւատացելոցն ընդ այնմիկ՝ որ կամակորին և ոչ հաւատայ : Վասն այսորիկ ելէք 'ի միջոյ նոցա և մեկնեցարուք , որպէս ասաց Եսայի . և պղծուի , այս ինքն և 'ի պիղծ պաշտօնն զոհից մի մերձենայք : Եւ ես ընկալայց ըզձեզ , զի խոտեալք և անարգեալք եիք . և եղէց ձեզ հայր , զի երբեմն տարագիրք եիք . և եղեսջիք դուք ինձ յորդիք և դստերք , փոխանակ զի դառնացուցին զիս և նախանձ արկին ինձ օտարօք որդիքն առաջինք :

ԳԼՈՒԽ Ե

Իւրդ որովհետեւ և զայս աւետիս ընկալաք մեք , սիրելիք , յաւուրց անտի Իսայեայ , որբեսցուք զանձինս մեր յամենայն պղծութենէ մարմնոյ . այս ինքն 'ի հիւանդոտ զոհից անտի օրինացն և որ արտաքոյ օրինացն են . և կատարեալս արասցուք զոգիս մեր սրբութի 'ի ձեռն աւետարանին՝ որ ետ մեզ զսէրն Քրիստոսի : Ներեցէք մեզ , եղբարք , զի ոչ եթէ ձեզ ասեմք մեք , այլ դէմն ձեր ասեմք մեք այլոց . զի զոք 'ի նոցանէն որ առ ձեզդ գան և զմեզ հայցոյն , ոչ խուսեցաք և ոչ զոք զրկեցաք և ոչ զլացաք , զի վասն աւետարանիս առնեն ընդ մեզ զայդ : Այլ ոչ եթէ դատապարտել զձեզ ընդ նոսա ասեմք զայս . քանզի յառաջ իսկ ասացի վերագոյն՝ եթէ 'ի սրտի մերում կայք դուք մեռանել ձեզ ընդ մեզ 'ի հալածեաց , և

կեալ ձեզ ընդ մեզ յայտնութե անդ Քրիստոսի :

Բազում համարձակութի է ինձ առ ձեզ վասն առաջին սիրոյն ձերոյ, և բազում պարծանք ես ինձ վասն ձեր վասն արդի համբերութե ձերոյ : Եւ լի եմ մխիթարութե, և առաւելեալ եմ ուրախութե յամենայն նեղութե մերում. այս զի մեծացաւ ուրախութիւն որ եղև ինձ 'ի լուր համբերութեն ձերոյ : Քանզի ամենայն նեղութիւն զոր կրեցաք և զոր կրեմք աւասիկ 'ի կողմանս մակիրոնացւոց, և ոչ միով իւրեք հանգիստ գտաւ մարմնոյ մերում. այլ յամենայն նեղութե իբրև զձեզ և աւելի քան զձեզ 'ի մէջ եղեաք : Արտաքոյ մարտ 'ի թշնամեաց, և 'ի ներքոյ պատերազմ 'ի բարեկամաց, թէ դուցէ որ գայթակղեացի : Այլ անձ՝ որ մխիթարէն զխոնարհս, այս ինքն զհալածեալս, մխիթարեաց զմեզ 'ի գալստեանն Տիւտոսի առ 'ի ձէնջ : Հոգք մեծամեծք բարձան յինէն, յորժամ յանձն առ նա զաղօթսն իմ, և մատնեաց զանձն իւր 'ի մահ՝ գալ յեռանդ անդ հալածանաց, և զօրացուցանել զտկարս՝ որ իցեն 'ի միջի ձերում : Այլ յորժամ եկն նա և պատմեաց մեզ՝ զի թողէք դուք զհոգս զանձանց և զնեղութեց որ յարուցեալ էին 'ի վերայ ձեր, և սիրովն զոր ունիք դուք առ մեզ՝ 'ի մերում սգի նստիք դուք, յորժամ լուայ ես զայս՝ ուրախութի մեծ եղև ինձ 'ի սաստիկ նեղութիւնս աստ զոր ունիմ ես :

Երդ թէպէտ և տրտմեցուցի ես զձեզ առաջին թղթովն իմով, բազում բամբասանօք զոր բամբասեցի ես զոմանս 'ի ձէնջ, ոչ ինչ զղջացայ ես վասն որոյ բզձեզն տրտմեցուցի. քանզի ոչ եթէ փաստեցայք ինչ դուք : Այլ արդ ուրախ եմ ես, ոչ եթէ վա զի տրտմեցարուք դուք, այլ զոր տրտմեցարուք վասն յանցանացն՝ յապաշխարուի կենաց ած զձեզ : Քանզի տրտմեցարուք դուք ըստ նոյն. այս ինքն վասն նոյն. զի մի և մի իւրեք զրկեալ գտանիջիք դուք 'ի մէնջ. այս ինքն զի մի 'ի ձեռն միոյն յանցանաց խոնարհեալ գտանիջիք դուք 'ի մէնջ : Զի որ ըստ անօրութե տրտմուի է, զծածուկ մեռելութի կենդանացուցանէ. իսկ որ աշխարհիս տրտմութի է, զկենդանիս մեռուցանէ :

Երդ տեսէք դուք. այս ինքն իսկ՝ որ վասն անօր-

Թէն տրտմեցարուք դուք, զի նա ինքն է ապաշխարութի, որչափ փոյթ գործեաց 'ի ձեզ 'ի ձեռն բարւոյք գնացից, կամ բանից պատասխանի զոր առնէին վասն ձեր ընկերքն ձեր հանդերձ գործովք ձերովք. եթէ գայթաղելով գայթաղեցան յանցաւորք որ 'ի ձեզ, և ահ և երկիւղ՝ որ անկաւ 'ի վերայ այլոց 'ի պատճառս նոցա, և սէրն այնոցիկ՝ որ հաստատելնն զնոսա, և նախանձ այնոցիկ՝ որ սպառնայինն նոցա, յամենայն ընծայեցուցէք զանձինս ձեր՝ սուրբ լինել. այս ինքն զի հանդերձեալ և պատրաստեալ էք դուք աւետարանին կենաց: Ապա ուրեմն Թէպէտ և գրեցի ես առ ձեզ, ոչ վասն այնորիկ որ զրկեացն, և ոչ վասն այնորիկ որ զրկեցաւն, այլ զի յայս պատճառս յայտնի լիցի առաջի այ փոյթ հնազանդուէդ ձերոյ: Վասն այսորիկ խնդրեցաք մեք կամ 'ի Տիտոսէ, զի եկեսցէ առ ձեզ, կամ զի Թողջիք դուք յանցաւորացն. վասն զ'ի պատճառս յանցանաց նոցա և զղջանալոյ նոցա յայտնի եղև առաջի այ փոյթն յօժարութե ձերոյ:

Եւ յինայեցաք մեք վասն ուրախութեն Տիտոսի, զի եբեր նա մեզ զաւետիս յաղթուն ձերոյ. զի հանգուցեալ էր հոգի նորա ոչ յոմանց 'ի ձէնջ, որպէս և այլքն կարծէին, այլ 'ի ձէնջ ամենեցուն. որպէս և պարծեցայն ես նմա մինչ չև եկեալ էր նորա առ ձեզ: Այլ որպէս զամենայն ճշմարտութի խօսեցաք ընդ ձեզ, սոյնպէս և պարծանքն մեր որ վասն ձեր առաջի Տիտոսի՝ արդարութի գտան: Թէպէտ և յառաջ քան զայս սիրէր զձեզ Տիտոս, սակայն արդգութն նորա առաւել ևս եղև ընդ ձեզ. զի 'ի մօրի իւրում ունէր զամենեցուն ձեր հնազանդութի, զի ահիւ և դողութի առաւել շքով ընկալարուք զնա: Ուրախ եմ, զի ամենայնիւ համարձակ եմ ես առ ձեզ. զի բարեկամաց շքով և պատուով ընդ առաջ ելանել գիտէք դուք, և առաջի հալածչաց ժուժկալ լինել պատրաստ էք:

ԳԼՈՒԽ Ը

Եւ քանզի փոյթ յանձին կալաւ Առաքեալ կատարել զբանն՝ որ պատուիրեցաւ նմա 'ի տանէ անտի Շմաւոնի վիմի՝ հոգաբարձ լինել սրբոցն, այս ինքն հալածելոցն, և կնքաւորացն որ էին յերուսաղէմ, գրեաց նոցա կցորդ լինել նոցա օրհնութե, յիշեցուցանելով նոցա՝ եթէ մակիրդոնացիքն սովին իսկ այսու նեղութի՝ որ յարուցեալ է 'ի վերայ նոցա, ինքնակամ բազում խնդրուածովք աղաչէին զմեզ, զի զշնորհս և զհաւասարութի պաշտամանն որ 'ի սուրբս՝ տալ ցմեզ: Կամեցաք մեք անփոյթ առնել 'ի նոցանէ, զի նեղութե և հալածանաց իւրեանց՝ որ յարուցեալ են 'ի վերայ նոցա, բաւական լինիցին: Իսկ նոքա՝ ոչ որ պէս կարծեաք զնոցանէն՝ այլ և զանձինս իւրեանց ևս ետուն նախ տեառն, և ապա մեզ. տեառն, զի մեռցին վասն նորա. և մեզ՝ զի պատրաստեցին զայն ինչ զոր մեք ոչ արկաք 'ի վերայ նոցա: Արդ ահա աւասիկ աղաչեցաք մեք զՏիտոս, զի որպէս զի սկսաւն 'ի ձեզ, նոյնպէս և կատարեսցէ: Զի որպէս եկն նա և ուրախ արար զմեզ հնազանդութիւն ձերով և ուրախութիւն զոր ունիք 'ի նեղութիւնն ձեր, դարձեալ եկեսցէ և ուրախ արասցէ զմեզ ձեռն յաղքատս ձգելով և առատութիւն՝ որ դտանի 'ի ձեզ. որպէս զի ամենայն իւրեք քան զամենայն մարդ առաւել իցեք:

Եւլ որպէս յամենայնի լի էք հաւատովք և հալածանօք և ամենայն պնտութիւն և բանիւ, գիտութիւն և սիրովն մերով՝ որ ինչ 'ի մէջ սէրն էր առ ձեզ, սոյնպէս և յայս ևս շնորհս առաւել լիջիք դուք: Իբր ոչ եթէ սաստիւ ինչ հրամայեմեա ձեզ, այլ վասն այլոց փութոյ, և ձեր և մեր սիրոյդ զգութիւն 'ի հանդիսի կամիմք տեսանել: Եւլ որպէս աղքատացաւ տէր մեր 'ի մեծութե անտի իւրմէ, զի դուք նորա աղքատութիւն մեծասլիք, սոյնպէս 'ի ձեռն աղքատութե սրբոցն՝ որ վասն Քրիստոսի է, մեծանալ կարէք դուք: Քանզի հերուն հետէ կամեցարուք առնել, արդ կատարեցէք զխոստումն ձեր. զի որպէս յօժաւ

որութի կամացն է, տոյնպէս և առնելն լիցի 'ի գոյեանտի ձերմէ :

Օ ի ոչ եթէ որպէս տայքն դուք, այնչափ միայն առնուք. զի եթէ սակաւ իցեն տուրքն վասն նուազութեան ստացուածոց, այլ կամքն կատարեալք՝ որ ցանկացան զառնելն, բազում գտանի առ ձեզ : Ոչ եթէ 'ի սակաւ տուրսն զոր ունիք 'ի ձեռս ձեր՝ հայի ընդունին, զի ընդ առատամիտ կամսն ձեր հայի հատուցիչն և չափէ տայ, ոչ որպէս դուք ետուք, այլ որպէս տալն ցանկացեալ էք : Իբր ոչ եթէ ձեզ նեղութի կամիցիմ և նոցա հանգիստ՝ ասեմեա զայս, այլ որ ինչ ձեր յայտնի միւրն է, լցցէ զնոցա զանցաւոր պակասութիւն. և նոցա միւրն որ առանց անցանելոյ է, լցցէ զծածուկ պակասութիւն ձեր. զի եղիցի հաւասարութի յամենայնի. այս ինքն 'ի ծածուկ և յայտնի, որպէս զի եղև յանապատի անդ յայտնի հաւասարութիւն առ քաղղոս մանանային : Զայս խղճեաք արդեւք, գուցէ սագտանիցէ ոք զմեզ վասն առատութե պաշտամանս այսորիկ՝ որ պաշտեցաւն 'ի մէնջ. հանդերձ իշխեմք մեք բարեաց ոչ 'ի ծածուկ առաջի նյ միայն, այլ և յայտնեօք մերովք առաջի ամենայն մարդկան :

Ո՛ր ամն այսորիկ առաքեցաք մեք զՏիտոս, որ պատուականն և ընդունելին է ձեզ : Ընդ նմին առաքեցաք և զեղբայրն մեր. այն զոր թէպէտ և դուք ոչ գիտէք զնա, սակայն նորա գովութիւն յաւետարանի անդ իսկ պատմի ընդ ամենայն եկեղեցիս. այս ինքն Ղուկաս. և ձեռնադրութի ընկալաւ յեկեղեցեաց՝ գործակից լինել մեզ 'ի շնորհս յայս՝ որ պաշտի 'ի մէնջ : Առաքեցաք մեք և զեղբայր մեր զմիւս ևս, թէպէտ և ձեր զփորձ նորա չիցէ առեալ, այլ մեր բազում անգամ 'ի բազում իրս պնդութե. զի պնդէ և գործակից իմէ նա փոխանակ Տիտոսի. այս ինքն Բզմեր տեղի ընու նա ընդ Տիտոսի : Այլ մի փոքր ինչ թուիցին նոքա յաչա ձեր, զի կոչեցի ես զնոսա եղբարս. առաքեալք են նոքա. ոչ յերկոտասանից անտի, այլ յեւթամասուն և յերկուց անտի : Իսկ արդ զհանդէս սիրոյն ձերոյ զճշմարիտ զոր ունիք առ մեզ, և զպարծանաց մերոց որ 'ի ձեզ՝ որչափ են հաւատա-

ցեալ՝ 'ի նոսա ցուցլիք, և 'ի ձեռն նոցա դէմ յանդիման ամենայն եկեղեցեաց :

ԳԼՈՒԽ Բ

ԼԻ քանզի պարծեցայ ես 'ի մէջ մակիրոնացւոցն և ասացի՝ բամ 'ի հերուն հետէ պատրաստեալ են, և այս նախանձ ձեր զբազումս յօժարեցոյց նմանող լինել ձեզ, վասն այսորիկ առաքեցի ես առ ձեզ զեղբարս, զի պատրաստեսցեն զձեզ. զի մի յորժամ եկեսցեն ընդ իս մակիրոնացիքն, և գտանիցեն զձեզ անպատրաստս, զայն որ 'ի հերուն հետէ խոստացաք մեք՝ թէ պատրաստք են, և ամաչեսցուք մեք պարծանօքն մերոյլք՝ որ վասն ձերն պարծեցաք. զի մի ասացից թէ դուք ամաչեսլիք խոստանալովն ձերով որ առ մեզ խոստացարուք : Արդ պատրաստեցէք դուք զօրհնուին զոր 'ի հերունն հետէ խոստացեալ էր ձեր. ոչ այնպէս իբրեւ զագահուի ասեմ ես՝ եթէ յաճախեսլիք, այլ իբրեւ զօրհնութիւն : Այլ ոչ վասն զի ասացի ձեզ՝ թէ մի յաճախիցէք, սակաւացուցանիցէք. զի զայս սերմն՝ որ սերմանէ ճշդելով աստ, առատութեմ հնձել յաշխարհն հանդերձեալ ոչ որ տայ նմա : Իսկ այն՝ որ սերմանէ օրհնութեմ և առատութեմ, յօրհնութեմ անտի այլ զկեանս հնձեսցէ 'ի վախճան կատարածի : Արդ մի այսուհետեւ տայցէ որ իբրեւ առ հարկի ամօթոյ տրտմութեմ, և կօրուսանիցէ զվարձս իւր, և անարգիցի. քանզի զուարթառատ տըւչին խոստացեալ են պարգեւք, և զնոյն սիրէ և նոյն :

Այլ պաշտօն հարկիս այսորիկ ոչ միայն զպակասութի սրբոցն՝ որ են յերուսաղէմ՝ ընու, այլ և զձեզ ևս առաւելուն դոհութեմ բազմաւ առաջի այլ. վասն հանդիսի պաշտամանս այսորիկ. այս ինքն վասն տրոց ձերոց զնոյն փառաւորեմք. զի 'ի ներութիւն այդ ձեր հնազանդիք դուք հոգալ վասն աղքատաց վասն բազում խոստովանութեմ ձերոյ յաւետարանն Բրիտտոսի : Եւ երեւի հաւասարուիդ ձեր որ առ սուրբն է իբրեւ անարգ ինչ և դուզնաքեայ : Այլ հաւատաւ

ըուծի աղօթից նոցա՝ որ է վասն ձեր, սիրով բազմաւ է. այս ինքն՝ ի ձեռն պնտութե և փութոյ մեծի: Այս զի եղև այսպէս, թէ փոխանակ մարմնաւորացն զհոգևորսն առջիք վասն շնորհացն այ որ առաւելուն ի ձեզ: Այլ շնորհն այ ի վերայ պարգեւացն նորա. կամ վասն հատուցման նորա, կամ վր զի ետ զՈրդի իւր փոխանակ մեր. մեծ է առաջինն, բայց վերջինս և անպատում ևս:

ԳԼՈՒԽ Ժ

Եւ քանզի էին ոմանք՝ որք վաճառականք լեալ էին պարգեւացն այ, զի բամբասէին վասն հաշուի տրոցն զոր արկեալ էր Պաւղոսի, և այսպէս ասէին՝ թէ յանուն սրբոցն անձին իւրում ժողովէ նա, սկսանի գրել նա և ընդդէմ նոցա ի մատուցանել իւրում հաճութիւն և հաւանութիւն կորնթացւոցն, թէ գուցէ որք ապրեցան յուրացութէ անտի հալածչաց, վերաւորեացին նորա ի հայհոյութէ անտի սուտ առաքելոցն: Աղաչեմ, ասէ, զձեզ գթութիւն այ և հեղութիւն Բրիստոսի, այն որ ցայսօր ժամանակի տեսանէք դուք յիս. զի թէպէտ և յանդիման, այս ինքն թէպէտ մարմնով հեռի եմ ես ի ձէնը, այլ աղաչեմ զձեզ՝ եթէ ճշմարտութե յուսացեալ եղէց ես ի ձեզ: Զի եթէ դուք ոչ հիւանդասցիք բանիւք հայհոյաց մերոց, համարձակեալ գտանիցիմ ես ի վերայ այնուցիկ որ կարծեն զմէնը՝ եթէ նորա մարմնով գնայցեն. այս ինքն ի վերայ ամենայնի՝ որ զրպարտեն զմեզ և ասեն՝ եթէ նք զտուրսն անձանց իւրեանց ժողովեն:

Վասնզի թէպէտ և մարմնով գնամք, այլ ոչ եթէ ըստ մարմնոյ զինուորիմք. այս՝ զի թէպէտ և ժողովեմք մեք զտուրսն, այլ ոչ եթէ անձանց ժողովեմք, որպէս և նորայն ասեն: Զի զէն զինուորութե մերոյ, այս ինքն խոնարհութիւ մեր և համբերութիւ՝ որ է ի փորձանս մեր, վկայէ ի վերայ մեր՝ եթէ ոչ եմք ի մարմնաւորաց, այլ ի զօրութենէ այ, այն որ նուազօրացաք մեք կալ ընդդէմ այսր ամենայնի: Իսկ զէն զինուորութե մերոյ զնոյն իսկ զաւետարան կու

չէ, զի նովաւ աւերեաց զամենայն ամուրս հեթանոսութեան, և քակեաց զխորհուրդս հինս զկապաշտութեան. և զամենայն բարձրութիւնս. այս ինքն ամենայն իշխանութիւն՝ որ բարձրասցի և հպարտասցի՝ ի վերայ նոր գիտութենայ՝ որ մեւք աւասիկ ամենայն հեթանոսաց քարոզի։ Գերեմք մեք զամենայն միտս, որ վարեալ են ի գերութի խաբէութեն, դարձուցաւ նել զնոսս ի հնազանդութիւն Բրիստոսի։ Եւ ի պատրաստի ունիմք խնդրել զվրէժ յամենայն անհնազանդութեան, որ արհամարհեցին զայն ինչ որ սփռեցաւ և լցաւ, և լցան լսելիք ձեր։ Կամ զի հանդերձեալ են դատել առաքեալքն զազգան Բակովբու, զի լուան զաւետարանն և ոչ ընկալան։ Կամ ի պատրաստի ունիմք մեք խնդրել զվրէժ յայնցանէ՝ ոյք լսեն զհայհոյութիւն մեր, և լռեն։ Այն զի պարտ և պատշաճ էր նոցա պատասխանի տալով ճշմարտութեան հայհոյչացն մերոց՝ ընթերանել և կարկեցուցանել զնոս։

Վոր հայեցարուք դուք ընդ մարդս մարդ։ Այս ինքն ընդ մեզ և ընդ նոսս։ Չի եթէ ոք ձեռն յանձին հարեալ իցէ՝ եթէ ես Բրիստոսի եմ, գոնայ իբրեւ զինքն համարեսցի զմեզ, եթէ որպէս նայն Բրիստոսի է, սոյնպէս և մեք։ Ոչ պարծիմ ես ձեզ՝ եթէ մեծ եմ ես քան զնոսս իշխանութեան առաքելութեան զոր ետ ինձ տէր իմ։ Այն զի և ոչ պարծանօքս այսուիկ իսկ ամաչեմ ինչ ես։ Քանզի ի շինել տուեալ է ինձ, և ոչ ի քակել զձեզ։ Այս ինքն զի կատարեալս արարից զձեզ պարգեւօք, և ոչ մեծացուցից զձեզ մեզօք։ Եւ զի ոչ գիտեմ ես ի ձեզ որ ինչ գործ գործեցաւ ինձ, որպէս և պարծին այլք մեծամեծօք զոր ոչ ունին առ իւրեանս, և փոքունք զոր ոչ ունին։ զի մի թուեցայց ես նոցա իբրեւ ահ ինչ արկանել ի ձեզ թղթովքս մերովք, որպէս զի երկիցէք և շրջեսլիք առ մեզ ի ձեռն զօրութեցն զոր արարաք, և չարչարանօքն որ գործեցան ի ձեզ։

Ուաւ նա զի ասէին վասն նորա՝ եթէ ոչ ըստ բանից իւրոց են գործք իւր, և ոչ ըստ պատգամաց իւրոց արդիւնք իւր։ զարդարանք, ասեն, զարդարի։

գրէ նա վասն անձին իւրոյ զայն ինչ՝ զոր արդեամբք ոչ ունի գնա : Եւ վասն այնորիկ ասէ . զայս խորհիցի այնպիսին՝ եթէ որպէս երևիմք բանիւք թղթովքս 'ի հեռաստանէ , թոյնպէս և արդեամբք երևեսցուք : Քանզի ոչ իշխէաք մեք յարգել զանձինս ինչ , կամ համարել ոմանց՝ որ զանձինս իւրեանց երևելիս առաջի ձեր ընծայեցուցանեն . այլ մեք խոնարհեցուցանեմք զանձինս մեր և յայնմանէ ևս՝ որչափ և եմքն : Եւ եթէ հաւասարիմք և կշռիմք , ընդ անձինս մեր հաւասարիմք և կշռիմք . այս ինքն ընդ փգրկուծի մեր : Եւ ոչ պարծիմք մեք իբրև զնոսա աւելի քան զչափն մեր . այլ պարծիմք մեք առ նոցա հետտանս ըստ չափոյ կարգին , յորչափ և վիճակեցոյց զմեզ անծ . այս ինքն յայնոսիկ՝ որ արժանի արար զմեզ անծ աւետարանել նոցա : Իբր ոչ եթէ իբր ոչ քարոզեցաք ձեզ՝ ձգտեցուցանեմք զանձինս մեր պարծել ձեւք . քանզի մինչև առ ձեզ հասեալ եմք աւետարանաւն Քրիստոսի : Եւ ոչ պարծիմք մեք օտար վաստակօք . այս ինքն քարոզութիւն աւետարանչաց այլոց . կամ զի ոչ պարծիմք մեք առ այնոսիկ՝ որ զմեզն ոչ գիտիցեն : Այլ ունիմք մեք զյոյս յանձինս մեր , զի աճեցեալ տեսանեմք օր ըստ օրէ զհաւատմ ձեր , զի այդրէն 'ի ձեզ մեծանալ մեզ սովին իսկ այսուիկ , և կարգն օրի նաց մերոց առաւել լիցի : Զի տացի մեզ և անդր ևս քան զձեզ աւետարանել . ոչ այնոցիկ՝ որոց աւետարանեալն , զի մի յօտար կարգէ յայլոց պատրաստութենէ անտի պարծիցիմք : Այլ որ պարծելոցն իցէ քարոզութիւն զոր եա նմա տէր քարոզել , 'ի մէջ հեթանոսաց ապոստամբողաց պարծեսցի . զի ոչ եթէ որ զանձն իւր յարգէ բանիւք՝ նա է ընտիր , այլ զոր տէր յարգէ 'ի ձեռն գործոց :

ԳԼՈՒԽ ԺԱ

Ա Եր եթէ ներէիք փոքր մի մտովք ձերովք 'ի միտ նախնու ձեզ զայս ինչ՝ զոր փոքր մի խօսիմ ես անսգամութիւն. այս ինքն պարծանօք : Նա և արժան իսկ է ձեզ անսալ ինչ . քան զի 'ի նա խօսիմ ես , այն զի 'ի ձեռն քարոզութեն որոյ հաստատեցի՝ խօսեցայ մարմնով և խորհրդովք իւրովք : Այսպէս հաստատեցի և խօսեցայ զանձինս ձեր 'ի ձեռն ճշմարտութեն սրբոյ յանդիման առնել ձեզ յաւուրն յետնում , առաջի ֆրիստոսի կացուցանել : Այլ երկրնչիմ , գուցէ իբրև օձն զի խաբեաց զեւայ 'ի խորամանկութի իւր , և մոլորեցոյց յայ , այնպէս ինչ ապականիցին ինչ միտք ձեր յառաքելոց անտի օձին 'ի միամտութենէ անտի սրբութե զոր 'ի ֆրիստոսն ունիք . այս ինքն 'ի ճշմարտութե անտի սրբութե ֆօր :

Օ Ի եթէ դե եկն առ ձեզ , և այլ ֆրիստոս զոք քարոզեաց զոր մեք ոչ քարոզեցաք ձեզ , կամ զոգի՝ ինչ օտար ընկալարուք 'ի ձեռն նոցա զոր ոչ մինչ դեռ մեքն առ ձեզն էաք՝ առեալ էր ձեր , կամ եթէ աւետարան ինչ այլ քարոզեցին ձեզ զոր չիցէ ընկալեալ ձեր 'ի մէնջ , բարւոք անսայիք և լսելիք բանից այնոցիկ՝ որ հայհոյեն զմեզ : Այսպէս համարիմ զանձն իմ՝ եթէ ոչ ինչ կարի պակաս ետու ես ձեզ քան զայն ինչ՝ զոր տան լաւ առաքեալքն քան զիս աշակերտաց իւրեանց : Ապա եթէ տգէտ ևս իցեմ բանիւ , որպէս ասացինն , այլ ոչ եթէ գիտութիւն . այս ինքն ոչ եթէ ճշմարտութիւն և քարոզութիւն իմով . սակայն յամենայնի յայտնեցաք զանձինս մեր առ ձեզ ճշմարիտ աւետարանաւն և հոգեւոր պարգևօքն :

Վ Եւցէ արդեւք ֆնասն ինչ գործեցի ես զայս , զի զանձն իմ խոնարհեցուցի . ոչ պարծեցայ զի դուք բարձրասցիք խոնարհութիւն զոր 'ի մէնջ ստանայք . կամ եթէ այսոն արդեւք փոքրկացայ , զի ձրի քարոզեցի ես ձեզ զաւետարանն նայ . կամ զայլ եկեղեցիս

կողողատեցի, զի կաշառեցից զձեզ այլով թողաեալ, և զձեր գործ վճարեցից: Այլ յորժամ ինչ պակասեաց ինձ մինչ դեռ առ ձեզն իսկ էի, որպէս և դուք ինքնին վկայէք, ոչ զոք 'ի ձէն՝ ձանձրացուցի երբէք խնդրեալ ինչ: Այլ յետ համբերուեն իմոյ պէտքն իմ լցան ինձ. ոչ յորդուոց քաղաքին ձերոյ, այլ եղբարքն որ եկին 'ի կողմանց մակիդոնացւոց, նոքա լուցուցին զպէտսն իմ: Եւ ոչ եթէ այսուիկ միայն պահեցի զանձն իմ, զի մի ծանրացայց ինչ ձեզ. այլ յաւմենայնի ձեզ առանց ծանրանալոյ զանձն իմ պահեցի և պահեցից: Զի գոյ ճշմարտուի Քրիստոսի յիս, որ ոչ փոխի. զի պարծանք իմ այս մինչև յայսօր ժամանակի ոչ ընդունայն լիցին, ոչ 'ի քաղաքի ձերում միայն, այլ յաւմենայն կողմանս արայացւոց:

Այլ զայս զի առնեմ ես՝ մեթէ ոչ սիրիցեմ զձեզ որպէս զմակիդոնացիսն, զի առի 'ի նոցանէն. այլ զայս զոր արարի և զոր առնեմ մինչ 'ի վախճան կատարածի, զի հատից զպատճառս՝ որ 'ի ձեռն այսր պատճառանաց կամին ստգտանել և բծել զմեզ. զի և այսուիկ որով պարծինս թէ չառնումք ինչ, իբրև գոյ նոցա, գտցին նոքա իբրև զմեզ՝ որ պակասեաց մեզ, և ոչ առաք ինչ: Արդ մի խաբիք դուք զկնի նոցա վասն սակաւոյ՝ զոր զգեցեալ են կերպարանօք. զի այնպիսիքն սուտ առաքեալք են և մշակք նենգաւորք, և զարդարին 'ի կերպարանս առաքելոց Քրիստոսի. զոր օրինակ և սատանայ 'ի կերպս կերպս եղև 'ի լուսաւոր հրեշտակի 'ի ժամու յորում ասաց տեառն մերում 'ի վերայ աշտարակին. ասէ. «Եթէ Որդի ես դու նոյ, արկ զքեզ վերուստ 'ի վայր. զի գրեալ է՝ եթէ հրեշտակաց իւրոց պատուիրեալ է վասն քո»: Սոյնպէս 'ի կերպս 'ի կերպս առնէ զպաշտօնեայս իւր 'ի նման պաշտօնէից արդարուեմ. իբրև ոչ յերկոտասանից անտի և ոչ յեւթանասուն և յերկուց առաքելոցն են նոքա, որոց կատարածն իւրեանց 'ի կատարածի եղիցի ըստ գործս իւրեանց որ աստ:

Իարձեալ ասեմ, այս ինքն պարծիմ. այլ քանզի զայս ոչ լուեալ էր ձեր յինէն, մի ոք զիս առ անըս-

ուանց մարմնոյ իցէ, ոչ գիտեմ: Այս ինքն 'ի ժամուն' զի յափշտակեցաւ նա. յետ յայտնութեն գիտաց նա՝ եթէ միտք նորա յափշտակեցան. և ուղեկիցք նորա ասացին՝ թէ մարմին նորա ուրեք ոչ փոխեցաւ:

{ } Կափշտակեցաւ մինչև յերկա յերկինս, կամ յերրորդ յերկնից, որպէս և Յոյնք ասեն. զի նա է արքայութիւն երկնից, ոչ է երկինս: Կամ աւելի է նա քան զերկուս երկինս, որպէս Մովսէսն համարեցաւ մեղ. կամ երկինք որ եղեն ընդ երկրի՝ բազում են, և մեզ թուեցաւ եթէ մի է: Մեկնէ զայս Դաւիթ թէ բազումք են, և ասէ. «Երկինք պատմեն զփառս ւայ, և զարարածս ձեռաց նորա պատմէ հաստատութիւն», և Եւաքեալ ասէ. «Գործք ձեռաց քոց երկինք են», Դարձեալ ասէ. «Եւ նա 'ի վերոյ քան զամենայն երկինս», Իսկ զքանս զանճառս զոր լուաւ, վասն ծննդեան Որդւոյ ասաց: Լուաւ և հաճեցաւ նա: Եւ վասն այսորիկ ըմբոստացեալ էր և հալածէր զեկեղեցիս: Եւ քահանայքն և դպիրքն Հրէից այսուիկ գայթաղէին, եթէ զհարդ ծնանի ւած: Մարդ ես դու, ասեն, և առնես զանճս քո ւած:

1) ասն այնպիսեացն, ասէ, պարծեցայց. այլ վասն անձին ինչ ոչ պարծեցայց, թէ տկարուք: Զի սուտ առաքեալքն ոչ իւրեամբքն զանձինս իւրեանց զարդարէին. իսկ Առաքեալ և զիւրն ևս յանուն այլոց պատմէր: Զի թէպէտ և կամիցիմ ինչ պարծել, այս ինքն այլովք յայտնութեք, ոչ ինչ սուտ երևեցայց, քանզի զարդարն խօսիմ: Այլ անխայեմ, գուցէ որպէս այլքն զի համարեցան զիս ւած 'ի ձեռն զոհիցն զոր բերին, իբրև այնու խորհեցան վասն իմ, և այլք 'ի պատճառս յայտնութեց աւելի ինչ քան զայն զոր տեսանէ ոք ինչ յիս, և կամ լսէ ոք ինչ յինէն: Այլ զի մի հպարտացայց վասն առաւելութեց յայտնութեց զոր յայտնեցի ես¹, տուաւ ինձ խայթ մարմնոյ հրէշ

¹ Աստուծոյ թուի թէ չփոխեալ էրէք գրիք՝ երկին գաղափարեալ զերկու հասածս այլ և այլ տեղեաց յարելով ընդ միմեանս, յորս չերևի միարանութի և ոչ յարմարութի ընդ կարգի բանիցն: Զի զինի բառիցք

յայտնեցի ես, առեալ երկու տողս 'ի հատուածոյն Դարձեալ ասէմ, որ կայ յէջն 109, յորէ ընդ նմա մինչև վածս է. և զհետ նորա զայլ հասածս այլ լայլութեք այն ինչ քան զայն որ Գե. ասէ որ ինչ յինէն տէ յինէն, յէջ 113.

տակ սատանայի՝ զի կռիւնքէ զիս, զի մի հպարտացայց : Իսկ խայթ՝ կամ ցուրտ էր, որպէս ոմանք ասեն . կամ Աղեքսանդր դարբին էր, որպէս այլք ասեն : Եւ վասն այսորիկ երից անգամ աղաչեցի զտէր, զի՝ ի բաց արասցէ յինէն . և ասէ ցիս . շատ են քեզ չնորհքն իմ՝ որ կռիւնք զխայթն քո . զի զօրուի իմ՝ ի տկարութե կատարի : Այս՝ զի զօրութի չնորհաց յօգնականութի տկարաց կատարի : Այլ սովին իսկ այսուիկ ոչ լսելով լսելի եղև . զի յայտնուի և վասն այսորիկ՝ որ ոչ եղև լսելի՝ եղև ի վր նր . զի հաճեսցէ և հաւանեցուցէ զնա՝ եթէ վասն էր ոչ եղև լսելի :

Եւ զլա լիցի ինձ պարծել . այս ինքն ակն ունել տկարութի . զի բնակեսցէ յիս զօրութի Գրիստոսի : Վասն այսորիկ հաճեալ եմ ընդ տկարութիւնս, ընդ թշնամանս և ընդ հալածանս . զի յորժամ տկարանամ ես այսու արտաքնովս, յայնժամ զօրացեալ լի նիմ ես ներքնովքն : Ո՛հ անսգամ ևս եղէ և պարծեցայ . զի ձերով հնազանդութիւն զոր հնազանդեցայք թշնամանեւոց և հպարտից, ստիպիցէք զիս գալ հասանել ինձ յայս . զի պարտ իսկ էր ձեզ մինչ մեք լուռ կայաք՝ վկայել ձեզ վասն մեր առաջի հայհոյչացն մերոց : Զի ինչ մի յամենայն պարգևացն՝ որ տուեալ լինի ի ձեռն Հոգւոյն, ոչ ինչ պակասեալ գտայ ես առ ձեզ քան զայնոսիկ՝ որ լաւ առաքեալքն իցեն : Զի եթպէտ և ես ոչ ինչ իցեմ գործովք իմովք, սակայն զնշանս առաքելոց գործեցի ի միջի ձերում . և ի ձեռն այսր որ բարձրացուցանեն զմարդիկ, մեք ամենայն համբերութիւն եղեաք առ ձեզ . հանդերձ նշանօք և արուեստիւք և զօրութիւն զոր գործեաք մեք, ոչ միով իւրիք համբերեաք մեք . զի ամենայն ումեք ամենայնիւ մեք հնազանդեաք :

() Ինչ այն ինչ իցէ՝ որով դուք պակաս գտեալ իցէք քան զայլ եկեղեցիս . բայց եթէ այսչափ, զի ես ոչ ինչ ձանձրացուցի զձեզ . այս ինքն զի ոչ առ յայնձն ինչ առնուլ ի ձէնջ : Զի ոչ եթէ իմդրեմ ինչ զձեր, այլ զձեզ . քանզի ոչ եթէ որդիք հարց ի ծածուկ

տող 30 . և ապա այլայլուք իմաս . ուղիկայ հատուածոյդ Աս. 24 մի տիցն գործեալ կրկնէ զսկիզբն ա . հպարտացայց . . . և զոր ոչ յայտնեցի ես :

կամ յայտնի դանձեն, այլ հարբ որդւոց: Արդ ես մտադիւրութիւն ծախեցից և ծախեցայց, ոչ 'ի վերայ ստացուածոց ձերոց, այլ 'ի վերայ անձանց ձերոց: Իսկ ես զի զայս ամենայն սէր սիրեմ զձեզ, ընդէն սակաւ սիրիմ 'ի ձէնջ: Այլ դու գրեալ ես ինչ ոչ ձանձրացուցի զձեզ. թերևս իբրև այր մի խորաբէտ խելօք կալայ զձեզ: Ի ձեռն այլոց զորս առաքեցի առ ձեզ, նոքօք ինչ զրկեցի՞ զձեզ: Մի՞ թէ ագա հեաց ինչ 'ի ձէնջ Տիտոս 'ի ժամանակի իբրև առաքեցի ես զնա առ ձեզ. ո՞չ նովին հոգւով և նովին շաւղօք իմովք շրջեցաւ նա առ ձեզ, զի մի բեռն ինչ ումեք լինիցի նա 'ի ձէնջ:

Այլ զայս զոր առնեմ ես և պատուիրեմ այնոցիկ զորս առ ձեզն առաքեմ, վասն ձերոյ շինութեան. թէ զոր ինչ տեսէք դուք յիս և 'ի Տիտոս, արասցիք և վկայեցիք վասն մեր: Այլ երկնչիմ, գուցէ գայցեմ, և որպէս ոչ ես կամիմ՝ գտանիցեմ զձեզ. գուցէ դարձեալ հեռ և նախանձ, այլովք հանդերձ: Գուցէ առ ձեզ յորժամ գայցեմ, նկուն առնիցէ ամ իմ զիս առ ձեզ. այս ինքն չարչարեսցէ զիս ամ իմ վասն ձեր, և սուգ առեալ գտանիցիմ 'ի ձէնջ վասն բազմաց՝ որ յանցուցեալ իցեն, և չիցեն ապաշխարեալ:

ԳԼՈՒԽ ԺԳ

ԱՌԱՋ յանցուցելոցն և այլոցն ամենեցուն, արդ ապաշխարեսցեն. զի եթէ եկից դարձեալ և ոչ գտից զնոսա ապաշխարեալս, ոչ ևս անխայեցից 'ի նոսա: Կամ թէ զփորձ ինչ առնուլ խնդրէք զՔրիստոսի, այն որ ոչ եթէ տկար ինչ է նա 'ի ձեզ. զի զօրացեալ է նա 'ի ձեզ: Եթէ կամիցիք կարգալ զնա օգնական լինել նմա ձեզ 'ի ժամանակի, իբրև յարուցեալ իցեն 'ի վերայ ձեր խորհուրդք չարին և ցանկութի մարմնոյ: Արդ զի զօրացեալ է նա 'ի ձեզ, ահա վկայեն պարգևք Հոգւոյն՝ որ տուան ոմանց 'ի ձէնջ, և ոչ ամենեցուն ձեզ: Զի թէպէտ և ել նա 'ի խաչ

տկարութիւն վասն մարդկութեան իւրոյ, այլ կենդանի է զօրութիւն անօրութեան իւրոյ: Եւ ահաւասիկ կնքեն և հաստատեն նշանքն և սքանչելիք՝ որ գործին յանուն նորա: Եւ եթէ մեք տկար եմք՝ ի նա հալածանօք և թշնամանօք, կենդանասցուք նովաւ նշանօք զոր գործեմք մեք յանուն նորա:

Փորձեցէք դուք զմիմեանս, եթէ կայցէք դուք ի նոյն հաւատս զոր ետուն ես ձեզ, և ոչ խտորեալ իցէք դուք զկնի սուտ առաքելոցն: Եւ զանձինս ձեր ևս փորձեցէք, գուցէ երկմտուի ինչ լիալ իցէ ի միտս ձեր. զի եթէ երկմտիք դուք, Գրիստոս մեկնի գնայ ի ձէնջ, և անպիտանք գտանիջիք: Այն ունիմ եթէ գիտիցէք՝ եթէ մեք չեմք անպիտանք, որպէս սուտ առաքեալքն կարծեն զմէնջ. զի աւասիկ տանջանքս մեր վկայեն վասն ճշմարտունեան մերոյ, և յայտնի վերջս մարմնոցս մերոց և կնքեն և հաստատեն վասն ծածուկ հաւատոց մտաց մերոց: Ինդրեմք յայ, զի մի ինչ արասցէք դուք չար. զի մի երեւեսցուք մեք իբրեւ ընտիրք, այս ինքն մեք ընտրեմք ձեւք. այլ զի դուք բարիս գործեցէք, և մեք անպիտանք երեւեսցուք: Այն է զի ասէ. ուրախ եմք, յորժամ մեք տկարանամք, և դուք զօրանայք. այս ինքն յորժամ մեք հալածիմք, և դուք ի խաղաղունք բնակեալ էք: Սոյն պէս և մեք աղաչեմք զդոյն, զի դուք կատարեալք լինիջիք բանիւք և արդեամք: Վասն այսորիկ զայս ի հեռուստ գրեմ, զի մի յորժամ առ ձեզ եկից, խստութիւն սաստկացայց ի վերայ ձեր ըստ իշխանութեան՝ որ տուեալ է ինձ ի տեառնէ կապել յերկինս և յերկրի:

Իստուհետև ուրախ լերուք, զի տրտմեցուցի զձեզ առաջին թղթովն իմով. և կատարեալք լերուք որով իւրիւր պակասն էիք. և միմեարեցարուք, զի սգացեալ էիք. և միաբանեցէք, զի հեռիւ էիք ընդ միմեանս: Եւ ան սիրոյ և խաղաղունք եղիցի ընդ ձեզ, զի նովաւ սիրեալիք դուք զայնոսիկ զորս վասն յանցանացն իւրեանց մերժէիք և օտարացուցանէիք ի ձէնջ. և խօսեցարուք զխաղաղութիւն ընդ այնոսիկ՝ որ վասն չմարթութեանց արգելիք ի նոցանէ զբան բերանոյ ձերոյ:

ԿՈՐԸՆԹՈՍՅՈՒՆ ԵՐՐՈՐԴ

ԿՈՐԸՆԹՈՍԻՔ յետ միաբանելոյն իւրեանց 'ի ձեռն թղթոցն Առաքելոյ, 'ի հերձուածոց անտի՝ որ անդէն և անդ յինքեանց 'ի վերայ իւրեանց ծնան՝ խռովեցուցիւք օտարք մտին 'ի նոսա և խռովեցուցին զնոսա : Սոյն իսկ այսու նախանձու չարին՝ որ զօրանայր 'ի նոսա, յայտ յանդիմանուի՞ք քարոզելոցին զմոլորուի խաբէութեն իւրեանց 'ի հրապարակս, և ոչ ծածկեցին կամ թագուցին յամենայնէ որ և դիպէր նոցա : Իսկ երիցունքն կորնթացւոց իբրև տեսին թէ օր ըստ օրէ սփռեն և տարածանեն զքարոզութիւն իւրեանց, փութացան գրել ցուցանել Առաքելոյ զայն ինչ զոր քարոզէինն նոքա, եթէ կամ ինքն գլխովին փութապէս եկեսցէ, կամ ցրումն և լուծումն բանից նոցա մեծաւ հոգաբարձութիւն առաքեսցին 'ի նմանէ : Արդ վասն այսորիկ և վասն որ ինչ նման է սոցա, գրեն թուղթ և տան տանել 'ի ձեռն փոյթ երկուց սարկաւազաց առ Պաւղոս, յասելն իւրեանց այսպէս :

ՍՏԵՓԱՆՆՈՍ և որ ընդ նմա երիցունք, առ Պաւղոս եղբայր տէր՝ ողջոյն :

Ըք ոմանք երկու եկին 'ի Կորնթոս, Սիմոն առնուն և Կրիստոս. և զոմանս ոմանս 'ի հաւատացելոց անտի առ ինքեանս դարձուցանեն : Բայց ոչ եթէ բանիւք ճշմարտութիւն դարձուցանեն զնոսա, այլ ապականեալ բանիւք. յորոց բանից վերայ դու ինքնին պարտիս հասանել : Զի մեք ոչ 'ի քէն երբէք լուաք զայսպիսի բանս, և ոչ յայլոց առաքելոց յընկերաց անտի քոց, զոր ինչ միանգամ յարանց աստի յայսցաւ :

նէ լսեմք մեք : Այսչափ գիտեմք , եթէ որ ինչ 'ի քէն լուաք և որ ինչ յայլոց առաքելոցն , հաստատուն պարհմբ : Արդ մեր տրտմութիւն ոչ եթէ վասն անձանց ինչ է , այլ վասն ժողովրդեանս : Բայց յայս միկ յոյժ ողորմեցաւ մեզ տէր . զի մինչ դեռ դու իսկ մարմնով ընդ մեզ ես , միւսանգամ 'ի քէն լուիցուք թղթով զայն ինչ զոր լուաք 'ի քէն բանիւք . կամ դու իսկ ինքնին վաղվաղակի առ մեզ եկեսջիր : Մեք հաւատամք 'ի տէր' զի կամ յայտնեցաւ եթէսնիայ և փրկեաց զքեզ Քրիստոս 'ի ձեռաց անտի անօրինի' առաքեաց առ մեզ , կամ թուղթ գրեսցես առ մեզ : Այլ թերեւ այս անուն դատաւորին էր , որ կապեացն զնա և եդ 'ի բանդի 'ի քաղաքի անդ փիղիպեցոց : Եւ են բանք մօլոր զոր ասեն և ուսուցանեն' այսպէս : Չէ պարտ , ասեն , զմարգարէս ընդու նեւ , այլ զաւետարանն . և ոչ զի՞նչ ասեն ամենակալ . այս ինքն այն , ասեն , որ խօսեցաւն 'ի մարգարէս , չէ ի՞նչ ամենակալ . և ոչ ասեն յարուհի մարմնոյ . և ոչ զմարդն ասեն բնաւ ստեղծեալ յայ , այլ յեւթն վարչաց անտի . և ոչ ասեն երկրաւոր մարմնով եկն տէր մեր , այլ երկնաւոր մարմնով . և ոչ 'ի կուսէ Մարիա մայ ծնեալ առնեն զնա . զի անցանելով անց , ասեն , ընդ նա' իբրեւ ոչ առ 'ի նմանէ ինչ . և ոչ զաշխարհս արարած առնեն ինչ , այլ հրեշտակաց ուրումն , այս ինքն նորուն իսկ եւթն վարչաց :

Այլ այս ուսումն վարդապետաց տանն Բարդեժանու է . և վասն այսորիկ ոչ թողին դեծանացիքն զայս թուղթ յառաքեալ իւրեանց : Ասացեալ իսկ էր զայս Առաքելոյ 'ի գործս առաքելոցն . ասէ . զկնի իմ' յորժամ գնացից , մտցեն առ ձեզ գայլք յափշտակողք , որ ոչ անխայեսցեն 'ի վերայ աշակերտաց . և 'ի ձէնջ յարիցեն մարդք կամակորախօսք , և դարձուցեն զաշակերտս երթալ զկնի իւրեանց : Արդ յաւուրց անտի Առաքելոյ , որպէս և մարգարէացաւ ինքն Առաքեալ , որպէս և գրեցին և կորնթացիքն , հաստատեցաւ այս աղանդ : Չի կարծեն աշակերտքն Բարդեժանու եթէ 'ի Բարդեժան վարդապետէն նուցա գիտ զայս . և 'ի նոցանէ իսկ գրեցան պրակսաւ

թոյքն . զի 'ի մէջ զօրութեց և նշանաց առաքելոցն զոր գրեցին , գրեցեն յանուն առաքելոցն զանօրէնունն՝ զոր խափանէին առաքեալքն : Վասն այսորիկ ասեն . զոր գրեցաք մեք առ քեզ թուղթ , փոյթ յանձին կալլիք հասանել առ մեզ դու իսկ գլխովին . որպէս զի տեսեամք քով և բանիւք քովք առանց գայ . թագղութե կացցէ քաղաքս կորընթացւոց , և նոցա յիմարութին ճմարտութե և քարոզութեն քոյայտ յանդիմանութեամենեցուն խայտառակեալ մերժեսցի :

Ի՞նչն տարան զթուղթն 'ի քաղաք փիղիպեցւոց : Եւ քանզի դիպեցաւ օրն հալածանաց Պաւղոսի , այն որ տանջեցին զնա զաւազանօք և եդին 'ի բանդի , քանզի հանեալ էր նորա զգէն յաղախնոյ անտի՝ որ գիւթէն՝ շրջէր , երկեան նոքա երթալ առ նա . և ետուն տանել զթուղթն 'ի ձեռն Ապողափանի կնոջն : Ապա եթէ չէ այս այն գիշեր , քանզի յայնմ գիշերի շարժումն եղև 'ի նմա , և դրունք բանդին առ հասարակ բացան , և կապանքն արձակեցան 'ի նմանէ , և հան զնոսա անտի բանդապետն , և տարաւ 'ի տուն իւր , և մատուցին զթուղթն :

Ի՞յլ իբրև առ նա զթուղթն , և մոռացաւ նա ըզկապանմն , և սուգ առնու վասն բանիցն զոր լուաւ . և ասէ լալով . Իբրո՞ւ զի լաւ էր ինձ թէ վախճանեալ էի , և ընդ տեառն էի յուսով և խաղաղութիւն , և ոչ զի յետ կապանացս համբերութեան վասն մարդկան՝ դարձեալ յառաջեն քահանայք սատանայի , և խռովել և մոլորեցուցանել զմարդիկ զոր դարձուցանեմ ես : Եւ այսպէս բազում չարչարանօք 'ի հալածչաց և 'ի խաբէից անտի զոր համբերէր Պաւղոս , առնէր թրղթոյն պատասխանի կորընթացւոցն լալով յասեւն իւրում այսպէս .

ՊԱՒՂՈՍ կալանաւոր Յօի Բրիստոսի . այս ինքն վասն Յիսուսի Բրիստոսի . առ եղբարս կորընթացիս , 'ի բազում նեղութենէ աստի զոր ունիմ ես 'ի տանջանաց և կապանաց և համբաւուց չարեաց , ողջոյն : Ես ինչ ոչ կարի զարմացեալ եմ . այս ինքն զի յոյժ

զարմացեալ եմ, զի այդչափ վաղվաղակի ընթանան հրապոյրը չարին յաշխարհ : Այլ տէր մեր Յիսուս Քրիստոս վաղվաղակի արասցէ զգալուստ իւր վասն այսորիկ որ անարգեն զնա սովին իսկ այսուիկ՝ զի փոփոխեն զձշմարտունի բանիցն նորա : Այլ ես 'ի սկզբ բանէ, այս ինքն յորմէ հետէ տեսի զձեզ, զայն ինչ լուայ յառաքելոց անտի, որ զամենայն ժամանակ աւետարանուէ ընդ տեառն մերում շրջէին, գւտուցի ձեզ՝ Եւ Յիսուս Քրիստոս 'ի Մարիամայ ծնաւ, ոչ եթէ անց ընդ նա . և 'ի զաւակէ Դաւթի, և ոչ եթէ մարմին երկնաւոր . և ըստ աւետեաց Հոգւոյն սրբոյ առ յերկնից առաքելոյն 'ի նա, և ոչ եթէ Յուսեփայ մօտելոյն 'ի նա : Եւ այս զի եղև, զի ազատեցուցէ յապականութիւն զամենայն մարմին իւրով մարմնաւոր . և զի զմեզ 'ի մեռելոցն յարուցէ մարմնով, որպէս ցոյց զանձն իւր օրինակ :

II) արդէն առաջին 'ի Հօրէ ստեղծաւ, և ոչ եթէ 'ի վարչաց անտի . որպէս և դժբայդ ասեն : Վասն այսորիկ և 'ի կորստեան խնդրեցաւ նա 'ի ձեռն Որդւոյ . ոչ զի խրամատեսցի և մեռցի արդարութիւն, վա զի կորոյս նա զանձն իւր մեղօք, այլ զի կենդանացի շնորհօք, և եղիցի յորդէգրութիւն : Այլ անձ ամենայն աշխարհաց, այս ինքն ամենայն դարուց, այն որ ամենակախ է, այն որ արար զերկինս և զերկիր, և ոչ եթէ հրեշտակք, որպէս խաբիչքն ձեր քարոզեն, և առաքեաց նախ առ Հրեայսն զմարգարէսն, զի փրկեսցին յիշատակօքն նոցա 'ի մեղաց, և յերկրպագութենէ անտի կռոցն : Զի կամէր նա փրկել զտունն Խաւայիլի . և վկայէ փոյթն առնել 'ի ձեռն մարգարէիցն՝ որ եղև վասն նոցա . վասն այսորիկ բաշխեաց արկ նա յՈգւոյ անտի Քրիստոսի 'ի վերայ մարգարէիցն : Այս զի այն Հոգին՝ որ քարոզէր 'ի ձեռն առաքելոցն, նոյն և 'ի մարգարէսն զանմոլար անձապաշտութիւն, և զծնունդն Քրիստոսի ժամանակօք բաղմօք քարոզէր . այս ինքն հազար չորեքարիւր և երեսուն ամ . յեւրոյ անտի յերկրէն եգիպտացուց մինչև 'ի գալուստ տեառն մերոյ ընդ շատ և ընդ փոքր այդչափ լինին : Բանգի որ անօրէնն իշխանն էր, իբրև անձանալն կամեցաւ, վասն այսորիկ ձեռն ար-

ԳԼՈՒԽ ԺԱ

ԱՒ ԷՐ ԵԼԹԷՆԵՐԷԻՔ ՓՈՔՐ ՄԻ ՄՈՒՈՎՔ ՃԵՐՈՎՔ 'Ի միտ անուռ և ձեզ զայս ինչ՝ զոր փոքր մի խօսիմ ես անսգամութեւ . այս ինքն պարծանօք : Նա և արժանիսկ է ձեզ անսալ ինձ . քան զի 'ի նա խօսիմ ես , այն զի 'ի ձեռն քարոզութեն որոյ հաստատեցի՝ խօսեցայ մարմնով և խորհրդով իւրով : Այսպէս հաստատեցի և խօսեցայ զանձինս ձեր 'ի ձեռն ճշմարտութեն սրբոյ յանդիման առնել ձեզ յաւուրն յետնում , առաջի Քրիստոսի կացուցանել : Այլ երկրնչիմ , գուցէ իբրև օձն զի խաբեաց զեւայ 'ի խորամանկութի իւր , և մոլորեցոյց յայ , այնպէս ինչ ապականիցին ինչ միտք ձեր յառաքելոց անտի օձին 'ի միամտութեն անտի սրբութե զոր 'ի Քրիստոսն ունիք . այս ինքն 'ի ճշմարտուէ անտի սրբուէ Քրի :

Օ ի եթէ ոք եկն առ ձեզ , և այլ Քրիստոս զօք քարոզեաց զոր մեք ոչ քարոզեցաք ձեզ , կամ զողի՝ ինչ օտար ընկալարուք 'ի ձեռն նոցա զոր ոչ մինչ դեռ մեքն առ ձեզն էաք՝ առեալ էր ձեր , կամ եթէ աւետարան ինչ այլ քարոզեցին ձեզ զոր չիցէ ընկալեալ ձեր 'ի մէջ , բարեք անսայիք և լսէիք բանից այնոցիկ՝ որ հայհոյեն զմեզ : Այսպէս համարիմ զանձն իմ՝ եթէ ոչ ինչ կարի պակաս ետու ես ձեզ քան զայն ինչ՝ զոր տան լաւ առաքեալքն քան զիս աշակերտաց իւրեանց : Ապա եթէ տգէտ ևս իցեմ բանիւ , որպէս ասացինն , այլ ոչ եթէ գիտութե . այս ինքն ոչ եթէ ճշմարտութե և քարոզութե իմով . սակայն յամենայնի յայտնեցաք զանձինս մեր առ ձեզ ճշմարիտ աւետարանաւն և հոգևոր պարգևօքն :

Վուցէ արդեւք փառս ինչ գործեցի ես զայս , զի զանձն իմ խոնարհեցուցի . ոչ պարծեցայ զի դուք բարձրասլիք խոնարհութե զոր 'ի մէջ ստանայք . կամ եթէ այսո՞ւ արդեւք փոքրկացայ , զի ձրի քարոզեցի ես ձեզ զաւետարանն այ . կամ զայլ եկեղեցիս

կողողպտեցի, զի կաշառեցից զձեզ այլով թողահաւ, և զձեր գործ վճարեցից: Այլ յորժամ ինչ պակասեաց ինձ մինչ դեռ առ ձեզն իսկ էի, որպէս և դուք ինքնին վկայէք, ոչ զոր 'ի ձէնց ձանձրացուցի երբէք խնդրեալ ինչ: Այլ յետ համբերուէն իմոյ պէտքն իմ լցան ինձ. ոչ յորդուոց քաղաքին ձերոյ, այլ եղբարքն որ եկին 'ի կողմանց մակիդոնացւոց, նոքա լուսուցին զպէտան իմ: Եւ ոչ եթէ այսուիկ միայն պահեցի զանձն իմ, զի մի ծանրացայց ինչ ձեզ. այլ յամենայնի ձեզ առանց ծանրանալոյ զանձն իմ պահեցի և պահեցից: Զի քոյ ճշմարտուի Քրիստոսի յիս, որ ոչ փոխի. զի պարծանք իմայս մինչև յայսօր ժամանակի ոչ ընդունայն լիցին, ոչ 'ի քաղաքի ձերում միայն, այլ յամենայն կողմանս արայացւոց:

Այլ զայս զի առնեմ ես՝ միթէ ոչ սիրիցեմ զձեզ որպէս զմակիդոնացիսն, զի առի 'ի նոցանէն. այլ զայս զոր արարի և զոր առնեմ մինչ 'ի վախճան կատարածի, զի հատից զպատճառս՝ որ 'ի ձեռն այսր պատճառանաց կամին ստգտանել և բժեղ զմեզ. զի և այսուիկ որով պարծինս թէ չառնումք ինչ, իբրև գոյնոցա, գտցին նոքա իբրև զմեզ՝ որ պակասեաց մեզ, և ոչ առաք ինչ: Արգ մի խաբիք դուք զկնի նոցա վասն սակաւոյ՝ զոր զգեցեալ են կերպարանօք. զի այնպիսիքն սուտ առաքեալք են և մշակք նենգաւորք, և զարդարին 'ի կերպարանս առաքելոց Քրիստոսի. զոր օրինակ և սատանայ 'ի կերպս կերպս եղև 'ի լուսաւոր հրեշտակի 'ի ժամու յորում ասաց տեառն մեքում 'ի վերայ աշտարակին. ասէ. "Եթէ Որդի ես դու ար, արկ զքեզ վերուստ 'ի վայր. զի գրեալ է՝ եթէ հրեշտակաց իւրոց պատուիրեալ է վասն քո": Սոյնպէս 'ի կերպս 'ի կերպս առնէ զպաշտօնեայս իւր՝ ի նման պաշտօնէից արդարուէ. իբրև ոչ՝ յերկոտասանից անտի և ոչ յեւթանասուն և յերկուց առաքելոցն են նոքա, որոց կատարածն իւրեանց 'ի կատարածի եղիցի ըստ գործս իւրեանց որ աստ:

Վարձեալ ասեմ, այս ինքն պարծիմ. այլ քանզի զայս ոչ լուեալ էր ձեր յինէն, մի ոք զիս առ անըս-

գամն հատանիցէք . և եթէ առ անսգամն ևս ունիցիք զիս, վասն զի անժուժեցայ ես պարծել, զմեայ իբրև զմի յանսգամաց ընկալարուք զիս : Քանզի և ես գիտեմ՝ թէ զոր խօսիմն, ոչ եթէ ըստ տեառն ինչ խօսիմ, այլ իբրև անսգամութիւն . այս ինքն յայտեղի պարծանաց : Քանզի բազումք եկին առ ձեզ, և ընդունելի եղեն ոմանք՝ ի մէջ՝ իբրու դուք իմաստուն էք, և անսայք դուք ձերովդ իմաստութիւն, և լսէք դուք քաղցրութիւն զպարծանս զոր նոքա ընծայեցուցանեն զանձինս իւրեանց առ ձեզ . և խոնարհիք դուք նոցա, զի առաւելապէս ծառայեսձիք դուք նոցա : Այլակերպ լինելով ուտեն զձեզ . զի թէպէտ և չառնուցուն ՚ի ձէնձ, իբրև ոմանք ՚ի նոցանէն, և առնելով առնուն ՚ի ձէնձ : Եւ կէսք հպարտանան ՚ի վերայ ձեր իբրև իշխանք, և յանդիման իսկ հարկանեն զձեզ : Արդ վասն զի զայս ամենայն զոր մեք ոչ արարաք ձեզ՝ առնեն ձեզ վասն ձերոյ պարծանաց, նա և մեք իսկ հիւանդացաք այդու՝ իրօք յայդ, զի զձեզ յայդմանէ անխայեսցուք :

Եւ քանզի ՚ի նոցունց առաքելոցն՝ որոց հերբայեցիք էին, առ նա ասել ընդդէմ նոցա, որ անուամբն Աբրահամի ձեռն յանձին հարեալ պարծէին : Զի եթէ, ասէ, որ ոք իշխեսցէ համարձակ ասել, յանդադամութենէ ասեմ և իշխեմ և ես . եթէ հերբայեցիք իցեն, և ես . և եթէ որդիք Յակովբու իցեն, այն որ խորայէն կոչեցաւ, և ես . եթէ յօրհնեալ զաւակէ Աբրահամի իցեն, և ես . և եթէ պաշտօնեայք Քրիստոսի իցեն, արտաքոյ մտաց ասացից, այս ինքն ասացից որ յիս, առաւել ևս ես իցեմ : Իսկ իւ եմ ես առաւել քան զնոսա . այլ վաստակովք և կապանօք և հարուածովք ՚ի մահու բազում անգամ : Եթէ ՚ի Հրէից ասէք, հնգապատիկ՝ քառասուն միով պակաս արբի . երից անգամ ըստ կարգի թագաւորաց ձաղկեցայ . միանգամ՝ ի քաղաքէ քաղկոծեցայ . երից անգամ ՚ի ծովու նաւաբեկ եղեայ . ընդ տիւ և ընդ գիշեր ժամէ ՚ի ժամ առանց նաւի

1 Յօրինակին այդ . որպէս և ալ
լուր այն :

2 Յօր . գրեալ էր առ նոսա ասել
ընդդէմ նոցա . ասել սր անասմբն :

յանդուհս տառապեցայ : Այս ինքն 'ի Ժամանակի՝
 իբրև ելնա 'ի Հռոմ քաղաք : Վիշտա 'ի Ճանապարհաց
 և 'ի գետոց . 'ի Ժամանակի՝ իբրև անցանէր նա
 'ի հեռաւոր աշխարհս քարոզել զաւետարանն : Վիշտարս
 յաւազակաց . այնոցիկ՝ սր դարանն գործեցին ,
 և նղովեցին զանձինս իւրեանց՝ եթէ ոչ կերիցեն հաց ,
 մինչև զնա սպանցեն : Վիշտա 'ի քաղաքաց . յեփեսոս
 և յԻկոնէոն և յԱնտիոք և յայլ ևս : Եւ ոչ եթէ
 այս միայն , այլ և 'ի ջան և 'ի վաստակս , զի շրջէի
 ընդ աշխարհ ամենայն հետիոտս . 'ի քաղց և 'ի ծաւաւ
 առ չքի հացի և ջրոյ , բայց 'ի բազում պահոց
 անտի՝ որ 'ի կամաց և 'ի ցուրտ ճանապարհի , և 'ի
 մերկութե առ չգոյէ հանդերձի . թող զայլ նեղութիւնս՝
 որ հանապազ 'ի վերայ իմ կուտակեալ էին .
 Դարձեալ և հոգք , ոչ միայ քաղաքի կամ միոյ աշխարհի ,
 այլ ամենայն եկեղեցեաց :

Ո՛վ է որ հիւանդանայ իբրև զձեզդ մտովք իւրովք ,
 և ոչ ես տրտմիմ ընդդէմ նոցա . ո՛վ է որ գայթաղի
 'ի հաւատոց , և ոչ ես մաշիմ՝ եթէ որպէս զարձուցից
 զնա : Եւ եթէ պարծել ինչ պարտ իցէ , զգործ
 տկարութե՝ այս ինքն եթէ փորձանօք պարտ
 իցէ պարծել : Երդնում ես և ոչ ստեմ . 'ի Դամասկոս
 շահապն Արեւտ արքայի զամենայն քաղաքս յուզեաց
 գտանել զիս . և իբրև ոչ կարացի ես թաքչել
 'ի մէջ նորա և կամ ելանել ընդ դուռն նորա , ընդ
 պատուհան պարսպացն ապրեցայ 'ի ձեռաց նորա :

ԳԼՈՒԽ ԺԲ

Եւ որ պարծել այսոքիմք վասն ստոյն պիտի , բայց
 մեզ ինչ ոչ օգնէ : Բայց սակայն եկեսցուք զարձեալ
 'ի տեօիլս և 'ի յայտնութիւն տեառն : Թէպէտ և բազում
 յայտնութիւն եղեն 'ի վերայ նորա , սակայն քոն
 զամենայն զայն որ եղև 'ի վերայ նորա 'ի Ճանապարհին
 Դամասկեայ , որ ամենայն մարդոյ յայտնի էր ,
 կամեցաւ ասել . և ոչ եթէ յիւր անուն գրեաց զնա :
 Գիտեմ ես , ասէ , այր մի 'ի Քրիստոս յառաջ քան
 զորեքտասան ամ . եթէ մարմնով իցէ և եթէ ա-

ռանց մարմնոյ իցէ, ոչ գիտեմ: Այս ինքն 'ի ժամուն' զի յափշտակեցաւ նա. յետ յայտնութեն գիտաց նա՝ եթէ միտք նորա յափշտակեցան. և ուղեկիցք նորա ասացին՝ թէ մարմին նորա ուրեք ոչ փոխեցաւ:

{ } Կափշտակեցաւ մինչև յերիս յերկինս, կամ յերրորդ յերկնից, որպէս և Յոյնք ասեն. զի նա է արքայութին երկնից, ոչ է երկինս: Կամ աւելի է նա քան զերկուս երկինս, որպէս Մովսէսն համարեցաւ մեզ. կամ երկինք որ եղեն ընդ երկրի՝ բազում են, և մեզ թուեցաւ եթէ մի է: Մեկնէ զայս Դաւիթ թէ բազումք են, և ասէ. «Երկինք պատմեն զփառս ւայ, և զարարածս ձեռաց նորա պատմէ հաստատութիւն», և Եւաքեալ ասէ. «Գործք ձեռաց քոց երկինք են», Դարձեալ ասէ. «Եւ նա 'ի վերոյ քան զամենայն երկինս», Իսկ զքանս զանճառս զոր լուաւ, վասն ծննդեան Որդւոյ ասաց: Լուաւ և հաճեցաւ նա: Եւ վասն այսորիկ ըմբոստացեալ էր և հալածէր զեկեղեցիս: Եւ քահանայքն և դպիրքն չրէից այսուիկ գայթաղէին, եթէ զհարդ ծնանի ւած: Մարդ ես դու, ասեն, և առնես զանձն քո ւած:

1) ասն այնպիսեացն, ասէ, պարծեցայց. այլ վասն անձին ինչ ոչ պարծեցայց, թէ տկարութ: Զի սուտ առաքեալքն ոչ իւրեամբքն զանձինս իւրեանց զարդարէին. իսկ Առաքեալ և զիւրն ևս յանուն այլոց պատմէր: Զի թէպէտ և կամիցիմ ինչ պարծել, այս ինքն այլովք յայտնութեք, ոչ ինչ սուտ երեւեցայց, քանզի զարդարն խօսիմ: Այլ անխայեմ, գուցէ որպէս այլքն զի համարեցան զիս ւած 'ի ձեռն զոհիցն զոր բերին, իբրև այնու խորհեցան վասն իմ, և այլք 'ի պատճառս յայտնութեց աւելի ինչ քան զայն զոր տեսանէ ոք ինչ յիս, և կամ լսէ ոք ինչ յինէն: Այլ զի մի հպարտացայց վասն առաւելութեց յայտնութեց զոր յայտնեցի ես¹, տուաւ ինձ խայթ մարմնոյ հրէշ

1 Աստանոր թուի թէ շփոթեալ իցէ գրիչն՝ կրկին գաղափարեալ զերկու հատածս այլ և այլ տեղեաց յարելով ընդ միմեանս, յորս չերևի միարանութի և ոչ յարմարութի ընդ կարգի բանիցն: Զի զինի բառիցք

յայտնեցի ես, առեալ երկու տողս 'ի հատուածոյն Գաղթեալ ասեմ, որ կայ յէջն 109, յորեք ընդ նմա մինչև վասն 43. և զհետ նորա զայլ հատած այլ լայլութեք այն ինչ ասն պատ որ Գե. ասնէ որ ինչ ինչն լսէ յինէն, յէջ 112.

տակ սատանայի՝ զի կռիւեսցէ զիս, զի մի հպարտացայց : Իսկ խայթ՝ կամ ցուրտ էր, որպէս ոմանք ասեն . կամ Աղեքսանդր դարբին էր, որպէս այլք ասեն : Եւ վասն այսորիկ երից անգամադաշեցի զտէր, զի 'ի բաց արասցէ յինէն . և ասէ ցիս . շատ են քեզ շնորհքն իմ՝ որ կռիւեն զխայթն քո . զի զօրուի իմ՝ 'ի տկարութե կատարի : Այս՝ զի զօրութի շնորհաց յօգնականութի տկարաց կատարի : Այլ սովին իսկ այսուիկ ոչ լսելով լսելի եղև . զի յայտնուի և վասն այսորիկ՝ որ ոչ եղև լսելի՝ եղև 'ի վր'նր . զի հաճեսցէ և հաւանեցուցէ զնա՝ եթէ վասն էր ոչ եղև լսելի :

Եւ զլաւ լիցի ինձ պարծել . այս ինքն ակն ունել տկարութե . զի բնակեսցէ յիս զօրուին Գրիստոսի : Վասն այսորիկ հաճեալ եմ ընդ տկարութիւնս, ընդ թշնամանս և ընդ հալածանս . զի յորժամ տկարանամ ես այսու արտաքնովս, յայնժամ զօրացեալ լի նիմ ես ներքնովքն : Ո՛հ անսգամ ևս եղէ և պարծեցայ . զի ձերով հնազանդութեն զոր հնազանդեցայք թշնամանելոց և հպարտից, ստիպիցէք զիս գալ հասանել ինձ յայս . զի պարտ իսկ էր ձեզ մինչ մեք լուռ կայաք՝ վկայել ձեզ վասն մեր առաջի հայհոյչացն մերոց : Զի ինչ մի յամենայն պարգեւացն՝ որ տուեալ լինի 'ի ձեռն Հոգւոյն, ոչ ինչ պակասեալ գտայ ես առ ձեզ քան զայնոսիկ՝ որ լաւ առաքեալքն իցեն : Զի թէպէտ և ես ոչ ինչ իցեմ գործովք իմովք, սակայն զնշանս առաքելոց գործեցի 'ի միջի ձերում . և 'ի ձեռն այսր որ բարձրացուցանեն զմարդիկ, մեք ամենայն համբերուք եղեաք առ ձեզ . հանդերձ նշանօք և արուեստիւք և զօրութե զոր գործէաք մեք, ոչ միով իւրք համբերէաք մեք . զի ամենայն ումեք ամենայնիւ մեք հնազանդէաք :

Ո՛րնչ այն ինչ իցէ՝ որով դուք պակաս գտեալ իցէք քան զայլ եկեղեցիս . բայց եթէ այսչափ, զի ես ոչ ինչ ձանձրացուցի զձեզ . այս ինքն զի ոչ առ յառնա ինչ առնուլ 'ի ձէնջ : Զի ոչ եթէ խնդրեմ ինչ զձեր, այլ զձեզ . քանզի ոչ եթէ որդիք հարց 'ի ծածուկ

տող 30 . և ապա այլայլուք իմաս . ուղիկայ հատուածոյդ Այլ զի Գ
տիցն դարձեալ կրկնէ զսկիզբն ա . հպարտացայց . . . Եւրո զի յայտնի էն :

կամ յայտնի գանձեն, այլ հարք որդւոց: Արդ ես մտադիւրութիւն ծախեցիցի և ծախեցայց, ոչ 'ի վերայ ստացուածոց ձերոց, այլ 'ի վերայ անձանց ձերոց: Իսկ ես զի զայս ամենայն սէր սիրեմ զձեզ, ընդէր սակաւ սիրեմ 'ի ձէնջ: Այլ դու գրեալ ես ինչ ոչ ձանձրացուցի զձեզ: Թերեւս իբրեւ այր մի խորագէտ խելօք կալայ զձեզ: Ի ձեռն այլոց զորս առաքեցի առ ձեզ, նոքօք ինչ զրկեցի զձեզ: Մի թէ ագաւ հեանց ինչ 'ի ձէնջ Տիտոս 'ի ժամանակի իբրեւ առաքեցի ես զնա առ ձեզ. ոչ նովին հոգւով և նովին շաւղօք իմովք շրջեցաւ նա առ ձեզ, զի մի բեռն ինչ ումեք լինիցի նա 'ի ձէնջ:

Այլ զայս զոր առնեմ ես և պատուիրեմ այնուցիկ զորս առ ձեզն առաքեմ, վասն ձերոյ շինութեան առնեմ. թէ զոր ինչ տեսեք դուք յիս և 'ի Տիտոս, արասցիք և վկայեսցիք վասն մեր: Այլ երկնչիմ, դուցէ գայցեմ, և որպէս ոչ ես կամիմ՝ գտանիցեմ զձեզ. դուցէ դարձեալ հեռ և նախանձ, այլովք հանդերձ: Գուցէ առ ձեզ յորժամ գայցեմ, նկուն առնիցէ անձ իմ զիս առ ձեզ. այս ինքն չարարեսցէ զիս անձ իմ վասն ձեր, և սուգ առեալ գտանիցիմ 'ի ձէնջ վասն բազմաց՝ որ յանցուցեալ իցեն, և չիցեն ապաշխարեալ:

ԳԼՈՒԽ ԺԳ

ԱՌԱՁ յանցուցելոցն և այլոցն ամենեցուն, արդ ապաշխարեսցեն. զի եթէ եկից դարձեալ և ոչ գտից զնոսա ապաշխարեալս, ոչ ևս անխայեցից 'ի նոսա: Կամ թէ զփորձ ինչ առնուլ խնդրէք զԲրիստոսի, այն որ ոչ եթէ տկար ինչ է նա 'ի ձեզ. զի զօրացեալ է նա 'ի ձեզ: Եթէ կամիցիք կարդալ զնա օգնական լինել նմա ձեզ 'ի ժամանակի, իբրեւ յարուցեալ իցեն 'ի վերայ ձեր խորհուրդք չարին և ցանկութի մարմնոյ: Արդ զի զօրացեալ է նա 'ի ձեզ, ահա վկայեն պարզեք Հոգւոյն՝ որ տուան ոմանց 'ի ձէնջ, և ոչ ամենեցուն ձեզ: Զի թէպէտ և ել նա 'ի խաչ

տկարութիւն վասն մարդկութե իւրոյ, այլ կենդանի է զօրութիւն անութե իւրոյ, եւ ահաւասիկ կնքեն և հաստատեն նշանքն և սքանչելիք՝ որ գործին յանուն նորա : Եւ եթէ մեք տկար եմք՝ ի նա հալածանօք և թշնամանօք, կենդանասցուք նովաւ նշանօք զոր գործեմք մեք յանուն նորա :

Փորձեցէք դուք զմիմեանս, եթէ կայցէք դուք ի նոյն հաւատս զոր ետուն ես ձեզ, և ոչ խոտորեալ իցէք դուք զինի սուտ առաքելոցն : Եւ զանձինս ձեր ևս փորձեցէք, գուցէ երկմտուի ինչ լիալ իցէ՝ ի միտս ձեր . զի եթէ երկմտիք դուք, Քրիստոս մեկնի գնայ ի ձէնց, և անպիտանք գտանիլիք : Այն ունիմ եթէ գիտիցէք՝ եթէ մեք չեմք անպիտանք, որպէս սուտ առաքեալքն կարծեն զմէնց . զի աւասիկ տանջանքս մեր վկայեն վասն ճշմարտութե մերոյ, և յայտնի վերքս մարմնոցս մերոց և կնքեն և հաստատեն վասն ծածուկ հաւատոց մտաց մերոց : Խնդրեմք յայ, զի մի ինչ արասցէք դուք չար . զի մի երեւեսցուք մեք իբրեւ ընտիրք, այս ինքն մեք ընտրիմք ձեւք . այլ զի դուք բարիս գործեցէք, և մեք անպիտանք երեւեսցուք : Այն է զի ասէ . ուրախ եմք, յորժամ մեք տկարանամք, և դուք զօրանայք . այս ինքն յորժամ մեք հալածիմք, և դուք ի խաղաղութե բնակեալ էք : Սոյնպէս և մեք աղաչեմք զդոյն, զի դուք կատարեալք լինիլիք բանիւք և արդեամբք : Վասն այսորիկ զայս ի հեռուստ գրեմ, զի մի յորժամ առ ձեզ եկից, խստութիւն սաստկացայց ի վերայ ձեր ըստ իշխանութեան՝ որ տուեալ է ինձ ի տեառնէ կապել յերկինս և յերկրի :

Եւ յուհետե ուրախ լերուք, զի տրտմեցուցի զձեզ առաջին թղթովն իմով . և կատարեալք լերուք օրով իւրի պակասն էիք . և մխիթարեցարուք, զի սգացեալ էիք . և միաբանեցէք, զի հեռիւ էիք ընդ միմեանս : Եւ անձ սիրոյ և խաղաղութե եղիցի ընդ ձեզ, զի նովաւ սիրեալիք դուք զայնոսիկ զորս վասն յանցանացն իւրեանց մերժեիք և օտարացուցանեիք ի ձէնց . և խօսեցարուք զխաղաղութի ընդ այնոսիկ՝ որ վասն ճշմարտութե նոցա արգելիք ի նոցանէ զբան բերանոյ ձերոյ :

ԿՈՐԸՆԹԱՑԻՍ ԵՐՐՈՐԴ

ԱՌԸՆԹԱՑԻՔ յետ միաբանելոյն իւրեանց 'ի ձեռն թղթոցն Առաքելոյ, 'ի հերձուածոց անտի՝ որ սնդէն և անդ յինքեանց 'ի վերայ իւրեանց ծնան՝ խռովեցուցիչք օտարք մտին 'ի նոսա և խռովեցուցին զնոսա : Սոյն իսկ այսու նախանձու չարին՝ որ զօրանայր 'ի նոսա, յայտ յանդիմանուք քարոզեցին զմոլորուի խաբէութեն իւրեանց 'ի հրապարակս, և ոչ ծածկեցին կամ թագուցին յամենայնէ որ և դիպէր նոցա : Իսկ երիցունքն կորնթացւոց իբրև տեսին թէ օր ըստ օրէ սփռեն և տարածանեն զքարոզութիւն իւրեանց, փութացան գրել ցուցանել Առաքելոյ զայն ինչ զոր քարոզէինն նոքա, եթէ կամ ինքն գլխովին փութապէս եկեսցէ, կամ ցրումն և լուծումն բանից նոցա մեծաւ հոգաբարձութիւն առաքեսցին 'ի նմանէ : Արդ վասն այսորիկ և վասն որ ինչ նման է սոցա, գրեն թուղթ և տան տանել 'ի ձեռն փոյթ երկուց սարկաւազաց առ Պաւղոս, յասեն իւրեանց այսպէս :

ԱՏԵՓԱՆԵՍՍ և որ ընդ նմա երիցունք, առ Պաւղոս եղբայր տէր՝ ողջոյն :

Երբ ոմանք երկու եկին 'ի Կորնթոս, Սիմոն աւնուն և Կղովբոս. և զոմանս ոմանս 'ի հաւատացելոց անտի առ ինքեանս դարձուցանեն : Բայց ոչ եթէ բանիւք ճշմարտութիւն դարձուցանեն զնոսա, այլ ապականեալ բանիւք . յորոց բանից վերայ դու ինքնին պարտիս հասանել : Զի մեք ոչ 'ի քէն երեք լուաք զայսպիսի բանս, և ոչ յայլոց առաքելոց յրնկերաց անտի քոց, զոր ինչ միանգամ յարանց աստի յայտցա-

նէ լսեմք մեք : Այսչափ գիտեմք , եթէ որ ինչ 'ի քէն լուաք և որ ինչ յայլոց առաքելոցն , հաստատուն պարհեմք : Արդ մեր տրտմունիս ոչ եթէ վասն անձանց ինչ է , այլ վասն ժողովրդեանս : Բայց յայս միկ յոյժ ողորմեցաւ մեզ տէր . զի մինչ դեռ դու իսկ մարմնով ընդ մեզ ես , միւսանգամ 'ի քէն լուիցուք թղթով զայն ինչ զոր լուաք 'ի քէն բանիւք . կամ դու իսկ ինքնին վաղվաղակի առ մեզ եկեսջիր : Մեք հաւատամք 'ի տէր՝ զի կամ յայտնեցաւ եթէոնիայ և փրկեաց զքեզ Քրիստոս 'ի ձեռաց անտի անօրինի՝ առաքեաց առ մեզ , կամ թուղթ գրեսցես առ մեզ : Այլ թերեւ այս անուն դատաւորին էր , որ կապեացն զնա և եդ 'ի բանդի 'ի քաղաքի անդ փիղիպեցոց : Եւ են բանք մոլոր զոր ասեն և ուսուցանեն՝ այսպէս : Չէ պարտ , ասեն , զմարգարէս ընդունել , այլ զաւետարանն . և ոչ զձեռն ասեն ամենակալ . այս ինքն այն , ասեն , որ խօսեցաւն 'ի մարգարէս , չէ ձեռն ամենակալ . և ոչ ասեն յարուի մարմնոյ . և ոչ զմարդն ասեն ընաւ ստեղծեալ յայ , այլ եւթն վարչաց անտի . և ոչ ասեն երկրաւոր մարմնով եկն տէր մեր , այլ երկնաւոր մարմնով . և ոչ 'ի կուսէ Մարիա մայ ծնեալ առնեն զնա . զի անցանելով անց , ասեն , ընդ նա՝ իբրեւ ոչ առ 'ի նմանէ ինչ . և ոչ զաշխարհս արարած առնեն այ , այլ հրեշտակաց ուրումն , այս ինքն նորուն իսկ եւթն վարչաց :

Այլ այս ուսումն վարդապետաց տանն Բարդեժանու է . և վասն այսորիկ ոչ թողին գեծանացիքն զայս թուղթ յառաքեալ իւրեանց : Ասացեալ իսկ էր զայս Առաքելոյ 'ի գործս առաքելոցն . ասէ . զկնի իմ՝ յորժամ գնացից , մտցեն առ ձեզ գայլք յափշտակողք , որ ոչ անխայեսցեն 'ի վերայ աշակերտաց . և 'ի ձէնջ յարիցեն մարդք կամակորախօսք , և դարձուսցեն զաշակերտս երթալ զկնի իւրեանց : Արդ յաւուրց անտի Առաքելոյ , որպէս և մարգարէացաւ ինքն Առաքեալ , որպէս և գրեցին և կործնեացիքն , հաստատեցաւ այս աղանդ : Չի կարծեն աշակերտքն Բարդեժանու եթէ 'ի Բարդեժան վարդապետէն նուցա գիտ զայս . և 'ի նոցանէ իսկ գրեցան պրակսաւ .

Թոյքն . զի 'ի մէջ զօրութեց և նշանաց առաքելոցն զոր գրեցին , գրեացեն յանուն առաքելոցն զանօրէնուն ' զոր խափանէին առաքեալքն : Վասն այսորիկ ասեն . զոր գրեցաք մեք առ քեզ Թուղթ , փոյթ յանձին կալլիր հասանել առ մեզ դու իսկ գլխովին . որպէս զի տեսլեամք քով և բանիւք քովք առանց գայթաղողութե կացցէ քաղաքս կորընթացւոց , և նոցա յիմարութին ճշմարտութե և քարոզութեն քո յայտ յանդիմանութե ամենեցուն խայտառակեալ մերժեսցի :

Ի՞նչն տարան զԹուղթն 'ի քաղաք փիղիպեցւոց . եւ քանզի գիպեցաւ օրն հալածանաց Պաւղոսի , այն որ տանջեցին զնա գաւազանօք և եղին 'ի բանդի , քանզի հանեալ էր նորա զդէն յաղախնոյ անտի՝ որ դիւթէն ' շրջեր , երկեան նոքա երթալ առ նա . և ետուն տանել զԹուղթն 'ի ձեռն Ապողափանի կնոջն : Ապա եթէ չէ այս այն գիշեր , քանզի յայնմ գիշերի շարժումն եղև 'ի նմա , և դրունք բանդին առ հասարակ բացան , և կապանքն արձակեցան 'ի նմանէ , և հան զնոսա անտի բանդապետն , և տարաւ 'ի տուն իւր , և մատուցին զԹուղթն :

Ի՞յլ իբրեւ առ նա զԹուղթն , և մոռացաւ նա ըզկապանմն , և սուգ առնու վասն բանիցն զոր լուաւ . և ասէ լալով . Իբրո՞ւ զի լաւ էր ինձ թէ վախճանեալ էի , և ընդ տեառն էի յուսով և խաղաղութե , և ոչ զի յետ կապանացս համբերութեան վասն մարդկան՝ դարձեալ յառաջն քահանայք սատանայի , և խռովել և մոլորեցուցանել զմարդիկ զոր դարձուցանեմ ես : Եւ այսպէս բազում չարչարանօք 'ի հալածչաց և 'ի խաբէից անտի զոր համբերէր Պաւղոս , առնէր թրջութոյն պատասխանի կորընթացւոցն լալով յառեւն իւրում այսպէս .

ՊԱՒՂՈՍ կալանաւոր Յօի Բրիստոսի . այս ինքն վասն Երուսի Բրիստոսի . առ եղբարս կորընթացիս , 'ի բազում նեղութենէ աստի զոր ունիմ ես 'ի տանջանաց և կապանաց և համբաւուց չարեաց , ողջոյն : Ես ինչ ոչ կարի զարմացեալ եմ . այս ինքն զի յոյժ

զարմացեալ եմ, զի այդչափ վազվաղակի ընթանան հրապոյրք չարին յաշխարհ: Այլ տէր մեր Յիսուս Քրիստոս վազվաղակի արասցէ զգալուստ իւր վասն այնորիկ որ անարգեն զնա սովին իսկ այսուիկ՝ զի փոփոխեն զճշմարտութի բանիցն նորա: Այլ ես ՚ի սկզբ բանէ, այս ինքն յորմէ հետէ տեսի զձեզ, զայն ինչ լուայ յառաքելոց անտի, որ զամենայն ժամանակ աւետարանուէ ընդ տեառն մերում շրջէին, ուսուցի ձեզ՝ թէ Յիսուս Քրիստոս ՚ի Մարիամայ ծնաւ, ոչ եթէ անց ընդ նա. և ՚ի զաւակէ Դաւթի, և ոչ եթէ մարմին երկնաւոր. և ըստ աւետեաց Հոգւոյն սրբոյ առ յերկնից առաքելոցն ՚ի նա, և ոչ եթէ Յուսէփայ մօտեղոյն ՚ի նա: Եւ այս զի եղև, զի ազատեցուցէ յապակածութի զամենայն մարմին իւրով մարմն նոյն. և զի զմեզ ՚ի մեռելոցն յարուսցէ մարմնով, որպէս ցոյց զանձն իւր օրինակ:

Մարդն առաջին ՚ի Հօրէ ստեղծաւ, և ոչ եթէ ՚ի վարչաց անտի. որպէս և դժբայդ ասեն: Վասն այնորիկ և ՚ի կորստեան ինդրեցաւ նա ՚ի ձեռն Որդւոյ. ոչ զի խրամատեացի և մեռցի արդարուք, վա զի կորոյս նա զանձն իւր մեղօք, այլ զի կենդանասցի շնորհօք, և եղիցի յորդէգրութի: Այլ անձ ամենայն աշխարհաց, այս ինքն ամենայն դարուց, այն որ ամենակալն է, այն որ արար զերկինս և զերկիր, և ոչ եթէ հրեշտակք, որպէս խաբիւքն ձեր քարոզեն, և առաքեաց նախ առ Հրեայն զմարգարէսն, զի փրկեսցին յիշատակօքն նոցա ՚ի մեղաց, և յերկրպագութենէ անտի կռոցն: Զի կամէր նա փրկել զտունն Խրայելի. և վկայէ փոյթն առնել ՚ի ձեռն մարգարէիցն՝ որ եղև վասն նոցա. վասն այնորիկ բաշխեաց արկ նա յՈգւոյ անտի Քրիստոսի ՚ի վերայ մարգարէիցն: Այս զի այն Հոգին՝ որ քարոզէր ՚ի ձեռն առաքելոցն, նոյն և ՚ի մարգարէսն զանմոլար անձապաշտութին, և զծնունդն Քրիստոսի ժամանակօք բազմօք քարոզէր. այս ինքն հազար չորեքարիւր և երեսուն ամ. յելից անտի յերկրէն եգիպտացւոց մինչև ՚ի գալուստ տեառն մերոյ ընդ շատ և ընդ փոքր այդչափ լինին: Գանգի որ անօրէնն իշխանն էր, իբրև անձանալն կամեցաւ, վասն այնորիկ ձեռն ար-

կաներ սպանանել զմարգարէսն յիշեցուցիչս . որպէս զի զամենայն մարմինս մարդկան ցանկուի՞ր կապեսցէ :

Իսկ իշխանն զի կոչեաց զնա , զի իշխանութի ունէր նա 'ի վերայ զօրաց բնակչաց իւրոց . և անօրէնն՝ զի անուանեաց զնա , զի ոչ շատ եղև նմա իշխանութիւն դիւաց , և կամեցաւ և 'ի վերայ մարդկան ևս նշանաւ : Եւ զի սպանանէր նա զմարգարէսն , ոչ եթէ ինքն , այլ 'ի ձեռն մարգարէից իւրոց և 'ի ձեռն Յիզաբելայ և Սխաբու և 'ի ձեռն թագաւորաց՝ որ նման նոցին են՝ սպանանէր զմարգարէսն , զի մի քաւորեցոցն զճշմարտութիւն , և բացցեն զաչս այնոցիկ՝ որ քարեղինաց և փայտեղինաց և այլոց ձուղածուից՝ որ 'ի բնութեց են՝ առտուածս կոչէին զնոսա և ոչ ի մանային : Եւ զամենայն մարմինս , ասէ , մարդկան ցանկուի՞ր կապէր : Նայեաց և տես՝ զի ցանկուի՞ր կապէր նա , և ոչ եթէ բռնութիւն մարտնչէր . ոչ եթէ միով ցանկուի՞ր կապէր նա զամենայն մարդիկ , այլ և ոչ բազում ցանկուի՞րք զմի մարդ կապէր նա . զի չիք այն մարդ՝ որ ամենեքումք նեղի՞ թէ ամենեքումք կապեսցի . այլ իւրաքանչիւր 'ի մարդկանէ ցանկուի՞րքն՝ որ զնայն ստիպէր՝ այնու կապէր զնա . որպէս զի յաւիտեանս ժամանակաց ոչ իցէ պիտոյ նմա արձակումն :

Իսկ նա ամենակալ արդարութիւն իւրով , զի նորա է իշխանութի , և ոչ եթէ յափշտակելով յափշտակեալ է , որպէս և վարդապետք ձեր ասեն , ոչ դիւր թուեցաւ նմա այս՝ զի սատանայ զմարդիկ վարէր , թէպէտ և պատրանօք յանցուցանէր զնոսա և ոչ բռնութիւն . սակայն և ոչ յայսմիկ ներեաց և թուլացոյց նմա . քանզի ողորմեցաւ նա ստեղծուածոյն իւրում , այն զի ինքնին ձեռք իւրովք զանձն իւր կորուսանէր : Աւաքեաց զՀոգին սուրբ ջերմաջերմ , այս ինքն փութապէս , 'ի Մարիամ գալիլէացի . քանզի ազատուեն այսպէս թուէր՝ թէ չիք այն ոք՝ որ կարէ յաղթել մարմնով , զգեցաւ տէր մեր զմարմինն , և յաղթեաց նովաւ . և յաղթեցին զկնի նորա որք նմանող եղեն նմա , զի մի գտցի պատասխանի այնոցիկ՝ որ պարտա-

ւորին նովաւ : Բայց դարձեալ քանզի հնազանդեցաւ մարմինն թշնամոյն և շրջեցաւ նա նովաւ յամենայն պէտս ցանկուէ, զգեցաւ տէր մեր զմարմինն և փորձեցաւ նովաւ յանապատի անդ 'ի սատանայէ, և անտի յաղթահարեցաւ և յանդիմանեցաւ եթէ ոչ լինի նա անծ 'ի վերայ աշխարհի, որպէս և միտքն իւր կարծիս տային նմա : Զի չէր նա անծ 'ի նքն իսկ գիտէր . այլ կարծելով կարծէր ' եթէ լինի նա անծ յաղթուքն, որ 'ի վերայ ամենայն մարմնոյ առնոյր : Այլ իբրեւ յաղթեաց նմա տէր մեր մարմնոյն, ոչ երկնաւորոյն, այլ ընակցաւն այնորիկ՝ որ պարտաւորեցաւն 'ի նմա նէ, ապա գիտաց թէ չլինի անծ, որպէս և կարծէր նա : Զի 'ի մարմնս անդ իւր, ասէ, Յիսուս Քրիստոս կոչեաց և փրկեաց զամենայն մարմին, զի յարդարութեւն տաճար սուրբ յիւր մարմնս անդր ցուցցէ . այս ինքն գործովք մարմնոյն իւրոյ ցուցէ՝ թէ որպէս մարթէ լինել մարդոյն տաճար արդարութեւն : Եւ մեք նովին իսկ մարմնով ազատեցաք 'ի ծածուկ և յայտնի մահուանէ անտի . այս ինքն 'ի մահուանէ մեզաց և 'ի մահուանէ մարմնոյ :

Արդ ոչ են նոքա որդիք արդարութեւն . զի եթէ է 'ի նոսա գործք արդարութեւն, հատուցմանն արդարութեւն ակն ունէին, և ոչ եթէ զմարմնս իւրեանց և յարութեանէ անտի զրկէին : Արդ որդիք են նոքա բարկութեւն, որք զողորմութի գթութեւն անդ 'ի եղև վասն յարութեան՝ կարճեն յանձանց իւրեանց . և զարարութի նորա անարգեն, յայնմիկ զի ասեն՝ եթէ ոչ են երկիրք և երկիր և ամենայն արարածք ձեռագործք անդ Հօր ամենայնի, այլ իշխանաց : Այլ նոքա զանիծեալ օձին հաւատոս ունէին . այս ինքն կամ գատալձիւն՝ որ եղև 'ի պատճառս անիծից օձին՝ եթէ հող էիր և 'ի հող դարձցիս, հաստատեալ ունէին նոքա . կամ զոր օրինակ հաւատաց օձն, և այն՝ որ յօձի անդ էր՝ եթէ յաւիտեան լինելոց են տունն Ադամայ յերկրի, սոյնպէս հաւատան և դոքա : Այլ դուք զօրութի 'ի բաց մերժեցարուք 'ի դոցանէ . այս ինքն լուծէք զբանս դոցա և զխոտոր վարդապետութի նոցա՝ ի ձէնջ 'ի բաց հալածեցէք : Զի դոցա է ուսումն, և ոչ Հոգւոյ . և սատանայի է որ զօրանայ 'ի նոսա, և

ոչ յայն : Եւ որ ասեն՝ բայ չիք յարուծի մարմնայ , նոցա մի լիցի յարուծի . ոչ եթէ վասն զի ուրացան նոքա յարուծենէ անտի , այլ զի յայնպիսի յարուցելոյ անտի ուրացեալք գտանին : Նա և դուք արդ , կորն թացիք , զի՛նչ աւելի էին սերմանիք ցորենոյ և կամ այլ սերմանիք՝ որ մերկ անկանին յերկիր և ապականին , քան զմարմին՝ որ անկանի յերկիր և ապականի : Այլ զոր օրինակ յառնեն սերմանիքն կամ թրն այն՝ ի նոյն մարմին զգեցեալ , ոչ թե փոփն որ էջ ընդ նմա յերկիր , այլ բազմապատիկ տոհմականով կանգնեալ , և օրհնէ և զարգարեալ թե փովք և ցողնով և քստով զոր յաւելու նոցա երկիր , սոյնպէս և յարուցանեն և կամքն այլ և զմարմին իբրև զգեցեալ զարգարեալ , ոչ կապերտիւքն որ իջին ընդ նմա յերկիր , այլ փառքն որ առաքին նմա յերկնից :

((ր դարձեալ դժուարին թուին ձեզ . Յոգնան՝ որ անկաւ ՚ի պորտ ձկանն զերիս տիւս և զերիս գիշերս , և ապա ՚ի ներքին դժոխոց լուաւ ան աղօթից նորա , և դարձաւ նա և ոչ ինչ ոչ ապականեցաւ ՚ի մարմնոյ նորա , կամ թէ մարմինն որ մեռաւ՝ կենդանացի , որպէս և Բրիստոս կենդացուցիչ նորա մեռաւ և կենդանացաւ : Եւ եթէ ոսկերքն Եղիշէի՝ կենդանացուցին զմեռեալսն՝ որ անկաւ ՚ի վերայ նոցա , դուք որչափ ևս առաւել որ յարին և ՚ի մարմինն և ՚ի Հոգին Բրիստոսի յեցեալ էք հաւատովք ձերովք , այս ինքն ՚ի մարդկութի՛նորա՝ որ մեռաւ , և յանձնութի՛նորա՝ որ ոչ մեռանի , զի էջ սիրով իւրով ընդ մարմինն ՚ի գերեզման , և վասն այսորիկ եւ օչ ապականութի տիրեաց նմա , որչափ ևս առաւել դուք յայնմ առաւր յարիջիք ողջանդամ մարմնովք , այն որ իբրև զհօղ ՚ի մէջ երկրի ցրուեալ էր : Ապա եթէ այլ ինչ ՚ի տարապարտուց ՚ի դոցանէ և կամ որ զինի դոցա գան՝ ընդունիք դուք , աշխատ ոք ինչ զիս յայսմ հետէ մի աբասցէ . զի իբրև տղայոց հանապազօր գրեմառ ձեզ զի ես զկապանս զայս յանձին իմում կրեմ , զի զԲրիստոս շահեցայց յետ յարուե . Եւ զվէրս զայս զոր ստացայ ես ՚ի մարմինս իմ՝ ՚ի տանջանաց և ՚ի քարկոծա-

նաց և 'ի քաջելոյ, զի արժանի եղէց հատանել յա-
րուութեն՝ որ 'ի մեռելոցն է . այն զի դոքա ուրացեալ
են 'ի նմանէ, և զի ասեն ընդ ձեզ՝ եթէ չէ պարտ ըն-
դունել զմարգարէմն : Եւ որ կացցէ մնասցէ 'ի չափ
կարգին, այս ինքն որ կացցէ մնասցէ 'ի ճշմարտութի
անդր զոր ընկալաւ 'ի ձեռաց երանեալ մարգարէից
և 'ի սրբոյն աւետարանէ, զվարձս սորա և զգործոց
իւրոց յարուէ անդր մեռելոց ընկալցի : Ապա եթէ
թերահաւատ ոք լինի և յանցանէ յանցանէ զոր մեք
նմա տուաք, հուրն է ընդ նմա . այս ինքն հուր է
մահն և բաժին նորա . ոչ եթէ այնպիսոյն միայն,
այլ և այնոցիկ՝ որ այսպէս մինչ կանխաւ շրջէին մար-
դիկ առանց անյայտարհի . զի նոքա ինքն են ծնունդք
օձից և քարբից, որ հարկանեն և սպանանեն զմար-
դիկ 'ի խայթոցս լեզուաց իւրեանց : Զի զայնպիսիս
նեղիջիք դուք կործանել զօրութիւն ան . այս ինքն օգ-
նականութիւն ան :

ԳԻՂ ԼՏԵՑԻՍ

ԳԱՂԱՏԱՑԻՔ աշակերտեցան 'ի Պաւղոսէ, ոչ 'ի պահել զպահպանութիւն օրինացն՝ որ խափանեցան 'ի ձեռն չարարանաց խաչին, այլ հաւատալ յերրորդութիւն անդր, և 'ի քարոզել զնոր աւետարանն: Այլ ոմանք 'ի հերբայեցոց անտի եկին ոչ շրջել զնոսա յաւետարանէ անտի՝ որ քարոզեցաւ նոցա 'ի ձեռն Պաւղոսի, այլ զի յաւելցեն նոցա զպահպանութիւն հին կտակարանացն, և լծեսցեն զնոսա ընդ լծով ծառայութե, այն որ ազատեցանն 'ի նմանէ 'ի ձեռն չնորհացն: Եւ քանզի նոքա յանուն Շրմաւոնի պարծէին, այն որ զօրացեալն էր յառաքելութիւն թլիստութե, սկիզբն առնէ Պաւղոս գրել ընդդէմ նոցա՝ յասել իւրում այսպէս:

ԳԼՈՒԽ Ա

ՊԱՒՂԱՍ առաքեալ ոչ 'ի մարդկանէ. այս ինքն ոչ 'ի Շմաւոնէ և ոչ 'ի ձեռն Շմաւոնի, այլ Յիսուսի Քրիստոսի, այն որ յայտնեցաւն ինձ 'ի Ճանապարհի անդ Դամասկեայ. և նայ չօր՝ որ յարոյց զնա 'ի մեռելոց. զի յայտ արասցէ վասն յարութե իւրոյ ամենայն հերձուածողաց՝ որ յուրաստ լինին և յարունէ անտի նորա: Եկեղեցեացդ այդոցիկ՝ որ իցեն 'ի կողմանս գաղատացւոց, որ հիւանդացան բանիւք հերբայեցւոց, և որ ոչ հիւանդացան: Ընորհք ընդ ձեզ և խաղաղութիւն յայ չօրէ մերմէ, այն որ կուէնացն զմեզ յորդէգրութիւն. և 'ի տեառնէ Յիսուսի Քրիստոսի, և ոչ եթէ 'ի ձեռն տեառն մերոյ Յիսուսի Քրիստոսի: Որ ետ զանձն իւր վասն մեղաց մերոց,

զի զմեզ փրկեսցէ յաշխարհէ աստի չարէ . այս ինքն 'ի չարեաց աստի՝ որ գործին յաշխարհի աստ յայս . միկ : Ըստ կամաց Խորհրդոյ . զի յայտ արասցէ վասն յարութեն շնորհացն Հօր և Որդւոյ՝ որ գործեցաւ յաշխարհի :

Օ արմատեալ եմ ես , զի այդպէս վաղվաղակի փոփոխիք դուք , ոչ յինէն , այլ յայնմանէ որ կոչեացն զձեզ ինկ 'ի շնորհան իւր՝ երթալ ձեզ յայլ աւետարան : Այն զի թէպէտ և կարծիցի՝ թէ իցէ վասն քարոզութեն Հմաւոնի , այլ ոչ գոյ այլ . զի կատարեցաւ Ժամանակ օրինացն՝ որ քարոզէր 'ի նմա : Ոչ գոյ այլ , կամ Քրիստոս այլ , կամ Ճշմարտութի այլ . և մարդիկ ըստ միտս անձանց իւրեանց կամին շրջել զձեզ յաւետարանէ անտի Քրիստոսի : Ապա եթէ զօրութիւն տեսանէք 'ի նոսա , կամ վասն զի աշակերտք Հմաւոնի կոչէին զանձինս իւրեանց՝ գերի վարեցայք դուք 'ի բանս նոցա , ես գլխովին թէ եկից շրջեցայց առ ձեզ այլով աւետարանաւ , կամ հրեշտակ որ ոչ է իջեալ՝ վասն այսր եթէ իջէ յաւելուլ կամ պակասեցուցանել քան զայն զոր ետու ես ձեզ , նշովեալ լիցի : Այլ մի մարդահաճոյք լինիք թլիփատութեք քարոզաց թլիփատութեդ . զի եթէ քահանայից՝ որ զինն ոչ աշակերտեցին՝ հաճոյ լինէի , Ժառայ Քրիստոսի՝ որպէս տեսանէք զի եմ , աւաստիկ այնուհետեւ ոչ լինէի :

Եւրդ զայս աւետարան զոր աւետարանեցի ես ձեզ , ոչ եթէ 'ի մարդկանէ առի ես , որպէս և նոր վարդապետքն ձեր , այս ինքն պինդ գայթաղեցուցիչքն ձեր . այլ այն յայտնութիւն՝ որ եղև 'ի վերայ իմ , դարձոյց զիս 'ի գնացից անտի , որ 'ի հրէուէ անդ էր : Լուեալ իցէ ձեր , զի առաւել անչափ հալածէի ես զեկեղեցիս Խոյ . աւերէի և աւար հարկանէի . կամ որչափ յառաջադէմ լինէի 'ի հրէուէ անդ քան զքիմ՝ ընկերս հասակակիցս իմ , այնոքիմք որ յօրինացն էին : Այլ յորժամ կամեցաւ անձ՝ որ ընտրեացն զիս յորովայնէ մօր իմոյ , ոչ հալածել , այլ զի հալածեցայց ես 'ի մեջ եկեղեցւոյ Քթի , և աւետարանեցից զՔթ ոչ 'ի Ժողովուրդն , այլ 'ի հեթանոսս , ոչ ելի ես յերուսաղէմ առ առաքեալսն , զի մի երթայց ես ուր ոչ իցէ

զիս առաքեալ. այլ գնացի ես 'ի կողմանս արաբացւոց
 և 'ի Դամասկոս հեթանոսաց : Եւ յեա երից ամաց
 ապա եկի ես յերուսաղէմ. ոչ ուսանել զաւետարանն
 'ի Պետրոսէ, այլ տեսանել զՊետրոս : Եւ զի եղէ ես
 առ նմա աւուրս հնգետասան, ոչ ինչ նորոգեցաւ ինձ
 առ 'ի նմանէն. այլ եկի ես սովին քարոզութիւն 'ի
 կողմանս ասորւոց և 'ի կեղիկացւոց : Եւ յանժանութեան
 ևս էի ես եկեղեցեացն որ 'ի Թլփատութէ անտի էին
 'ի Քրիստոս. զի ոչ ինչ շրջեցայ ես անդ զինի յայտ-
 նութեն : Բայց այն՝ զի լսելով լսէին, եթէ այն որ
 հալածէին զմեզ յայնժամ, արդ աւետարանէ՝ եկեալ
 նա՝ զհաւատմն, որ յայնժամ անարգէր և աւերէր,
 և փառաւոր առնէին յիս զնձ վասն առաւել նորոգ-
 մանն զոր արար առ իս :

ԳԼՈՒԽ Բ

ԴԱՐՁԵԱԼ յետ ամաց չորեքտասան միւսանգամ
 ելի ես յերուսաղէմ ոչ առանց հրամանի, այլ յայտ-
 նութ. ցուցի նոցա յանդիման Տիտոսի զաւետարանն
 զոր աւետարանեցի ես 'ի հեթանոսս : Քանզի խղճէի
 և խիթայի ես վասն յայտնութեն՝ որ առաքեաց զիս,
 եթէ գուցէ ընդունայն ինչ ընթացեալ իցեմ 'ի ձեռն
 այսր քարոզութե : Եւ Տիտոս անգամ՝ որ 'ի հեթա-
 նոսաց էր, և ոչ 'ի մէջ յերուսաղէմի յանձն առ ըզ-
 Թլփատութիւն ըստ ստիպելոյ սուտ եղբարցն. զի կա-
 մեցան խոնարհեցուցանել զմեզ յազատութէ անտի
 զոր ունիմք մեք 'ի Քրիստոս՝ 'ի ծառայութի օրինացն :
 Որոց և ոչ առ սակաւ մի ժամանակս ոչ խոնարհե-
 ցուցաք զանձինս մեր 'ի հնազանդութի, այս ինքն 'ի
 պահպանութիս օրինացն. որպէս զի նմանողք եղի-
 ջիք մեզ, և մի խոտորիջիք. զի ճշմարտութի աւետա-
 րանին զոր քարոզեցաք ձեզ, հաստատեսցի առ ձեզ :

Եւ յոր ձեռն յանձին հարեալ իցեն՝ եթէ մեք
 եմք ինչ, յայսմիկ զի պարհեն զհինն նորոգն հան-
 գերձ, որպէս և էին նոքա յայսմիկ, չէ ինչ ինձ փոյթ
 զնոցանէն. զի ական առնուլ մարդկան նմ ոչ գիտէ,
 այնոցիկ՝ որ կարծեն թէ հաճոյ իցեն նմա պահելով

գորէնսն և թլփատութիւնն Աբրահամի : Նոքին իսկ հակառակ եղեն ինձ, իբրեւ տեսին թէ հաւատարիմ եմ ես յաւետարանն 'ի մէջ հեթանոսաց առանց թլփատութե . որպէս և հաւատարիմ եղև Պետրոս 'ի պարտել իւրում զնոսա 'ի ձեռն աւետարանին թլփատութե : Զի այն՝ որ զօրացոյց զՊետրոս յառաքելութիւն թլփատութե, այս ինքն զի աշակերտեսցէ զթլփատեալն 'ի ձեռն այսոցիկ, առաքեաց զիս աշակերտել զհեթանոսս առանց այսոցիկ :

Այլ իբրեւ գիտաց Պետրոս և Յակոբոս և Յոհաննէս՝ անուանիքն յառաքեալս, որ բուն սիւնքն էին եկեղեցեաց, ոչ պակասեցուցին կամ յաւելին ինչ յայն ինչ՝ զոր յայտնեցի ես նոցա, զոր քարոզէի ես 'ի հեթանոսս : Այլ աջ հաւանութեան ետուն ինձ և Բառնաբայ, զի մեք քարոզեսցուք 'ի հեթանոսս, որպէս և հրամայեցաւ մեզ. և նոքա 'ի թլփատութի, որպէս և պատուիրեցաւ նոցա : Բայց միայն զայս պատուիրեցին մեզ, խնամ ունել աղքատացն՝ որ 'ի հեթանոսս էին, զոր և առնէաք իսկ . այլ զի խնամկալցուք աղքատացն՝ որ էին յերուսաղէմ, զոր և ես իսկ փութացայ 'ի ջանալ և կատարել . քանզի թռչնամիք խաչին ոչ ինչ հայէին 'ի նոսա 'ի հեթանոսաց 'ի սիրելեաց Քրիստոսի, զի պակասուին նոց լցուցից :

Այլ զի գիտասցիք՝ զի եթէ էր եկեալ առաքելոցն 'ի հեթանոսս, զքարոզութի զոր ես քարոզեմ՝ քարոզէին . զի ահա յորժամ եկն Պետրոս յԱնտիոք, զայն զգլուխն առաքելոց և զհիմնն եկեղեցւոյ համարձակեցայ ես յանդիմանել . ոչ զի արժանի էր նա յանդիմանութեան, այլ քանզի ստգտեալ էր նա յայնցանէ՝ որ 'ի թլփատութե անտի շրջէին ընդ նմա : Զի մինչ չև եկեալ էին առ նմա թլփատեալք՝ առ Յակովբայ յեղձօրէ տեառն մերոյ, 'ի միասին ընդ հեթանոսս և 'ի կերակրոց հեթանոսաց ուտէին : Այլ իբրեւ եկին՝ խտրեաց, ոչ անխտիր՝ այլ խտրելով և երկեալ, թէ գուցէ թլփատեալքն՝ որ էին 'ի հեթանոսս հաւատացեալքն՝ 'ի Քրիստոս, դարձցին անդրէն առ որդիս ժողովրդեան իւրեանց, իբրեւ ուրացեալ իցեն 'ի Քրիստոսէ : Այլ ոչ եթէ նա միայն գործեաց զայս . քանզի և Հրեայքն որ աշակերտեալ էին

յԱնտիոք, այն որ երբեմն ոչ տասանորդէին¹ իբրեւ զՀմաւոն, դարձան նոքա տասանորդել ընդ Հմաւոնի: Այսպէս և Բառնաբաս անգամ՝ որ ՚ի հեթանոսաց էր, բռնադատեցաւ վասն Հմաւոնի խտրել զկերակուրս հերբայեցոց:

Եւ յիբրեւ տեսի թէ ոչ ուղիղ գան ՚ի ճմարտուի աւետարանին, զի հեթանոսերէնք էին և հրէերէնք և քրիստոսերէնք էին և օրէնսերէնք, և Հմաւոն երկնէն ինչ ասել ընդ նոսա՝ թէ գուցէ գայթաղին նոքա, ասեմց՝ Պետրոս ոչ ՚ի ծածուկ, այլ առաջի ամենեցուն. ոչ եթէ նա ինչ հիւանդացաւ, այլ վասն հիւանդաց զայս առնել նեղէր: Արդ ասաց նովաւ ցթլփատեալն. եթէ դու հրեայ ես՝ հեթանոսաբար կէիր երեկ, և այսօր զիարդ ստիպես ոչ բանիւք այլ արդեամբ՝ հեթանոսաց հրէարէն կեալ: Իսկ արդ եթէ մեք բուն հրեայք եմք օրէնսգէտք, զիտացաք եթէ ոչ արդարանայ մարդ ՚ի գործոց օրինաց, եթէ ոչ ՚ի հաւատոցն Յիսուսի Քրիստոսի, և վասն այսորիկ թողաք մեք զօրէնսն, և հաւատացաք մեք ՚ի Յիսուս Քրիստոս, զի ՚ի հաւատոց արդարաւ ցուք և ոչ ՚ի գործոց օրինացն. արդ եթէ յօրինաց ոչ ոք կարէ արդարանալ, յայնմիկ զի ոչ կարեն կատարել զնոսա, և մեք մինչ խնդրիցեմք արդարանալ ՚ի Քրիստոս՝ գտանիցիմք մեք մեղաւորք, յայնմիկ զի ոչ կատարին իմն պահպանուիք օրինաց: Ապա եթէ այդ այդպէս իցէ, Յիսուս Քրիստոս մեղաց պաշտօնեայ եղև, որ խափանեաց զպահպանութիւն՝ որ դատապարտն առնէին զլուծանելիսն իւրեանց. քաւ լիցի: Իսկ արդ եթէ զայն զոր քակեցին ես մինչև ցայսօր ժամանակի, և յօրէ աստի յայսմանէ և անդր միւսանգամ զայն անդրէն շինեմ, ապա յանցաւոր պատուիրանի զանձն իմ ես ինձէն երևեցուցանեմ. զի դարձայ ես պահել զայն ինչ, զոր ոչ բարւոք լուծեալ էր իմ: Այլ ես ամենայն պահպանութեց օրինացն մեռեալ եմ, զի Աստուծով կեցից: Եւ այս զիարդ. կենդանի եմ, ոչ եթէ որպէս զառաջինն օրինօք, այլ ՚ի հաւատոց անտի Որդւոյն նոյ կեամ ես: Ոչ ինչ

1 Ի լուսանցս օրինակին նշանակի օտար դրամ խաբէլ:

անարգեմեա զչնորհան՝ որ եղեն յիս 'ի ձեռն խաչին .
զի եթէ յօրինաց է արդարութի, որպէս ասէք դուք,
ապա Քրիստոս զուր մեռաւ :

ԳԼՈՒԽ Գ

Եւ իբրեւ հաճեաց և հաւանեցոյց զնոսա վասն
որոց յԱնտիոքն եղև, և շրջեցաւ նա եպերեւ և բժեւ
զգաղատացիս, յասել իւրում: Ո՛ր անմիտք գաղատա-
ցիք, որ յամենայն ուսմունս խոտորիք, ո՞ն խախտն
արար զձեզ. զի վաղահապ եղերուք դուք յաւետա-
րանին, և արդ յետս կամիք կալ 'ի նմանէն: Զի ահա
առաջի աչաց ձերոց գրեալ է 'ի նորում աստ և 'ի
հնում վս Թի Բթի, զի 'ի խաչ ելանելոց էր: Եւ ո-
րովհետև զհնոյն զոր սիրէք դուք՝ վկայէ եթէ 'ի խաչ
ելանելոց էր, արդ զայս միայն կամիմ հարցանել զձեզ.
'ի գործոց անտի օրինաց՝ որ ստիպեն զձեզ այսօր թրւ-
փատեալքն՝ ընկալարուք զչոգին մարգարէութե և
լեզուացն և զթարգմանութե և լեզուացն, եթէ 'ի լուրն
հաւատոցն զոր քարոզեցաք մեք ձեզ: Զի եթէ նուա-
զեալք էիք, վասն զի ոչ պարհէիք զպահպանութի
օրինացն, և զիմրդ եղէք արժանի պարգևացն Հո-
գւոյն: Ապա եթէ կատարեալք էիք, տեսէք որչափ
անմիտք էք. զի Հրեայք թողին զօրէնս և եկին 'ի նոր
այսր, և դուք որ սկսեալ էիք հոգւով, այս ինքն ա-
ւետարանաւ, այժմիկ 'ի ձեռն օրինացն կամիք մար-
մնով վախճանել: Եթէ այդ այդպէս իցէ, ապա և ըզ-
նեղուիս զոր համբերէք դուք վասն աւետեացն Քրիս-
տոսի, զուր համբերէք:

Եւ որ աղէ ասասլիք ինձ. այն որ բաշխեաց 'ի ձեզ
զչոգին, և զօրացոյց 'ի ձեզ զօրութիս նորին Հոգւոյ,
'ի գործոց օրինաց էր՝ որ ոչն կատարեն զմարդ, եթէ
'ի լուր հաւատոց էիք: Ապա եթէ կարծիցէք դուք
կամ վարդապետքն ձեր՝ եթէ փոքր են հաւատք քան
զգործս, ահա Աբրահամ ոչ վասն զի գործեաց, այլ
զի հաւատաց յիմ՝ համարեցաւ նմա յարդարութի:
Արդ զայս գիտիցէք արդեւք, զի հաւատացեալքն
որ նման են Աբրահամու, կոչին որդիք Աբրահամու:

Յառաջագոյն գիտէին . այս ինքն յաւուրց անտի Աբրահամն ցուցանէին գիրք՝ եթէ 'ի հաւատոց անտի արդարացուցանէ անձ զհեթանոսս , յայնմանէ զի աւսաց նմա՝ թէ 'ի քեզ օրհնեացին ամենայն հեթանոսք : Այսուհետեւ որ հաւատացինն , օրհնեցան ընդ Աբրահամն հաւատացելոյ :

Օ ի որ միանգամ ընդ գործովք օրինաց են , ընդ անիծիւք են . զի գրեալ այսպէս է . ասէ . «Անիծեալ լիցի ամենայն մարդ , որ ոչ կայցէ յամենայնի զոր գրեալ իցէ 'ի գիրս օրինաց՝ առնել զամենայն : Յայտ է եթէ յօրինաց անտի ոչ դք արդարանայ . զի չիք յարդարոց կամ մեծաւ կամ փոքու՝ որ ոչ անց զօրինօքն , և հնազանդեցաւ ընդ անիծիւք օրինացն : Քանզի ասէ դարձեալ . «Որ արդարն է , 'ի հաւատոց անտի կեցցէ » : Իսկ օրէնք ոչ եթէ 'ի հաւատոց կեցուցանեն , այլ որ արասցէ զայն՝ կեցցէ 'ի նոսին : Զմեզ Քրիստոս փրկեաց յանիծից անտի օրինացն , զի եկն և բարձ ընդ մեր զանէծսն . «Անիծեալ եղիցի , ասէ , ամենայն՝ որ կախեալ իցէ զփայտէ » : Արդ զի եկն եհաս 'ի մէջ հեթանոսաց օրհնութիւն Աբրահամն 'ի ձեռն աւետարանին Քրիստոսի , ընդէր ոչ փութացեալ պնտիմք առնուլ զօրհնութիւն Հագւոյն զոր խոստացաւ Աբրահամն 'ի ձեռն հաւատոց՝ որ յառաջագոյն արդարացուցին զԱբրահամ :

Եւ այլ ած նա օրինակ բանին իւրոյ՝ եթէ որպէս կտակք հաստատեալք ոչ անարգին և ոչ այլ ինչ հրաման դնին 'ի նոսա , սոյնպէս և Աբրահամն՝ որ խոստացան աւետիքն , ոչ եթէ նմա և զաւակաց նորա բազմաց՝ տանն կենտուրայ և Իսմայէլի , այլ նմա և զաւակի նորա , որ է զաւակ նորա Քրիստոս : Արդ այս աւետիք՝ որ իբրեւ զկտակ հաստատեալ էր առ անձ յաւուրց անտի Աբրահամն , օրէնք որ յետ չուրեքարիւր և երեսուն ամի եղան՝ ոչ կարեն անարգել և զանցուցանել զաւետիսն : Զի եթէ որպէս ասեն վարդապետքն ձեր նորք՝ եթէ յօրինաց անտի է Ժառանգութի , ապա չէ յաւետեաց . որպէս անձն ասաց : Այլ մեք գիտեմք՝ եթէ Աբրահամն աւետեօք շնորհեաց անձ , և ոչ եթէ յօրինաց . այն որ վասն յանցաւորաց եղան , զի կարասցեն ըստ իւրեանց զօրութե

պատրաստել մինչ 'ի ժամանակ . այս ինքն մինչև եկեսցէ հասցէ զաւակն՝ որ խոստացեալ էր 'ի խրախուսոս հրիշտակաց 'ի ձեռն միջնորդին :

Իսկ միջնորդուի հրիշտակացն ոչ եթէ մի էր անձամբ . իսկ ամբ որ 'ի նոսա էր , որ խոստացաւ զայս , մի էր՝ որ ոչ փոխի : Արդ օրէնք հակառակ աւետեաց Աբրահամու ոչ են . զի եթէ տուեալ էին օրէնք՝ որ կարող էին կենդանի առնել , ապա խափանեալ էին աւետիքն : Այլ ածին փակեցին և արգելին գիրք զպահողս օրինացն ընդ մեղօք . զի աւետիքն 'ի հաւատոց անտի Յիսուսի Բրիստոսի տացին . ոչ այնոցիկ որ գործեն , այլ 'ի հաւատացելոցն : Այլ ոչ եթէ բնաւ ընդունայն ինչ էին օրէնքն . պահէին զմեզ 'ի ձեռն սպառնութեց իւրեանց և յայտնի պատժովք իւրեանց 'ի մեղաց : Փակեալ և արգելեալ կայեաք . այս ինքն զի պարհեալ էաք մեք հաւատոցս այսոցիկ , որ պատրաստեալ էին յայտնել :

Իսկ սուհետե օրէնք դաստիարակ եղէն մեզ . զի կարգեցին և ածին զմեզ առ հաւատսն Բրիստոսի , որ արդարացուցանեն զմեզ : Իսկ արդ զի եկին հասին հաւատքն , չեմք ընդ դաստիարակօք . այս ինքն ընդ օրինօքն . զի ամենեքին որդիք ան էք 'ի հաւատոց անտի Յիսուսի Բրիստոսի : Եւ չեմք ծառայք , այն որ յառաջագոյն ընդ լծիւք օրինացն հնազանդեալ կայեաք : Որ միանգամ 'ի Բրիստոս մկրտեցան , և հաւատան եթէ զԲրիստոս զգեցան , ոչ եթէ զանէծս միայն զօրինացն մերկացան և օտարացան , այլ իբրև այն թէ ոչ ինքեանք իսկ ինքեանք են կերպարանօք . թէպէտ և ինքեանք իցեն բնութիւն : Չիք այսուհետև յետ թողութեն մկրտութե ոչ հրեայ հպարտացեալ , և ոչ հեթանոս անարգեալ . ոչ ծառայ տկարացեալ , և ոչ տէր ամպարտաւանեալ . ոչ արու իշխանութիւն իւրով , և ոչ էգ հնազանդութիւն իւրով . զի ամենեքին դուք մի էք 'ի Բժ ԾԾ : Ապա եթէ դուք Բրիստոսի էք , որ յԱբրահամէն է , ուրեմն զաւակ էք դուք Աբրահամու . եղերուք դուք ժառանգք աւետեաց :

ԳԼՈՒԽ Դ

ԴԱՐՑԵԱԼ ԲԵՐՆԱ ՄԻԼՍ ԼԱ ՍՈՒԱԿ ՕՐԻՆԱԿԻ ԲԱՆԻՆ
 ԻԼՐՈՅ Լ ԱՍԷ . ցորքան ժամանակս , ասէ , ժառանգն
 տղայ է , չէ ինչ աւելի քան զԾառայն , թէպէտ և
 տէր իցէ նա ամենայնի . այլ ընդ հազարապետօք է
 և ընդ գաւառապետօք մինչ 'ի ժամանակս եղեալ
 հօր իւրոյ : Սոյնպէս և մեք մինչ դեռ տղայքն էաք ,
 այս ինքն մինչ դեռ աշխարհս տղայ էր , ընդ տկար
 կարգօք օրինացն իբրև ընդ կարգօք աշխարհի 'ի ծա-
 ռայու[թէ կայեաք : Իբրև եկին հասին լցան ժամա-
 նակք , առաքեաց ան զՈրդի իւր , և եկն ծնաւ 'ի կու-
 սէ , որպէս և ասաց Եսայի . և մուտ ընդ օրինօք , զի
 զտղայսն որ մտեալ են 'ի ներքոյ նոցա՝ գնեսցէ , և
 եղիցին նմա յորդէգրու[թի : Այլ ձեզ յայտ լիցի
 թէ որդիք էք , առաքեաց ան զՀոգին Որդւոյ իւրոյ
 'ի սիրտ ձեր . այն որ աղաղակէ ձեւք իբրև որդեօք
 հանապազօր . Հայր մեր որ յերկինս , սուրբ եղիցի
 անուն քո :

Այլ յայնժամ մինչ ոչն գիտէիք դուք զան , ծա-
 ռայէիք դուք կռոցն՝ որ 'ի բնէ իւրեանց չէին աս-
 տուածք : Այլ այժմիկ ծաներուք զան . մանաւանդ
 թէ ան իսկ ծանեալ զձեզ 'ի ձեռն գործոց ձերոց , և
 ընտրեաց իւր ժողովուրդ . սք , զիարդ դառնայք ան
 դրէն միւսանգամ 'ի սնոտի և 'ի տկար կարգս օրի-
 նացն . և յետ ժամանակաց նոցա կատարելոյ դար-
 ձեալ վերստին միւսանգամ 'ի լուծ ծառայու[թէ մը
 տանել կամիք : Չաւուրս խտրէք և զամիսս և զտա-
 րիս , զոր ժողովուրդն պարհէր : Երկնչիմ ես 'ի ձէնջ-
 գուցէ թէ 'ի հրէուի անդր խոնարհիցիք , և լինիցին
 վաստակքն մեր զուր՝ զոր վաստակեցաք 'ի ձեզ : Լե-
 րուք դուք իբրև զիս այսօր առանց այսոցիկ . քանզի
 և ես իբրև զձեզդ էի այսօրհիմք : Չիք ինչ ձեր մե-
 ղուցեալ առ իս , եթէ այլ ընդ այլոյ ինչ տայի ես ձեզ :
 'Իտեմ ես՝ զի տկարուք՝ մարմնոյ իմոյ աւետա-

1 Յօրինակն գիրութեան :

րանեցի ես ձեզ զառաջինն . կամ 'ի հիւանդուոյն ան-
դամոց իւրոց , և կամ փորձանք 'ի թշնամեաց իւրոց :
Չնոյն իսկ փորձանան՝ որ յանձին իմուամ ունէի , ոչ
անարգեցիրք . այլ իբրեւ հրեշտակ՝ որ հեռի է 'ի չար-
չարանաց , այսու չարչարանօք ընկալարուք զիս : Արդ-
մարդք՝ որ եթէ հնար ինչ էր , զայս ձեր հանելիք և
տայիք ինձ , խաբէու թի՞ ընդ ճշմարտութե խառնէի
տայի ձեզ : Նա և ես ոչ եթէ թշնամի եմ ձեզ , այլ
հաւատացի ձեզ ճշմարտութե . այս ինքն հաստա-
տեցի զձեզ ամենայն ճշմարտութե զոր քարոզէի ես :
Այլ այնոքիկ որ նախանձին ընդ ձեզ , զի առիք դուք
զչորդին առանց պահպանութե օրինացն , արգելուլ
կամին զձեզ , զի դուք շրջեսցիք նախանձեսցիք ընդ
նոսա՝ թլփատեալ ընդ այնոսիկ՝ որ նախանձին ընդ
ձեզ . վասն զի զրկեալ են նոքա յայնմանէ զոր ընկա-
լարուքն դուք : Լաւ է եթէ նախանձեալ ոք իցէ ոչ
յիրս ֆնասակարս , այլ յամենայն բարիս օգտակարս :
Ղարձեալ 'ի վերստին երկնեմ ես զձեզ մինչև նը-
կարեացի 'ի ձեզ Բրիստոս . այս ինքն մինչև բնա-
կեսցէ 'ի ձեզ Բրիստոս : Այլ ես կամէի եթէ եկից
և 'ի ձերում միջի , և փոփոխեցից զբարբառ իմայլ
ուսմամբ վասն փորձելոյ զձեզ . զի զարմացեալ իմն
եմ ես ընդ ձեզ , զի այդպէս վաղվաղակի փոփոխե-
ցարուք : Ընդ Աբրահամ իսկ ոչ հայէիք դուք , զի
երկուք որդիք եղեն նորա . որ յաղախնոյ անտի էր՝
ըստ մարմնոյ ծնեալ էր , զի ոչ էր նա ըստ աւետեաց .
որպէս և Սահակ որդին ազատին : Եւ այս զի եղեն՝
առակ են երկուցն կտակարանաց . մի ժողովրդեանն
չրէից ըստ օրինաց 'ի ծառայութի ծնեալ ըստ նմա-
նուէ նորին Հագարու . քանզի Հագարդ իսկ է լեռն
Սինէ՝ որ 'ի կողմանս արաբացւոց . և նմանութի է
նա այսմ Երուսաղէմի , զի կայ 'ի հնազանդութե և
ծառայէ որդուք իւրօք հանդերձ Հոռոմոց : Այլ
վերինն Երուսաղէմ ազատ է , որպէս Սառաայն . և
'ի վերոյ է նա քան զիշխանութիս և զպետութիս . և
նա ինքն է մայր մեր եկեղեցի սուրբ , որում խոստո-
վանն եղեաք նմա : Եւ ոչ եթէ մեք ինչ եմք գտօղք
այսուիկ . քանզի խայի յառաջագոյն կանխեաց և
ասաց վասն այսորիկ . «Ուրախ լեր ամուլդ՝ որ ոչ

ծնանէիր, զի բազումեղեն որդիք եկեղեցւոյ ամլոյ առաւելքան զորդիս ժողովորդեանն արամբւոյ, : Այլ դուք, եղբարք, ըստ Սահակայ աւետեացն որդիք էք : Այլ որպէս հալածէր Խմայէլ զՍահակ, սոյնպէս հալածիմք մեք 'ի նոցանէն այսօր : Որպէս ասաց նմա՝ “Իբաց հան զաղախինն և զորդի նորա, զի մի ժառանգեսցէ որդի աղախնոյ ընդ որդւոյ ազատի”, , սոյնպէս ելին և նոքա՝ զի մի ժառանգեսցեն ընդ ձեզ : Արդ չեմք ծառայք վասն ազատութեն զոր առաք մեք 'ի ձեռն Բրիստոսի :

ԳԼՈՒԽ Ե

ՊԻՆՏ կալցուք 'ի Բրիստոս, և մի միւսանգամ ընդ լծով ծառայութե օրինացն մտանիցեմք : Ահա աւասիկ ես Պաւղոս՝ որ աւելի քան զձեզ գիտեմ զզօրութի հնոյն, ասեմ ձեզ. զի եթէ թլփատիք, որպէս ասենն ձեզ, յայսմիկ և վասն այսորիկ Բրիստոս ինչ ձեզ ոչ օգնէ : Բայց սակայն ամենայն որ առնու յանձն զթլփատութին, պարտ է նմա ախուհետեւ զամենայն օրէնսն կատարել. այս ինքն պարհել զշաբաթս նոցա, և առնել զտօնս նոցա, և ուտել զբաղարջս նոցա և զգառնն և զեղէգ նոցա : Եւ եթէ զայս առնէք դուք, խափանեալ էք 'ի Բրիստոս՝ որ օրինօքդ կամիք արդարանալ : Եթէ գործովքդ ձերովք ըստ օրինաց արդարանալ ցանկայք դուք, 'ի չնորհաց՝ որ եղև 'ի ձեզ որպէս յամենայն հեթանոսս՝ անկեալ էք դուք : Զի մեք հոգւոյն հաւատոց զոր ընկալաք, յուսոյն արդարութե՝ որ տուեալ լինի 'ի մեզ 'ի հաւատոց անտի՝ ակն ունիմք մեք : Զի 'ի Բրիստոս Յիսուս ոչ թլփատութի ինչ օգնէ, և ոչ անթլփատութի. այլ հաւատք սիրով զօրացեալք. այս ինքն հաւատովք մերովք՝ որ առ տէր մեր, և սիրով մերով՝ որ առ միմեանս :

Իարևոք իմն ընթանայիք և դուք յայսմիկ զոր համարեցայս, ո՞ կասեցոյց զձեզ և հրապուրեաց զձեզ թերահաւատս լինել ձեզ 'ի ճշմարտութե անտի զոր ետու ես ձեզ : Զի հաւատաւն ձեր յայնմանէ է՝ որ կոչեացն զձեզ : Կամ այս հրապոյրք ձեր որ հակառակ են առաջնոյն, յայնմանէ է՝ որ հրապուրեացն և կա-

սեցոյց զձեզ այսօր . կամ հրապոյրքն ձեր յայ են ,
այն որ 'ի նմանէ է կոչուած ամենայն հեթանոսաց :
Որպէս խմոր է ամենայն ուսուծն . և յոր անկանի նա ,
զմիտս նորա իբրև զգանգուածն առ ինքն ձգէ : Այլ
ես յուսացեալ եմ 'ի ձեզ տերամք՝ եթէ այլ ինչ դուք
քան զոր ետու ես ձեզ , մի խռովեսցիք . և այն որ խռու
վեցուցանէ զճշմարտութի զոր սփռեցի ես 'ի ձեզ ,
նա միայն ընկալցի զդատաստանսն՝ որ գալոց են 'ի
վերայ այնորիկ որ զընկերն գայթաղեցուցանէ : Այլ
ես եթէ զթլփատուի քարոզէի , և ոչ 'ի Հրէից անտի
հալածական լինէի : Ապա ուրեմն խափանեցաւ գայ-
թաղութի խաչին . այս ինքն խոնարհութի խաչին
զոր քարոզեմք մեք , 'ի ձեռն թլփատութեն զոր քա-
րոզեն նոքա : Երանի եթէ բնաւ հատանէին իսկ և
ընկենուին առ մերոյ նախանձու այնոքիկ՝ որ խռովե-
ցուցանեն զձեզ :

Այլ դուք , եղբարք , յազատութի կոչեցարուք . և
մի այսուհետև դառնայք դուք յօրէնսն , և լինիցի
ազատութիւն ձեր 'ի պատճառս մարմնոյն . այլ սիրով
ծառայեցէք միմեանց , և ոչ օտար ուսմամբ : Զի օ-
րէնքն յոր դուքն ընթանայք կատարել զբաղում պահ-
պանութիւն նորա , սակաւ իւրի կատարի . այս ինքն
զի սիրեսցես զընկեր քո իբրև զանձն քո : Ապա եթէ
զմիմեանս զգուրիցէք և զմիմեանս խաժատիցէք , ոչ
միայն զօրէնսն ոչ կատարէք դուք , այլ և 'ի միմեանց
սատակիք : Զայս ասեմ . Հոգւով , այս ինքն գործովք
Հոգւոյն գնասցիք , և զցանկութի մարմնոյ ձերոյ մի
կատարէք . զի մարմին ցանկայ՝ որ ոչ կամք հոգւոյ են .
և հոգի ցանկայ՝ որ ինչ չարչարանք են մարմնոյ : Եւ
քանզի այսք երկոքին միմեանց թշնամի են , մի և եթ
զամենայն ինչ զայն առնիցէք զոր կամիցիք . այլ զայն
ինչ առնիցիք զոր կամի հոգին՝ որ բնակեալ է 'ի ձեզ :
Ապա եթէ հոգւով վարիք , չէք ընդ օրինօք : Զի
յայտնի են գործք մարմնոյ , զի 'ի վերայ նոցա տիրեն
օրէնք . այս ինքն են պողնկութիք և պղծութիք և
այլ ևս : Այն զի մինչ առ ձեզն էի՝ ասացի , և այժմիկ
հեռաստանէ գրեմ առ ձեզ՝ եթէ որ զայնպիսի ինչ
գործեն , զարքայութիւն Աստուծոյ ոչ ժառանգեն :
Իսկ պտուղ Հոգւոյ այս է , սէր և խաղաղութիւն ,

այլովք հանդերձ : Զայսպիսեացս աստի օրէնք չեն հակառակ . զի ոչ գրեալ է յօրէնս գործել զայս , այլ յազատութենէ մերմէ ընտրեմք մեք գործել զայս : Իսկ որք քրիստոսեանքն են , զմարմինս իւրեանց 'ի խաչ հանին հանդերձ ամենայն ցանկութիւն մարմնոյ զոր համարեցայ : Մերձեսցուք առ հոգին , և զհետ երթիցուք նորա 'ի ձեռն գործոց մերոց . և մի լիցուք ընդունայնակարծք , միմեանց ձայն տալով պահել զօրէնս հնոյն :

ԳԼՈՒԽ Զ

Եւ եթէ յանկարծ գայթաղեսցի մարդ յինչ և իցէ յանցանս , այնոքիկ՝ որ հոգեւոր գործովքն իւրեանց հեռի են յանցանաց , նոքա խրատեսցեն զայնպիսին 'ի հոգին հեզութե . և զգոյշ լինիցին եթէ գուցէ սովին իսկ՝ որով զի ոչ ևս յանցեան , տիրեսցէ 'ի նոսա հպարտութի ամպարտաւանութե . և այնուքիկ որք ապրեցան յանօրէնութե անտի յայնմանէ՝ ուր ընկերքն իւրեանց անկեալ էին , մտանիցեն նոքա 'ի փորձանս պարծանաց : Զմիմեանց բեռն բառնալով կատարին օրէնք , և ոչ եթէ այնուիկ՝ որ ձեռն յանձին հարեալ իցէ եթէ ես եմ ինչ : Այլ զանձինս մեր կշռեսցուք , զգործս մեր՝ եթէ այ իցեն . և ապա անձանց մերոց միայն պարծանս տացուք , և ոչ 'ի վերայ ընկերի . այս ինքն և ոչ այլոց գործով : Իւրաքանչիւր մարդ զբեռն իւր բարձցէ , և մի պարծեսցի այլոց բեռամբ զոր բարձեալ ունին : Ի հաւանութի մտցէ տգէտն գիտնոյն յամենայն ինչ 'ի բարիս . այս ինքն նմանող լիցի աշակերտն ամենայն բարութիւնք վարդապետին իւրոյ՝ որ ուսուցանէ զնա :

Այլ մի կարծիցէք եթէ չեն դատաստանք , և համարձակիցիք 'ի մեղանչել . զի անձ զարհամարհանս ուրուք յանձն ոչ առնու : Զի այն որ սերմանէ 'ի մարմին իւր զգործս մարմնոյ , զապականութի հնձէ . այս ինքն ապականութի չահ նորա : Եւ որ 'ի հոգի զգործս հոգեոյ սերմանէ , 'ի գործոց անտի իւրոց զկեանս յաւիտենից յարութե հնձէ : Այլ զբարիս գործել մի ձանձրացուք յաճախել . զի եկեսցէ ժամանակ ,

զի հեռի իցէ՝ի դանդաղանաց . և յաւիտենից հնձեսցուք առանց լքանելոյ : Գործեսցուք զբարիս առ միմեանս, մանաւանդ առ ընտանիս հաւատոց . այս ինքն առ սուրբն՝ որ էին յերուսաղէմ, և առ ընկերմն իւրեանց՝ որ էին ՚ի հեթանոսս . որք զյափշտակուի ընչից իւրեանց ուրախութիւն կալան : Տեսէք որչափ գործովք զրեցի ես առ ձեզ իմով ձեռամբ վասն թրք փատուէ : Եւ որ միանգամ կամին բարեմարդիկ լինել և պարծել մարմնով, այս ինքն թլփատուութիւն, նուրբ ստիպեն զձեզ ՚ի թլփատուին, զի ձերով թլփատութիւն պարծեսցին՝ եթէ ահա աւաստիկ մեք թլփատեցաք զնոսա, զախոսիկ՝ որ աշակերտեցան ՚ի Պաւղոսէ, զի մի թլփատեսցին :

Այլ ինձ քաւ լիցի պարծել այսոքիմք, կամ որ ինչնման է սոցա . բայց միայն ՚ի խաչն տեառն մերոյ Յիսուսի Քրիստոսի եզիցին պարծանք իմ . զի նովաւ աշխարհ ՚ի խաչ հանեալ իմ յանդիմանութիւն, և ես ՚ի խաչ ելեալ եմ չարչարանօք և նեղութիւն յանդիման աշխարհի : Այլ Քրիստոսի Յիսուսի ոչ թլփատութիւն ինչ կարէ առնել, և ոչ անթլփատութիւն . բայց եթէ եղիցի մարդ նոր արարածք : Եւ որ միանգամ այսմ կարգի շնորհաց հաստատուն կան, խաղաղուի լիցի ՚ի վերայ նոցա, եթէ հեթանոսք իցեն, եթէ իսրայէլացիք իցեն այ : Զի այսուհետեւ կարգաւն թլփատութիւն աշխատ ոք մի արասցէ . զի փոխանակ թլփատութեն՝ որ եղեալ լինի ՚ի վերայ միոյ անդամոյ, և պարծին նովաւ թլփատեալքն, ես զչարչարանս տեառն մերոյ Յիսուսի Քրիստոսի ամենայն մարմնով իմով բարձեալ կրեմ : Շնորհքն տեառն մերոյ Յիսուսի Քրիստոսի ընդ ձեզ ամենեսին : Մի այսուհետեւ կարօտիք դուք արդարութեւն օրինաց :

ԵՓԵՍՆԵՅԻՍ

ԵՓԵՍՍՏՈՒՔ աշակերտեալ էին Յոհաննու աւետարանչի : Սա քանզի ետես զերիս ընկերան իւր եթէ սկիզբն աւետարանացն իւրեանց առ 'ի մարմնոյ արարին , զի մի զմտաւ ածեալ կարծիցեն մարդիկ եթէ մարդ իսկ էր նա՝ այն որ երեւեցաւ նմա՝ և ոչ Որդի ան, խոտորեցաւ յընկերաց անտի իւրոց՝ առնել ճանապարհ. նոր , զոր ոչ արարին ընկերքն : Արդ սկիզբն արար նա ասել 'ի գլուխ աւետարանի իւրոյ , ոչ զի ծնաւ նա 'ի Մարիամայ , կամ 'ի Դաւթայ և յԱբրահամէ և յԱդամայ , այլ 'ի սկզբանէ էր Բանն . և ինքն Բանն էր առ անի , և անի էր ինքն Բանն : Արդ Առաքեալ քանզի գիտէր եթէ եփեսացիքն անուրի տեառն մերոյ կատարեալ են ըստ աւետարանին Յոհաննու քարոզին իւրեանց , թող նա զայս , քանզի կատարեալ էին սովաւ . և առ նա գրել նոցա վասն տնտեսութե մարմնոյն նորա :

Արդ պատմեաց նա վասն խոնարհութե մարմնոյ նորա յիջանել նորա 'ի ստորին կողմն երկրի . և գրեաց նա վասն մեծութե նորա յելանել նորա 'ի վերոյ քան զամենայն երկինս : Զի թէպէտ և 'ի սկիզբն թղթոյս զՈրդի ընդ Հօր ողջունի զոր գրէ առ եփեսացիսն՝ խառնէ զնա , և 'ի տեղիս տեղիս հանդերձ մարմնոջն զոր զգեցաւն՝ յիշէ զնա , այլ ինքն Առաքեալ վասն մարդկութե նորա առաւել քան վասն աստուածութե նորա գրեաց եփեսացւոցն , որպէս 'ի վերուստ իսկ ասացաք :

ԳԼՈՒԽ Ա

ՊԱՒՂՈՍ, ասէ, առաքեալ Յիսուսի Քրիստոսի՝ ի կամաց նայ, զի կամեցաւ նա ընդ մուտն հեթանոսաց. սրբոց և հաւատացելոց, այս ինքն կնքաւորաց և երախայից. չնորհք ընդ ձեզ և խաղաղութիւնսն ի Հօրէ մերմէ և ի տեառնէ Յիսուսէ Քրիստոսէ. և ոչ եթէ ի ձեռն տեառն մերոյ Յիսուսի Քրիստոսի: Օրհնեալ է Հայրն մեր, Հայրն տեառն մերոյ. Հայրն մեր՝ զի չնորհօք կոչեցաւ և մերձեցոյց զմեզ յիւր յորդէգրութիւն. իսկ Հայրն տեառն մերոյ՝ ճշմարտութիւն և ոչ առնչով. և բնութիւն և ոչ չնորհօք: Ամենայն զի ասաց աստ՝ Հայրն տեառն մերոյ, զի արասցէ որոշուան ի մէջ Որդւոյ և մարմնոյ: Զի ուր ասէ՝ Հայր տեառն մերոյ, յայտ արասցէ եթէ վասն Որդւոյ ասէ. և ուր գրէ՝ անձ տեառն մերոյ, յայտ լիցի եթէ վասն մարդկութեանորա պատմէ նա: Այն, ասէ, որ օրհնեացն զմեզ ոչ երկրաւոր օրհնութիւնքն օրինաց, այլ յամենայն օրհնութիւն Հոգւոյ յերկնաւորս ի Քրիստոս:

Որպէս և կանխեցաւ ի խորհուրդս իւր ընտրեաց զմեզ սոցին այսոցիկ յառաջ քան զաշխարհ, զի լիցուք մեք ի ձեռն մկրտութեն սուրբք և անարատք. այս ինքն սիրով և ոչ ըստ արդարութեան գնացիցն մերոց: Եւ կանխեաց յառաջագոյն ընտրեաց զմեզ ի ձեռն խորհրդոց մարգարէիցն, և եղ զմեզ յայնմ ժամանակէ հետէ յորդէգրութիւն ի Քրիստոս ըստ հաճութեան կամաց իւրոց, զի զսոյն իսկ զայս արասցէ մեզ: Զի փառաւոր լիցի յամենայնի. այս ինքն զի առաւել իցէ քան զամենայն գովեստն չնորհաց նորա, նոյլն իսկ Որդւով իւրով գթացաւ ի մեզ: Այն զի նովաւ ունիմք մեք զայս փրկութիւն և զլոյս զոր ստացաք արեամբ նորա. զթողութիւն մեղաց առաք մեք, ոչ եթէ ի գործոց մերոց, այլ ըստ մեծութեան չնորհաց նորա՝ որ առաւելաւ ի մեզ. այս ինքն զի մեծացուցին զմեզ ամենայն իմաստութիւն և գիտութիւն, ի ձեռն իմաստութեան իւրոյ ցոյց մեզ զխորհուրդ կամաց իւրոց, այն որ կանխեաց եղ գնա և ծածկեաց

զայս խորհուրդ առաջնորդութե՛ն որ հանդերձեալ էր յայտնել : Զի՛ի կատարած ժամանակաց ամենայն ինչ վերստին նորոգի՛ի Քրիստոս , այն ինչ որ յերկինս է և որ յերկրի , ՚ի նոյն . այս ինքն լուսաւորք՝ որ նորոգին ՚ի միտս և ՚ի խորհուրդս մեր , և ճանաչեալ լինին նոքա՝ եթէ արարածք են նոքա և ոչ անծք . և կուռք յերկրի լուսաւորին մեզ՝ եթէ ձեռագործք են նոքա և ոչ արարիչք . նորոգութե՛ք՝ որ լինի մեզ՝ նորոգին նոքա , ոչ եթէ անձամբք իւրեանց , այլ ՚ի ճշմարիտ գիտութե՛ք բնութեն իւրեանց :

Արդ սոյն իսկ յայս խորհուրդս որոշեցաք , և ընտրեցաք ՚ի սմին իսկ յայսմիկ զոր յառաջագոյն հրաւիրեաց անձ , զի ամենայն ինչ՛ի ձեռն Եփեսոսի Քրիստոսի զօրասցի հաճոյ լինել , որպէս զի կատարեսցին խորհուրդք կամացն նոյն : Զի եղիցուք մեք քան զամենայն դարս որ յառաջեցին քան զմեզ՝ ՚ի գովեստն փառաց նորա . այս ինքն մեք՝ որ յառաջագոյնս յուսացաք ՚ի Քրիստոս : Զի և դուք ՚ի ձեռն Եփեսոսի լուարուք զբանն ճշմարտութե՛ն . զի նա ինքն է աւետիք կենաց , և նովաւ յամենայն կուոյ դարձարուք , և հաւատացէք ՚ի ձեռն Հոգւոյն սրբոյ՝ որ ջուրքն աւետարանեալ էր ձեզ : Այն զի այս որ եղև ձեզ , գրաւական է սա ճշմարիտ ժառանգութեն ձերոյ , այն զոր ընդունելոց էք դուք ՚ի փրկութիւն նուաճութե՛ն ձերոյ , այս ինքն փրկութեամբն որ լինելոց է ՚ի ժողովելն հեթանոսաց , յաւուրն գալստեան տեառն մերոյ . զի եղիցի սոյն իսկ այս ՚ի գովեստն փառաց նորա , այս ինքն ՚ի փառան յայտնութե՛ն նորա :

Ո՛ր անս յսորիկ և ես իբրև լուայ զհաւատսն ձեր՝ որ ՚ի տէրն Եփեսոս են , և սէրն ձեր՝ որ է առ Ծառայսն տեառն մերոյ , ոչ դադարեմ գոհանալ վասն ձեր՝ յամենայն ժամ յիշել յաղօթս իմ : Զի անձ տեառն մերոյ Եփեսոսի Քրիստոսի՝ որ Հայրն փառացն էր , վասն զի ինքն իսկ ՚ի ձեռն Որդւոյ իւրոյ եղև պատճառք այսց օրհնութե՛ց՝ որ ելանեն այսօր ՚ի հեթանոսաց , այն որ յառաջ հայհոյութի՛ն փոխանակ օրհնից հանէին , Հայրն , ասէ , փառացն տացէ ձեզ զհոգին գիտութե՛ն և յայտնութե՛ն . այս ինքն յայտնութե՛ք իմաստութե՛ն Հոգոյն Ծանիլիք զնա : Եւ լու-

սաւոր եղիցին աչք սրտից ձերոց . զի գիտասցիք դուք զինչ է յոյսն առաւելութեն կոչման ձերոյ , և զինչ է մեծութի փառաց ժառանգութեն նորա՝ որ պատրաստեալ պահի սրբոց , և կամ զինչ է առաւելութեն մեծութեն զօրուն նորա 'ի ձեզ 'ի հաւատացեալս , այս ինքն 'ի դառնալն ձերում . և 'ի գործս հոգւոյն՝ որ 'ի ձեզ 'ի հաւատացեալսդ : Եւ աւագիկ գործին ըստ զօրուն իշխանուն նորա , այն որ զօրացոյց նա զՔրիստոս , և կեցոյց զամենայն ծագս , և զՈրդի յարոյց 'ի մեռելոց : Արդ այն , զի ասաց վերագոյն՝ եթէ անտեառն մերոյ Բիսուսի՝ վասն մարմնոյ , ասաց աստ՝ բայ յարոյց զնա 'ի մեռելոց , և նստոյց զնա ընդ աջմէ իւրմէ յերկինս : Ի վերոյ քան զամենայն իշխանութիւնս և սկստութիս ասաց զնմանէ , և վասն նորին մարմնոյ ասաց՝ բայ հնազանդեսցէ 'ի ներքոյ ոտից նորա : Եւ զնա արար գլուխ 'ի վերայ ամենայնի և 'ի վերայ եկեղեցւոյ , այս դարձեալ զի ասաց՝ բայ զի այս ինքն է մարմին նորա , կատարումն , որ ամենայն ինչ՝ յամենայնի կատարի : Զոր օրինակ զգեցաւ նա զմարմին մեր աստ , լինի և 'ի կատարածի և եկեղեցի մարմին մարմնոյ նորա . և այսպէս կատարի ամենայն յայնմանէ , որ յամենայնին կատարի :

ԳԼՈՒԽ Բ

Եւ դուք որ երբեմն մեռեալ էիք 'ի մեղս գնացից ձերոց ըստ կամաց իշխանին իշխանութե՝ օգոյն և այսոյն , այս ինքն զի իշխան է նա 'ի վերայ օգոյն՝ առնուլ 'ի նմանէ 'ի նմանութի կերպարանաց երևել , և իշխան է 'ի վերայ այսոյն պղծութե . այն , ասէ , որ և արդէն իսկ զօրացեալ է 'ի վերայ որդւոցն թերահաւատից՝ որ ոչ կամին հաւատալ յաւետարան : Որով և մեք ամենեքին շրջեաք 'ի ցանկութիս մարմնոյ մերոյ , և առնեաք մեք ոչ զկամս ան , այլ զկամս մտաց և մարմնոց մերոց . և էաք արդարեւ որդիք բարկութե իբրեւ զայնոսիկ՝ որ մինչև ցայսօր ժամանակի 'ի թերահաւատութե կան : Ամենայն , զի արգելոյր և փակէր զանձն իւր Առաքեալ 'ի ներքոյ

այսոցիկ, զի մի օտարացի նա 'ի շնորհացն՝ որ անխայեցին և անխայեն զամենայն որ միանգամ հաւատան և մկրտին յայսցանէ :

Եւ Եւսեբ Վասն մեծ առատուն և սիրոյ իւրոյ զոր սիրեաց զմեզ, ողորմեցաւ և գթացաւ 'ի մեզ. և զի մեռեալ էաք մեք 'ի մեղս մեր, կենդանի արար զմեզ 'ի ձեռն մկրտունն 'ի Քրիստոս. շնորհօք նորա ապրեցոյց զմեզ, զի ձրիքաւեաց զմեզ, և յարոյց զմեզ ընդ նմա 'ի ձեռն աւետեացն՝ և մինչ չե իսկ գլորեալ էաք : Եւ նստոյց զմեզ ընդ նմա յերկնաւորս. այս ինքն պատուեաց և փառաւորեաց զմեզ 'ի ձեռն մարմնոյն մերոյ զոր նստոյց յերկնաւորս : Զի ընծայեցուցէ աշխարհաց՝ որ գան յարութի անդր՝ զառաւելութի մեծութե շնորհաց նորա, որ եղև 'ի ձեռն Քրիստոսի 'ի դարու աստ մերում : Շնորհօք նորա կոչեալ էք դուք, զի հաւատովք էք դուք կոչեցեալ : Եւ սոյն իսկ այս ոչ եթէ 'ի ձէնջ ինչ եղև և կամ 'ի գործոց ձերոց, այլ պարգևք ւնայ են. զի մի դք պարծեացի գործովք իւրովք, այլ շնորհօքն՝ որ գթացան նմա : Եւ րարածք նորա եմք մեք՝ ստեղծեալ նորոգապէս 'ի ձեռն տեառն մերոյ Յիսուսի Քրիստոսի 'ի գործս բարիս. այն որ յառաջագոյնն, այս ինքն յորմէ հետէ ընտրեացն զմեզ, պատրաստեաց զմեզ՝ զի 'ի նոյն գրնասցուք :

Եւ ասն այսորիկ և դուք յիշեցէք, զի և դուք երբեմն հեթանոսք էիք մարմնով, զի զգործս մարմնոյ գործէիք. և կոչեցեալ էիք դուք անթլփատք 'ի թրլփատէ հերբայեցւոց անտի : Եւ էիք 'ի ժամանակին յայնմիկ առանց Քրիստոսի, թէպէտ և պարհեալ էիք դուք կոչմանն Քրիստոսի. և օտարացեալ էիք յընկերուէ անտի ընակունն իսրայէլի, այս ինքն 'ի պահպանութէ պատուիրանին օրինաց. և օտարացեալ էիք ոչ յաւետեացն, այլ 'ի կտակարանաց անտի աւետեացն. և յոյս ինչ ոչ ունէիք, զի աւետեացն չէիք հմուտ. և առանց ւնայ յաշխարհի շրջէիք, զի Աստուածն ճշմարտութե ոչ գիտէիք : Իսկ այսօր զի եղերուք 'ի ձեռն հաւատոցն ձերոց Քրիստոսի, և զի հեռի էիք դուք 'ի նմանէ, արեամբն նորա զոր առնուք՝ մերձաւորք նորա եղերուք : Զի նա ինքն է

խաղաղութի մեր, այս ինքն զի նա արար խաղաղութի
 'ի մէջ հեբրայեցւոցն և հեթանոսաց. վասն զի արար
 զերկոսին կտակարանս մի, և քակեաց 'ի մարմնի իւ-
 րում զկրճիմն թնամուլութե, այս ինքն զմոլորութի
 կռոյ՝ որ 'ի վերայ ամենայնի առաքատեալ էր, և
 'ի վեր քան զերկինս անցանել մտաց մարդկան ոչ
 տայր թոյլ. և զօրէնս երկրաւոր պատուիրանացն հռ-
 գեղէն պատուիրանօք իւրովք խափանեաց, զի զեր-
 կոսին՝ այս ինքն զհեթանոսս և զհեբրայեցիս՝ տտեղծ-
 ցէ անձամբ իւրով 'ի մի մարդ նոր, և արասցէ խա-
 ղաղութի, և հաշտեցուցէ զերկոսին 'ի ձեռն միոյ
 մարմնոյ՝ որ սպանաւն փոխանակ երկոցունց. և խա-
 չիւն իւրով սպան նա զթնամուլին, այս ինքն զի խա-
 փանեաց և մաշեաց նա զթնամուլութիւն՝ որ էր 'ի մէջ
 մեր և նոյն: Եւ եկն աւետարանեաց զխաղաղութի
 ձեզ. այս ինքն հեթանոսաց հեռաւորաց, և հեբրայ-
 եցւոց մերձաւորաց: Չի նովաւ ընկալաք մեք ըզ-
 նուաճուի. զի յամօթ առնէին զմեզ և որոշէին յիւ-
 րեանց վասն օրինաց իւրեանց: Արդ ահա աւասիկ
 եղև մեզ նուաճուի 'ի մի հոգի առ Հայրն ամենայ-
 նի. այս ինքն 'ի ձեռն Հոգւոյն զոր ընդունիմք մեք
 'ի մկրտութե անտի. այն որ 'ի միջոյ նորա դարձեալ
 միւսանգամ հրեայ և հեթանոս չիք, զի ամենայն
 յամենայնի Քրիստոս է:

Ի պա այսուհետև չէք օտարք յաւետեացն կտակա-
 րանաց, և ոչ պանդուխտք 'ի ժառանգուէ՝ որ պատ-
 րաստեալն պարհի ձեզ. այլ քաղաքակիցք սրբոց և
 ընտանիք նոյն: Եւ շինեալ էք 'ի վերայ հիման. այս
 ինքն 'ի վերայ քարոզութե մարգարէից և առաքե-
 լոց: Չի ինքն Յիսուս Քրիստոս եղև գլուխ անկեան.
 այս ինքն պսակիչ և կնքիչ այսր հոգեղէն վարդապե-
 տութե. և 'ի նա ամենայն շինուած եկեղեցւոյ հաս-
 տատի և պատշաճի և աճէ 'ի շինած տաճարի սրբ-
 ութե, այս ինքն ըստ նմանութե տաճարի սրբութե,
 'ի բնակութի անուէ: Քանզի և դուք իսկ ընդ նմին
 եկեղեցւոյ շինեալ լինիք լինել ձեզ բնակութի անուէ
 'ի ձեռն Հոգւոյն սրբոյ:

ԳԼՈՒԽ Գ

ԱՍԸ այսորիկ ես Պաւղոս կապեալ Յոի Բրիւտոսի վասն ձեր հեթանոսաց . այս ինքն երբեմն 'ի ձէնջ, և երբեմն 'ի հերբայեցւոց անտի , ոչ վասն այլոյ իրիք , այլ վասն զի աւետարանեմ ձեզ զայս աւետարան . արդ եթէ արդարեւ լուեալ իցէ ձեր զպաշտօն շնորհաց , և հաստատեալ կայցէք յառաջնորդութեն , ոչ յօրինաւորն , այլ 'ի հոգեղէնն . առաջնորդութեն շնորհացն նոյ՝ որ տուան ինձ 'ի ձեզ , այս ինքն վասն ձեր , զի յայտնութիւն ճանապարհին Դաւմասկեայ յայտնեցաւ ինձ խորհուրդս այս , զի փոքր մի 'ի սմանէ գրեցի ես առ ձեզ , զի կարող լինիջիք դուք ընթեռնուլ և 'ի մտի դնել զգիտուին որ ծածկեալ կայր 'ի խորհրդեանն Քրիստոսի : Այն որ այլոց ազգաց , թէպէտ և գրեցին նորա մարգարէքն առական օրինակաւ , սակայն ոչ յայտնեցաւ երբեք որդւոց մարդկան՝ որպէս և այսօր յայտնեցաւ առաքելոց իւրոց 'ի ձեռն Հոգւոյն սրբոյ . այս ինքն 'ի ձեռն պարգեաց Հոգւոյն : Զի եղիցին հեթանոսք ժառանգակիցք առաջինն արդարոց 'ի ձեռն մարմնոյ նորա . զի 'ի միասին ընկալիք զաւետիսն՝ որ նա ինքն է մարմին նորա , այն որ խոստացեալ էր 'ի միասին ընդունել զնա հերբայեցւոց և հեթանոսաց 'ի ձեռն Քրիստոսի աւետարանին : Որոյ եղէ ես սպաւաւոր մատակարար ըստ պարգեաց առատուէ շնորհացն նոյ , այն որ տուաւ ինձ ոչ ըստ գնացից տկար մարմնոյ , այլ ըստ զօրութե քազկի նորա . ինձ՝ որ տրուպս եմ ոչ միայն ամենայն առաքելոց , այլ և ամենայն սրբոց՝ այս ինքն կնքաւորաց , տուաւ ինձ շնորհքս այս , իբրեւ չեմ արժանի աւետարանել 'ի հեթանոսս ոչ զքնուի Քրիստոսի , այլ զանքնին մեծուի Քրիստոսի : Եւ լուսաւոր առնել զամենայն մարդ , զի գիտասցեն եթէ զինչ է առաջնորդութիւն խորհրդեանս այսորիկ՝ այս ինքն զի զվարս Հոգեղէնս սիրէ , և ոչ զօրինաւորս . այն որ ծածկեալն էր յաւիտենից 'ի ժամանակէ անտի առ նա՝ որ զամենայն ինչ արար :

Զի թէպէտ և պատմեցաւ գալուստ նորա խորհրդովք, այլ զի թէ մարմին նորա կերակուր բաշխելոց էր, անձ միայն գիտէր զայս. առ որում ճածկեալն կայր:

Ի մէջ եկեղեցւոյ, ասէ, յայտնեսցի բազմապատիկ իմաստութիւն այ իշխանութեցն և պետութեցն՝ որ յերկինս է: Կամ քահանայս և զպետս ժողովրդեանն կոչէ իշխանս որ յերկինս՝ վասն պէսպէս սրբուէց բորոտուէն, և իրք իրք արատոց՝ որ սակաւուց օգուտ ինչ լինէր յերկնից՝ ի ձեռն նոցա. կամ վասն պետութեց և իշխանութեցն՝ որ ի ձեռն պատրանաց մարտըն չին ընդ մեզ՝ ասաց, այնոքիկ՝ որ վասն զի ոչ գիտացին զՈրդի ի ձեռն նշանին զոր խնդրեաց ի նմանէ յանապատի անդ, և ի ձեռն պատգամին զոր երկրորդեաց նմա ի մարգարէէ անտի, գիտել ճանաչել կամէր զնա: Արդ ի մէջ եկեղեցւոյ տեսին նոքա ըզբազմապատիկ իմաստութիւն այ, և յիմարեալ հայէին և զսրմանային՝ թէ զհարդ հնարեցաւ ի ձեռն մարմնոյն իւրեանց որ շրջէինն, և առնուն զնա լինին հոգեւորք փոխանակ մարմնաւորաց, և երկնաւորք փոխանակ երկրաւորաց, և կենդանիք փոխանակ մահկանացուաց, և անձեղէնք փոխանակ մարդկեղինաց: Այն զի, ասէ, յօժարուի ժամանակացն յաւիտեանից, այս ինքն յառաջ քան զաշխարհ, ի մէջ եկեղեցւոյ արար զնա ի ձեռն Յիսուսի Քրիստոսի: Այն զի նուաւ ընկալաք մեք զնուաճութիւնս զայս, որ եղև ի մեզ ի ձեռն համարձակութե հաւատոց նորա: Եւ վասն այսորիկ խնդրեմ ի ձէնջ, մի ձանձրանայք ի նեղուիս այս մեր. ոչ այնոքիւք որ վասն մեր է, այլ այնոքիւք որ վասն ձերդ կրեմք մեք հանապազօր: Զի եթէ կամեցեալ էր մեր նստել ի միում վայրի և պաշտել զանձ, կարէաք. այլ ոչ լինէաք հալածեալք: Այլ քանզի սիրեցաք մեք եթէ գամենայն հեթանոսս ապրեցուցուք, զի ամենայն հեթանոսաց քարոզեմք մեք, վասն այսորիկ և յամենայն հեթանոսաց հալածիմք մեք: Արդ մի այսուհետև ձանձրանայք դուք զս մեր. քանզի ինքն համբերութիւն մեր փառք ձեր են:

Ի պահ այսորիկ դնեմ ծունդ առ հայր տեառն մերոյ Յիսուսի Քրիստոսի. այն զի ի նմանէն անուա-

նեալ են ամենայն նահապետուիք երկնաւորաց և երկրաւորաց . այս ինքն յերկինս նորին Հօր , և յերկրի ամենայն ծնչաց : Զի նա տացէ ձեզ ըստ մեծութե փառաց իւրոց զօրութի՝ ի ձեռն Հոգւոյն իւրոյ . այս ինքն կամ 'ի ձեռն Հոգւեոր գործոցն հաստատեսցիք 'ի նա , կամ զօրութի՞ն՝ որ ոչ պարտաւորի 'ի հալածչաց՝ հաստատեսցիք 'ի ձեռն Հոգւոյն մկրտութե զոր առէք դուք : Զի 'ի նոյն իսկ յայն 'ի ներքին մարդն մեր որ առ զՀոգին , ընակեսցէ Քրիստոս հաւատովք և ճշմարտութիւն և սիրովն նորա , որ սփռի 'ի սիրտս ձեր . զի եղիցի հաստատուն արմատք ձեր , այս ինքն հիմն հաւատոց ձերոց : Զի կարող լինիջիք հասանել ընդ ամենայն սուրբս , և գիտել եթէ զինչ է բարձրութիւնք և խորութիւնք և երկայնութիւնք և լայնութիւնք . այս ինքն զինչ է կատարած խորհրդեանս այսորիկ զոր մեք ձեզ քարոզեմք , և զինչ է առաւելուի գիտութե սիրոյն Քրիստոսի՝ որ եղև առ մեզ . որպէս զի լցիք ամենայն լրութիւն այ : Այն՝ որ կարողն է առաւել քան զամենայն ինչ որ արար մեզ՝ առնել մեզ , ոչ որպէս մեք խնդրեմք , այլ առաւել քան զոր խնդրեմքն մեք և խորհիմք մեք , ըստ ծածուկ զօրութե նորա որ զօրացաւ 'ի մեզ , նմա փառք 'ի ձեռն Յիսուսի Քրիստոսի յեկեղեցւոյ յամենայն ազգս յաւիտեանից յաւիտեան . ամէն :

ԳԼՈՒԽ Դ

Լ՛րդ աղաչեմ ես զձեզ՝ որ կապեալս եմ 'ի տէր վասն տեառն մերոյ և վասն ձեր , գնալ ձեզ արժանի կոչմանն յոր կոչեցարուքն դուք . այս ինքն զի դնաս ջիւղ դուք ամենայն հեղութիւն և երկայնամտութիւն , փութալ պահել զմիաբանութիւն Հոգւոյն սրբոյ . այս ինքն 'ի հառապարտութիւն խառնելոյն խաղաղութե : Եղիջիք 'ի մի մարմին և 'ի մի Հոգի , որպէս կոչեցարուք դուք . և մի հաւատք և մի մկրտութիւն , և ոչ բազում : Եւ 'ի վերայ ամենեցուն Հոգաբարձութիւն և ընդ ամենայնի և 'ի վերայ ամենեցուն մեր է 'ի մկրտութե : Եւ իւրաքանչիւր 'ի մէջ տուեալ են շնորհք , ոչ հաւասար

րապէս, այլ որոշելով. այս ինքն բառ չափոյ պարգեւացն Բրիստոսի : Վասն այսորիկ ասացեալ է . ասէ . “Եւ ՚ի բարձունս, այս ինքն յերկինս, և գերեաց ըզգերուի” . զի գարձոյց նա զգերուին՝ որ գերեալն էր մոլորուէ խաբէուեն : “Եւ բաշխեաց զպարգևս և ետ որդւոց մարդկան” . այս զի ՚ի կատարած պենտեկոստէիցն բաշխեացն և ետ աշակերտացն : Իսկ այն որ ելն զինչ է¹, ասէ . այլ մարմինն՝ որ էջ ՚ի ձեռն մարհունն ՚ի դժոխս, զի նա ինքն է ստորին կողմն երկրի : Այս որ էջս՝ նոյն է, և որ ելն ՚ի վերոյ քան զամենայն երկինս, այս ինքն ՚ի վերոյ քան զամենայն բարձրուիս երկնից . զի կատարեսցէ զամենայն զոր ասաց, այն է զի ասէ . զոր ընդունիք դուք ոչ եթէ յետ աւուրց բազմաց, այլ մինչև ՚ի պենտեկոստէ :

Եւ նա, ասէ, ետ զոմանս առաքեալս, Երկոտասանս և իւթանասուն և երկուս . և զոմանս մարդարէս, ասողք որ ինչ լինելոցն էր առ յապա, որպէս Ադայն զի մարգարէացաւ վասն Եսայի՝ որ լինելոցն էր ընդ ամենայն երկիր . և զոմանս աւետարանիչս, այս ինքն քարոզիչս . և զոմանս հովիւս վասն առաջնորդութե խաժամուժ մարդկան . և զոմանս վարդապետս՝ սընուցանել զմիտս հաւատացելոց : Այս ամենայն գործ պաշտամանն տուան ՚ի շինուած մարմնոյն Բրիստոսի, զի նա ինքն է եկեղեցի Բրիստոսի . մինչև եկեսցուք հասցուք և մեք ամենեքին ՚ի միաբանութի հաւատոց, այս ինքն զի միաբանիցեմք հաւատովք և տիրութիւնն այ՝ յայր, ասէ, կատարեալ ՚ի չափ հասակի կատարմանն Բրիստոսի . այս ինքն եղիցուք նմանողք Բրիստոսի, զի կատարեսցի ՚ի ձեռն նորա չափ հասակի ներքին մարդոյն մերոյ :

Ի՞նչ որովհետև տէր մեր եղև մեզ նշան կատարման, մի եղիցուք իբրև տղայք ՚ի միտս մեր խռովեալք և տատանեալք՝ և դանդաչեալք ամենայն հողմաւ ՚ի ճշմարիտ ուսմանէ անտի այ՝ յուսմունս օրու մարդկան, այնորիկ՝ որ խորամանկութիւն իւրեանց խորհին գայթաղեցուցանել զձեզ ՚ի ձեռն խաբէուեն մոլորութե : Այլ եղիցուք հաստատեալք և ստու-

1 Յորինակին պակասի շինէ :

գեալք սիրովն Քրիստոսի . ահա այնուհետև հաստատիմք մեք վարդապետուքն Քրիստոսի : Արդ սովին իսկ այսու սիրով աճեսցուք մեք , և առաւել լիցուք . և Քրիստոս՝ որ նա ինքն է գլուխ և կատարիչ ամենայնի , նա յօգէ և հաստատէ զմարմին եկեղեցւոյ յամենայն ճաշակս և յամենայն յօդս ըստ պարգևացն զօրուէ չափոյն իւրաքանչիւր կողմն . այս ինքն ինքեանքն պարգևք Հոգւոյն իբր անդամք են՝ որ լինին յաճումն մարմնոյ եկեղեցւոյ , զի սիրով կատարիցի շինուած նորա . այս զի կարօտութի նոցա որ միմեամբք՝ որ լինի , սէր մեծ սերմանէ 'ի մէջ միմեանց :

II՝ ի այնուհետև գնայք դուք որպէս և հեթանոսք 'ի կուրուծի մտաց իւրեանց . այս ինքն զի ցարդ չեւս է ծագեալ լոյս 'ի միտս նոցա նոր կտակարանացն : Ոչ եթէ այսու կուրուք գտիք դուք զՔրիստոս : Արդ եթէ արդարեւ լուարուք՝ դուք այնմիկ որ ինչ քարոզեցաւ 'ի ձեզ՝ թէ որպէս է ճշմարտուի 'ի ձեռն Յիսուսի , այս ինքն որպէս կատարեցաւ ճշմարտուի 'ի ձեռն Յիսուսի , սոյնպէս մերկացարուք դուք զՀին մարդն՝ որ ապականելոցն է . այս ինքն զի հարկանի և մաշի ցանկութեք մոլորութե : Եւ նորոգեցարուք դուք 'ի հօգի մտաց ձերոց . այս ինքն 'ի խորհուրդս ձեր : Եւ զգեցարուք դուք , ոչ զմարդն հին՝ որ յօդի և յառնէ 'ի գործոց չարաց , այլ զմարդն նոր՝ որ ըստ անձութե ստեղծեալ է արդարութե և ստուգութե և ճշմարտութե . այս ինքն գործովք արդարութե և քաւութեք մկրտութեն : Եթէ բարկանայք , սակայն մի մեղանչէք . զի կոխան առնէք դուք զպատուիրան այնորիկ՝ որ եւթն իւթանամնեկին հրամայեաց զմիմեանց թողուլ : Արդ մարդ որ՝ որ չորեք արիւր և իննսուն հրամայեցաւ մեզ թողուլ 'ի միում աւուր , տեսէք զգոյշ կացէք՝ մի մտցէ արեգակն և թողուցու մեզ զյանցանս աւուրն . զի թէ գայ իսլաւարն և հասանէ յանցանացն , տիրէ մեզ այնուհետև և թշնամին . և նորա հոգւովն և յստակ աղօթից անտի գիշերոյ զոր կամք յաղօթս՝ զրկէ և յետնեալս առնէ զմեզ : Եւ գուցէ 'ի ձեռն չարաչար խորհրդոցն ևս տրտմեցուցանիցէք զՀոգին սուրբ , որով մկրտեցաւ զուքն դուք յօրն փրկութե ձերոյ և քաւուէ ձերոյ :

ԳԼՈՒԽ Ե

Եղբորս հոգի նմանողք Կայսրին ողորմութիւն Կայ : Զի ամենայն մարդ՝ որ պոռնիկ և պիղծ և ագահ է, և ձեռն յանձին հարեալ իցէ՝ ասէ եթէ ես կռոց երկիր ոչ պագանիցեմ, այնպիսին կռապաշտ իսկ է : Եւ զոր օրինակ կռապաշտին՝ չիք և ոչ այնպիսոյն ժառանգութի յարքայութե Բրիտանի : զի ոչ կարէ մինն առանձինն կեցուցանել զնա առանց ընկերաց իւրոց : Մի՛ որ զձեզ խաբեսցէ բանիւք մտաւիւք և ասիցէ՝ Եթէ ոչ պահանջին և ոչ խնդրին գործք ցանկութե և ագահուէ : զի վասն այսորիկ իսկ գործոց եկն բարկուի Կայ՝ ի վերայ ազգին տանն Նոյի և Ղովթայ : Մի՛ լինիք հոգի նոցա հաղորդք գործովք : Գուցէ լինիցիք բաժանորդք և հարուածոցն նոցա : Զի եթէ յայնմ ժամանակի զի էիք հոգի խաւար՝ գործեցէք հոգի զգործս նոցա, այսօր պարտ է հրաժարել յայնցանէ, քանզի եղբորս հոգի լոյս ի տէր . արդ իբրև որդիք լուսոյ զպտուղ լուսոյ, զի են նոքա արդարութիւք և ճշմարտութիւք, գործեցէք : Եւ մի բաժանորդք լինիք գործոց խաւարի, այս ինքն այնուքիկ՝ որ գործեն զգործս խաւարի : զի պտուղ աւետեաց բարեաց չիք նոցա : Այլ որքան հեղեղիք հոգի ի գործս նոցա, յանդիմանելով յանդիմանեալիք հոգի զայնոսիկ՝ որ զայնպիսին գնացսն գնայցեն : Քանզի որ ի ծածուկն ինչ գործի ի նոսա, նոյն իսկ յարեանն ընդ որով մեղանչեն, վկայէ՝ եթէ աղտեղի է այն ինչ զոր գործեն նոքա՝ և խօսել զնա :

Այլ ամենայն ինչ որ ի լուսոյ է, այս ինքն յորդանանտի լուսոյ, յանդիմանի . յայտ է եթէ եղև այնպիսին լոյս ի ձեռն որդւոցն լուսոյ, որ յանդիմանեցին զնա : Թերևս արդեւք զգործս բարիս կուէ յանուն լուսոյ, և զգործս չարեաց յանուն խաւարի : Թէպէտ և գործին գործք չարեաց ի տուէ, և գործք բարիք ի գիշերի, սակայն Առաքեալ ի լոյս նմանող նոցուն ասաց՝ բայ գործին գործք լուսոյ, և ի խաւար կցորդ չարեաց ասաց՝ բայ գործին ամենայն չարիք :

Վասն այսորիկ է ասացեալ. «Զարթիր որ ննջեսդ, և կանգնեսայ 'ի մեռելոց, և լուսատու լիցի քեզ Բրիստոս», . այս ինքն զարթիր 'ի քնոյ մեղաց, և կանգնեսայ 'ի մեռելոց, այս ինքն 'ի մեռելոտի գործոց անտի, և լուսատու լիցի քեզ Բրիստոս վասն բարւոք և գեղեցիկ գործոց: Խօսեցարուք 'ի միտս ձեր. այս ինքն 'ի միտս ձեր առանձինն: Խօսեցարուք սաղմոսիւք. այն իսկ է զի ասէ. յերգս հոգեւորս օրհնեցէք 'ի սիրտս ձեր զանձ:

Վասնայք արանց իւրեանց իբրեւ տեառն հնազանդեցին, որպէս և եկեղեցին զի հնազանդի Բրիստոսի: Զոր օրինակ սէրն եկեղեցւոյ սրտի է և ոչ երեսաց, սոյնպէս և կին սիրեսցէ զայր իւր. և զոր օրինակ եկեղեցւոյ այլ Բրիստոս ընդ Բրիստոսի չիք նորա, սոյնպէս և կնոջ այլ այր 'ի տեղ առնն իւրում մի եղիցի նորա: Սոյնպէս արք սիրեսցեն զկանայս իւրեանց, որպէս և Բրիստոս սիրեաց զեկեղեցի իւր: Զի թէ սիրեսցէ զնա և հոգաբարձ լինիցի նմա, ոչ կարէ փոխանակել զնա ընդ իրիք զայն ճշմարիտ սէրն: Որպէս առ սուրբս ամուսնու թիւն, զնա արար Առաքեալ 'ի խորհուրդս Բրիստոսի և եկեղեցւոյ իւրոյ. այս ինքն զի այս սէր յատակ' որ յԱդամայ մինչև 'ի տէր մեր կարգէր և գայր, խորհուրդ էր կատարեալ սիրոյ տեառն մերոյ: Զի նովաւ թող եկեղեցի զկուռս և զստացուածս ըստ նմանուէ հօր և մօր. և Բրիստոս իսկ թող զչայր 'ի բարձունս և զմայր 'ի խորս, և մեռաւ վասն եկեղեցւոյ իւրոյ. զի զեկեղեցի զոր սիրեաց մահուամբ իւրով, կեցուցէ զնա, և վերացուցէ հանցէ զնա յարքայութիւն անդ իւր:

ԳԼՈՒԽ Զ

Եւ զայս զի ասաց Առաքեալ վասն կանանց և արանց և որդւոց և հարց և ծառայից և տերանց, քանզի հեբրայեցիքն զրպարտէին զնա այսոքիմբ, և ոմանք 'ի հեթանոսաց, թերևս և եփեսացիքն զրպարտէին զնա այսուիկ. գրեաց զայս առ եփեսացիան, զի պատասխանի արասցէ վասն անձին իւրոյ, զի ա-

աւելել քան զժողովրդեանն և հեթանոսաց նման ժողութ էր վասն այսորիկ . զի առանց նոցա նա և բռնութիւն իսկ կարգել չէ հնար : Բեքս ասելոյ նորա այնոցիկ՝ որ զաշխարհ սիրէին , դարձաւ նա 'ի զօրացուցանել զայնոսիկ՝ որ յաշխարհէ աստի հրաժարել կաւ մէին : Եւ զի զգեցուցէ նոցա զէն անութեան 'ի ձեռն հոգեւոր գործոց իւրեանց , որպէս զի կարող լինիցին ընդդէմ կալ ոչ բռնութեան նորա , այլ ընդդէմամբ նայն հնարից թշնամոյն , մարտ պատերազմի ձերոյ , ասէ , ոչ է ընդ մարմնոյ և ընդ արեան . այս ինքն ոչ ընդ մարդկան է մարտ պատերազմի ձերոյ : Զի թէ պէտ և 'ի ձեռն մարդկան չարեաց և հալածչաց , և 'ի ձեռն բարեկամաց մարտնչի ընդ ձեզ թրշնամին , մարտ պատերազմի ձերոյ , ասէ , ընդ իշխանութիւն և ընդ պետութիւն է , և ընդ աշխարհակալս աշխարհիս խաւարիս այսորիկ , և ընդ այսս պղծութեան օղոյս երկնիս այսորիկ :


Եւ 'ի միտ առ դու . զի ոչ ասաց մարտ պատերազմի նոցա , այլ մարտ պատերազմի ձերոյ : Արդ ոչ եթէ նա մարտնչի ընդ ձեզ , այլ մեք ընդ նմա : Թէ պէտ և պատրանք իցեն նորա , սակայն զօրութի չիք նորա . և եթէ և զօրութի իցէ նորա , ոչ է նմա տրւեալ լաւել ընդ մեզ մարտ պատերազմի զօրութի , այլ հնարիւք մեքենայից : Զի զոր օրինակ մարտեալ առ Ադամ և առ Եւայ ոչ զօրութի , այլ պէսպէս հնարիւք խորհրդոյ , և ոչ խիստ և բռնաբարբառով , այլ պատրանք , այսպէս մերձեցաւ և մերձենայ առ ամենայն մարդիկ . բայց յայնմանէ և եթէ 'եթէ Ժողի և խնդրիցէ իշխանութի յայ , և տացի նմա հրամանս համարձակութեան 'ի տեղիս տեղիս . որպէս խնդրեաց և առ նա հրամանս 'ի վերայ Յովայ , Զի եթէ բռնութի ինչ ոչ խնդրէ իւր , հաճելով հաւանութի և պատրանք մերձենայ առ որդիս Ադամայ և Եւայի , որպէս առ Ադամն և առ Եւայ : Զի թէ պէտ և ինքն թշնամին պատրանք մերձենայ առ մեզ և 'ի խողով , սակայն մեք մարտիւ և պատերազմաւ որպէս և ըստ կարի մեքում՝ այս ինքն վաստակովք պահոց և աղօթից՝ կարեմք մեք զերծանել 'ի մեքենաւոր հնարից և 'ի խտաղոց պատրանաց չարին :

Եւ զի կոչեաց զնոսա վերագոյն իշխանս յերկինս , զի արասցէ որոշումն 'ի մէջ իշխանաց և իշխանաց . այս ինքն 'ի մէջ մարմնաւորաց իշխանացն , և հոգեւոր : Այլ որպէս յորժամասէ Դաւիթ . “Ի նմա բնականացն ամենայն թուչունք երկնից , , թուչունս օդոց լսեմք մեք , և ոչ երկնից : Սոյնպէս յորժամ ասէ՝ իշխանք երկնից , իշխանս օդոց լսեմք մեք , և ոչ եթէ իշխանք երկնից : Աշխարհակալս դարձեալ՝ զի կոչեաց զնոսա , վասն իշխանութեանցա՝ որ տարածեալ է ընդ ամենայն աշխարհ պատրել և յանցուցանել զմարդիկ , որ են ընդ ամենայն տիեզերս : Այսա դարձեալ խաւարինս 'ի ներքոյ երկնիս՝ զի ասաց , զի ցուցցէ եթէ 'ի ծածուկ և 'ի խաւարի գործին գործք խաւարի զոր ուսուցանէ : Եւ 'ի ներքոյ երկնի՝ զի ասաց , զի յայտ արասցէ եթէ 'ի ներքոյ երկնից է բնակուած 'ի նորա , և ոչ 'ի վերոյ քան զերկինս . և 'ի մէջ մարդկան գործին և պաշտին չարիք նոցա , և ոչ եթէ 'ի մէջ հրեղէն և հոգեղէն զուարթնոցն . որպէս և աղանդք հերձուածոց ասեն : Եւ ընդ այսս պղծութե՝ որ զի ասաց , այնոքիկ են՝ որ համարձակին մտանել 'ի մարդիկ . որպէս և 'ի Մարիամն մագդաղենացի , և յայրն յայնմիկ՝ որ զանձնն իւր քարամբք կոծէր :

II ամն այսորիկ , ասէ , վառեցարուք պահօք և աղօթիւք և տքնութիւն , զի կարող լինիք դուք ունել ըզտեղի , և կալ ընդդէմ նոցա յաւուր չարի . այս ինքն յաւուրն յորում յառնէ ընդդէմ մեր 'ի ցանկուեց անտի . զի յաղթեմք մեք նոքօք : Եւ ամենայնիւ պատրաստեցարուք . այս ինքն ճշմարտութիւն և արդարութիւն : Զի 'ի ձեռս նոցա և ընկերաց իւրեանց կարող լինիջիք շիջուցանել զնետս մուխս չարին հրեղէնս . այս ինքն զխորհուրդսն կիզիչս թշնամոյն : Ամենայն աղօթիւք և ամենայն խնդրուածովք աղօթս առնիցէք վասն այսոցիկ . ոչ վասն անձանց ձերոց միայն , այլ և վասն ամենայն սրբոց : Եւ 'ի վերայ իմ աղօթս առնիջիք , զի տացին ինձ բանք 'ի բանալ բերանոյ իմոյ , այս ինքն իբրեւ հեռի իցէ յինէն երկիւղ և ամօթ , համարձակութիւն ցուցանել զխորհուրդ զայն՝ վասն որոյ եսն պատգամաւորիմ , ոչ պատուով ինչ կամ պարգևօք , այլ կապանօք և շղթայիւք :

Ի՛յլ զի և ձեզ յայտ լիցի վասն իմ զինչ գործեմ, ահա աւաստիկ ես առաքեցի զՏիբեղիս . զի ձեզ ցուցցէ՝ որ ինչ առ մեզ է, և մեզ պատմեացէ՝ որ ինչ առ ձեզդ է . և մխիթարեսցէ զսիրտս ձեր՝ ի տրտմութիւն անտի զոր զգեսցեալ էք . այս ինքն քաջալերութիւն մերով և խրախուծի՞ զոր խնդամք մեք ընդ նեղուիս մեր : Ընորհք ընդ ամենեւին՝ ոյք սիրեն զտէր մեր Յիսուս Քրիստոս առանց ապականութե . այս ինքն առանց գործոց ապականութե :

ՓԻՂՂԻՄԱՆ

 ԱՄԱԾԱՆՔ մեծ յարեան 'ի վերայ Պաւղոսի 'ի քաղաքի անդ փիղիպէացւոց . և նեղեցան ընդ նմա և փիղիպէացիքն : Եւ իբրեւ գնաց անտի Պաւղոս, դարձեալ միւսանգամ նորոգեցան հալածանքն 'ի վերայ փիղիպէացւոցն : Այլ իբրեւ լուաւ Պաւղոս վասն նեղութեցն նոցա՝ որ էր 'ի հալածչաց անտի, և վասն եբրայեցւոցն՝ որ հալածէին և հաւառնեցուցանէին զնոսա թլփատել և պարհել զպահպառնութիւն օրինացն, եթող նա զհոգս նեղութեան մեծի՝ որ պատեալ պաշարեալ էին զնա 'ի Հռոմ քաղաքի . և 'ի վերայ այնոցիկ և վասն այնոցիկ առ փիղիպէացիսն 'ի Հռոմ քաղաքէ գրեաց, յասելն իւրում այսպէս :

ԳԼՈՒԽ Ա

ՊԱՒԼՈՍ Ե ՏԻՄՈԹԵՈՍ ԾԱՌԱՅՔ ՅԻՍՈՒՍԻ ՔՐԻՍՏՈՍԻ : Զի թէպէտ և 'ի թղթի որ զինի այսր թղթոյ է, զՏիմոթէոս եղբայր 'ի սկիզբն թղթոյ իւրոյ գրեաց, այլ աստ և զանուն իսկ առաքելուն 'ի բաց առ յիւր մէ . զի միով ծառայութեն զոր սփռեաց նա 'ի վերայ երկոցունց, մի միաբանութիւն է . 'ի վերայ երկոցունց սփռեցի : Ամենեցունց, ասէ, սրբոց՝ որ են 'ի կողմանս փիղիպէացւոց, և առ երիցունս և առ պաշտօնեայս, սարկաւարդունս՝ առաջնորդս նոցա, շնորհք ընդ ձեզ և խաղաղութիւն յայնչ օրէ մերմէ՝ որ կոչեաց զմեզ իւր յորդէգրութիւն . և 'ի տեսունէ մերմէ Յիսուսէ Քրիստոսէ, և ոչ 'ի ձեռն տեսուն մերոյ Յիսուսի Քրիստոսի : Գոհանամ զայն իմոյ յամենայն յիշատակս ձեր, որ է հանապազօր . այս ինքն վասն յի-

շատակաց բարեաց նեղութիցն զոր հանապազ համբերէք դուք : Թերևս վասն բարեացն զոր արարեալ էր նոցա Առաքելոյ 'ի ժամանակի իբրև հալածեցաւ նա , յամենայն ժամու 'ի մոտի ունէր և յիշէր : Զի թէպէտ ամենայն աղօթիւք և խնդրուածովք վասն ընդարձակելոյ ձեզ 'ի նեղութեց այտի ձերոց աղօթս առնեմ ես , սակայն խնդութիւն աղաչեմ վասն հաւասարութե հաւատոցն ձերոց և վասն աւետարանին , այն զի նոքօք հաստատեալ էք դուք յորէ յառաջնմէ մինչև ցայսօր ժամանակի . զի ամենայն նեղութիւն որ անցին 'ի վերայ մեր , դուք ոչ նուազեցարուք : Զայս հաստատեալ եմ և գիտեմ՝ եթէ որ սկսաւ 'ի ձեզ զայս զգործս բարեաց՝ որովք առաքինանայք դուք այսօր , զնոյն կատարեսցէ 'ի ձեզ մինչև յօրն տեառն մերոյ Յիսուսի Քրիստոսի . զի 'ի նմա յաշխարհէ աստի ժողովիք դուք : Այսպէս իսկ արժան է ինձ խորհել զայն ինչ՝ որ ձեզ լինելոց է : Քանզի 'ի սրտի իմուամ ունիմ զձեզ ամենեւին , զի եղբորդ դուք 'ի ձեռն շնորհաց՝ որ զօրացուցին զձեզ , կցորդք և հաւատարորդք ամացն իմոց 'ի ժամանակի՝ զի եղեալ էի եւ տալ պատասխանի 'ի քաղաքին ձերում վասն հաւատարութե ճշմարտութե աւետարանին : Վկայ է ինձ Թոմ , որպէս անձկացեալ եմ ես առ ձեզ , և սիրեմ զձեզ յայնմ ժամանակէ հետէ : Եւ այսպէս կամ յաղօթս և աղաչեմ , զի սերն ձեր ևս քան զևս յաւելցի և բազմացի , ոչ առանց իմաստունէ՝ , այլ հոգեւոր ամենայն իմաստունք . զի նորին գիտուն սիրողն գիտասլիք որոշել և ընտրել ինչ որ լաւն իցէ . և եղիջիք դուք որպէս և այժմի՝ հաստատեալք և ստուգեալք առանց գայթաղուէ յաւուրն ղատաստանի Քրիստոսի . և լի իցէք՝ ոչ երկրաւոր պտղովն կամ օրինաւոր , այլ պտղով արդարութիւն , զայն զոր գործեցէքն դուք 'ի ձեռն Յիսուսի Քրիստոսի՝ ի գովեստն փառացն նոյն :

Եւ ամիմ եթէ գիտունք իցէք , եղբարք , եթէ մեք 'ի նեղութիւն մեր առաւելով առաւելումք՝ եթէ որ ինչ վասն մեր ինչ իրք էին , ևս քան զևս յառաջա-

1 Յօդանոցն Իմաստունի , և :

գէմ՝ եղև աւետարանն այս . այս՝ զի չարչարանք իմ և նեղուիք իմ առջև և զարգանան ընդ աւետիսն աւետարանին . մինչև զկապանս իմ յայտնի առնելի՝ Բրիստոս 'ի սքանչելի և 'ի մեծ հրապարակ հռովմայեցեաց , և երևեցան յայտնեցան յանդիման ամենայն աշխարհի : Զի և բազում եղբարք՝ որ 'ի տէր էին , յուսացան 'ի կապանս իմ . այս ինքն զօրացան և քաջալերեցան 'ի տեսլենէ անտի կապանաց իմոց , և 'ի քաջալերութեն իմոյ համարձակեցան և արհամարհեցին զմահ , և յահագին յահաւոր քաղաքի անդ առանց երկիւղի քարոզեցին նոքա զբանն այս : Այլ քանզի տեսին ոմանք յօտարաց անտի եթէ սիրեցան և պատուեցան աւետարանիչք բանին , ոմանք 'ի նոցանէն վասն նախանձու , և այլք վասն հակառակուէ եղեն և նոքա քարոզիչք բանին զոր ոչն կամէին երբեմն . և ոմանք մտադիւրութիւն զԲրիստոս քարոզեն , և ոմանք վասն սիրոյ մերոյ . զի գիտեն՝ եթէ այսմ իսկ պահակ եմք , զի պատասխանի մարթասցեն տալ աւետարանին . և ոմանք վասն հակառակութե մերոյ զԲրիստոս քարոզեն , այլ ոչ սրբութիւն . զի բանս ինչ խառնեցեն նոքա ընդ քարոզութիւնն իւրեանց , և խառնելովն իւրեանց արասցեն նեղութի կապանացն իմոց : Այլ ես և վասն այնոցիկ իսկ որ կարծեն եթէ տրտմեցուցանեն զիս , խնդամ և ուրախ եմ . զի տեսի ես՝ եթէ պատճառանօք և եթէ ճշմարտութեամբ Բրիստոս քարոզի :

Այլ գիտեմ ես , այս ինքն յուսացեալ եմ , եթէ այս պարհի ինձ 'ի կեանս փրկութե . փոխանակ զի ուրախ եղէ ես ընդ այնոսիկ՝ որ վասն յաւելուածութեն նեղուէ կապանացն իմոց զԲրիստոս քարոզեն . թէպէտ և ոչ սրբութե քարոզեն զնա : Զի ես սպասեալ ակն ունիմ յուսով իմով , եթէ մինչև 'ի վախճան ոչ իւրք ոչ ամաչեցից վասն կապանաց իմոց : Այլ որպէս յամենայն ժամ , այս ինքն որպէս յամենայն նեղութիս իմ , և յայսմ ևս նեղուէ իմում համարձակութե բարձրասցի Բրիստոս 'ի մարմնի իմում , եթէ մահու իմով յորժամ սպանանեն զիս , և եթէ կենօք իմովք յորժամ չարչարեն զիս . զի կեանք իմ ոչ եթէ այս են մարմնոյս՝ որ հային թշնամիք իմ յափշտակել յինէն ,

այլ կեանք իմ Գրիստոս է, այն որ ոչ կարեն մեկնել զիս 'ի նմանէ : Եւ եթէ մեռանիմ, սակայն օգուտ է ինձ մահն իմ : քանզի վասն Գրիստոսի մեռանիմ ես : Եւ եթէ և այս կեանք ևս մարմնոյս պտուղ հոգւոյ գոյ ինձ 'ի ձեռս գործոց իմոց, և արդ զի՞նչ ընտրելի է ինձ յերկոցունց՝ զայն ես ոչ գիտեմ : Լուծանել 'ի մարմնոյ աստի վասն Գրիստոսի ցանկացեալ եմ, զի խառնեցայց ես 'ի գունդն Գրիստոսի : և զայս առաւել ևս լաւ համարիմ վասն քաջալերութե՛ն ձերոյ, զի 'ի հանապազորդ չարչարանաց անտի անխոյտեալ լինէի ես և ընդ Գրիստոսի հանապաղ լինէի ես : Կա և կեալ ևս աստէն 'ի մարմնի աստ լաւ համարիմ վասն քաջալերութե՛ն ձերոյ : Եւ զայս յուսացեալ եմ և գիտեմ, եթէ կացից և մնացից ամենեւցունց ձեզ 'ի ձեր յառաջն գալ և զարգանալ և խրախ լինել 'ի հաւատս անդր : զի յորժամ դարձեալ միւս անգամ գայցեմ ես առ ձեզ, առաւել լինիցին ինձ այս պարծանքն՝ որ պարծիմ ես ձեւք 'ի Գրիստոս : Մի՛ այսուհետեւ խրախրա ինչ լինիցիք 'ի Թշնամեաց անտի : այն որ հանդէսն նոցա՝ այս ինքն կատարած՝ նոցա կորուստ է, և ձեր՝ կենաց և փրկութե՛ն յաւիտենից : Այլ եթէ 'ի մեղս ձեր բազմացան նեղութիւնքն ձեր : զի 'ի ձեռն պարգեացն շնորհեցաւ ձեզ այս՝ ոչ միայն հաւատալ 'ի Յիսուս Գրիստոս, այլ և 'ի վերայ նորա չարչարանս ընդունել : զնոյն պատերազմ յաճիին կալարուք, որպէս ինչ տեսիք յիս մինչ դեռ առ ձեզն էի, իբրեւ զայս՝ որ արդ լսէք դուք վասն իմ 'ի հեռաստանէ :

ԳԼՈՒԽ Բ

Եւ մի հպարտանայք դուք նեղութիւնքն ձերովք : և այն որ հալածեցաւ աւելի քան զընկերն իւր, մի բարձրացի 'ի վերայ ընկերին իւրոյ : այլ հեղութիւն մտովք և քաղցր բարւոյք իւրաքանչիւր մարդ զընկեր իւր աւելի քան զինքն համարեցի : Եւ մի ոք զգն ձին իւրոյ միայն գործ վճարեսցէ 'ի ծածուկ կամ յայտնի, այլ և զընկերի իւրոյ : Յայսմիկ նմանողք լինիք դուք՝ այն որ կերպարանօքն նոյ էր նա մինչև

զմարմինն զգեցեալ էր . և ոչ յափշտակութի համարեցաւ ունել զանձն իւր հաւասար այլ, այլ զանձն իւր յինքն ամփոփեաց . զի ծածկեաց նա զփառան իւր , և զկերպարանս ծառայի զգեցաւ : Այս զի որդի Դաւթի արքայի ապական յանձն առ որպէս և ծառայ՝ ի ժամանակի իբրեւ եղև նա՝ ի նմանութի մարդկան ի կուսէ , և ոչ ի զաւակէ առն . և ի կերպարանս մարդկան գըծաւ , այս ինքն յամենայն չարչարանս մարմնոյ բայց ի մեղաց նորին : Եւ խոնարհեցոյց զանձն իւր , այն որ հաւասարն էր այլ, մինչ ի հնազանդութի մահու խաչի : Վասն այսորիկ և անծ վերացոյց և բարձրացոյց զնա . ոչ եթէ զայն որ ամփոփեաց զանձն իւր և խոնարհեցոյց , այլ զմարմին զայն որով խոնարհեցաւ նա . և շնորհեաց նմա անուն՝ որ ի վեր է քան զամենայն առնուն . այս ինքն զԅիսուսի : Ի՞նչ է նա ի վեր . այլ սոյն իսկ յանունս յայս ԅիսուսի ամենայն ծունր կրկնեացի , երկնաւորաց և երկրաւորաց և սանդարապետականաց . այս ինքն մեռեալք և կենդանիք և հրեշտակք : Եւ ամենայն լեզու խոբտովան լիցի՝ թէ տէր է ԅիսուս Քրիստոս ի փառս այլ Հօր :

Ի՞նչդ այսուհետեւ որպէս յամենայնի հնազանդեցարուք դուք յայսմիկ , սոյնպէս և արդ մինչ հեռիս եմ՝ առաւել պարտ և պատշաճ է , զի մի յուսացեալ ապաստան լինիջիք դուք ի նեղութիսդ զոր համբերէք . այլ ահիւ և դողութիւն զկեանս ձեր ապրեցուցիք : Ոչ է ձեր այս՝ թէ հպարտանայցէք դուք սոքօք . զի անծ է որ զօրացուցանէ զձեզ , ոչ միայն ի կամել , այլ և զօրանալ ի գործս յայս՝ որ ինչ վասն կամաց նորա է , այս ինքն վասն հանգստեան նորա : Զամենայն ինչ գործեսցիք առանց տրտնջելոյ , որ ծնանի ի վեհերելոյ . և առանց երկմտուէ , զի նա է պտուղ լքեալ մտաց : Այլ եղիջիք դուք ամբիօք և անմեղք և անարատք ի մէջ կամակոր և խեղաթեւր ազգիս այսորիկ . զի այսու գործովք հանդերձ միամտութիւն և անմեղութիւն երեւիք դուք աշխարհի , որ սիրէ ըզգործս խաւարի , որպէս լուսաւորք : Մանաւանդ թէ զբան կենդանութեւն ունիջիք յանձինս ձեր . այն զի նա ինքն է պարծանք իմ յօրն տեառն մերոյ առաւելք քան զլնթացս գնացից իմոց . զի երեւցայց ես ի ձեռն

հատուցման նորա, զի ոչ զուր ինչ ընթացայ և ոչ ընդունայն ինչ վաստակեցի : Այլ թէպէտ և պատարագիմ ես յուխտս պատարագաց վասն պաշտաման հաւատոց ձերոց, խնդամ ես և ուրախ եմ ընդ ձեզ ամենեօին՝ թէ այսմ արժանի լինիք : Նա և դուք նոյն պէս խնդասջիք յորժամ չարչարիք . և ընդ իս ուրախ լերուք յորժամ այս գործք գործին յիս :

Այլ ահա աւասիկ առաքեմ ես զՏիմոթէոս, զի եկեսցէ և պատմեսցէ ինձ զամենայն իրս ձեր . այս ինքն զի եթէ համբերէք և ժուժկալ լերուք ՚ի նեղուիս ձեր . զի եղիցին ինձ առ ՚ի ձէնջ աւետիք բարեաց սրտի դեւեր : Զի այլ ոչ ոք գոյ ինձ սրտի մտովք՝ որ գթայ ընտանեբար վասն ձեր . զի ամենեքին զիւրաքանչիւր խնդրեն, և ոչ զայն ինչ՝ որ Յիսուսի Քրիստոսի իցէ . այս ինքն եթէ փոխանակ զի մեռցին նոքա փոխանակ մարդկան հոգաբարձուք՝ որ լինի նոցա վասն մարդկան, զանձինս և եթ միայն խնդրեն օտանալ : Իսկ սա որպէս որդի հօր, այս ինքն որպէս և պատուէ և պահէ որդի զկեանս հօր իւրոյ, այսպէս ծառայեաց ինձ յաւետարանի աստ իմում . զի յամենայն տեղիս ուր և հալածեցան, և ոչ թոյլ ետ ինձ հալածումնն որ յարուցեալ էր իմ երթալ զօրացուցանել զնոսա, զսա առաքեցի ես յամենայն քաղաքս վասն քաջալերութե հալածելոցն . զի յամենայն քաղաքս հալածեալ էին : Արդ զսա առաքեմ ես առ ձեզ, յորժամ զանձնէ ինչ մարթացից ստուգել . այս ինքն յորժամ տեսից զինչ անցք անցանիցեն ընդ իս : Այլ ես յուսացեալ եմ ՚ի տէր՝ եթէ և ես ինձէն եկից առ ձեզ : Այլ քանզի ոչ զիս թողու բռնութի, և ոչ զՏիմոթէոս թողու արժանն, հարկ եղև ինձ առաքել առ ձեզ զԵպափրոդիտոս զեղբայր և զգործակից իմ յաւետարանի . բայց ձեր Առաքեալ է նա առ յինէն և պաշտօնեայ այսր պիտոյից . զի վասն սոցին իսկ առաքեցի զնա առ ձեզ : Զի սա վասն գործոյն տեառն մինչ ՚ի մահ մատնեաց զանձն իւր : Ո՛ր են գործք Քրիստոսի . այլ այն են, զի համարձակեցաւն նա, և արհամարհեաց զմահ վասն կապանաց իմոց, զի նա միայն առանձինն լցցէ ինձ պաշտամամբ զպակասութիւն բազմաց՝ որ թողինն զիս և զնացին :

ԳԼՈՒԽ Գ

ՅԵՑ այսորիկ իբրև քաջալերեաց և զօրացոյց ըզնոսա ժուժկալ լինելնեղուծեն մեծի հալածչացն, դարձաւ նա զգուշացուցանել զնոսա և վասն չար վարդապետութեանն հեբրայեցւոց : Ոչ, ասէ, դանդաղիմ ես գրել առ ձեզ՝ որ ինչ ձեզ զգուշալի է, և զգուշանալ ձեզ յայնցանէ՝ որ հանապազօր գան խռովեցուցանեն զձեզ : Զգոյշ լերուք ՚ի շանց անտի, զի նոքա են մշակք նենգաւորք՝ որ ղթլփատութի քարոզեն ձեզ : զի թլփատուի մեք իսկ եմք, որ Հոգւոյն ւնյ պաշտօնեայք կարգեալ եմք : այս ինքն հոգևոր գնացիւք : Եւ պարծիմք մեք ՚ի Քրիստոս՝ որ գթացաւ ՚ի մեզ, և ոչ եթէ գործովք մերովք՝ որ արդարացուցին զմեզ : Եւ ոչ էաք մեք պանծացեալ ՚ի մարմինս մեր որպէս և նոքայն : այս ինքն ոչ ՚ի գործս օրինաց՝ և ոչ ՚ի թլփատուի պանծացեալ եմք մեք ըստ նմանութեն նոցա : Զի եթէ յայս ապաստան ինչ էին իրքս այս, այս ինքն թլփատութի կամ աղքատոհմ, առաւել քան զնոսա ես յուսացեալ պանծայի ՚ի նոսա : Թլփատեալ եմ ես ութօրեայ ըստ օրինաց յազգէ իսրայելեան, ՚ի գնդէ Բենիամենի : չեմօտար և պանդուխտ, այլ հեբրայեցի ՚ի հեբրայեցւոց, և ըստ օրինաց փարիսացի : ըստ նախանձայոյզ լինելոյ վասն բնոյն՝ հալածեալ է իմ զաւետարանիչս նորոյն : և ըստ արդարութեն որ քարոզէր յօրէնան՝ լիեալ եմ ես անբիծ և անարատ :

Եւ այս զի շահ և օգուտ է ինձ անդ, վասն Քրիստոսի որ յայտնեցաւ ինձ ՚ի ճանապարհի անդ՝ փնաս և պակասուի համարեցայց զնոսա : և մինչև յայսօր ժամանակի համարիմ զնոսա փնաս և պակասութի վասն առաւելութե գիտութե Յիսուսի Քրիստոսի տեառն մերոյ, այն որ վասն նորա զօր միանգամ ստացեալ ունէի յօրէնան՝ յամենայնէ զրկեցայ : և իբրև զխուիւ և իբրև զկղկղանս այսպէս համարեցայց զնոսա, զի զՔրիստոս միայն շահեցայց : Եւ գտայց ես ՚ի նմա, իբր ոչ թէ իցէ յիս արդարութի անձին իմոյ,

այն որ յօրինաց անտի էր՝ որով պարծինն որ զձեզն ուսուցանեն թլփատել, այլ գտայց ես յարդարունին հաւատոցն Քրիստոսի՝ որ յայն է։ Չի սովին այսու ճշմարիտ գիտութիւն ծանեայ ես զՅիսուս և զմեծ զօրութիւն յարութեն նորա. և հաղորդ գտայց ես չարչարանացն նորա, այս որ շուրջս պատեալ պաշարեալ պահեն զիս. և կցորդ լինել կերպարանաց մահուն նորա, այս որ յարուցեալ է ՚ի վերայ մեր, զի թերեւ կարացից հասանել ՚ի ձեռն այսոցիկ յարուն որ ՚ի մեռելոց յարութիւն է։ Չի ոչ եթէ իբրեւ հեռի են աւետիքն՝ արդէն առեալ է իմ, կամ ոչ արդէն առեալ է իմ՝ որ ոչ արժան է մարդոյ առնուլ. ոչ եթէ արդէն ՚ի ձեռն այսր ընթացից իմոց կատարեալ իցեմ ես, այլ ՚ի ձեռն հալածանաց և այլոց իրաց զհետ մտեալ եմ ես ստէպ, ակն ունիմ հասանելոյս աւետեաց աշխարհին նորոյ. այն որ վասն նոցա իսկ հաս ՚ի վերայ իմ Յիսուս Քրիստոս։ Չի ոչ համարիմ ես զանձն իմ թէ հասեալ իցեմ. այս ինքն զի բաւական եղեն վաստակք իմ կենաց իմոց։ Բայց զայս ինչ մի ճշմարտեալ ունիմ յանձին իմում, զի որ ինչ զկնի է իմ, զայս լքեալ և մոռացեալ՝ այս ինքն ըզգործս մարմնոյ որ ինչ յօրէնս՝ լքեալ և մոռացեալ, և որ ինչ առաջոյ կայ, ՚ի ձեռն հոգեւոր գնացից օր ըստ օրէ ձկտեալ և նկրտեալ եմ։ Եւ կորովութիւն կըռռեմ ՚ի նպատակ անդր. այս ինքն յաւետիս անդր. զի առից ես գնոսա ամբիծ և անարատ յաղթութիւն ՚ի ձեռն վերին կոչմանն՝ որ կոչեաց զիս ՚ի ճանապարհի անդ. Դամասկեայ։

Եւ յօռհետեւ որ միանգամ կարծիցեն եթէ կատարեալք իցեմք, իբր ոչ էր պարտ և պատշաճ նոցա զայս կարծել, այլ որպէս խորհեցայ ես՝ խորհիցին նոքա. և եթէ այլ ազգ ինչ ոք արտաքոյ քան զայս խորհեսցի, և զայս զի ասացի եթէ յոյժ օգուտ է ձեզ, սակայն և զայս յայտնեսցէ ձեզ անձ։ Բայց յոր սկսաքս, այս ինքն ՚ի գործս հոգւոյ զոր սկսաքս, ՚ի սմին կատարեսցուք. և ոչ եկեսցուք մեք ՚ի գործս օրինաց։ Նմանող ինձ լինիջիք, զի թողի ես գնոսա, և

այլ ոչ դարձայ 'ի նոսա . և ոչ ինձ միայն նմանող լի-
նիջիք, այլ ամենեցուն որ այնպէս գնայցեն . այս ինքն
ըստ նմանուէ առակիդ մերոյ զոր ունիք դուք մինչև
յայսօր ժամանակի : Զի են բազումք 'ի հերթայեցւոց
անտի՝ որ գնան ուսուցանել զայն զօրինացն , այն որ
վասն որոց մինչ մերձն էի առ ձեզ՝ բազում անգամ
ասացի ձեզ վասն նոցա . բայց արդ. և լալով իսկ ա-
սեմ՝ եթէ հերթայեցիք թշնամի են խաչին , և գտին
նոքա իւրեանց այսու թշնամութիւն կատարած կորու-
տեան . որոց անձ զպորտն իւրեանց համարեալ է , այս
զի վասն աւետեաց երկրաւորաց նոքա պաշտեցին
զանձ . և զփառան իւրեանց ամօթոյն իւրեանց ծած-
կեալ ունէին . այս ինքն զի և նովին իսկ այնուիկ՝ որ
վարձկան մտեալ պորտոյն իւրեանց , պարծէին նո-
վաւ . որ զերկրաւորն և եթ խորհին յանձինս իւ-
րեանց , և զաւետիսն զերկրաւորս զօրինացն : Այլ
մեր դործք՝ այս ինքն աւետիք մեր՝ յերկինս են , ուս-
տի ալին ունիմք տեսանելոյ ոչ զայն՝ որ ժառանգե-
ցուցանէ զմեզ զերկիրն քանանացւոց , այլ զտէր մեր
Յիսուս զկենդանարար մարմնոց մերոց . զի նա նորու
գեսցէ յաւուրն յարուէ մերոյ զմարմինս խոնարհուէ
մերոյ , այն որ լինի 'ի ներքս 'ի դժոխս հող քարշելի :
Էւ նմանեցուցանէ զնա 'ի կերպարանս մարմնոյ փա-
ռացն իւրոց . այս ինքն կենացն անմահութե զոր ըզ-
գեցուցանէ նմա ըստ զօրութե հաստատուէ իւրոյ ,
զի կարասցէ հնազանդեցուցանել զամենայն ընդ
իւրե . այս ինքն ըստ կարողուէ զօրութե իւրոյ զոր
եցոյց առ մարմին անդ իւրում : Զի որպէս նորոգե-
ցաւ մարմին նորա , սոյնպէս հնազանդեսցին նմա ա-
մենայն մարդկան մարմին նորոգեալ :

ԳԼՈՒԽ Դ

Եւ աղաչեմ զքեզ , քենեսիս , հարազատ լծա-
կից իմ . այս ինքն հալածական և ծեր իբրեւ զիս . զի
եղիցես դու հաստատել զմիտս զԵւդիայ և զՄատի-
քեայ : Քանզի նոքա մարտեան և կցորդ եղէն պա-
տերազմին իմոյ՝ որ յաւետարանի անդ էր . այս ինքն

'ի հալածանաւ անդր' որ յարեան 'ի վերայ իմ' 'ի քաղաքի անդ ձերում' 'ի ժամանակի իբրեւ պատասխանի տայի ես վասն աւետարանի : Եւ ոչ եթէ նոքա միայն կցորդ եղեն ինձ 'ի պատերազմին իմոյ , այլ և Կղեմեն տէ հանդերձ այլովք օգնականօք . որոց թէպէտ և զանուանս նոցա ես աստ ոչ գրեցի , զի բազումք էին , որ սակայն 'ի դպրութե կենաց գրեալ են : Ուրախ լերուք 'ի տէր յամենայն ժամ 'ի նեղութիւն ձեր . և դարձեալ ասեմ' ուրախ լերուք 'ի ժամանակի չարաւանաց ձերոց : Եւ ընդ սոյն իսկ յայս յօժարութի փութոյ ձերոյ մի ամաչեսցիք , այլ առաջի հալածչացն և առաջի ամենայն մարդկան յայտնի լիցի . զի տէր մեր որ տայ մեզ զօրութի , մերձ է : Մի ինչ հոգայք և վհատիք , որպէս ասացն . այլ յամենայն ժամ աղօթիւք և խնդրուածովք գովուի խնդրուածքն ձեր յայտնի լիցին առ նձ . այս ինքն եղիցիք հանապազօրդք : Զի որ ինչ ճշմարիտն է , որ ստոյգն է և որ ինչ խոնարհութիւն է՝ զոր ինչ ուսարուք 'ի մէնջ և տեսէքն 'ի մեզ , զայս խորհեցարուք և արարէք :

Ուրախ եղէ ես յոյժ , զի և դուք զուարճացարուք հոգալ վասն պիտոյից իմոց և այժմ , որպէս հոգացիքն դուք յառաջագոյն . բայց բարբառեցարուք իմն վասն յապաղիչ մոլորութեցն՝ որ պատեալ էին զձեւք : Իբր ոչ եթէ առ կարօտութե ինչ եղէ ես ուրախ , այլ և ոչ եթէ աւելի ինչ է զինե՝ ասեմ ես . զի ես ուսայ ինքնին՝ որով բաւական լինելոց եմ՝ յորս հաստատեալս կամ ես այսօր : Գիտեմ ես խոնարհել և կեալ նուազութիւն . և գիտեմ առաւելուլ , թէպէտ և չունիցիմք ինչ . և գիտեմ դարձեալ նուազել , թէպէտ և ունիցիմ : Յամենայնի խելամոռ եմ , և քաղցենալ առանց տրտնջելոյ , և յապենալ . զի մի թագաւորեսցէ 'ի վերայ իմ սովորութի նորա : Յամենայնի հզօր եմ . այս ինքն այնուիկ՝ որ զօրացոյցն զիս : Բայց սակայն բարւոք արարէք , զի կցորդ եղերուք նեղութե իմոյ յորժամ մերձ իցեմ և յորժամ հեռի իցեմ : Գիտէք դուք՝ զի ոչ մի դժբեկեղեցեաց անտի հաւասարեաց ինձ յաղագս տալոյն և առնլոյ , զոր դուք հաղորդեցարուք ինձ : Այլ դուք ոչ միայն ըզկարօտութի մերձաւորութեաւ մերոյ լցէք մեզ , այլ

և 'ի Թեսսաղոնիկէ միանգամ և երկիցս 'ի պէտս իմ ետուք բերել ինձ . զի ոչ եթէ խնդրեմ ես զտուրսն ձեր, այլ զպտուղ բարեաց՝ որ յաճախէ և բազմանայ 'ի ձեզ : Զամենայն ինչ ընկալայ ես . և իբրև լի եմ և յագեալ եմ, վասն սիրոյ ձերոյ առ ի ես զոր միանգամ ետուք բերել ինձ 'ի ձեռն Եպափրոդիտեայ 'ի հոտ անուշից : Եւ ան իմ լի արասցէ զամենայն պէտս ձեր . այս ինքն զծածկեալ յայտնելովք հանդերձ : Ողջոյն շատ առեք յամենայն սրբոց՝ որ 'ի սակաւ ժամանակի 'ի Հռոմ է, մանաւանդ որ 'ի տանէն Կեսարեայն են : Զի եթէ ներքինք՝ և ընտանիք Կեսարեայ աշակերտեցան, իսկ ով էր 'ի խաժամուժ մարդկանէ անտի՝ որ ոչ վաղվաղակի 'ի բանիցն Առաքելոյ լսէր և հաւատայր : Զի յառաջ քան զմեռանելն իւրում 'ի Կեսարեայ՝ քակեաց և բաժանեաց զտունն իւր 'ի Կեսարեայ . և մինչ չև սպանեալ էր զնա հռոմայեցւոց՝ փուլթացաւ և կեցոյց նա զբազումս 'ի հռովմայեցւոց :

1 ԅօրինակին յօտար գրչէ ուղղագրեալ ներքինի :

ԿՈՂՈՍԵՅԻՍ

ԼՈՂՈՍԱՑԻՔ աշակերտեալ էին յԵպափրոդի-
տեայ, այն որ 'ի նոցանէն իսկ էր : Յետ վար-
դապետութե սորին իսկ այսորիկ եկին ոմանք 'ի փի-
ղիսոփայից անտի և հերբայեցւոց գայթաղեցուցա-
նել զնոսա : Հերբայեցիքն վասն պահպանութեց օրի-
նացն ստիպէին զնոսա . իսկ փիղիսոփայքն ասէին ըզ-
նոսա՝ եթէ 'ի կարգաց արարածոց եղև այս աշխարհ,
և ոչ եթէ յոչնչէ, որպէս ոմանք ուսուցանեն ձեզ :
Այլ իբրև 'ի վերայ եհաս Պաւղոս և ուսաւ յԵպա-
փրոդիտեայ վասն երկոցունց, այս ինքն զի ընկալեալ
էր նոցա զաւետարանն, և զի մշտնջենացան առ նո-
սա հերբայեցիքն և հեթանոսք, առ գրել առ նոսա՝
յասեւ իւրում սկիզբն թղթոյ իւրոյ այսպէս :

ԳԼՈՒԽ Ա

ՊԱՒՂՈՍ առաքեալ Յիսուսի Քրիստոսի և Տիմո-
թէոս եղբայր : Զանուն եղբօր ընդ Առաքելոյն գրեաց
'ի թղթի իւրում Պաւղոս, զի եղիցի առակ օրինակի
քահանայից . զի թէպէտ և անուն երկցու վերագոյն
է քան զեղբօր, սակայն գրեաց նա ընդ անուանս
իւրեանց՝ որ խոնարհագոյն են քան զԱռաքելոյ : Սըր-
բոց, ասէ, և հաւատացելոց : Սուրբս զինքաւորսն
կոչէ, և հաւատացեալս զերախայսն անուանէ : Գո-
հանամ զայ չօրէ տեառն մերոյ . և ոչ եթէ զարար-
չէ և զհաստչէ տեառն մերոյ, 'ի կանխել աղօթից մե-
րոց վասն ձեր : Մանաւանդ յորժամ լուաք զհաւատսն
ձեր ճշմարիտս 'ի տէր Յիսուս Քրիստոս, և զսէրն ձեր
զմեծ՝ որ առ ամենայն սուրբս ունիք, այս ինքն առ

ամենայն աղքատս . մանաւանդ վամն յուսոյն որ յերկինս ակն ունիմք՝ առնէք դուք զտուրօդ ձեր . այն որ ոչ թէ այժմ լուարուք դուք , այլ յառաջագոյն : Զի ոչ եթէ ձեզ միայն առանձինն ակնառուք կամ իբրեւ վայրապար ինչ քարոզեցաւ , այլ քարոզեցաւ ձեզ որպէս ամենայն աշխարհի , և որպէս և ընդ ամենայն աշխարհ : Եւ այսպէս աճէ աւետարանս այս , և լինի պտղաբեր ՚ի ձեզ յամենեւին : Առաւել յառախեաց և բազմացաւ պտուղն ձեր ՚ի ժամանակէ յորմէ հետէ լուայք և տեսէք զշնորհսն այլ ճշմարտութիւն . որպէս ուսարուք յեպափրեայ սիրելոյ ծառայակցէ մերմէ , որ է հաւատարիմ վասն ձեր պաշտօնեայ Քրիստոսի . այս ինքն սորա վկայուք և բարեխօսութիւն հաւատարիմ եղև ձեզ պաշտօնն Քրիստոսի : Զի նա պատմեաց մեզ ոչ զսէրն ձեր մարմնաւոր , այլ զսէրն ձեր հոգւոյ զոր ունիք դուք առ մեզ :

Վ) ասն այսորիկ և մեք յորմէ հետէ լուաք՝ ոչ դադարեմք վասն ձեր աղօթս առնել . զի կատարեալք լինիջիք դուք այսու գիտութիւն , ամենայն իմաստունք ոչ արարածոց՝ որպէս ոմանք օտիպէն զձեզ , այլ ամենայն հոգեւոր հանճարով . և պտղաբերք և աճեցունք լինիջիք դարձեալ ոչ երկրաւոր գիտութիւն , այլ գիտութիւն այլ : Եւ ամ զօրութիւն զօրասլիք . այս ինքն զամենայն զօրութիւն ինձ և եթէ հաւատոցն կարող լինիջիք գործել ըստ առաջնորդութե՝ որ տուաւ ՚ի մէջ եկեղեցւոյ ՚ի փառս այլ . այս ինքն ամենայն համբերութիւն հալածչաց և երկայնմտութիւն առ աւետիսն . զի ուրախութիւն գոհասլիք յայնմ աւուր զՀօրէ , զի արժանիս արար զձեզ մասին հասելոյ . այս ինքն արքայութեն՝ որ աւետարանեցաւ սրբոց յաշխարհն լուսոյ : Եւ փրկեաց զձեզ յիշխանուէ անտի սատանայի , որ է գայթաղեցուցիչ հոգւոցն , այն որ առաւելեցաւ ՚ի խաւար գայթաղեցուցիչ մարմնոյ . և փոխեաց զձեզ , այս ինքն ՚ի գեհենէ անտի զոր պատրաստեալ էր ձեւք սատանայի , երթալ ձեզ յարքայութիւն , այն որ սէրն Որդւոյ նորա ետ ձեզ զնա : Զի նովաւ եղև մեզ փրկութիւն ՚ի ձեռն խաչի նորա , և արեամբ նորա քաւութիւն թողութիւն մեղաց . այս ինքն ՚ի ձեռն խորհրդոյ մկրտութենոյ : Այն որ ՚ի ձեռն

յայտնի գործովք իւրովք է կերպարան աներեւոյթ-
այ. և նա ինքն է անդրանիկ ամենայն արարածոց :
Վասն մարմնոյ ասաց, այն որ յառաջ քան զամենայն
ինչ նա էր 'ի խորհուրդս այնորիկ՝ որ զգեցաճն զնա :
Եւ նա ինքն է գլուխ մարմնոյ եկեղեցւոյ աստ և անդ.
և նա է սկիզբն յարութեան, անդրանիկ մեռելոց : Զի
զոր օրինակ ոչ էր նա անդրանիկ մեռելոց՝ արար զնա
անդրանիկ յարութեան, սոյնպէս եղ. երիցացոյց՝ արար
զնա անդրանիկ արարածոց, իբրու նա 'ի դարու անդ.
Առաքելոյ ծնեալ էր :

Վարձեալ որպէս անարգեցաւ անուրի նորա մարդ-
կութի իւրով, այսպէս պատուեաց զմարդկութիւն իւր
անուրի իւրով : Ի նա, ասէ, հաստեցաւ, որ երեւի
և որ ոչ երեւի . այս ինքն ամենայն որ եղև և որ լի-
նելոցն է յերկոսին աշխարհս : Եթէ աթոռք և եթէ
տէրութիւնք . կամ վասն թագաւորութեան երկրի ասայ,
կամ վասն աթոռոց առաքելոցն ասաց : Այլ տէրս
զի կոչեաց զնոսա, վասն դատաւորութեան թագաւորաց՝
որ սպանանեն և կեցուցանեն իշխանութիւնք իւրեանց,
որպէս և ան. կամ վասն պատրաստեալ դատաստա-
նին առաքելոցն՝ որ հրամայեն զազգատոհմն իւ-
րեանց, որպէս և տեաքք, 'ի հուրն յաւիտենից : Եթէ
պետութիւնք և եթէ իշխանութիւնք . այս վերանայ 'ի
վերայ վերնոց և 'ի վերայ ներքնոց և 'ի վերայ զօ-
րաց չարին : Եւ նա ինքն է յառաջագոյն քան զամե-
նայն . այն իսկ է զի ասէ . “Ի սկզբանէ էր Բան,” : Եւ
նա ինքն է գլուխ մարմնոյ եկեղեցւոյ . այս զի նովաւ
տնկեցաւ եկեղեցի յերկրի : Եւ նա է անդրանիկ մե-
ռելոց արդեամբք, այլ բանին իշխանութիւնք . զի նա
ինքն եղիցի ամենայն յառաջագոյն : Զի որպէս յա-
ռաջագոյն է նա քան զարարածս, յառաջագոյն է
նա և քան զամենայն գործս ներքնոցս : Եւ 'ի նա
հաճեցաւ ամենայն լրուի այն ընկել . կամ Հայր յՈր-
դի, կամ Որդի 'ի մարմին : Եւ նովաւ հաշտեցուցա-
նել . այս ինքն նովին մարմնով հաշտեցաւ ընդ մարդ-
կան : Եւ արար խաղաղութիւն արեամբն իւրով 'ի ձեռն
խաչին յանձն իւր՝ ինչ որ յերկինս, և ինչ որ յերկրի .
այս ինքն 'ի մէջ վերնոցն և ներքնոց : Եւ զձեզ որ եր-
բեմն թշնամիք էիք այն չար գործովքն ձերովք, և արդ-

աւասիկ հաճեցարուք դուք, ոչ երկնաւոր մարմնով, այլ յայնդամս մարմնոյ նորա : Եւ մահուամբ իւրով կացոյց զձեզ առաջի իւր սուրբս և ամբիծս . այս զի քաւեցան նոքա 'ի լուանալ գրոցն, և կացին յանդիման նորա անարատք : Այս ինքն եթէ կացջիք մնաւ ջիք դուք 'ի հաւատս այդր ձեր՝ որ քաւեցինն զձեզ 'ի ձեռն ջուրցն մկրտութե, և անշարժ իցէք դուք 'ի պատրանաց և 'ի հալածանաց, և ոչ շարժեսջիք դուք 'ի խոստացեալ յուսոյ անդի աւետարանին, այն որ քարոզեցաւ ընդ ամենայն տիեզերս . որոյ եղէ ես Պաւղոս պաշտօնեայ 'ի մէջ հեթանոսաց :

Եւ ոչ ինչ տրտմիմ ես ընդ չարչարանս զոր կրեցի և կրեմ : Արդ խրախ եմ ես ընդ չարչարանսն զոր կրեցի վասն ձեր . զի ընում փութամ ես 'ի մարմնս իմ . այս ինքն զթեր նեղութե չարչարանացն Քրիստոսի ես կրեցից յանձն իմ վասն կենաց աշխարհի : Զի եթէ նզովն լինել 'ի Քրիստոսէ վասն կենաց խաւահանուացն կամէր, զյայտնի կեանսն մարմնոյ իւրոյ որչափ ևս առաւել տայր նա վասն հեթանոսաց՝ վասն մարմնոյ նորա, զի նա ինքն է եկեղեցի : Այս ինքն փոխանակ մարմնոյն Քրիստոսի չարչարանօք մարմնոյ իմոյ կամիմ ընդ զպակասութիւն եկեղեցւոյ նորա . որոյ եղէ ես պաշտօնեայ, ոչ ըստ գործոց իմաց, այլ ըստ խորհրդոց առաջնորդութեն անուէն, այն որ կոչեացն զիս 'ի Ճանապարհէ անդի Դամասկեայ : Այն որ տուան ինձ 'ի ձեզ . այս ինքն զի 'ի ձեզ կատարեցից՝ զբանն Քրիստոսի : Զի խորհուրդս այս մարմնոյ և արեան՝ որ ծածկեալ էր յազգաց 'ի ժամանակացն յաւիտենից, արդ յայտնեցաւ սրբոց իւրոց . որոց կամեցաւ անձ 'ի ձեռն աւազանին մկրտութե ցուցանել նոցա զինչ է մեծութիւն փառաց նորին մարմնոյ կենդանւոյ : Զի նա ինքն է Յիսուս Քրիստոս, այն որ է ընդ ձեզ յոյս փառացն նորա . այս ինքն զի յուսայք դուք 'ի նա, և ակն ունիք դուք փառացն՝ որ խոստացեալ էր ձեզ, այն զոր մեք իսկ քարոզեցաք ձեզ և պատմեցաք . ոչ թէ ձեզ միայն առանձինն, այլ և զամենայն մարդ ուսուցանեմք իմաստութեամբ :

1 ԅօրինակին խորագրի զբանն :

Եւ այս վաստակ իմպահօք և ջան պատերազմի իմոյ՝ զի աղօթիւք և հալածանօք հանդերձ առաջնորդուին նոյն որ զօրանայ յիս, զօրութիւն զոր տայ նա ինձ, և ՚ի ձեռն գործոցն զոր գործէ ՚ի ձեռն իմ։ զի հաստատեցի ես ոչ զմի մարդ և ոչ զմի ժողովուրդ զհեթանոսս, այլ զի հաստատեցից զամենայն մարդ կատարեալս ՚ի քրիստոս :

ԳԼՈՒԽ Բ

Այս է ճիշդն պատերազմին զոր ունիմ ես աղօթիւք ոչ վասն ձեր միայն, այլ և վասն ղառողիկեցւոցն և վասն միանգամ որոց չիցէ տեսեալ զերեսս իմ մարմնով։ Եւ զայս զի առնեմ ես, զի և մինչ հեռիս եմ՝ միութարեցից զսիրտս նոցա ՚ի տրտմութիւնստի թշնամեաց նոցա. և զի տեղակացեալք լիցին նոքա ՚ի սիրոյն յամենայն մեծութիւն լրութե հաւատարմութե, և ոչ հակառակութե և հետտութե. և հանձարով գիտուն խորհրդոցն նոյն. այս ինքն և ճանաչելով զխորհուրդս նոյն, զի նա ինքն է մարմին քրիստոսի զի նովալ յայտնեցան ամենայն գանձք իմաստութե. այս ինքն ամենայն աւետիքն ծածկեալք նոյն։ Արդ մի այսուհետեւ զառանցուսցէ որ զձեզ պատիր բանիւք. զի թէպէտ մարմնով հեռի եմ ես ՚ի ձէնք, սակայն քան զի հոգւով մերձ եմ առ ձեզ, ուրախ արասցիք զիս իբրեւ զմերձաւոր, ոչ մի միայն բարեօք գործովք ձերովք, այլ իբրեւ կատարեալ իցէ պակասութիւն պիտոյից հաւատոցն ձերոց։ Արդ որպէս ընկալարուք դուք զՅիսուս քրիստոս, այս ինքն զաւետարանն Յիս քրիստոսի, նովալ գնասցիք արմատացեալք և հաստատեալք. զի գուցէ մի ՚ի հողմոց անտի կամ յիմաստնոց կամ ՚ի հերքայեցւոց շարժիցեն զձեզ։ Արդ հաստատեցարուք հաւատովքն զոր ուսարուք, զի նոքօք կարող լինիցիք լիութիւն լինել և գոհութիւն։

Արդ զգոյշ լերուք, զի մի որ իցէ որ կապուտ կողովուտ թողուցու զձեզ ՚ի հաւատոց անտի ՚ի ձեռն

1 Յօրինակին վասն որոյ :

Ճարտարմտութե համբերուե՛ որ պատկառեցուցանե
զհաւատս : Այլ և մի՛ ի մոլորութիւն ի համբերու-
թեան ունայնութեան մարդկան պատրիցիք դուք . և
մի՛ ի կարգս աշխարհիս պստորիկ . այս ինքն և ոչ զհեա-
լորիցն ընունց զնայցէք դուք , և կարծիցէք՝ եթէ ի
նոցանէն եղև ամենայն ինչ , և ոչ յոչնչէ : Այլ գը-
նասջիք դուք վարդապետութիւն Քրիստոսի , այն զի
ի նմա բնակեալ է ամենայն լրութի անծութե մար-
մնապէս և ոչ ի վարդապետութիւնս մարդկան , որ
են նոքա ի ձեռն մոլորութե իւրեանց ընակութիւն
դիւաց : Բայց ի նմա բնակեալ է ամենայն լրութիւն
անծութե , և ի նա լցեալ և պարարտացեալ : Այն իսկ
զտեառն իւրոյ երկրորդեաց , զի ասէ . «Ես ի Հայր եմ՝
և Հայր յիս է » : Բայց զի է նա գլուխ պետութեց
և իշխանութեց . այս ինքն տէր և արարիչ և առաջ
նորդ իշխանութեց և պետութեց : Այն զի ի նա
թլփատեցարուք , ոչ զթլփատութի հերբայեցւոց՝ որ
թլփատի ձեռագործեալն ի մերկանալ մարմնոյն ,
այս ինքն ի մերկանալ անդամոյն թլփատուեն , այլ
ի թլփատութե Քրիստոսի , զի նա ինքն է մկրտուին
Քրիստոսի , այն որ մերկաց նա ի ձէնջ զհին մարդ-
կութիւնն ձեր : Եւ նովաւ յարեայք դուք ընդ նմա
հաւատովք . այս զի վասն հաւատոցն ձերոց որ է
վասն յարութե , իբրու այն թէ յարեայք ընդ նմա՝
մինչ չե գլորեալ իսկ էք՝ զօրութիւնս այ : Զի վասն սո-
րին իսկ պստրիկ յարոյց զնա ի մեռելոց , զի մեզ
տացէ ստանալ զհաւատսն յարուե մեռելոց : Եւ զձեզ
որ երբեմն մեռեալ էիք ի մեղս ձեր , կենդանացոյց
զձեզ նովաւ հանդերձ աւետեօքն , և շնորհեաց մեզ
և թող զամենայն զմեղս մեր ի ձեռն մկրտութե , և
ջնջեաց նա կենդանի պատուիրանօք իւրովք զդա-
տակնիքն մեղաց՝ որ գրեալ էր ի հնում անդ . զի ա-
մենայն հեթանոսք ի սուր և ի սատակումն համա-
րեալ էին նմա : Եւ զանէծս օրինացն որ կայն և մնայ
մերում հակառակուեն , մարմնոյն իւրով բարձ զնո-
սա ի միջոյ անտի , այս ինքն յամենայն մարդկա-
նէ , և բւեռեաց զնոսա ընդ խաչին փայտի , յայն-
միկ՝ զի եղև ինքն փոխանակ մեր անէծք : Եւ ոչ եթէ
զանէծսն միայն բարձ նա , այլ և զանուն անծութեն

որով զարդարեալ լինէին կուռքն՝ բարձ նա : Եւ մեր կացոյց նա զիշխանութիւնս և զպետութիւնս , և յայտ յանդիմանութեւն խայտառակեաց զնոսա . զի ուսոյց թէ արարեալք են նոքա , և ցոյց 'ի նոսա նշանս յաղթութեւն իւրոյ : Այս զի ոչ բաւական եղեն օգնական լինել ոչ երկրպագուաց իւրեանց՝ զի մի վարեսցին 'ի նոցանէն , և ոչ անուանն որով զարդարեալ էին , զի մի մերկասցէ գնա 'ի նոցանէ :

Եւրդ մի այսուհետեւ յետ այսր մեծամեծ իրաց որ եղեն ձեզ , եկեսցէ ոք և յողոթողիցէ զձեզ 'ի ձեռն հիւանդ իրաց . այս ինքն ուտելով կամ ընպելով , կամ ամնագլուխ տօնիւք , կամ տարևոր տարեկանօք հերայեցւոցն . զի սոքա հանդերձ շարձութուն նշմարանք են լինելոց ժամանակացն : Բայց մարմինն այն՝ որ 'ի նմա բովանդակեցան և սահմանեցան այսոքիկ , քրիստոս է , այս գոր մեքս քարոզեցաք : Եւ գուցէ ոք կամիցի 'ի խոնարհուի մտաց մերոց նմանել և գալ և համբերել ձեզ , և շրջեալ զձեզ յօրէնս հրեշտակացն , այս ինքն 'ի վարդապետութիւն քահանայիցն . իբր այն թէ ինչ իցէ տեսեալ , ոչ 'ի գրոց անտի Հոգւոյն , այլ 'ի մտաց անձին իւրոյ : Եւ տարապարտ հպարտացեալ է այնպիսին 'ի գիւտս անտի իւր , զի գիւտք մտաց մարմնոյ նորա են . և ոչ ունիցի 'ի գլխոյ Աբրահամէ , զի խոստացաւ նմա՝ եւ թէ 'ի զաւակէ նորա օրհնեսցին ամենայն հեթա-նոսք . ուստի ամենայն մարմին եկեղեցւոյ հաստատեալ է յօդովք և խաղալեօք , այս ինքն ամենայն վկայութիւնք և ամենայն օրինակօք որ 'ի գրոց Հոգւոյ են՝ զօգի և աճէ զաճումն այ . այս ինքն զաճումն հռ-գեղէն և ոչ զմարմնեղէն :

Եւ թէ մեռարուք ընդ քրիստոսի յայսմ արարածոցս յաշխարհէ աստի , այս ինքն յերկրաւոր աւետեաց անտի օրինացն , զի՞ ևս իբրեւ կենդանիք աստէն յաշխարհի ընդ սոյն թաթաւիք : Մի , ասէ , մերձենար , և մի հուպ լինիր . այս ինքն մի , ասէ , մերձենար 'ի բորոտն , և մի հուպ լինիր 'ի մշտակալն . և մի , ասէ , ճաշակեր զկերակուր հեթանոսաց . զի սոքա ինքն են պէտք ապականուէ . այս ինքն զի հնացան և մաշեցան և ապականեցան սոքա : Թերևս զի ապակա-

նեցին՝ նոքա զմիտս հաւատացեալս , կոչեաց զնոսա պէտս ապականութե : Պատուիրանք են սոքա վարդապետութեան , ոչ այլ , այլ մարդկան : Ի սոսին իսկ յայտոսիկ է և իմն բան իմաստութե և ինքնակամ պաշտաման . այս ինքն զի 'ի պատճառս այսոցիկ իմաստնանան և խոնարհին . զի 'ի ձեռն իմաստութե և խոնարհութե գերեցեան նոքա զմարդիկ 'ի պահպանութիւնս օրինացն և յանխնայութե մարմնոյ . զի թլփատեն և չարչարեն զմարմին : Բայց ոչ եթէ յարժան բաւականի ինչ իցէ առ 'ի լըութի մարմնոյն . այս ինքն զի 'ի միտս մարմնաւորս են որչափ և յօրէնան են , այն որ պղծեն զամուսնութի յաչս նոցա :

ԳԼՈՒԽ Գ

Եթէ յարերուք ընդ Քրիստոսի հաւատովք , ապա զվերինն խնդրեցէք , այս ինքն զհոգեւորսն խորհեցարուք , ուր Քրիստոսն է նստեալ ընդ աջմէն . անդ լինիցին միտք մեր , և ոչ առ երկրաւորս օրինացն : Զի մեռարուք դուք 'ի հանգստեան յաշխարհէ , և կեանքն ձեր ծածկեալ են 'ի Քրիստոս առ ան . այս ինքն կեանք ձեր ծածուկք ծածկեալ են 'ի Քրիստոս : Երբեք Քրիստոս յայտնիցի կեանք մեր , յայնժամ և դուք ընդ նմա յայտնեսցիք փառօքն նորա . այն որ 'ի գալստեան իւրում յառաջնունն խոստացաւ ձեզ : Սպանէք այսուհետեւ զմարմինս ձեր , այս ինքն զմարմինն հին մարդոյն ձերոյ . այս ինքն են պոռնկութիւնք և պղծութիւնք և ցաւք մաշիւք ցանկութե չարի , այլովք հանդերձ . զի վանս սոցուն իսկ այսոցիկ գայ բարկուի այլ 'ի կատարածի : Ոչ եթէ օտար ինչ էիք դուք զայսց մեղաց , այլ և դուք երբեմն թաւաւեալ գնայիք մինչ դեռ յայսր ամենայնի 'ի մէջ կեիք դուք : Արդ մերկացարուք դուք զհին մարդկութիւն գործովք իւրովք հանդերձ , և զգեցարուք զնորն՝ որ նորոգի 'ի ձեռն մկրտուեն , և լինի առանց մեղաց ըստ նմանութե պատկերի կերպարանաց ա .

1 Երբեք անկին ողորմեցան . . . զնոս ոչ պէտս :

րարչին իւրոյ . ուր ոչ է հրեայ և ոչ հեթանոս , և ոչ թլփատութի և ոչ անթլփատութի , ոչ յոյն և ոչ բարբարոս , ոչ տէր և ոչ ծառայ : Եւ որ տեղի իցէ այն՝ զի չիցէ այս ամենայն 'ի նմա . այլ մկրտութի և արքայութի . այն զի 'ի մէջ միոյ միոյ 'ի նոցանէն ամենայն յամենայնի առ հասարակ Բրիստոս է : Այսուհետև զգեցարուք զգաստացարուք՝ իբրև սուրբ և ընտրեալք մկրտութե՝ 'ի գութ ողորմութեց , զթալ և ողորմել 'ի վերայ միմեանց : Եւ գահացողք լինիջիք վասն որոյ յառաջն ընկալարուք : Եւ բանն Բոթի բնակեացէ 'ի ձեզ առատապէս և զայլս ևս աշակերտել : Եւ լի շնորհօք եղիջիք օրհնեալ . այս ինքն լի շնորհօք օրհնեացեն 'ի սիրտս իւրեանց զմծ :

ԳԼՈՒԽ Դ

ԱՅՈԹՍ յիշեսջիք միանգամայն և զմեզ : Տես դու զխոնարհութի Առաքելոյն . զի յաշակերտութե անտի իւրմէ խնդրէր աղօթս առնել նմա , զի բացցէ նմա դուռն բանի խօսել զխորհուրդսն Բրիստոսի : Իսկ դուռն բանի՝ կամ ունկն լսողաց է , կամ նշանքն որ գործին 'ի ձեռն նորա է . զի 'ի ձեռն նշանացն բանայր դուռն , կամ 'ի ձեռն լսելեացն՝ զի խոնարհէին ունկնդիր լինել նմա : Զի վասն նորին խորհրդոց կապեալ եմ ես , զի յայտնի արարից զնա 'ի մէջ սրբոց , և խօսեցայց զնա ահիւ երկիւղիւ որպէս արժան իցէ ինձ : Այլ որ զինէն ինչ իցէ , այս ինքն վսնեղութե՝ որ է առ մեզ , և քաջալերութե մերոյ և վասն ուրախութե մերոյ՝ որ է 'ի նեղութիւնս մեր , ցուցցէ ձեզ Տիւբիկոս հաւատարիմ պաշտօնեայ : Զի վասն սորին իսկ այսորիկ առաքեցի զնա առ ձեզ , զի 'ի ցուցանելն նորա ձեզ վասն մեծի նեղութեան մերոյ՝ միսթարեացին սիրաք ձեր վասն փոքու նեղուեցող ձերոց զոր համբերէք դուք : Եւ ասասջիք դուք ցԱրքիպպոս . զգոյշ լեր դու սպասու պաշտամանդ զոր ընկալար դու 'ի տէր , զի լի կատարեալ տացես դու զդա 'ի ձեռն այնորիկ՝ որ զկնի քո մնալոց է 'ի տէր :

ԹԻՍՒՂՈՒՆԻԿԵՑԻՍ ԸՌԻՆՔԻՆ

ՊԱՒՂՈՍ իբրև հալածեցաւ 'ի քաղաքի անդ-
 փիղիպեցւոց, եկն նա 'ի քաղաքն թեսաղո-
 նիկեցւոց յետ աշակերտելոյն թեսաղոնիկեցւոց .
 զի ընկալեալ էր նոցա զբան նորա : Եւ իբրև ետես
 Պաւղոս զոմանս 'ի նոցանէն թէ ուղիղ գնան ըստ ա-
 ռաջին վարդապետութեանն նորա, արգել զանձն
 իւր ինչ առնուլ 'ի նոցանէն . և պէտք կարօտութեն
 նորա 'ի քաղաքէ անտի փիղիպեցւոց՝ ուստի հալա-
 ծեցաւն՝ լցեալ լինէին : Այլ իբրև եկն նա 'ի յԱ-
 թեն քաղաք, և լուաւ վասն հալածանացն՝ որ յա-
 րուցեալ էին 'ի վերայ թեսաղոնիկեցւոցն, առա-
 քեաց նա զՏիմոթէոս քաջալերել և զօրացուցանել
 զնոսա, և բերել նմա անտի զհամբաւ նոցա : Այլ
 իբրև դարձաւ եկն անտի Տիմոթէոս, և պատմեաց
 նա Աւաքելոյ վասն համբերութեանոց, և զի տրտ-
 մեալ էին նոքա ոչ վասն նեղութեցն իւրեանց, այլ
 վս ոմանց 'ի նոցանէ՝ զի հանգուցեալ էին, առ գրել
 նց Աւաքեալ յԱթենայ՝ յասելն իւրում այսպէս :

ԳԼՈՒԽ Ա

ՊԱՒՂՈՍ և Սիլվիանոս և Տիմոթէոս : Հայեաց
 դու և տես, զի խոնարհուի իւրով մոռացաւ նա զա-
 նուն առաքելութիւն իւրոյ . և զայնոսիկ որ հաղորդն և
 կցորդն էին նորա 'ի ջան և 'ի վաստակ աւետարանին,
 պատիւ՝ որպէս և անձին իւրում՝ արար նոցա 'ի սկիզ-
 բն թղթոյն իւրոյ : Եկեղեցեացդ, առէ, թեսաղո-
 նիկեցւոց յաճ Հայր մեր, զի մերձեցոյց զհեռաւորու-
 թի հեթանոսաց յորդէգրութի . և 'ի տէր մեր Յի-

սուս Բրիստոս , զի արար զմեզ իւր Ժառանգակիցս : Ընորհք ընդ ձեզ և խաղաղութի . այս ինքն շնորհքն որ ընդ ձեզ իցեն , օգնական եղիցին զօրացուցանել զձեզ ՚ի Ժամու հալածանաց ձերոց . և խաղաղութի եղիցի ՚ի միջի ձերում ՚ի Ժամանակի փոխելոյ ձերոյ : Գոհանամ զայլ յամենայն Ժամ . ոչ վասն ոմանց ՚ի ձէնջ , այլ վասն ամենեցունց՝ յիշատակ մատուցանել յաղօթս մեր անպակաս վասն ձեր առաջի այլ . այս ինքն զի զօրասլիք դուք : Ոչ եթէ դոյզն ինչ յիշատակեմք մեք զձեզ , այլ զգործն հաւատոց ձերոց որ վասն աւետեացն է , և զվաստակն սիրոյն ձերոյ զոր ունիք դուք առ եղբարս ձեր , և զհամբերութիւն նեղութեն ձերոյ՝ որ է վերջնաւոր յուսոյն , այն որ ՚ի տէր մեր Յիսուս Բրիստոս , առաջի այլ Հօր պատմեմք մեք :

() այս գիտէք , եղբարք սիրելիք , զի յայ է ընտրուի ձեր , այս ինքն կոչումնդ ձեր . զի աւետարանն մեր ոչ եղև առ ձեզ լոկ բանիւք , այլ և զօրութիւն Հոգւով սրբով և մտադիւրութիւն բազմաւ . այս ինքն զօրութիւն նշանացն , և նոր լեզուօք Հոգւոյն , և առատութիւն սիրոյն : Թէպէտ և այսուիկ եղեալք մեք ՚ի միջի ձերում , սակայն ոչ բարձրացաք ՚ի վերայ ուրուք ՚ի ձէնջ . և դուք գիտէք որպէս եղեալք խոնարհութիւն ՚ի միջի ձերում վասն ձեր : Եւ դուք նմանողք մեզ եղերուք և տեառն . այս ինքն մեզ նմանողք եղերուք հալածանօք ձերովք , և տեառն՝ չարչարանօք ձերովք . զի ընկալարուք դուք զբանն նեղութիւն բազմաւ և խնդրութիւն Հոգւոյն սրբոյ : Այս ինքն թէպէտ և զբանն նեղութիւն որ ունէիք դուք՝ ընկալարուք զնա , սակայն ուրախութի խառնեալ էր ընդ նմա վասն քաւութեան և զօրութեան Հոգւոյն սրբոյ զոր առէք դուք ՚ի պատճառս նորա վասն նորին : Զի եղերուք դուք օրինակ բարեաց հալածանօքն ձերովք ամենայն հաւատացելոց՝ որ են ոչ ՚ի կողմանս մակիրոնացւոց և պաշտօնացւոց միայն , այլ ընդ ամենայն տեղիս հաւատքն ձեր՝ որ առաքինացան հալածանօք ձերովք՝ սփռեցան : Զի այսպէս անուանեցայք դուք և գտայք , որպէս ոչ իցէք կարօտք ուսուցանելոյ զձեզ վասն իրիւք : Զի նոքին իսկ գաւառքդ պատմեն վասն մեր , որպիսի մուտ օտից սրբութիւն և խոնարհութիւն եղև մեր առ

ձեզ . և պատմեցին մեզ թէ որպէս 'ի ձեռն նշանաց և զօրութեց զոր տեսէք 'ի մեզ , և 'ի ձեռն բանին կենդանութեան զոր լուարուք 'ի մէնջ , դարձարուք դուք առ ձեռն 'ի կռոց պաշտամանէ անտի . փոխանակ զի ծառայ էիք դուք մեռելոտի պատկերաց , ծառայեցիք դուք այլ կենդանոյ ճշմարտի . և ակն ունէիք դուք՝ որպէս ուսուցաք ձեզ , Որդւոյ նորա յերկնից , զՅԵ զայն՝ որ և յարուի անդր նր հաւատացէք , այն որ փրկելոցն է զմեզ 'ի բարկութէ անտի՝ որ գալոցն է , այս ինքն հանդերձեալ վրիժուն՝ որ լինելոցն է :

ԳԼՈՒԽ Բ

ՊՈՒԲ ինքնին գիտէք , եղբարք , զմեռն մեր որ առ ձեզն է , զի ոչ ընդունայնութիւն է եղև 'ի թրչնամանաց և 'ի նեղութենէ . զի յառաջ չարչարեցաք մեք և կրեցաք զանարգանս 'ի մէջ փրկիպէացւոցն , որպէս և դուք իսկ ինքնին գիտէք , և աչօք ձերովք տեսէք դուք զտանջանս չարչարանացն՝ որ մտին ընդ մեզ 'ի քաղաք այդր ձեր : Եւ իբրև համարձակեցաք մեք յաճ մեր՝ այս ինքն բան այլ մերոյ՝ խօսել և ընդ ձեզ մեծաւ պատերազմաւ , այս ինքն մեծամեծ հալա ծանօք , քարոզեցաք ձեզ զաւետարանն այ : Եւ այն մխիթարուի մեր զոր մխիթարեցաք զձեզ , զի եկեսցիք դուք յայս աւետարան , զի ոչ 'ի մոլորութիւն է , և վկայեն զօրութիւն զոր առնեմք . և ոչ 'ի պղծութենէ , և պատասխանի առնէ՝ վասն մեր սրբութի մտաց մերոց . և ոչ նենգութիւն , և վկայեն մեզ յստակութիւն և անմեղութի մեր . այլ որպէս ընտրեալք և փորձեալք յայ , զի մի յայսցանէ զոր համարեցայս չիք 'ի մեզ , հաւատարիմ լինել մեզ նման է այսմ աւետարանի : Եւ այսպէս խօսիմք սրբութիւն և ճշմարտութիւն , ոչ իբրև ձեզ կամ իբր մարդկան այլոց հաճոյ լինել , այլ այլ որ փորձէ հանդերձ բանիւք և ըզսիրտս խօսնոց : Զայս գիտէք դուք , եղբարք , զի ոչ երբէք բանիւք ողորմանօք եղեաք մեք . քանզի ոչ 'ի

պատճառս ինչ ագահոյութեան մերձեցաւ մեք առ մի ոք 'ի ձէնջ : Եւ ոչ խնդրեցաւ զփառս 'ի ժամ նշանաց մերոց , կամ 'ի ժամ նեղութեց մերոց , ոչ 'ի ձէնջ , որպէս և դուք իսկ վկայէք , և ոչ յայլոց . և վասն այսր որ վասն այլոցս է զոր ոչ վկայէք դուք , սակայն անձ վկայէ : Եր եր մարթ և պատշաճ մեզ զանձինս ծանր և 'ի շքի ունել իբրեւ մարդք՝ որ ընտրեցաւ լինել առաքեալք Գրիստոսի . այլ եղեալք մեք հեղութք և քաղցրութիւն 'ի միջի ձերում իբրեւ մանկունք տղայք 'ի ժամ վարդապետութեն , որպէս և դայեակ զի սնուցանիցէ զորդիս իւր : Սոյնպէս զուարճացեալ գթացաւք մեք 'ի ձեզ՝ տալ ձեզ ոչ միայն ըզկենարար աւետարանն , այլ և զանձինս մեր տուաւք ձեզ 'ի նեղուիս քաղաքիդ ձերոյ : Վասն կենաց փրկութեան ձերոյ կրէաք մեք զարդարանսն , և զամենայն որ ինչ յանձինս մեր՝ հանդերձ անձամբք մերովք տուաւք ձեզ . զի իբրեւ սիրելի իմն եղերուք դուք մեզ առաւել քան զսէր որդւոց առ դայեկի :

Նիշէք դուք , եղբարք , զի ձեռք մերովք վաստակէաք զցայգ և զցերեկ . այս ինքն զի եթէ լինէր տեղի բանին մերոյ զցերեկ , վաստակէաք մեք զցայգ . և եթէ բանայր մեզ դուռն աւետարանի 'ի գիշերի , վաստակէաք զցերեկ : Եւ զայս զի առնէաք , քանզի ընտրեցաք մեք մեզ՝ թէ մի բեռն ինչ ումեք իւրիք լիցուք բնաւ ամենեւին : Եւ դուք ինքնին իսկ վկայէք վասն յայտնեաց մերոց , և անձ վասն գաղտնեաց մերոց , որպէս քարոզեցաք մեք զբանն այ՝ 'ի միջի ձերում սրբութիւն և արդարութիւն . սրբութիւն զի ոչ վասն երախտեաց ընչից ձերոց , և արդարութիւն՝ զի օտար իւրիք աւետարանին զոր քարոզեցաք մեք՝ դուք ոչ կարացէք ստգտանել զմեզ : Եւ իբրեւ այսու ամենայնիւ ամբիծք եղեալք 'ի միջի ձերում , դուք ինքնին իսկ գիտէք որպէս զմի մի 'ի ձէնջ իբրեւ հայր զորդի իւր ողորդէաք զձեզ 'ի ժամ աշակերտուի , և միութեալէաք զձեզ 'ի ժամ նեղուի ձերոյ , հաստատեալք մեք զվկայութիւն ձեզ՝ զի գնասցիք դուք արժանապէս այ՝ 'ի ժամ ընտրուի . զի գեղեցիկ գնացիւք կարէք դուք արժանի լինել ընդունել զփառսն զոր կորուսէք դուք , և զգրախոս ուստի մերժեցարուք դուք : Վասն այ-

սորիկ և մեք գոհանամք զայն անպակաս . զի թէպէտ և զբանն 'ի մէնջ լուարուք, սակայն ոչ իբրև 'ի մարդոյ, այլ ընդ մեծուի բանին հայեցարուք և ընկալայք զնա ոպ ճշմարտիւ զբանն այն, այն որ զօրացեալն է 'ի միջի ձերում հաւատացելոցդ . այս ինքն զօրացուցանէ և աճեցուցանէ զմիտս հաւատացելոցն 'ի նա :

Եւ մի տրտմիք դուք՝ զի հալածեցայքն յեղբարց անտի ձերոց, քանզի գոն ձեր ընկերք յայսոսիկ : Եւ մի զշարիք . և եթէ յափշտակեցան և տունք ձեր, ունիք դուք ձեզ հաղորդս և կցորդս և յայսմիկ ևս : Զի և դուք նմանողք եղերուք, եղբարք, եկեղեցեալքն՝ որ են 'ի հրէաստանի . զի չարչարեցայք դուք յազգատոհմէ ձերմէ, որպէս և նոքա 'ի չրէից անտի, այնոքիկ՝ որ ոչ եթէ միայն զՅիսուս Քրիստոս սպանին՝ թէ ասիցեն թէ նախանձու սպանաք զնա, այլ և զմարգարէսն կոտորեցին, զմեզ առաքեալս հալածեցին, և այլ գործովքն իւրեանց ոչ հաճոյ եղեն, այլ յաչաց ելին . զի առ 'ի նոցանէն թշնամիք եղեն նոքա ամենայն մարդկան . զի զօրացեալ փութային նոքա արգելուլ և կարճել զաւետարանն յամենայն հեթանոսաց . որ խափան ևս առնէին մեզ նեղութիւնքն զոր յարուցանէին 'ի վերայ մեր յամենայն քաղաքի, զի ընդ հեթանոսս մի խօսեսցուք զբանն այն՝ թէ գոյշուրեայք ապրեսցին . զի յայսմիկ կատարեսցի չափն մեղաց նոցա յամենայնի, և հասեալ լիցի 'ի վերայ նոցա վախճան բարկութե 'ի կատարածի . այս ինքն հասցէ նոցա վրէժինդրութի արգարութե 'ի վախճանի :

Եւ մեք թէպէտ և որք մնացաք առ ժամանակ մի 'ի ձէնջ, այս ինքն հեռացաք 'ի տեսլենէ ձերմէ, ոչ եթէ սրտիւք, այլ աչօք, և ոչ եթէ ընդ երկար ինչ, այլ առ ժամանակ մի, սոյն իսկ այս յամելս մեր 'ի ձէնջ և հեռանալ առաւել ևս կարօտել փափագեցոյց զմեզ տեսանել զերեսս ձեր մեծաւ ցանկութեամբ : Եւ կամեցաք մեք գալ առ ձեզ միանգամ և երկիցս, և խափան եղև մեզ 'ի սատանայէ, այն որ խափանեաց և արգել զիս և ոչ ետ ինձ մինչև ցայսօր սերմանել զբանն կենդանութե 'ի մէջ աթենացւոց մեռելոց : Քանզի ով է մեր յոյս, կամ ուրախութի,

կամ խնդուածի, կամ պսակ պարծանաց ՚ի ժամ յարուածե . եթէ ոչ դուք : Քանզի դուք իսկ էք փառք մեր առաւել քան զգործս գնացից մերոց : Եւ դուք ինքնին էք խնդուել մեր և առաւել քան զվարս հատուցման մերոյ :

ԳԼՈՒԽ Գ

Եւ թէպէտ և գալ առ ձեզ ոչ կարացի, սակայն և դարձեալ ՚ի ձէնջ ոչ համբերի . բարւոք թուեցաւ ինձ մնալ ՚ի կողմանս անթեւացւոց : Այն զի բազում օգնականք պիտոյ էին ինձ աստ, զի առ ձեզ առաքելքի ես զՏիմոթէոս, զի նա ինքն է ինձ օգնական յաւետարանն նոյ, զի ինքն Տիմոթէոս եկեացէ և հաստատեաց զձեզ . այս ինքն զօրացուցէ զձեզ և մխիթարեաց զհաւատան ձեր, զի մի ոք շարժեսցի ՚ի ձէնջ նեղութիւնս՝ որ շուրջ պատեալ են զնովաւ . զի ՚ի սմին իսկ իրի հաստատեալ եմք մեք, այս ինքն չարչարեալ և համբերեալ : Քանզի յառաջագոյն իսկ ասացաք ձեզ, և պատրաստեցաք զձեզ որպէս մարգարէութիւն՝ եթէ նեղուիք հասանելոց են ՚ի վերայ մեր, որպէս եղև՝ տեսէք և գիտացէք : Վասն այսորիկ և ես այսուհետեւ քանզի ոչ դադարեցի, առաքելքի առ ձեզ ուսանել թէ գուցէ արդեւք փորձեաց ևս զձեզ փորձին, և դարձեալ իցէ ձեր ՚ի կռապաշտութիւն, և խնդունայն ինչ լիցի այն վաստակքն մեր՝ որ առ ձեզ է : Բայց արդ իբրև եկն Տիմոթէոս ՚ի ձէնջ առ մեզ, և ետ մեզ զաւետիսն հաւատոց որ յիշ, և սիրոյն ձերոյ որ առ մեզ է, և վասն բարեացն յիշաւական մերոց զոր ունէիք առ մեզ, և զի յամենայն ժամ ունիք անձուկ տեսանել զմեզ՝ որպէս և մեք զձեզդ, մխիթարեցաք մեք ՚ի տրտմութեց մերոց և մինչ դեռ պատեալ են զմեք, և հանգեաք մեք ՚ի նեղութեցն մերոց մինչ դեռ պարշարեալ են զմեք . և հանգեաք մեք ՚ի նեղութեցն մերոց : Եւ արդ կենդանի եմք առաջի նոյ . բայց թէ դուք միայն հաստատուն կայցէք ՚ի հաւատս անդր տեառն մերոյ : Վասնզի զի՛նչ այլ գոհուիք կարեմք հատուցանել նոյ ՚ի վերայ ամենայն խնդութե, զի ուրախ առնէ

զմեզ լուրդ ձեր բարւոք : Այլ և խնդրուածս ևս արասցուք առաջի նյ տեսանել զերեսս ձեր , և լքեալ կատարեսցուք 'ի ձեռն քաջալերիչ բանին մերոյ ըզպակասութի հաւատոցդ ձերոց : Այլ ինքն նա հորդեսցէ և ուղղեսցէ զճանապարհս մեր առ ձեզ 'ի միջոյ պնոցիկ՝ որ լիեալ են յապաշաւիչ բանին մերոյ . և առաւել բազմապատիկ արասցէ զսէրն ձեր զոր ունիք դուք առ միմեանս , և համեմատել կշռեսցէ այսմ սիրոյ մերոյ զոր մեք զձեզ սիրեցաք : Եւ նա հաստատեսցէ զսիրտս ձեր առանց արատոյ , զի կայցէք դուք մնայցէք 'ի սրբուի անդր զոր զգեցարուք 'ի մկրտուէ անտի . և նովաւ ելջիք ընդ առաջ նոն մերոյ 'ի ժամանակի՝ զի գայցէ նա ընդ նամսուրս իւր :

ԳԼՈՒԽ Դ

Եւ որպէս ընկալարուք դուք 'ի մէջ , այս ինքն ըստ օրինակի զոր տեսէք դուք 'ի մեզ , սոյնպէս գընասջիք արժանապէս հաճոյ լինել նյ . ոչ եթէ զի ոչ գնայք դուք՝ այսպէս ասեմ զայս , այլ զի ևս քան զևս յաւելջիք : Յայն փութացուցանեմ զձեզ , զի այս ինքն են կամք նյ , սրբուիդ ձեր յամենայն պղղծութէ կուոց , և 'ի բաց լինել ձեզ յամենայն պոռնւկութենէ , գիտել իւրաքանչիւր զմարմինս ձեր սրբութիւն և պատուով պարհել . այս ինքն զի պարհեսցէ զնա յամենայն փնասուց՝ արժանի սրբուէ զոր ըզգեցաւ 'ի ջուրց անտի : Արդ մի այսուհետեւ պղծէք դուք զմարմինն որ քաւեցաւ՝ գիտութիւն ցանկունէն , որպէս և այլ հետանուցն՝ որ ոչ գիտեն ցարդ զնա : Զի ոչ կուէաց զձեզ նա 'ի պղծութի , այն՝ յորում հաստատեալ կայիք 'ի նմա . այլ 'ի պղծութէ անտի ած զձեզ յայդ սրբութի՝ յորում այսօրդ կայք : Այլ թէպէտ վամս եղբայրսիրութե ոչ ինչ պիտոյ է գրել առ ձեզ , քանզի դուք ինքնին իսկ առնէիք զայդ . այլ զի առաւել ևս յաւելջիք յառաւանալ՝ ուսուցանեմք զձեզ : Եւ զի եղիջիք դուք գործել ձեռօք ձերովք՝ գրեմ ձեզ մինչ դեռ հեռիս եմք , որպէս պատուիրեցաք մեք ձեզ՝ մինչ դեռ մերձս էաք :

Եւ զի մի ինչ իբրև տգէտք իցէք վասն Հանգուցեւոցն, զի մի տրտմիջիք որպէս և այլ հեթանոսք. զի ոչ յարուծի գոյ նոցա, և ոչ յոյս խոստացեալ գոյ նոցա: Զի եթէ հաւատամք մեք ՚ի յարուի անդր Քրիստոսի, ապա հաւատասցուք թէ և ածէ անդ ինքն ՚ի գալստեան անդ նորա զայնոսիկ՝ որ ննջեցին ՚ի ձեռն Յիսուսի, այս ինքն հաւատովքն Յիսուսի: Այլ զայս ասեմ՝ ձեզ, եղբարք, ոչ ՚ի մէնջ ինչ, այլ որպէս ՚ի բանէ տեառն մերոյ՝ որ է յաւետարանի անդ՝ եթէ մեք որ կենդանիքս եմք՝ որ մնացեալ լինիմք ՚ի գալուստն տեառն, ոչ ժամանեմք թռանելովն մերով ընդ բարձունս, ոչ ժամանեմք մեռելոցն հանգուցեւոց: Զի յիջանելն տեառն մերոյ յերկնից ՚ի ձայն փողոյն հրեշտակապետի, մինչ չև նորափետուր զարդարեալ իցէ արդարոցն կենդանեաց, լինի նախ յարուի մեռելոցն ՚ի Քրիստոս: Եւ ապա մեք որ կենդանիքս եմք՝ յափշտակիմք, ոչ եթէ յառաջ քան ըզնոսա, այլ ընդ նոսա. և ոչ առանց նոցա, այլ ՚ի միաւսին՝ ընդ ամպս ընդ առաջ լինել տեառն մերոյ ՚ի վերայ օդոց. և այսպէս յամենայն ժամ՝ ամենեքին մեք հաւասար արդարութիւն ընդ տեառն լինիցիմք: Այսուհետև միութարեցէք, այս ինքն շինեցէք զմի մեանս բանիւքս այսուիկ, զի լի են յուսով:

ԳԼՈՒԽ Ե

Եւ վտ ամաց և ժամանակաց, եղբարք, այս ինքն թէ երբ իցէ ժամանակ ան, կամ յոր ժամ լինիցի ժամանակք նեռինն, ոչ ինչ պիտոյ է զայս գրել առ ձեզ: Զի ինքնին իսկ գիտէք, որպէս ուսարուք իսկ ՚ի մէնջ զայս. զի և մեր յաւետարանէ անտի տեառն մերոյ ուսեալ է՝ եթէ օր տեառն իբրև գող ՚ի գիշերոյ՝ զի ոչ դք զգայ ՚ի նմա, այսպէս հասանէ: Զի յորժամ ասիցեն եթէ ահա աւասիկ խաղաղուի և շինութի է, և յայնմիկ որ կարծեն եթէ ժամանակ շինութի է, յայնժամ յանկարծակի հասցէ ՚ի վե-

1 Յօրինակին պակասի թամ:

ըայ նոցա սատակումն որպէս երկն՝ զի հարկանի յղոյ յանկարծակի, և ոչ կարէ ապրել 'ի նմանէ : Այս այն է զոր ասաց տէր մեր՝ բայ՝ «Ողջ եղև յաւուրս Նոյի և Լովթայ, զի ուտէին և ընպէին, կանայս առնուին և արանց լինէին, մինչև եկն եհաս սատակեաց զնոսա միանգամայն ջրհեղեղն և հուրն» : Այլ դուք, եղբարք, ոչ էք խաւարի, այս ինքն գործովք խաւարի, եթէ օրն այն ձեզ իբրև գող 'ի վերայ հասանիցէ : Որպէս որդիք լուսոյ գործովք լուսոյ պատրաստեալ էք, և նմին իսկ այնմ աւուր յայտնուէ ակն ունիք, մի՛ այսուհետև զքնով անկանիցիմք 'ի գործոց գնացից որպէս և այլք, զի ոչ ակն ունին այնմ աւուր : այլ արթուն կացցուք գործովք մերովք, և առողջ եղիցուք հաւատովք մերովք : Զի որ ննջեն և արբենան, 'ի գիշերի ննջեն և արբենան : այս ինքն զի ամենայն գործք որ հակառակ են լուսոյ, 'ի գիշերի նմանող նոցին գործեն : Այլ մեք զի որդիք տուրնջեան եմք, այս ինքն զի որդիք աւետարանին եմք, զուարթունք եղիցուք գործել զբարիս : և զգեցցուք մեք զկատարումն հաւատոց, այս ինքն հաւատք կատարեալք և սէր կատարեալ : և դիցուք զսաղաւարտն յուսոյ փրկութե կենաց : Զի ոչ եթէ արար զմեզ 'ի բարկութի, այս ինքն 'ի կորուստ, այլ 'ի փրկութիւն կենդանութե : Կամ զի փրկեսցուք զանձինս մեր 'ի թօթափանաց՝ ցանկուէց, և կեցցուք տերամք մերով : կամ զի փրկիցիմք նովաւ կեալ ընդ նմա յարու թի անդր : Եւ եթէ արթունք իցեմք, և եթէ ննջիցեմք, նովաւ հանդերձ կեցցուք : այս ինքն եթէ կենդանիք իցեմք, և եթէ մեռեալք, նովաւ հանդերձ թուուցանէ զմեզ : Արդ մի թարեցէք զմիմեանս և շինեցէք այր զընկեր այսու բանիւք : զի մինչև գրեալ էր իմառ ձեզ, զսոյն իսկ զայս առնէիք դուք :

() Դաներուք զվաստակաւորսն ձեր գործովք իւրեանց, և զվերակացուս ձեր 'ի տէր : այս ինքն որք աղաչեն զտէր վասն ձեր, և որք ուսուցանեն ձեզ ըզվարդապետութի կենաց : Առաւել սիրով ընտանեցուցէք զնոսա ձեզ, և վասն գործոցն նոցա զխաղա

զուլթի արարէք ընդ նոսա . այս ինքն վասն բարւոյ
գնացից նոցա խառնեցարուք ընդ նոսա, զի օգտեսլիք
'ի նոցանէն : Խրատեցէք, ասէ, զստահական զայնս-
սիկ՝ որ բանդագուշեալ շրջին և ինչ ոչ գործեն, բայց
զմոտիս . միսթարեցէք դուք զկարճոգին՝ որ սգա-
ցեալն էին վասն վախճանի սիրելեաց իւրեանց . այ-
ցելու լերուք տկարաց հաւատովք, և ընդերկայնա-
միտ լերուք առ ամենեսեան՝ որ կարօտն իցէ օգնուէ
'ի ձէնջ : Եւ զգոյշ կացէք, գուցէ նեղւացն ձերոց
չարի չար հատուցանիցէք . այլ յամենայն ժամ ըզ-
բարեաց զհետ երթայք, ոչ եթէ առ միմեանս միայն,
այլ և առ ամենեսին : Եւ յամենայնի ուրախ լերուք
'ի տէր, այս ինքն 'ի նեղուլիս ձեր . և յամենայնի
գոհացարուք, այս ինքն 'ի վերայ նեղուլեացն որ լի-
նին ձեզ, և վասն հանգստեան որ պատահէ ձեզ .
վասն ամենայնի որ գայ 'ի վերայ ձեր, եղիջիք գո-
հանալ, քանզի 'ի կամաց անտի այ գան 'ի նոցանէն
'ի խրատ, և 'ի նոցանէն 'ի քննուլթի հանդիսի : Զու-
գիս մի շիջուցանէք . այս ինքն զայնոսիկ՝ որ խօսինն
'ի լեզուս հոգւոյ, մի լռեցուցանիցէք : Եւ զմարգա-
րէօլթի հին, կամ զայսոսիկ որ արժանի եղեն, և
եղեն 'ի ձեզ մարգարէք՝ մի խոտէք : Զամենայն ինչ
'ի ձեռն նորոյն փորձեցէք . և որ ինչ բարին է, այս
ինքն որ ինչ հաւասար է աւետարանին, զայն ըն-
կալարուք . և յամենայն իրաց չարաց՝ որ օտար իցէ
նորոյն, 'ի բաց կացէք : Եւ նա ինքն ան խաղաղուլթե-
սուրբս արասցէ զձեզ և կատարեալս . այս ինքն մինչև
'ի վախճան կատարածի : Զամենայն զոգի և զշուռչ
և զմարմին ձեր պահեսցէ առանց արատոյ . այս ինքն
'ի մկրտուլթի անտի մինչև 'ի գալուստն տեառն մե-
րոյ : Հաւատարիմ է տէր մեր, զի նա արասցէ այս-
պէս . և կայցէք և մնայցէք իբրև 'ի մկրտուլթի մինչև
յայտնուլթի տեառն մերոյ : Աղաչեմ զձեզ, եղբարք,
ընթեռնուլ տալիք զթուղթս զայս առաջի ամենայն
եղբարք, այս ինքն յորժամ ժողովեալ իցէ ամենայն
եկեղեցին առ հասարակ . զի տկարք զօրանան սովաւ
և սգաւորք միսթարին սովաւ, և ուղեղք աճեն սո-
վաւ . և որ բանդագուշեալ շրջին և զհետ ելեալ են
մոտեաց, թերևս յանդիմանեալ խրատին սովաւ :

ԹԻՍՄԱՆՈՒՆԻԿԵՑԻՍ ԵՐԿՐՈՐԴ

ԹԻՍՄԱՆՈՒՆԻԿԵՑԻՍ զկնի այսր իբրև ընկալան զթուղթքն առաջին և ընթերցան 'ի մէջ ժողովրդեան, որպէս և հրամայեցաւ նց, դատարկապորտքն որ զհետ լինին սնոտեաց՝ փոխանակ զի գործիցեն և կերիցեն որպէս և հրամայեցաւ նոցա, յաւելին 'ի խաբել և մոլորեցուցանել զընկերս իւրեանց. զի զայնոսիկ որք ապրեցանն յուրացութենէ անտի, պէսպէս հնարիւք հնարիցեն և ածցեն զնոսա 'ի մոլորութի խաբէութե: Զի փորձեաց սատանայ զթեսաղոնիկեցիսն հալածանօք, զի միանգամ և երկիցս ած 'ի վերայ նոցա. զի ոչ առնուին յանձն յուրաստ լինել 'ի Գրիստոսէ, արար զնոսա զնոյն իսկ զգատարկ սրն և զբանդաբուշեալս քարոզս գալստեան տեառն մերոյ. զի գալստեամբն յառաջ ժամանակովն զոր քարոզէրն, յողբողդեցուսցէ և կասեցուսցէ զսպասիչս գալստեան 'ի ճշմարիտ գալստենէ անտի՝ որում սպասէինն: Այլսոքին իսկ այսք և ընկերք սոցուն՝ քանզի սատանայ զօրացեալ էր 'ի նոսա, և տեսիլք ևս սուտք երևէին նոցա, և պատիր բանիւք յորդորէին զնոսա, և թուղթս գրէին յանուն Առաքելոյ, ընթեռնուին առաջի նոցա, զի ամենայն հնարիւք լքեցուսցեն զնոսա գոնեայ 'ի գալստենէ անտի տեառն մերոյ, զայնոսիկ՝ որ 'ի տեառնէ անտի մերմէ լքեցուցանել զնոսա ոչ կարէին: Քանզի տիրեաց իսկ յոմանց 'ի նոցանէ այս հիւանդութիւն 'ի սկզբանէ իսկ. և վասն այնորիկ 'ի թղթի անդ իւրում յառաջնումն յիշեցոյց նոցա, յայնմիկ զի ասաց՝ վասն ամաց և ժամանակաց ոչ ինչ պիտոյ է գրել առ ձեզ: Այլ իբրև ուսաւ և 'ի վերայ հաս Պաւղոս՝ թէ ոտացաւ խաբէութիւն 'ի ձեռն այնոցիկ՝ որ ամենայն պնտութիւն քարոզէին զնա, առ գրել նց յասել իւրում այսպէս:

ԳԼՈՒԽ Ա

ՊԱՆՂՈՍ և Սիւղիանոս և Տիմոթէոս եկեղեցեացդ թեսաղոնիկեցւոց, յիւծ Հայր մեր, և 'ի տէր մեր Յիսուս Քրիստոս: Որչափ ինչ դարովեալք ամա թալից են հեթանոսք խոտեալ. զի վասն մալորութե խաբէութե իւրեանց 'ի սուր և 'ի սատակումն համարեալ էին, այսպէս սիրեաց զնոսա, զի 'ի դառնալ անդ՝ նոցա Հայր կոչեցաւ, այնոցիկ՝ որ յառաջագոյն Աստուած ոչ կամեցան՝ թէ կոչեսցի 'ի վերայ նոցա: Ընորհք, ասէ, 'ի ձեռն աւետարանի շնորհացն որ են ընդ ձեզ, և խաղաղութիւն յայ Հօրէ մերմէ և 'ի տեառնէ մերմէ Յիսուսէ Քրիստոսէ. և ոչ եթէ 'ի ձեռն տեառն մերոյ Յիսուսի Քրիստոսի: Գոհանալ պարտիմք զայլ յամենայն ժամ վասն ձեր. զի լեմք մեք՝ թէ ևս քան զևս առաւելուն և առնեն հաւատքն ձեր 'ի ձեռն համբերութե ձերոյ, և օր ըստ օրէ յաճախէ սէրն ձեր իւրաքանչիւր առ մի մեանս հոգալովն ձերով: Սոյնպէս և մեք ձեւք պարծիմք առ ամենայն եկեղեցիս. զի ձեւք նախանձ արկցուք այլոց, զի եղիցին նոքա նմանողք ձեզ:

Պատմեմք մեք վասն հաւատոց ձերոց, այն զի ոչ իւրիք յիմիք խռովին կամ շարժին. և վասն համբերութե ձերոյ ոչ միով նեղութե, այլ յամենայն նեղութիւն ձեր և 'ի հալածանս ձեր, որում դուք համբերէք յօրինակ արդար դատաստանացն նոյ. այս ինքն զի քարոզի 'ի ձեռն համբերութե ձերոյ արդար դատաստանքն նոյ: Զի ոչ եթէ զուր տարապարտուց համբերէք դուք այսմ, այլ զի 'ի ձեռն այսոցիկ կարասջիք արժանի լինել արքայութեն նոյ, այն վասն որոյ և զձգնութիւն յանձն առնուք: Պարտ և պատշաճ իցէ առաջի նոյ առնել փոփոխումն. այս ինքն հատուցանել 'ի վախճան կատարածի այնոցիկ՝ որ զձեզն նեղեն՝ փոխարէն նեղութի. և ձեզ որ յայսմ աշխարհի՝ որ ըստ մերում նեղութեդ նեղիք և համբերէք, եղիցի ձեզ հանգիստ ընդ մեզ յօրն յայտնութե նորա, այն որ մեք և դուք վասն նորա հալածիմք:

այն որ գալոցն է յերկնից , ոչ խոնարհութիւն ըստ առաջին գալստեան իւրում , այլ գայ նա մեծութիւնով հանդերձ զօրօք հրեշտակացն իւրոց . և ոչ գայ նա՝ թէ դատեսցի , այլ գայ նա 'ի թոց հրոյն հատուցանել 'ի դատաստանման 'ի վրէժ այնոցիկ՝ որ ոչն ճանաչեն զանձ . այս ինքն հեթանոսաց՝ որ ցարդ ևս ոչ կամեցան ճանաչել զանձ , և Հրէից՝ զի ոչ ունկնդիր եղին աւետարանին տեառն մերոյ Յիսուսի Քրիստոսի : Զի նոքա տացեն զդատաստանս , հատուցեն ըզվրէժս , ոչ պատիժս ժամանակեան՝ զի ոչ եթէ աշխարհ է ժամանակեան , այլ 'ի սատակումն յաւիտենից յերեսաց տեառն մերոյ Յիսուսի Քրիստոսի , այն որ անարգեցաւ և թշնամանեցան 'ի նոցանէ . և 'ի փառաց զօրուն նորա , այս ինքն 'ի փառաց անտի զոր զգեցեալ իցեն հրեշտակք և զօրունք որ ընդ նմա են :

Եւ երբ լինիցի այս 'ի վերայ ամպաբշտաց . 'ի ժամանակի՝ յորում գայցէ նա փառաւոր լինել 'ի մէջ սրբոց իւրոց , և սքանչելի լինել 'ի մէջ ամենայն հաւատացելոց իւրոց . այս ինքն յորժամ ծագեսցեն արդարքն իբրեւ զարեգակն յերկինս , և ընկալցին հաւատացեալք զսքանչելի հատուցումն իւրեանց , յայս միկ՝ զի եղեաք մեք ձեզ , յայն առուր երևեալ լինիք դուք՝ եթէ հաւատարիմ եղև վկայուի մեր 'ի ձեզ աստէն : Վասն այսորիկ խնդրեմք մեք յաղօթս մեր վասն ձեր , զի աստ կոչեաց և հրաւիրեաց զձեզ մեւք , և կատարեսցէ 'ի վախճանի զամենայն հաճութիւն բարութեց , և զամենայն գործ հաւատոց զօրութիւն այ . այս ինքն հատուցէ ձեզ 'ի կատարածի , ոչ փախանակ գործոյն հաւատոց ձերոց միայն , այլ և փախանակ բարութեն հաճութե ձերոյ . թէպէտ չեղերուք բաւական վասն տկարութեն ձերոյ կատարել զնոսա արդեամբք : Որպէս զի փառաւոր լիցի անուն տեառն մերոյ Յիսուսի Քրիստոսի 'ի ձեզ և անդ , որպէս և աստ . և մեք փառաւորք լիցուք ընթացիւք ձերովք ըստ չնորհաց այ և տեառն մերոյ Յիսուսի Քրիստոսի , որ կոչեցինն զմեզ և զօրացուցինն զմեզ քարոզել հեթանոսաց :

ԳԼՈՒԽ Բ

ԼՅԼ վասն գալստեան տեառն մերոյ վասն որոյ դուք աշխատեալ էք, և վասն ժողովելոյ մերոյ հաւատացելոցս՝ թէ երբ ժողովիմք առ նա, մի վաղվաղակի ինչ խռովեսջիք դուք՝ ի միտս ձեր՝ ի սուտ պատմութեց անտի զոր սփռեն ի լսելիս ականջաց ձերոց. և մի պղտորիջիք ինչ՝ ի մի հոգի. այս ինքն մի՝ ի սուտ տեսլեանց զոր ցուցանեն ձեզ, և ոչ յարմարեալ և իմաստնոյ բանի զոր ասեն ձեզ, և մի՝ ի թղթոց որ սուտ իցեն՝ իբրու չէր գրեալ մեր՝ հաւատացուցանելին զձեզ, իբրու այն թէ՛ ի մէջ իցեն։ Արդ մի ոք զձեզ խաբիցէ միով իւրիցայոց նմանութեց, և կարծիցէք թէ եկեալ հասեալ իցէ օր տեառն մերոյ. զի եթէ ոչ նախ եկեսցէ ոչ մի՝ ի մարգարէից անտի նորա, կամ բազմուի առաքելոց նորա՝ այն որ գալոցն են առաջի նորին ապստամբողին, այլ մինչև եղիցի սպառումն մարգարէիցն և առաքելոց նորա՝ որ առաքինն առաջի նորա, և եկեսցէ զկնի նոցա ինքն գլխովին ապստամբն, և յայտնեսցի մարդն մեղաց՝ որդին կորստեան, և ապա լինի գալուստն։

ԼՅԼ ապստամբ՝ զի կարգաց զնա, զի ցուցցէ թէ ապստամբելով ապստամբեաց նա. և յորժամ կամեցաւ և վասն որոյ կամեցաւ՝ ապստամբեաց։ Եւ զի կոչեաց զնա մարդ մեղաց, զի ցուցցէ և յայտ արասցէ՝ եթէ մարդով գայ նա, և ոչ ի կերպարանս մարդոյ. քանզի գալստեան տեառն մերոյ նմանի նա. ի ձեռն մարդոյ գայ, ոչ ի հեթանոսաց, այլ ի ժողովորդենէ անտի և յազգէ Յուդայ. և ոչ անթլիատուութ, այլ թլիփատութ. զի ի պատճառս ազգին իւրոյ և թլիփատութն գերեսցէ նա զժողովուրդն, այն որ այսոքիմք իսկ գալ հայէին նմա։ Եւ զի կոչեաց զնա դարձեալ որդի կորստեան, զնայն իսկ ըզմարդն կոչէ որդի կորստեան. փոխանակ զի զօրացաւ նա կոչել որդի գտիչ հեթանոսաց, և կոչեաց զնա որդի կորստեան. այս ինքն որդի սատանայի կորուսչի։ Այն որ հակառակորդ է. այս ինքն վերնոց և ներք-

նոց և տեառն ամենեցունց . այն , ասէ , որ հպարտացեալն է ոչ 'ի վերայ ւայ , այլ 'ի վերայ ամենայնի , որ անուանեալ լինի իբրեւ ւած կամ պաշտօն ինչ : Պատուէ նա զւած , զի յինքն ապաւինեսցէ զխաչահանունն . և ստգտանէ և դարովէ զամենայն որ միանգամ անուանեալ կոչի ւած և պաշտօն ինչ , զի գողասցի նա զմիտս ճմարոաց : Այսպէս գայ և մտանէ 'ի տաճար անդր ւայ նստել . այս ինքն 'ի ներքս յեկեղեցի ւայ . զի ոչ խոտորի նա 'ի մի տուն ուրուք յաղանդոցն հերձուածոց՝ թէ գուցէ յայտնեսցի նա . այլ զամենայն պաշտամունս խոտէ անարգէ , զի զեկեղեցի կարող եղիցի նա գերել . այս ինքն զի գայ մտանէ 'ի տաճար անդր ւայ՝ նստել և երեւցուցանել զանձն իւր իբրեւ զւած : Որով երեւցուցանէ զանձն իւր թէ ւած ճմարիտ է : Առաւել քան երեւցուցանել փառքն զոր զգեցեալն է , և շքովն զոր ունի , թշնամութիւն զոր ունի նա ընդ աղանդս հերձուածոց : Եւ զի ոչ խոտորի նա 'ի մի ուրուք վրան հերձուածոցն , և սիրովն զոր ինչ ունի նա ընդ մանկունս եկեղեցւոյ՝ զի զնոսա կարծեցուցանէ թէ սիրէ իբրեւ ճմարիտս , և 'ի տաճարն նոցա խոտորի նստել իբրեւ 'ի տաճար ճմարտութե՝ երեւցուցանել զանձնն թէ ւած է : Ստգտանէ նա զկեղծաւորութի յարուեստգիտութի , և զգենու զկերպարանս ճմարտութե նենգութե . զի այսպէս խորամանկի նա և կեղծաւորի , զի զժողովուրդն մարմնաւոր իրօքն պերեսցէ , և զեկեղեցի կերպարանօք ճմարտութե վարեսցէ :

Օ այն ոչ յիշէք դուք , ասէ . մինչ դեռ առ ձեզն էի իսկ , ասէ , զայս բանս խօսէի ընդ ձեզ : Արդ հպեաց դու և տես , զի բազում ժամանակք էին թեսաղոնիկեցւոցն զի աշակերտեալ էին այսու բանիւք : Եւ արդ դուք , ասէ , ինքնին գիտէք որ առաջիկայ , զի յայտնելոց է նա յիւրում ժամանակի անդ . այս ինքն զի զօրացեալ կայր առաքելութիւն , և մտանելոց է զինի նորա վարդապետութիւն մինչև յօրն՝ յորում յայտնելոց է Որդի 'ի ժամանակի իւրում : Զի խորհուրդն անօրէնութե ահա աւադիկ կանխեաց վաղահաս եղև յառաջագոյն . և իբրեւ ցարդ ևս վարդապետութե չէ մտեալ , և առաքելութե ցարդ ևս

զժամանակ իւր չէ կատարեալ, արդէն համարձակեցաւ նա զօրանալ. բայց ցայն վայր՝ եթէ ոչ որ առաջիկայ՝ բարձցի՝ ի միջոյ, անօրէնն ոչ յայտնի. որպէս փութայր գալ տէր մեր դատել զամենայն հեթանոսս. իբրու ցարդ հեթանոսաց ոչ է աւետարանեալ. նա և առաջին պաշտամանն զկատարած չէ է առեալ, եթէ տաճարն ևս կանգուն է, և զոհք ևս մատչին, և թլփատուի ևս խաղայ. և եկեղեցի ցարդ չէ է շինեալ. քանզի և ինքնին իսկ առաքեալքն մը տանէին՝ ի տաճարն յաղօթս կալ, թէպէտ և ի վեր նատուեն գային և կծանէին զհացն:

Արդ եթէ ինքն տաճարն պաշտամամբ իւրով զարդարեալ կայր, իբրև այն թէ ոչ է սկսեալ եկեղեցւոյ իբրև սկսեալ է. զի ի խափանել տանն այնորիկ և ի կատարել սպասու պաշտաման նորին՝ լինի սկիզբն քարոզութե աւետարանի: Արդ եթէ աւետարանն որ ոչ է եկեալ, քանզի պաշտօնն հին ցարդ ևս ունի, զի՞արդ մինչ չէ նորոյն քարոզեալ և հնոյն լռեալ և դադարեալ՝ յայտնի նա խնդրել զվրէժ յայնցանէ՝ որ ոչն հնազանդեցան, իբրու ցարդ ևս ոչ աւետարանեցան: Եւ ո՞ր է այն զի ասացեալ է՝ եթէ ելէք ընդ ամենայն հեթանոսս և աշակերտեցէք. կամ այն՝ զի ասէ, նախ քարոզեսցի. այս ինքն յառաջ քան ըզյայտնել նեւինն քարոզեսցի աւետարանս այս ընդ ամենայն աշխարհ: Արդ եթէ ոչ խափանի հին պաշտօնդ որ այժմի իսկ ունի՝ ի ձեռն կործանման քաղաքին, որ պատրաստեալ իսկ է, և եթէ ոչ ամփոփի դարձեալ առաքելութի որ այժմի իսկ քարոզէ, և մտանէ զինի նորա վարդապետութիդ, ոչ գայ օրն տեառն մերոյ, այն որ մոլար խաբեբեայքդ եկեալ են այսօր քարոզեն ձեզ զնա: Այլ որպէս յայտ էր ժամանակ հնոյն, և ոչ անց մարգարէութին և ոչ հուրն և ոչ զոհքն և ոչ եղջերն օծմանն մինչև եկն Քրիստոս, սոյնպէս ոչ յապաղի ժամանակն յունեքէ՝ որ տուեալ է քարոզութե նորոյն, եթէ ոչ կատարի որպէս և կատարի ժամանակ առաջնոյն: Արդ յորժամ կատարեսցէ առաքելութի զանհնազանդ իշխանութին զոր առ նա՝ ի ձեռն բանին զոր ասէ՝ ելէք ընդ ամենայն հեթանոսս, և մոցէ վարդապետուին

և կատարեսցի և նորա ևս ժամանակք, և կատարեսցին մարդիկ քարոզութիւն առաքելոց և վարդապետութիւն քահանայիցն, և ապա լինի տուեալ տեղի ապստամբողին գալ 'ի քննութիւն հանդիսի մարդկան:

Այլ ոչ ընդերկարեն ինչ փորձանքն նորա. քանզի նոյն ժամայն զինի նորա յայտնի տէրն մեր, զի մի թափուր արասցէ զերկիր զօրութիւն իւրովք և նշանօք իւրովք և մեքենայիւք արուեստագիտութիւն իւրով և յընտրելոց և յարդարոց: Քանզի ինքն տէր մեր սատակէ զնա յայտնութիւն գալստեան իւրոյ: Քանզի գալուստ նորա ամենայն զօրութիւն և նշանօք և պէս պէս փորձանօք ստուծէ: Այլ յորժամ ասէ Առաքեալ՝ ամենայն զօրութիւն և նշանօք գայ, մի՛ դք կարծիցէ եթէ իցէ այն ինչ՝ զոր ոչ գործիցէ նա պէսպէս նշանօք՝ կեղծաւորուեն և ստուծ որպէս կախարդքն եգիպտացոց. և աւելի քան զնոսա ցուցանէ: Եւ ամենայն խաբէութիւն անօրէնութիւն գայ՝ կորուսանել և սատակել ոչ զհաւատացեալս, զի ժամանէ նոցա գալուստն բարերարին, այլ զայնոսիկ՝ որ ոչն ընկալան զբանն ճշմարտութեան. այս ինքն զխաչահանուան, զի ոչ հաճեցան նոքա ընդունել զաւետարանն գտիչ կորուսելոց: Վասն այսորիկ ասէ. “Առաքեսցէ 'ի վերայ նոցա անձ զմոլար զօրութիւն, զի հաւատասցեն նոքա 'ի ստուծ անդր” . այս ինքն թող տայցէ նմա անձ գալ այնմիկ՝ որում հայէինն իսկ: Եւ զի ոչ հաւատացին նոքա ճշմարտին՝ զի ապրեսցին, հաւատան նոքա ստոյն՝ զի կորիցեն: Ոչ եթէ 'ի գալուստ նորա կորնչին խաչահանութիւն՝ թէ արգելցէ և մի եկեսցէ նա. զի յառաջ քան զգալուստն կորուսեալ էին նոքա: Քանզի յայն որ եկն 'ի փրկութիւն աշխարհի՝ հայհոյելով հայհոյէին նոքա, ստգտեալ դարովեսցին նոքա՝ թէ զորպիսի 'ի խաչ հանին, կամ զոր ընկալան: Առաքի նոցա անօրէնն, ոչ զի բռնադատեսցին և հաւատասցեն 'ի նա, այլ եթէ հաճեսցին և հաւատասցեն՝ կորիցեն: Արդ դարովին նոքա՝ զի թողին զզօրութիւն ճշմարտութեան, և աշակերտեցան նշանացն ստուծէ. թողին նոքա զայն՝ որում մարգարէքն ա-

մենեքին վկայեցին վասն գալստեան նորա, և ըն-
թացան ապաւինեցան նոքա յայն՝ զի ոչ Մուշէ եր-
բէք յիշեաց զնա, և ոչ մի զք՝ի մարգարէիցն գրեաց
վասն նորա:

Եւ մեք պարտիմք գոհանալ զայն յամենայն ժամ
վասն ձեր, զի ՚ի փրկութի կենաց ընտրեաց զձեզ. և
վկայէ սրբութի Հոգւոյն՝ որ ՚ի ջուրց անտի զգեցա-
րուք դուք, և հաւատքն ճշմարտութեան զոր ունիք
դուք: Բայսմիկ իսկ կոչեաց զձեզ աւետարանաւն մե-
րով ՚ի ժողով փառաց նորա. այս ինքն ՚ի ժողովն յե-
տին, ուր ժողովին արդարքն յամենայն կողմանց յա-
ւուրն տեառն մերոյ ԅիսուսի Քրիստոսի: Արդ հաս-
տատուն կացէք, պինտ կալարուք զպատուիրանն ըզ-
վարդապետուն զոր ուսարուք ՚ի մէնջ եթէ բանիւք՝
յորժամ մերձ իցեմք, և եթէ թղթովք մերովք զոր
գրեցաք՝ յորժամ հեռի իցեմք: Եւ ինքն տէր մեր
ԅիսուս Քրիստոս, և անձ հայր մեր՝ որ սիրեաց զմեզ
և ետ մեզ մխիթարուի յաւիտենից, այս ինքն փոխա-
նակ զոհիցն ժամանակեան՝ որ տուան առաջնոցն և
անցին, իսկ մխիթարուի փոխանակ զոհիցն ՚ի պաշ-
տօն յաւիտենից տայ մեզ: Զի թէպէտ և գալուստն
առաջին խափանեաց զպատարագսն առաջինս, այլ
պատարագն մեր՝ որ նա ինքն է մխիթարութի մեր՝ և
ոչ ՚ի գալստեան անդր երկրորդում խափանի նա. զի
ինքն իսկ գալուստն քան զայն ինչ որպէս իցեն, նա
առաւել ևս առաւելու զնա: Ետ նա մեզ և յոյս բա-
րեաց, զի նովաւ միթիթարեսցէ զսիրտս մեր ՚ի տըրտ-
մութենէ անտի հալածչացն:

ԳԼՈՒԽ Գ

Եւ ինքն զմեզ յաղօթս ձեր, եղբարք. զի բանն
տն ընթանայցէ յընդունելիս իւր, և փառաւոր լինիցի
գործովք աշակերտաց իւրոց յամենայն տեղիս, որ-
պէս և առ ձեզդ իսկ: Եւ զի ապրեսցուք մեք յան-
րէն և յանպատօպարան մարդկանէ, այս ինքն ՚ի
հալածչաց և ՚ի կեղծաւորաց. զի ոչ եթէ ամենեցուն
են հաւատք. թէպէտ և մեք սիրով մերով ամենայն

ուսմբ քարոզել փութամբ . և տէր սրբեսցէ զսիրտըս ձեր 'ի հոգւոցդ յայդցանէ և յամենայն ցանկութեանց սիրովն նյ : Պատուիրեմք ձեզ , եղբարք , որպէս և առաքեալք Գրիստոսի , խորշել ձեզ յամենայն յեղբօրէ՝ որ ստահակս գնայցեն . որպէս և պարտէ նմանել ձեզ մեզ , զի ոչ երբէք ստահակեցաք մեք առ ձեզ , և ոչ ձրի երբէք հաց կերաք մեք յուսմբէ . իբրու զի թէ ոչ ունէաք իշխանութի ինչ այսպիսի՝ զի ջանայաքն և վաստակէաք , այլ զի զանձինս մեր օրինակ արասցուք ձեզ , զի և դուք մեզ նմանող եղիջիք : Արդ եթէ նմանութի իցէ՝ և եղաք , և եթէ բանիւք՝ և ասացաք , և եթէ թղթովք իցէ՝ և առաքեցաք , եթէ որ ոչն կամիցի ոք գործել , և կերիցէ մի : Զի լուաք մեք այժմիկ՝ եթէ ոմանք ստահակութեմ գնան 'ի միջի ձերում , և գործ ինչ ոչ գործեն . այլ զկնի են խորամանկութե և դատարկուէ . այն զի ընկերաց իւրեանց վնաս են , և զանձինս իւրեանց անչափ կորուսանեն : Այնպիսեացն պատուէր մի տամք և աղաչեմք՝ զի հանդարտութե գործեսցեն , և զիւրեանց հաց կերիցեն : Յայսմանէ զի ասաց՝ բայ հանդարտութե գործիցեն , 'ի նմանէ կարծեցան թէ իցեն , զի նոքա քարոզէին վասն աւուրն տեառն մերոյ՝ թէ հասեալ է : Զի՛նչ , ասեն , գործեսցուք , զի եկեալ հասեալ է աւասիկ գալուստն տեառն . հանդերձ այնուիկ՝ զի ինքեանք ոչ գործէին , այլ և զայլս ևս 'ի գործոյ յապաղեցուցանէին :

Այլ դուք , եղբարք , մի ձանձրասջիք զբարիս գործել առ որում արժանին իցէ : Ապա եթէ ոք յայսցանէ ոչ հնազանդեսցի բանիս մերում , նշանակեսջիք զնա , և մի խառնակ լինիջիք , զի նա յամօթ լիցի : Բայց մի իբրեւ զթշնամի համարեսջիք զնա , զի մի զրկեալ լինիցի նա յօգտութե՝ որ տայ նմա ստանալ մերձաւոր օգտակար . այլ իրատեսջիք դուք զնա տրտմալք իբրեւ զեղբայր , իբրեւ զանդամ մի հատեալ ընկեցեալ 'ի կատարեալ մարմնոյ : Այլ ինքն տէր խաղաղութե տացէ ձեզ խաղաղութի յամենայն ժամ յամենայն . այս ինքն զոր միանդամ առէք դուք և առնէք սիրով , եղիցին երկօրին : Եւ քանզի գրեցին նոքա թուղթս յանուն իմ , և ընթերցանա .

ռաջի ձեր, զողջոյնս զայս ձեռին իմոյ Պաւղոսի գրեալ է . և ամենայն թղթոց իմոց զայս նշանակ դնեմես : Եւ արդ այսուհետեւ զամենայն թուղթս զոր բերեն առ ձեզ, և այս նշանակ չիցէ 'ի նոսա, աւելորդք և անպէտք համարեալ լիցին ձեզ :

ԼՈՒ ՀԵՐԻՐԱՅՆՑԻՍ

ԼՍԿԶԲԱՆ իսկ թղթոյս այսորիկ ծուգի և խորն-
դիր անկաւ մեզ՝ գիտել ճանաչել թէ վասն էր
որպէս յամենայն 'ի թուղթս իւր՝ ոչ գրեաց զանուն
իւր Պաւղոս 'ի թղթիս յայսմիկ : Այլ են ոմանք որ
ասեն՝ թէ բնաւ ամենեւին իսկ չէ գրեալ զթուղթս
զայս Պաւղոսի . մի՛ վասն անուան իւրոյ՝ զի չէ գրեալ
'ի սմա , որպէս և յայլ ընկերս իւր . և երկու՝ զի
և ոչ ինքն իսկ տիպք կերպարանաց սորին թղթոյ
նման ինչ է ընկերաց իւրոց : Արդ վասն տպոց կեր-
պարանաց՝ զի նման է Կղեմենտեայ , ասեն թէ Կղե-
մենտեայ է թուղթս այս , և չէ Պաւղոսի : Իսկ այլք
ասեն Պաւղոսի իսկ գրեալ է . և վասն ատելութեան
թշնամուհի Հրէիցն զոր ունէինն առ նա , ծածկեաց
և թագոյց զանուն իւր՝ թէ գուցէ անուն գրեալ 'ի
սկիզբն թղթոյն արգելցէ զնոսա և յընթեռնելոյ , և
զլացեալ զըկեսցին նոքա 'ի մեծ օգտութենէ անտի՝
որ ծածկեալ կայր Հաւանութիւն լցեալ թուղթն :
Սորին իսկ այսոքիկ ասեն՝ թէ Հեբրայեցերէն գրեաց
զնա և ոչ յունարէն . և վասն զի Հան զնա Կղեմեն
տէս 'ի Հեբրայեցւոց անտի 'ի յոյն անգր , 'ի ձեռն
տպոց կերպարանաց բանիցն կարգելոյ՝ Կղեմենտեայ
կարծեցաւ թէ իցէ այս , իբր ոչ էր նորա :

Եթէ վասն էր ոչ գրեաց զանուն իւր 'ի թղթի
աստ՝ ընկերաց իւրեանց Հաւասարեցին , այն որ ա-
սենն՝ թէ վասն թշնամութեն Հեբրայեցւոցն զոր ու-
նէին առ նա՝ ոչ գրեաց նա , այլ ես ասեմ՝ թէ եր-
կու բանիւք զոր գրեաց Պաւղոս 'ի կատարածի թղթիս
այսորիկ , լուծեալ լինին երկոքին կարծիքն՝ որ եղեն
'ի վերայ սկզբան թղթոյս . յայնմիկ՝ զի գրեաց նա՝
թէ գուր ինքնին ճանաչէք զեղբայր ձեր զՏիմոթէոս ,

զի առաքեցի ես զնա զի վաղվաղակի եկեսցէ առ ձեզ .
 և յայնմիկ՝ զի յաւել ևս ասաց միանգամ և երկիցս՝
 և եթէ կանխագոյն եկեսցէ , և ես նովաւ հանդերձ
 վաղվաղակի եկից : Յայտ է եթէ ծանօթից իւրոց ետ
 տանել զնա . և եթէ ծանօթից իւրոց տարեալ է զօս ,
 խնդրեսցուք ՚ի վերայ հասցուք՝ եթէ վասն ոյր թա-
 գոյց զանուն իւր ՚ի նոցանէն , իբր ոչ ՚ի թուղթսն զոր
 գրեաց առ գաղատացիսն և առ կորնթացիս և առ
 քնկերս իւրեանց զոր տեսեալ էր նորա՝ արար զայս ,
 և ոչ ՚ի թուղթսն զոր գրեաց առ հռոմայեցիս և առ
 այլսն զոր ոչ էր տեսեալ նորա զնոսա՝ գործեաց նա
 իբրեւ զայս : Այլ եթէպէտ կարճ ՚ի կարճոյ համառօտ
 ցուցաք մեք՝ եթէ ծանօթից իւրոց ետ տանել զնա ,
 զի դարձեալ յաւելցուք ցուցանել : Լուարուք ՚ի նմին
 իսկ յԱռաքելոյ ՚ի տեառնէ իմմէ ՚ի գրել իւրում առ
 հերբայեցիսն այսպէս . « Յիշեցէք դուք , ասէ , զաւուր
 սրն զառաջինս՝ յորում և մկրտեցայք . յորում բա-
 զում չարչարանաց և ճգնութե համբերէք , մերթ-
 նախատանաց և նեղութե , » . և դարձեալ ասէ . « Եւ
 զյափշտակուի ընչից ձերոց խնդութի ընկալարուք .
 քանզի յուսացեալ գիտէիք դուք՝ եթէ յերկինս մե-
 ծամեծս ևս քան զայն պատրաստեալ է ձեզ , որ կան
 և միան մինչև յաւիտեան , » :

Արդ եթէ հերբայեցուցն որ աշակերտեցանն՝ գր-
 րեաց զնա , և ոչ այնոցիկ՝ որ միտսն դառնութե խա-
 չահանուացն հաստատեալ կային՝ դրոշմեաց նա զա-
 նուն իւր , ՚ի սկզբան թղթոյն որպէս յամենայն հետեւ
 նոսս ընդէր ոչ գրեաց զնա : Գուցէ արդեւք առա-
 քեալքն ցայն վայր անդ էին . և վասն զի նոցա ա-
 ռեալ էր պատուէր վասն առաքելութե թլփատուէ ,
 որպէս և ինքն առ հրաման վասն առաքելութե հե-
 թանոսաց , վասն այսորիկ ոչ կամեցաւ նա սփռել
 զանուն առաքելութե իւրոյ առ այնոսիկ . քանզի
 չէր նա առաքեալ առ նոսա : Քանզի և նոքա իսկ ՚ի
 ճգնութե մեծի կային և ՚ի տագնապ մեծ վասն ա-
 ռեալարանին , զի դժուար և խիստ էր նոցա այն տա-
 քար՝ զի կայր , և պաշտօնն պատարագաց՝ զի յօրի-
 նեալ էր և կարգեալ . և ՚ի նեղութե անտի և յափրշ-
 տակութենէ ընչից իւրեանց զոր համբերէին , փոյթ

յանձին կալաւ Առաքեալ անդոտին 'ի նմին յօրինաց խափանել զքահանայունն և զպատարագս նոցա և զսպաս պաշտաման նոցա, այն զի յայնժամ ըմբռնեալ ունէին, և զանմեղուծի մարդկան տեսեամբ իւրեանց խաբէին : Եւ քանզի գիտէր նա, թէպէտ այլովք իբրեւ զընկերս իւր էր, այլ բանիւք քան զընկերս իւր առաւել էր, թողու զանուն իւր, յղէ ըզվարդապետութիւն իւր : Եւ զի անուամբն զոր թողու, երևեսցի խոնարհութի նորա . և վարդապետութեն զոր յղէ, յայտնեսցի հոգաբարձուի նորա : Դարձեալ քանզի առաջնորդքն հերբայեցւոց կատարեալք էին, բայց հիւանդացան հանդերձ աշակերտօքն իւրեանց . զոր օրինակ և ինքն Պաւղոս իսկ յերթալն իւրումանդր գործեաց զայն . քանզի սրբեցաւ նա և մատոյց պատարագ վասն սրբունէ իւրոյ, որպէս և 'ի Գործս երկոտասան առաքելոցն ցուցանէ :

Ընդ քանզի ետես Պաւղոս եթէ բռնադատեցին զնոսա աշակերտքն զվարդապետն իւրեանց հիւանդանալ ընդ նոսա, թողու նա զվարդապետն կատարեալս, և տայ տանել թուղթ թերի աշակերտացն նոցա : Զոր օրինակ կարօտացաւ երբեմն ինքն Պաւղոս՝ եթէ թուղթ առաքելոցն յերուսաղէմ 'ի ձեռն Յուդայի և Շիլայի՝ հեթանոսացն որ 'ի թլփատելոց անտի պղտորեալ էին՝ առաքեսցի, սոյնպէս և նա գրեաց վասն աշակերտունէ առաքելոցն զայն ինչ զոր ինքեանք առաքեալք յայտնապէս քարոզել և ասել յայնմ աշխարհի երկնչէին . ոչ եթէ 'ի խաչահանուաց անտի երկնչէին, այլ յաշակերտութենէ անտի իւրեանց խղճէին և խիթային թէ գուցէ 'ի խափանել թլփատութեն' և ընկերաց իւրեանց զոր ուսուցանէին նոցա՝ 'ի նորոյ րաւետարանէ անտի օտարասցին նոքա, և լի կատարեալ անդրէն 'ի նոյն օրէնս ամենայն իւրք դարձեալ գտցին : Զի զոր օրինակ իբրեւ եկն Պետրոս յԱնտիոք, թող Պաւղոս զայնոսիկ որ ընդ նմա էին՝ որ ոչ ուղեղն գնային 'ի ճշմարտութի աւետարանին, և դատել զՊետրոս՝ կատարել և ասել, զի Պետրոսիւ լուիցեն այնոքիկ՝ որ ընդ Պետրոսին շրջէին . արդ որպէս խափանեաց նա բանիւք զպահպանութիս օրինացն մինչ դեռ մօտն

էր, կամեցաւ՝ զի և թղթովն իւրով հաճել և հաւա-
նեցուցանել զհեռաստանեայսն՝ որ բացագոյն էին 'ի
տեսլենէ անտի նորա : Զի թերևս յետ աշակերտե-
լոյն նոցա բանին նորա յԱնտիոք՝ մինչ մերձ էր, ա-
ռաքեաց հաճել զայնոսիկ՝ որ ցայնժամ վարդապե-
տացն իւրեանց չէին հնազանդեալ : Արդ թողու նա
զվարդապետան և գրէ առ աշակերտան, զի տալ պա-
տասխանի գտցի առաքելոցն՝ թէ ոչ առ մեզ գրեաց,
թէ զմտաւ ածել կարծիցէք թէ մեք գրեցաք նմա,
զի նա առ մեզ գրեսցէ : Եւ ծածկէ և թագուցանէ
զանուն իւր, մի՛ վասն խոնարհուէ իւրոյ, որպէս ա-
սացի ես. և երկու՝ զի մի անուանեսցէ նա զանձն իւր
Առաքեալ 'ի վերայ հերբայեցւոցն. զի ոչ նոքա նմա
աշակերտեալ էին, և ոչ նա առ նոսա առաքեալ էր :
Արդ զի մի այպն կատականաց արասցեն զնա, և խա-
չահանուքն ևս ասացեն՝ թէ ահա և Շաւուղ ևս
յառաքեալս, թողու նա զանուն իւր, և գրէ յիտա-
ղայ այնոցիկ՝ զի և հրեշտակապետ զՈրդին զտէրն
հրեշտակաց համարէին նոքա. և ասէ 'ի սկիզբն թղթ-
թոյ իւրոյ այսպէս :

ԳԼՈՒԽ Ա

Ի ԲԱԶՈՒՄ նշանս, ասէ, և 'ի բազում արուեստս
խօսեցաւ անձնաբան մարգարէիւք ընդ հարս մեր. այս
ինքն զի պէսպէս փոփոխելի օրինօք խօսեցաւ ընդ
Նոյի, ընդ Աբրահամու և ընդ Մովսէսի և ընդ Ժո-
ղովորեանն որ յանապատի. և 'ի նմանութիս կերպս
կերպս ծերոյ և սկայի և այլոց ևս երևեցաւ նոցա :
Եւ 'ի վախճան ժամանակացս այսոցիկ ոչ նմանութի
և ոչ 'ի ձեռն ծառայից, այլ 'ի ձեռն Որդւոյ իւրոյ
խօսեցաւ ընդ մեզ. զի զնա հաստատեաց ժառանգ-
ամենայնի, այս ինքն վասն մարմնոյ. զի այն որ 'ի նը-
մանէ ամենայն և նովաւ ամենայն, ոչ եթէ հաստա-
տելով հաստատեալ լինէր նա ժառանգ ամենայնի :
Եւ նովաւ, ասէ, արար զաշխարհս ամենայն. այս
ինքն զերկոսին աշխարհս : Եւ նա ինքն է ճաճանչ
լուսոյ փառաց իւրոց. այս զի գործովք Որդւոյ իբրեւ

լուսով երևեցան մեզ առաւելութիւնք փառացն Հօր : Եւ կերպարանք մեծութեց նորա . այս ինքն համամատ մեծութեց նորա : Եւ կազմէ զամենայն զօրութիւն բանիւ իւրով . այս զի զամենայն հեթանոսս հնազանդէ զօրութիւն բանի նորա : Եւ 'ի ձեռն նորա արար սրբութիւն քառութիւն մեղաց . 'ի ձեռն Զուրցն մկրտուէ : Եւ նստաւ ընդ աջմէ փառացն մեծութեցն . վասն մարմնոյ զոր զգեցաւն : Եւ եթէ այնչափ առաւել եղև նա քան զհրեշտակս այսու էին զորս համարեցայս ես , որչափ ևս լաւ ևս քան զնոսա անուն ժառանգեաց : Այն է զոր ասաց . “Ետ նմա անուն , որ լաւ է քան զամենայն անուն , , :

{ } Դ երբեք 'ի հրեշտակաց ասաց . Որդի իմ ես դու : Զի թէպէտ և մարդկան ասացաւ , քանզի վրկայ էր վասն նոցա բնութիւն իւրեանց եթէ ոչ էին նոքա որդիք բնուէ՝ այլ շնորհաց , զի ոչ ումեք 'ի հրեշտակաց ասացաւ՝ թէ ես եղէց նմա Հայր , և նա եղիցի իմ Որդի : Եւ ոչ ումեք 'ի մարդկանէ աւետարանեցաւ՝ թէ երկիր պագգեն նմա հրեշտակք այ . զի թէպէտ և մարդիկ զնկերս իւրեանց հնազանդեցեն , սակայն հրեշտակք զմարդիկ ոչ երբեք հնազանդեցեն : Ոչ եթէ զի հրեշտակք չեն արարեալք . “Արար , ասէ , զհրեշտակս իւր հօգիս և զպաշտօնեայս իւր 'ի հօւր կիզելոյ , , . այլ վասն Որդւոյ իւրոյ այպէս ասէ ձեռք , եթէ “Աթոռ քոյաւիտեանյաւիտենից , , : Նայեաց դու՝ զի մինչ մարմինն էր , ոչ արար զնա աստ արարեալ . ոչ եթէ զի ոչ էր նա արարեալ , այլ թէ գուցէ արարչութիւն զոր առեալ լինի 'ի վերայ մարմնոյն՝ առնուցուն զայն արիանոսք 'ի վերայ բնութեան Որդւոյ : Գաւազան , ասէ , ուղղուէ Յուդայ , գաւազան արքայութե քո . հանդերձ այլովք զոր ասաց Դաւիթ վասն մարմնոյն Քրիստոսի , երկրորդեաց Առաքեալ : Եւ դու , տէր , 'ի սկզբանէ զերկիր հաստատեցեր . երկինք , այս ինքն և հաստատուին՝ որ եղև յետ երկրի , ձեռագործք քո են : Այն զի ասէ . նոքա անցանեն , այլովք հանդերձ , դարձեալ զնոյն զԴաւթայն ասացեալ երկրորդեաց Առաքեալ : Եթէ անցանելով անցանեն և գործք , ապա և դրախտն որ ոչ է անցանելոյ՝ անցանէ : Այլ

ի ձեռն դրախտին որ ոչն անցանէ , յայտ է՝ եթէ նորոգելով նորոգին ընդ մեզ գործք , որպէս ոմանք ասեն . և ոչ եթէ անցանելով անցանեն , որպէս և այլքն ասեն : Յո՞ , ասէ , ի հրեշտակաց ասաց՝ եթէ նիստ ընդ աջմէ իմմէ մինչև եդից զթշնամիս քո ի ներքոյ օտից քոց : Թէպէտ , ասէ , հոգիք են նոքա , սակայն հարկաւորք են , որ առաքին ի կատարածի ի սպաս պաշտաման վամն այնոցիկ՝ որ պատրաստեալն են ժառանգել զկեանս փրկութեան :

ԳԼՈՒԽ Բ

ԱՍԻ այսորիկ պարտ է առաւել ևս ունկնդիր լինել մեզ բանիցն զոր լուաք յՈրդւոյ , զի մի նուազեցուք և մեք ևս որպէս և առաջին ժողովուրդն : Զի եթէ բանն որ խօսեցաւ ի Սողոմ՝ ի ձեռն հրեշտակին՝ ընկալան զպատիժս պատուհասից իւրեանց որ ոչն կամեցան ունկնդիր լինել , մեք ուստի կարաւցուք պարհել , եթէ հեղգացեալ գտցուք յայնպիսի ի կենաց անտի նորոց՝ որ ինքեանք իսկ սկիզբն արարին ի տեառնէ անտի հրեշտակաց խօսել ընդ մեզ , և հաստատեցին մեզ զայս՝ որք լուան ի նմանէ . այս ինքն են առաքեալքն : Եւ վամն նոցին առաքելոց հաստատէ ինքն Որդի ի ձեռն զօրութեց և նշանաց՝ որ գործին ի ձեռն նոցա հանդերձ Հոգւովն սրբով , որ բաշխեաց և ետ նոցա ի մասունս մասունս . այս ինքն ի ձեռն լեզուացն և թարգմանութե լեզուացն և մարգարէութե , հանդերձ այլովքն պարգևովք՝ որ տուան նոցա ի ձեռն Հոգւոյն : Զի ոչ եթէ հրեշտակաց երբեք հնազանդեցոյց զայն աշխարհ որ հանդերձեալն է՝ վամն որոյ և մեքս խօսիմք , այս ինքն քարոզեմք մեք . այլ Որդւոյ , որպէս և Դաւիթ վկայեաց վամն նորա և ասաց՝ եթէ “Զի՞նչ է մարդ՝ որ յայց ելեր նորա , և խոնարհ արարեր զնա փոքր մի քան զհրեշտակս ,” : Արդ ի միտ առ դու՝ եթէ մարմնոյ հնազանդեցոյց զաշխարհն և ոչ թէ Որդւոյ , յայնմիկ ասէ զի զամենայն ինչ հնազանդ արար նմա , որպէս և ասաց Դաւիթ : Արդ ի հնազանդեցու-

ցանկէ անդ զամենայն՝ ոչ ինչ թողաւ ՚ի մէջ եթէ ոչ հնազանդեցաւ նմա : Բայց այժմիկ ոչ ևս տեսանեմք եթէ հնազանդեալ է նմա զամենայն . զայս վասն կռապաշտից և խաչահանուաց ասաց :

Եւ յլժիառօք և պատուով զոր ասաց Դաւիթ՝ եթէ պսակեաց , վասն զի անձ վասն ամենայն մարդկան ըզմահ ճաշակեաց . քանզի չէր ինչ հնար մեռանել անմահ բնուէն , մարմնովն որով մեռաւ իբրեւ այն թէ նա մեռաւ , իբր ոչ մեռաւ : Արդ զի ոչ մեռաւ նա բնութք , զգեցաւ նա անուամբ զմահ վր սիրոյ մերոյ : Զի վր բնութե իւրոյ բարձրագոյն էր քան զմահ , մահ մեր ձենալ ՚ի նա ոչ կարէր . զի վայել էր իսկ նմա որով ամենայն ինչ եղև , և ՚ի ձեռն նորա ամենայն ինչ հաստատեցաւ՝ զի նորա եղիցին յետ յարուէն որդիք բազումք ՚ի փառս , այս ինքն յարքայութեն . և նա եղիցի առաջնորդ կենաց նոցա յետ կենդանութեն յարութե . և զի չարչարանօք իւրովք կատարեալս արասցէ զնոսա . զի ոչ յաւիտենից կան մնան նոքա ՚ի կաթն օրինաց : Զի այն որ սրբէրն զնոսա և սրբէին ՚ի նմանէ , ՚ի միովէ երկրաւոր բնութենէն : Վասն այսորիկ ոչ ինչ ամօթ համարեցաւ եղբարս կոչել ըզնոսա . զի հարազատեցաւ նա նոցա ՚ի ձեռն մարմնոյն զոր առ ՚ի նոցանէ : Բայց մի օտարասցի ձեզ այս , քանզի յառաջագոյն կանխեալ և ասացեալ մարդարէին վասն այսր ևս . « Պատմեցից , ասէ , զանուն քո եղբարց իմոց , և ՚ի մէջ եկեղեցւոյ օրհնեցից զքեզ » : Դարձեալ ասէ Եսայի . « Ահա աւասիկ ես և մանկունք իմ զոր ետ ինձ անձ » :

Իսկ որովհետև մանկունք կոչեալք աւետեօք հաւասարեցին մարմնոյն և արեան , այս ինքն ՚ի մեղս՝ որ առակեալ են ՚ի մարմին , ինքն իսկ մասն կալաւ ՚ի նմին չարչարանաց ըստ նմանութե առ մարմին , և խառնեցաւ ընդ նոսա , զի եղիցի նա նոցա օրինակ բարեաց . և ապա ետ զանձն իւր ՚ի մահ , զի մահուն իւրով խափանեսցէ զայն՝ որ կրէր զիշխանութի մահու յանձին իւրում . այս ինքն է սատանայ , այն որ ՚ի պատճառս կերակրոյն պտղոյ մոյծ մահ յարարածս : Արդ մեռաւ նա , զի թափեսցէ մահուն իւրով զայնոսիկ՝ զի երկիրն մահու որ ՚ի վերայ նոցա թաքաւաւ

րեալ էր, և յամենայն կեանս իւրեանց 'ի ծառայու-
թիւն մահու յաւիտենից վտարանդի էին: Արդ ոչ
եթէ 'ի հրեշտակաց առնուք դուք զայս դեղ կենաց՝
որ կեցուցանէ զձեզ, այլ 'ի զաւակէ անտի Աբրա-
համու, այն որ ասացաւն նմա. ասէ. «Ի զաւակէ
քուսմէ օրհնեսցին ամենայն հեթանոսք»: Վասն
այսորիկ պարտ իսկ էր նմա ամենայնիւ նմանել եղ-
բարց իւրոց որդւոցն Աբրահամու. այս ինքն զի ե-
ղիցի նա ողորմած որպէս Մովսէսն, այն որ օրինա-
կաւ նորին Որդւոյ մատնեաց զանձն իւր փոխանակ
որդւոց ժողովրդեան իւրոյ. և զի եղիցի հաւատա-
րիմ, և ապրեցուցէ զամենայն հեթանոսս 'ի մա-
հուանէ որպէս Ահարոն, զի արգել 'ի ձեռն խորհրդ-
դեանն նորա զմահ յորդւոց անտի ազգատոհմի իւրոյ
բուրուառաւն զոր առ նա և կաց առաջի մահու:
Քահանայապետ՝ զի կոչեաց զնա, ոչ վասն այնոցիկ՝
որ 'ի ձեռն զօհիցն դառնան մեզ, որպէս և 'ի ձեռն
եղիազարու, այլ վասն այնոցիկ՝ որ յայն հոգեպէս
տուեալ լինին մեզ. այս ինքն զի եղիցի նա քաւիչ 'ի
ձեռն մկրտութեն, և ոչ 'ի ձեռն սրսկելոյն: Զի որով
ինքն զի յանձն առ զչարչարանն և զփորձանս, այս
ինքն 'ի ձեռն բնակցին մերոյ՝ որ փորձեցաւն նովաւ,
նովաւ օգնական լինի 'ի տկարութե չարչարելոցն որ
փորձինն. իբրու գիտէր նա 'ի տկարութենէ անտի
մարմնոյ, իբրու այն թէ այժմ աւելի գիտաց նա՝
յորմէ հետէ առ նա զմարմինն:

ԳԼՈՒԽ Գ

ԼՅՍՈՒՀԵՑԵԻ, եղբարք սուրբք, սիրելիք, բաժա-
նորդք կոչմանն, ոչ օրինացն որ տուան 'ի լեառն Սի-
նէ, այլ կոչմանն երկնաւորի, այս ինքն աւետեացն
որ յերկնից տուան Աբրահամու, հայեցարուք ընդ
Աւաքեալն, ընդ քահանայապետն խոստովանութե
մերոյ. այս ինքն 'ի ձեռն նորա մատչի խոստովանու-
թի մեր, որպէս և 'ի ձեռն քահանայապետի: Եւ նա
ինքն Յիսուս Քրիստոս, և հաւատարիմ եղև այնմիկ՝
որ արարն զնա. քահանայապետ ոչ 'ի սրբութի, այլ

'ի վերայ ամենայնի՝ որ իցէ յերկինս և յերկրի . որպէս հաւատարիմ է Մովսէս յամենայն 'ի մտանէն 'ի նքս սրբոցն 'ի ներքինն : Այլ ոչ վստն զի ասացի՝ բամ որպէս Մովսէսն , կարծիցէք թէ իբր զՄովսէս է նա . առաւել են փառքս այսր քահանայապետի քան ըզՄովսէսի , որչափ առաւել պատիւ ունիցի քան զտուն տանն առնելի : Սոյնպէս առաւել պատիւ է տեառնն և Որդւոյ քան Մովսէսի ծառայի . զի ամենայն տուն որ լինի , 'ի մարդոյ լինի . իսկ այն որ զՄովսէսն աւրար և զամենայն ինչ կատարեաց , անձ է : Այլ Մովսէս թէպէտ և հաւատարիմ եղև , իբրև պաշտօնեայ մի սպասաւոր հաւատարիմ եղև 'ի վերայ տանն ամենայնի . զի եղիցի նա 'ի վկայութի բանիցս ասացելոցս յայսմ վայրի : Այլ քո ոչ իբրև զՄովսէս ծառայ հաւատարիմ է . այլ իբրև Որդի հաւատարիմ եղև , ոչ 'ի վերայ ներքին խորանին , այլ 'ի վերայ հռչակոց մարդկան . զի մեք իսկ եմք տուն նորա : Բայց միայն թէ 'ի համարձակուի նորա հաստատուն կացցուք և ոչ ամաչեսցուք պարծանօքն յուսոյ նորա . զի այն ինչ չարչարանքն նորա : Այլ մի օտար թուեսցի ձեզ և այս , զի և վստն այսր ևս ասաց Հոգին . “Այսօր թէ ձայնի նորա լուիցէք , մի խտացուցանէք ըզսիրտս ձեր 'ի բարկացուցանել զնա . որպէս փորձեցան հարքն ձեր յանապատի , ” 'ի ժամանակի իբրև դարձան լրտեսքն 'ի դիտելոյ անտի զերկիրն . և “Երդուայ՝ թէ մի մոցեն 'ի հանգիստ իմ , ” :

Երդ տեսէք զգոյշ կացէք , գուցէ երբէք զտանիցի յումեք 'ի ձենջ սիրտ չար իբրև 'ի նոսայն՝ որ ոչն միտին . և ապտամբ լինիջիք դուք թերահաւատութի ձերով յայ կենդանւոյ : Այլ մի թարեցէք զսիրտս ձեր զամենայն աւուրս կենաց ձերոց , զի մի խտանայցէք և անկանիցիք 'ի պատրանս խաբէութե մեղաց մարմնոյ ձերոյ : Զի բաժանակից եղեաք մեք քո 'ի սկզբանէ 'ի ձեռն կոյմանն . բայց միայն կացցուք մնացուք հաստատուէք մինչ 'ի վախճան ժամանակի յուխտիս յայսմիկ ճմարտի . այն զի ամենայն ուխտք որ կացին և մնացին , զսոյն իսկ զայս խորհրդովք և օրինակօք քարոզէին : “Մի , ասէ , խտացուցանէք զսիրտս ձեր , ” : Եւ ո՞ր իցեն նոքա . այլ ոչ եթէ ամենե-

քին որ ելին յերկրէն եգիպտացւոց . զի մտին ոմանք 'ի նոցանէն , այս ինքն Յիսոս և Քաղեբ : Եւ յոյր վերայ դարձեալ յաւել և բարկացաւ զքառասուն ամսայլ 'ի վերայ այնոցիկ՝ որ ոչն հաւատացին Քաղեբայ և Յիսոսի , և ամպարշտեցան երկրպագութեամբ որթուն և այլովք բազմօք , և անկան ոսկերք նոցա յանապատի : Կամ ում երդուաւ՝ թէ մի մտցեն 'ի հանգիստ իւր . այնոցիկ՝ որք ոչն կամեցան անսալ Մովսէսի և Ահարոնի և Յիսոսի և Քաղեբայ , որ աղաչեցինն զնոսա : Եւ արդէն իսկ տեսանեմք մեք , զի ոչ կարացին մտանել յերկիրն զոր խոստացեալ էր նոցա . ոչ եթէ վն գործոց իւրեանց չարաց՝ իբրու չարք իսկ էին , այլ վն զի ոչ հաւատացին նոքա բանին այ :

ԳԼՈՒԽ Դ

ԼՐԴ և մեք երկիցուք , գուցէ գտանիցի որ 'ի մեզ կարօտեալ . և յարհամարհել անդ մերում չմտանիցեմք 'ի հանգիստն , ոչ յայն երկիրն պարգեւաց , այլ 'ի ճշմարիտ հանգիստն այ . զինա ինքն է արքայութի երկնից : Եւ մեք ընկալաք զաւետիսն մտանել 'ի ձեռն հաւատոցն և հոգեղէն զնացիւք յարքայութի . որպէս և նոքայն առին հրաման 'ի ձեռն օրինացն՝ թէ որով իւրեք կարասցեն ժառանգել նոքա զայն երկիր պարգեւաց : Այլ նոցա ոչ ինչ օգնեաց բանն օրինաց զոր լուան . քանզի չէր նա ամոքեալ 'ի հաւատոն լսողաց նոցա : Այլ մեք մտանեմք 'ի հանգիստ անդր հաւատացեալքս՝ որք հաւատացաք 'ի Քս և պարգեւաց նորա : Այլ նոքա ոչ մտին 'ի հանգիստ անդր ըստ երդմանն որ եղև 'ի ձեռն Դաւթայ՝ եթէ "երդուայ ես բարկութեամբ իմով՝ թէ մի մտցեն 'ի հանգիստ իմ" : Արդ եթէ շաքաթ հանգստեան է , այն որ աւետարանեցաւն յաւուրն եւթներորդի , և կատարեցան 'ի նմա գործք , ասաց՝ բայ "Հանգոյց նծ յաւուրն եւթներորդի զգործս ամենայն" : Արդ եթէ ոչ հանգեան հեբրայեցիքն՝ որպէս և գործք՝ յաւուրն եւթներորդի , յայտ եղև թէ վասն նոցա ասաց՝ թէ "Մի մտցեն 'ի հանգիստ իմ" : Այլ Ա

աւարեալ զշաբաթն հանգստեան օրինակ արար հանգստեան ճշմարտի՝ որ յաւիտենից է : Վասն այսօրիկ ասաց՝ բայ գոյ տեղի ոմանց մտանել անդր, ոչ յայն օրինակին՝ որ անցն, այլ յայս 'ի ճշմարիտս՝ որ աւետարանեցան հերթայեցիք յօրինակ սորա և ոչ մօին, քանզի ոչ հաւատացին : Եթէ ոչ զի երկու շաբաթ էին, այս ինքն մի օրինակ, ճշմարիտ՝ որպէս և ասացի, դարձեալ և ընդէր այլ օր յայտ առնէ զայսօրն 'ի բերան Դաւթի յետ այսչափ ժամանակաց տուելոյ շաբաթուն առաջնոյ և ասէ . « Այսօր եթէ ձայնի նորա լուիցէք, մի խտացուցանէք զսիրտս ձեր իբրև զայնօրիկ՝ որ յանապատին սատակեցան և ոչ մօին 'ի հանգիստն նորա , : Զի եթէ զետեղեալ և հանգուցեալ էր զնոսա Յիշովայ որդւոյ՝ Նաւեայ, որ ժառանգեցոյց նոցա զերկիրն, այլ ևս վասն այլոյ յաւուրն հանգստեան ինչ ոչ խօսէր : Եւ ահա հանգոյց զնոսա Յիսու, զի ժառանգեցոյց նոցա զերկիրն . այլ ոչ հանգեան 'ի նմա լի բովանդակ, որպէս անձն զի հանգեաւ 'ի գործոց անտի իւրոց լի կատարեալ . զի 'ի մէջ աշխատութե մեծի և պատերազմաց անկեալ կային : Ապա եթէ այն հանգիստ չէր հանգիստ, զի պատերազմօքն և զԽուռ ևս զհանգստարարն նոցա աշխատ առնէր, ապա եթէ այդ այդպէս իցէ՝ կայ ևս պարհի շաբաթն այ, այն որ հանգուցանէ զայնօրիկ՝ որ մտանեն 'ի նա, որպէս հանգեաւ ինքն անձ յիւրոց անտի՝ այս ինքն յամգործոց իւրոց զոր արար : Եւ մեք փութասցուք մտանել 'ի հանգիստ յայն, զի մի 'ի նմին զօրինակի անհնազանդուէ և 'ի թերահաւատութե գացի, և ոչ մտանիցեմք ըստ նմանութե դարուն՝ որ ելեալ էին յերկրէն եգիւպտացաց . զի հետեցին յամառեցին և ոչ մօին 'ի շաբաթանդր օրինակաւ՝ որ կենդանի էր բանն այ, որ խոտացաւ զշաբաթն ճշմարիտ : Եւ այսպէս դարձեալ սուր և հատու է վրէժխնդրութեն իւրով խնդրել պարհանջել զամենայն որ միանգամ պաշտի 'ի միտս և 'ի խորհուրդս սրտի : Եւ չիք ինչ արարածք աներկոյթք՝ որ ծածկին 'ի նմանէ . զի մերկապարանոց կալոց են առաջի նորա 'ի ժամու անդ դատատարանին ամենայն ծածկեալք :

Լ՛րդ ունիմք մեք քահանայապետ մի զՅիսուս Քրիստոս զՈրդի նյ, որ չէ ինչ մարթ՝ թէ ոչ չարչարիցի նա վասն տկարութեո մերոյ, յորժամ փորձիմք մեք այսուհի. այս ինքն յորժամ պինտ ունիցիմք մեք զխոստովանութի նորա և ոչ շարժիցիմք. փորձեալ է նա ամենայն չարչարանօք մարմնոյն ՚ի ձեռն մարմնոյ զոր առ : Արդ նմանեցուք նմա, զի եղիցուք առանց մեղաց ըստ նմանութե նորա. որպէս զի մատիցուք մեք համարձակութե առաջի աթոռոյ շնորհաց նորա, այս ինքն ՚ի ժամու անդ հաստուցման : Առցուք ՚ի նմանէն և զողորմութի, այս ինքն ինդրուածովք. զի եղիցին նոքա ընդ մեզ ՚ի ժամ մարտի մերոյ ընդ սատանայի :

ԳԼՈՒԽ Ե

Եւ յետ ասելոյ վասն շաքաթուն օրինակի, առ նա դարձեալ ցուցանել՝ եթէ և քահանայք ժողովրդ դեանն ՚ի ձեռն օրինակի Որդւոյ հաստատեալ կային : Զի ամենայն քահանայապետք, ասէ, որ ՚ի մարդկանէ կացեալ լինին՝ այս ինքն ընտրեն և օծանեն զնա, վասն մարդկան գլուխ կան նոքա առ անձ. զի ՚ի ձեռն նոցա եկեսցէ նոցա այն ինչ՝ որ յնյ տուեալ լինի նոցա. և զի մատուցեն առաջի նյ և զուխտս և զպատարագս՝ որ վասն մեղացն նոցա մատուցանէին : Եւ սակաւ ինչ ըստ իւրում տկարութե ցաւէր նմա վասն մեղաց, քանզի և նոյն ինքն զմարմին մեղաց զգեցեալ էր : Եւ կարօտ էր նա, որպէս և ժողովուրդն, զի մատուցէ նա պատարագ վասն անձին իւրոյ և մեղաց իւրոց : Այլ ոչ եթէ յափշտակութե ինչ առ նա զքահանայապետութի. այլ որպէս Ահարոն ՚ի ձեռն գաւազանին որ ծաղկեցաւ՝ ընտրեաց զնա անձ, սոյնպէս և Քրիստոս ոչ ընտրեաց զայս, այլ Դաւիթ կահնիսեաց յառաջագոյն և ասաց՝ եթէ «Որդի իմ ես դու, ես այսօր ծնայ զքեզ», և դարձեալ ասէ. «Դու ես քահանայ յաւիտեան ըստ նմանութե Մեղքիսեդեկի», : Եւ մինչ դեռ զմարմինն զգեցեալ էր՝ յաւուրս մարմնոյ իւրոյ, և հաս գիշերն յորում մատնեալ լինէր, աղօթս և պաղատանս արտասուօք և

ուժգին խնդրուածովք մատուցանէր՝ առաջին՝ որ կարողն էր փրկել 'ի մահուանէ, և ընդունելի եղև նա աղօթիւք իւրովք, զի արդեւ եղև ընդունելի՝ եթէ 'ի մահուանէ խնդրէր նա ապրել, զի ահա ոչ ապրեցաւ. կամք Հօրն իւրոյ զի կատարեցին 'ի նմա՝ կամէր նա: Սովին իսկ այսուիկ յայտ եղև՝ Թէ Որդի է նա նոյ, զի զանձն իւր փոխանակ արարածոց վասն հանգստեան առաքելի իւրոյ տայր նա. և յայտնի եղև հնազանդութի նորա 'ի ձեռաց այնոցիկ՝ ուստի չարչարեցաւն 'ի նոցանէ: Արդ եթէ խաչահանուքն նորա են վկայք ընդունելութե նորա, եթէ այդ այդպէս է, մեռանել խնդրէր նա, և զի կամք Հօր իւրոյ եղիցին՝ աղաչէր նա:

Եւ Եթա դարձեալ ուժգին խնդրուածովք, զի մատոյց նա այնմիկ՝ որ կարող էրն փրկել զնա 'ի մահուանէ, ոչ եթէ զի ապրեցի նա 'ի մահուանէ՝ խնդրէր նա յայն որ եկն 'ի մահ, և ոչ զի կենդանացի նա յետ մահուան իւրոյ՝ աղաչէր նա, զի և այս յառաջագոյն իսկ խոստացեալ էր նմա. այլ վասն խաչահանուցն իւրոց, զի մի մեռցին 'ի նա՝ աղաչէր նա: Եւ ընդունելի եղև նա աղօթիւք իւրովք. զի բացաւ դուռն, զի կեցցեն 'ի նա խաչահանուքն նորա: Եւ տին որ զայս արար, այս ինքն այսպիսի խոնարհութի և 'ի չարչարանս խոնարհեցաւ նա վասն սպանողաց իւրոց, Որդի է նա նոյ. և յայտնի եղև ընդունելութի նորա 'ի ձեռանէ այնոցիկ՝ ուստի չարչարեցաւն նա: Այս զի ոմանք 'ի սպանողաց անտի նորա դարձան, և ապաշխարութիւն իւրեանց եղին աւետարանիւք յարութե նորա: Զի Թերևս և յանձն իւր իսկ հայէր Աւաքեալ մինչդեռ նա զայս 'ի վերայ ընկերաց իւրոց ասէր: Եւ այսպէս, ասէ, կատարեցաւ. այս ինքն այսու ամենայնիւ հնազանդութե կատարեցաւ, և եղև նա մեզ կենսատու յաւիտենից փոխանակ Ագամայ՝ որ եղև մեզ անհնազանդութիւն իւրով մահատու: Այլ ոչ եթէ որպէս Թագաւորեաց մահն Ագամայ 'ի վերայ այնոցիկ՝ որ ոչն յանցեան, այսպէս Թագաւորեն կեանք բանի 'ի վերայ այնոցիկ՝ որ ոչն ար-

դարանան . զի թէպէտ և տուի իցէ նա կենաց , այնոցիկ տայ՝ որ հնազանդինն , և ոչ եթէ այնոցիկ՝ որ ապստամբինն ՚ի նմանէ : Այլ անուանեցաւ նա քահանայապետ , ոչ եթէ ՚ի մարդկանէ , այլ յայ . այլ ոչ եթէ ըստ նմանութեան Ահարոնի անուանեցաւ նա , այլ ըստ նմանութեան Մեղքիսեդեկի :

Բազում բանք են մեզ վասն բանին Մեղքիսեդեկայ ցուցանել ձեզ . ոչ վասն դժուարապատմութեան , և ոչ առ ոչ հասանելոյ , այլ վասն խօթամիտ լինելոյ լսելեաց ձերոց : Փոխանակ զի պարտ և պատշաճ էր թէ վարդապետք էիք վասն հնութեան ժամանակիս , և պիտոյ եղև ձեզ ՚ի ժամանակ կատարման ձերոյ իբրև տղայոց ՚ի վերստին ուսուցանել թէ զինչ է սկիզբն բանին այ . և եղերուք դուք տղայք , զի պիտոյ է ձեզ կաթն ՚ի ժամանակի հաստատուն կերակրոյ : Զի առ մենայն որում կաթն պիտոյ է ՚ի կերակուր , այս ինքն որոյ յոյս ապաստանի իւրոյ յաւետին երկրաւորս օրինացն է , այնպիսին տգէտ է բանիցն արդարութեան , այս ինքն խաչելուէ մարմնոց մերոց , որ նովաւ քարոզի արդարութիւնն այ : Այլ կատարելոցն է հաստատուն կերակուր . այս ինքն չարչարանքն՝ որ գրեալ են ՚ի նոր աւետարան , այն որ վասն նոցա իսկ է առ սացեալ թէ «Պատրաստեցէք տեառն այ ժողովուրդ կատարեալ» : Որոց վասն չափոյն հաւատոյ ճաշակելիքն կիրթ են . այս ինքն յանձանց իւրեանց , և ոչ յօրինաց անտի ընտրեն ՚ի մէջ բարւոյն և չարի :

ԳԼՈՒԽ Զ

ԲԱՆԶԻ Թողէք դուք զբան առաջին Գրիստոսի , այն որ իբրև զկաթն ընկալարուք զնա : Քանզի ցարդ ևս ոչ եղև ձեզ հաճոյ կատարեալ լինել ՚ի նմա , զի ոչ արգելայք դուք յօրինաւորաց անտի . քանզի և զվարդապետսն իսկ ձեր բռնադատեաց հիւանդունին տկարուն ձերոյ հիւանդանալ նոցա ընդ ձեզ : Արդեկայք և այժմիկ ՚ի կատարեալ հաստատուն անդր հասցուք՝ որ քարոզի ՚ի նորում անդ : Քանզի ոչ կարեմք մեք այլ հիմն արկանել ձեզ վերստին խորհրդոց՝

որ կատարեցան, և օրինակաց՝ որ սպառեցան. զի ոչ եթէ այլ խաչելութի կայցէ՝ որով քաւեսջիք նովաւ ՚ի մեռելոտուոյ գործոյ անտի մեղաց, այն որ քաւեցայք մկրտութի ջուրքն : Ոչ այսուհետեւ դարձեալ պիտոյ է ձեզ քարոզել զհաւատան զորս միանգամն քարոզեցաք ձեզ, և ոչ իջանել ՚ի մկրտութիւն անդր զոր միանգամն առէք, և ոչ ՚ի ձեռնադրութի քահանայից զոր ընկալայք, և ոչ զի քարոզեցից ձեզ յարութի կամ կեանք յաւիտենից՝ այն որ քարոզեցան իսկ ձեզ : Եթէ համարձակեսցէ, արասցուք զայս երկրորդում. այլ ոչ համարձակէ հիւանդանալ, և կատարել այսոքիմք : Քանզի անհնարին է որ միանգամ մկրտեցան և ճաշակեցին ՚ի պարգեաց անտի երկնաւորին դեղովն կենաց զոր առին և ժառանգակիցք եղին Հոգւոյն սրբոյ ՚ի ձեռն պարգեաց Հոգւոյն զոր առին, և զգեղեցիկ բանին նոյ ճաշակս ճաշակեցան զաւետարանին նորոյ, և ՚ի ջօրութի հանդերձեալ ժամանակացն վառեցան, այս ինքն աւետիքն պատրաստեալք արդարոցն, և արդ կործանեցին ևս միւսանգամ, վերստին նորոգեսցին ՚ի ձեռն այլոյ մկրտութե յապաշխարութի. զի այնոքիկ՝ որ զերկուս մկրտութիւնս բերեն, զխաչելութի Որդւոյ նոյ և զխայտառականս նորա ինդրեն : Այլ խաչելութի եղև միանգամ, և այլ ոչ ևս լինի. և մկրտութիւն արդարացուցիչ տուաւ, և դարձեալ երկրորդում մեղաւորի նա ոչ լինի տուեալ :

Ի՞՞՞նչ նա առակ օրինակի բանին իւրում և ասէ, թէ զոր օրինակ անձրև՝ զի մի է առ երկիր գործուն և առ անգործ. զի որ գործեալն է, բերէ արդիւն շայեկան արդիւնարարաց, և ընդունի յետ արդեանն և օրհնութի. իսկ այն որ անգործն է, բերէ փուշ և տատասկ այնոցիկ՝ որ վասն նոցայն խոտի նա և անիծանի, և լինի վախճան կատարածի նորա յայրումն : Այսպէս են և այնոքիկ՝ որ ընկալան զքաւութի մկրտութեն, և առին զմարմինն կենդանի. և եթէ կան և մնան յայն ինչ զոր առին՝ ընդունին ջօրհնութի. այս ինքն զպարգևս աւետեացն : Իսկ այնոքիկ՝ որ յետ քաւութե իւրեանց և բաժանակից լինելոյ իւրեանց ընդ Հոգւոյն սրբոյ՝ թաթաւին ՚ի գործս չարութե,

այն որ առակեալն են 'ի փուռ և 'ի տառասկ', քանզի չիք այլ մկրտութի երկրորդ՝ որ քաւէ զնոսա, լինի վախճան կատարածի նոցա այրումն :

Օհնի այսր զի ասաց Աւագեալ և երկեցոյց զնոսա՝ զի մի մեղիցեն և կարօտասցին քաւութիւն, շրջեցաւ դարձեալ և քաջալերեաց զնոսա : Զի եթէ այլ մկրտութի քաւիչ չիք ձեր, գործքն ձեր և սէրն ձեր մկրտութի մշտնջենաւոր են ձեզ : Թեպէտ և այսպէս, ասէ, խօսիմք և փակեմք մեք զգուռն ողորմութե ընդդէմ արդարոց՝ զի մի մեղիցեն, սակայն ապաշխարողաց բաց կայ դուռն ողորմութե : Զի ոչ եթէ անիրաւ ինչ է անձ մոռանալ զգործս ձեր : այս ինքն զտուրս ձեր և սէրն ձեր զոր ունիք դուք առ սուրբն աղքատս՝ որ յերուսաղէմ : Այլ այսպէս կամիմք մեք՝ թէ իւրաքանչիւր ցուցցէ 'ի ձէնը զփոյթ յօժարուէ իւրոյ առաջի ընկերաց իւրոց : ոչ զի երեւեսցի նա ընկերաց, այլ զի քարոզեսցի քաջալերութիւն ձեր : զի վասն կատարեալ յուսոյն ահն ունիք դուք : Եւ մինչ 'ի վախճան մի հիւանդք երեւեալիք մտօք ձերովք 'ի մեղանչել վասն երկայն ժամանակի : այլ եղիջիք դուք նմանողք հարցն առաջնոց, այնոքիկ՝ որ հաւատովքն գործեցին, ոչ ունէին նոքա օրէնս քարոզիչս հանդերձելոցն առ յապա : և նոքա իսկ ընտրեցին զայն 'ի մտաց իւրեանց : և երկայնմտութե՝ որ մեծ էր քան զձերս, եղեն նոքա ժառանգաւորք այսր աւետեաց՝ որ ձեզս խոստացեալ է : Երկայնմտութիւն ձեր եւթանասուն ամի է կամութսուն : իսկ նոցայն հարիւր և ութսուն ամի է : Զի Աբրահամու յորժամ խոստացաւ անձ, քանզի այլ ոչ ինչ ևս գոյր մեծ երդնուէ նմա, երդուաւ յանձն իւր վասն պատարադին Աբրահամու և ասէ . « Զանձն իմ երդուայ, ասէ տէր, եթէ օրհնելով օրհնեցից զանգաւակուիդ քո, և բազմացուցանելով բազմացուցից զմիանձնութիդ քո », Եւ այսպէս երկայնամիտ եղև նա զհարիւր ամ, և հաս աւետեացն իւրոց : Այլ որպէս մարդիկ որ ինչ 'ի վեր է քան զինքեանս՝ յայն երդնուն վասն աւմենայն հակառակուէ, խոնարհեցաւ և անձ, երդուաւ նոցա յանձն իւր : Եւ վասն այսորիկ հաստատուն երդումն սովին իսկ այսու ճշմարիտ երդմամբս կամե-

ցաւ անձ ցուցանել ժառանգաւորաց աւետեաց՝ թէ աւետիքն նորա վասն երդման նորա ոչ փոխին : Եւ անսուտ երդումն նորա եղև 'ի միջնորդութի, այս ինքն 'ի մէջ ան և հրեշտակին և Աբրահամու : Այլ երկու անշարժ իրօք անհնարին լիցի ստուծի լինել յայ . մի այս է զոր երդուաւն յանձն իւր, և երկու այն է զոր ասաց Դաւիթ՝ եթէ «Երդուաւ տէր և ոչ զեղջասցի՝ եթէ դու ես քահանայ յաւիտեան ըստ նմանութե Մեղքիսեդեկի», : Եւ 'ի մեզ որ եղեալ ժառանգակիցք այսր աւետեաց, մխիթարութի հաստատութի եղիցի մեզ, որք ապաստանն եղեալ ամբանալ ոչ յարդարութիւն ան, որպէս և ոչ առաջինքն, այլ ամրացեալ լիցուք մեք յողորմութի անդր նորա, և զգուշութի հաստատեալ կացցուք 'ի նա . զի կորզեսցէ և հանցէ 'ի միջոյ չարեաց աշխարհիս այսորիկ, և հորդեսցէ մեզ ճանապարհ 'ի ներքին կողմն վարագուրին . ոչ 'ի սուրբս սրբոցն՝ ուր Մովսէսն մտանէր, այլ 'ի ներքին կողմն վարագուրին, յերկինս՝ որ յառաջին թաց կայ կարապետն մեր՝ պնտեցաւ և մուտ Յիսուս Քրիստոս, և եղև քահանայ յաւիտենից . ոչ զի մատուցէ նա զոհս պատարագաց որպէս Ահաբոն, այլ զի մատուցէ զաղօթս ամենայն հեթանոսաց որպէս և Մեղքիսեդեկին :

ԳԼՈՒԽ Է

ՔԱՆԶԻ Է թարգմանութի անուան Մեղքիսեդեկի՝ թագաւոր արդարութե և թագաւոր խաղաղութե : Յուցանելով ցոյց Առաքեալ՝ զի և 'ի նոյն յանուն նորա խորհուրդ շնորհացն և արդարութեն Որդւոյ՝ տեառնն Մեղքիսեդեկի՝ դրոշմեալ էին : Բայց այս Մեղքիսեդեկս Շեմորդի 'նոյի էր, ասեն . և զի յաւուրս Աբրահամու և Սահակայ և Յակովբայ էր նա, ասեն, ահա գիրք ծննդոց ցուցանեն . և զի 'ի ժառանգութե իւրում բնակեալ էր 'ի Շաղիմ, յայտ է 'ի բաժանից անտի տօհմիցն այնոցիկ՝ որ ժառանգեցին զերկիրն տանն Բամայ : Իսկ անհայր և անմայր և անազգ՝ ոչ եթէ ինքնին գլխովին Մեղքի

սեղեկ, այլ անուն Մեղքիսեղեկի. զի ոչ անուն Մեղքիսեղեկի և ոչ անունն Իսրայէլի գրեցան յազգս: Իսկ Շեմայ և Յակոբու գոյ հայր և մայր և սկիզբն և կատարած, և գրեցան և յազգս: Իսկ անուն Մեղքիսեղեկի և Իսրայէլի մի յայսցանէ ոչ գոյր նոցա. զի նա՞ փառաւորեաց զերկոսին զնոսա անուամբքն երկոքումբքն՝ որ եղան 'ի նմանէ երկոցունց: Իսկ նրմանեալ է նա Որդւոյ նոյ քահանայութեն իւրով, զի կացցէ մնասցէ յաւիտեան դարձեալ քահանայութիւն Մեղքիսեղեկի, ոչ եթէ 'ի Մեղքիսեղեկ, այլ 'ի տէր Մեղքիսեղեկի:

Իարձեալ Առաքեալ մեծացուցանէ զքահանայութիւնն հեթանոսաց քան զԺողովրդեանն յասելն իւրում. տեսէք, ասէ, որչափ ոք էր սա՝ որում Աբրահամ տասանորդս հանէր յամենայնէ՝ նահապետն մեր: Այլ 'ի ձեռն Աբրահամի՝ որ տասանորդեցաւն 'ի նմանէն, և տունն Ղևեայ՝ որ ծնանելոցն էին 'ի նմանէ, տասանորդեցան նովաւ: Զի ղևտացիքն թէպէտ և տասանորդեցին, ոչ եթէ զօտարս տասաւ նորդեցին. ինքեանք զինքեանս տասանորդեցին, զի զեղբարս իւրեանց զորդիսն Աբրահամիւ տասանորդէին: Իսկ այս որ ոչս է գրեալ յազգս ղևտացւոց, զի նմա տասանորդս ետ Աբրահամ, այն որ աւետիքն քահանայութե, և զի 'ի նմա օրհնեսցին ամենայն հեթանոսք՝ խոստացեալ էր նմա, զիա՞րդ լինէր նա կարօտ օրհնուի առն անթլփատի. ոչ ահա սոյն իսկ այս յայտ առնէ և ցուցանէ՝ եթէ ոչ զի խոնարհագոյն էր Աբրահամ քան զՄեղքիսեղեկ. օրհնեալ 'ի նմանէ նա ոչ ժտէր: Եւ աստ այժմիկ որդիք մահկանացուք տասանորդս առնուն. սոյնպէս Մեղքիսեղեկ մահկանացու էր, կենդանի էր յայնմ ժամանակի վասն բանին վկայուե վասն Աբրահամիւ. այս ինքն վասն ճշմարիտ օրհնութե Մեղքիսեղեկի՝ որ կարգեցաւն 'ի զաւակն Աբրահամիւ: Արդ ասաց՝ բայ եթէ կատարումն քահանայութե 'ի տանէ անտի ղևտացւոց էր. զի Ժողովուրդն յայն օրինադրեցաւ, այս ինքն վասն նորա եղան օրէնք Ժողովրդեան, զի՞նչ պիտոյ էր այլ քահանայ զումն ուստեմն:

1 Յօդանակին տարբերութիւն ուղղագրեալ հասկնի:

յարուցանել. ոչ ըստ նմանութե Սհարոնին՝ որ էր նահապետն քահանայիցն նոցա, այլ ըստ նմանութե Մեղքիսեդեկի անթլփատի :

Այլ իբրև եցոյց նա վասն փոփոխմանն որ լինելոց էր քահանայունէն, առ նա ցուցանել՝ եթէ ընդ նմին ընդ փոփոխումն քահանայութե փոփոխեցան և օրէնքն : Այլ զոր օրինակ քահանայունի փոփոխեցաւ, հարկ է այսուհետեւ և օրինացն փոփոխումն լինել : Զի՞նչ պիտոյ են զոհաւոր օրէնքն, եթէ զոհքն և ինքն իսկ գլխովին քահանայունին խափանեցան : Զոր օրինակ Մեղքիսեդեկի՝ յորոյ վր Քանքս այս կան, թէպէտ և յազգէ անտի է, այլ նա յայլմէ ազգէ երևեցաւ՝ յորմէ ոչ ոք երբէք այլ ոք մասն կալաւ ՚ի սեղանոյ անտի պաշտել. և այն որ առ զքահանայութինն նորա՝ ոչ եթէ յղևտացւոց անտի էր, զի մի օտարասցի նա ՚ի Մեղքիսեդեկէ՝ որ նմանեալ լինէր նմա : Քանզի յառաջագոյն յայտ իսկ էր՝ եթէ ՚ի Յուդայ ծագելոց իսկ էր տէր մեր Յիսուս Քրիստոս, յորում ազգի երբէք վասն քահանայութե Մովսէս ոչ ինչ ճառեաց : Զի վասն այսր իսկ առաւել բորոտեցաւ Ոգիւս արքայ. փոխանակ զի կամեցաւ անցուցանել նովաւ ըզքահանայութին, և տանել ՚ի տուն Յուդայ յառաջագոյն մինչ եկեսցէ առցէ զնա ՚ի ժամու իւրում Յիսուս՝ որ ՚ի Յուդայն էր : Առաւել ևս յայտ եղև՝ եթէ ըստ նմանութե Մեղքիսեդեկի կանգնելոց է քահանայ այլ՝ որ ոչ ըստ օրինաց մարմնաւոր պատուիրանին եղև. այս ինքն զի ոչ եթէ որպէս և կարգեալն լինէր ՚ի մէջ ժողովրդեանն սրսկելովն և սրբութիւնք և արեամբն և իւղովն քահանայութիւն և հանդերձիւքն նորին կարգեցաւ և առ տէր մեր, այլ ըստ զօրութե կենացն՝ որ ոչ անցանեն ՚ի մահուանէ անտի : Առ զնա երդմամբն, այն որ ասաց ՚ի Դաւիթ՝ եթէ “Դու ես քահանայ յաւիտեան ըստ նրմանութե Մեղքիսեդեկի” :

Իսկ խոտումնն որ եղև առաջին պատուիրանին, որպէս և քահանայութե առաջնում, վասն տկարութե իւրոյ և անօգուտ հրամանին. զի երկրաւոր գրգռնքն և փափկութիւն զոր տային նոքա, հիւանդութիւն զոր հիւանդացուցին զնոսա առաջի ցանկութեցն, և

զորք 'ի նոցանէն 'ի կատարումնս յայս՝ վասն որոյ մեքս
 թօթափիմք յամենայն ընչից մերոց՝ ոչ ածին : Իսկ
 մոռտն որ եղև աւետարանի , վասն յուսոյն այնորիկ՝
 որ առաւելն էր քան զառաջնոյն զոր քարոզէր մեզ՝
 եղև մոռտն նորա . զի սովին իսկ այսուիկ թափուրս
 լինելով մերով մերձենամք մեք առ ւած , այն որ 'ի
 ձեռն գրգանացն փափկուլթէ օրինաց մերժեալ հե-
 ռանայաք մեք 'ի նմանէ : Իսկ տունն Ղլեայ քանզի
 առանց երդմնոյ կացեալ էին քահանայք , վասն այ-
 սորիկ ոչ կացին մնային . իսկ սա յաւիտեանս յաւի-
 տենից կայ և մնայ . քանզի անհնարին է ստուծիւն
 լինել երդմնոյն զոր ասաց՝ եթէ “Երդուաւ տէր և
 ոչ զղջացաւ՝ թէ դու ես երիցանց երէց յաւիտեան
 ըստ չափոցն Մեղքիսեդեկի” : Արդ այնչափ ևս լա-
 ւագոյն էր Յիսուս Քրիստոս քան զքահանայսն ա-
 ռաջինսն , և եղև միջնորդ այնմ իմիք զոր մեզն խոս-
 տացաւ 'ի ձեռն նորոց կտակարանաց : Զոր օրինակ
 անդ հարկ էր լինել բազմաց , քանզի զառաջինսն մահ
 անջրպետէր , և ոչ մնացեալ լինէին նոքա յաւիտեան ,
 սոյնպէս չիք այլ քահանայապետ ընդ տեառն մերոյ .
 քանզի միշտ կենդանի է նա և բարեխօս է ընդ մեր ,
 ոչ զոհիւք պատարագաց , այլ աղօթիւք . և կարող
 է ապրեցուցանել զմեզ ցանգ , ոչ երկրաւոր փափ-
 կուլթէք՝ որ պաշտեն զմեզ սակաւ աւուրքք , այլ ապ-
 րեցուցանէ զմեզ յաւիտեան յաւիտենից , որք մեր
 ձենամքս նովաւ առ ւած : Զի այսպիսի իսկ վայել էր
 քահանայապետ , սուրբ և անարատ , մեկնեալ 'ի մե-
 ղաւորաց . զի ոչ իցէ նա կարօտ որպէս և այլ քահա-
 նայքն՝ որ նախ վասն մեղաց իւրեանց մատուցանէին
 պատարագ , և ապա վասն մեղաց ժողովրդեան : Իսկ
 նա զայս միանգամայն կատարեաց . զանձն իւր մա-
 տոյց պատարագ , ոչ վասն իւր ինչ , այլ վասն մեղաց
 մարդկան : Քանզի օրէնքն՝ մարդիկ տկար տնգէին 'ի
 քահանայուլթի . այս ինքն զի կարօտ էին մատուցա-
 նել նոքա պատարագ վասն մեղաց իւրեանց . իսկ բան
 երդմնոյն որ պաշտեցաւ 'ի Դաւիթ յետ օրինացն ,
 զՈրդի հաստատեաց՝ որ յաւիտենիցն յաւիտեան
 կատարեալ կայ :

Լ՛ր Դ բանից գլուխ, այս ինքն ճառքս քահանայ-
 ութն և օրինաց զոր խօսիմք մեք վասն նոցա, այս-
 պէս է զոր ասացիս: Արդ ունիմք մեք երիցանց ե-
 րէց. ոչ որ կայ առաջի տապանին կտակարանաց, այլ
 զայն՝ որ ելն և նստաւ ընդ աջմէ աթոռոցն մեծու-
 թեանցն յերկինս: Եւ այն որ այնչափն բարձրացաւ,
 պաշտօնեայ սրբոց եղև ՚ի խորանի անդ չձմարտուե-
 ցայս ինքն կամ յարքայուե՝ որպէս և խոստացաւ, կամ
 յաշխարհիս յայսմիկ՝ որպէս արար իսկ լուսնալոյսն
 իւրով զոտոս աշակերտաց: Զի ամենայն քահանայ վ-
 մատուցանել զուխտսն և զպատարագս հաստատի.
 վասն այնորիկ հարկ էր իրացն լինելոյ, զի մի օտա-
 րացի նա ՚ի խորհրդոցն իւրոց. և վասն այնորիկ և
 նա մատոյց պատարագ ոչ յանամնոց, այլ զանձն իւր:
 Զի եթէ էր նա յերկրէ, թերևս և չէր իսկ քահա-
 նայ. քանզի գոյին քահանայք՝ որ մատուցանէին ըստ
 օրինաց պատարագս. այս ինքն ըստ պատուիրանացն
 օրինացն: Զի նոքա առակ օրինակաւ պաշտէին ըստ
 նմանութե երկնաւորաց. այս զի ամենեքեան հնոյն՝
 նմանութիւնք էին և առակք օրինակաց այսր պաշ-
 տաման եկեղեցւոյ՝ որ է յաչս այնր հոգեւորին և երկ-
 նաւորի: Նա և հրամայեցաւ իսկ Մովսէսի՝ զի հան-
 դերձեալ էր գործել զվրան ժամուն. «Տեսջիր, ասէ,
 արասցես անդ զամենայն ըստ օրինակին՝ որ ցուցաւ
 առ քեզ ՚ի լերինս», իսկ արդ առատագոյն ևս հաս
 պաշտամանն Յիսուս Քրիստոս քան զՄովսէսին. այս
 ինքն ետ մեզ Յիսուս, և եղև նա միջնորդ կտակա-
 րանացն, ոչ այնց՝ որ գրեցան ՚ի նա աւետիքն երկրա-
 ւորք, այլ այսց՝ որ գրեցան ՚ի սոսա պարգևքն երկնա-
 ւորք, որ քան զերկրաւորսս առաւել են: Զի եթէ
 առաջինն այն անարատ էր, և երկրորդիս ինչ տեղի
 ոչ էր պիտոյ ծախել: Իսկ արատք նորա այս էին, զի
 խոտէր և անարգէր նա զյայտնի խեղուածիս. և ՚ի
 պատճառս խեղուեն որ ոչ էր կամաց մերոց՝ լինէին,
 զարդարսն խեղս՝ որ գործովքն իւրեանց արդարք է-
 ին՝ խոտէր և անարգէր:

Իսկ այս ուխտս երկրորդ որ տուաւ, այն է զոր մարգարէացաւ վասն տորա Երեմիա և ասէ. «Ահա եկեացեն աւուրք, ասէ տէր. և կատարեցից և կարգեցից 'ի վր տամն Խարայելի ուխտնոր, ոչ ըստ ուխտին զոր ետու ես հարցն նոցա յանապատի անդ, յորժամ առի' ի ձեռն հանել զնոյ Երկրէն եգիպտացւոց. և քանզի նա քա ոչ կացին յուխտի անդ իմում՝ կատարել զպատուիրանս նորա, և ես անփոյթ արարի զնոցանէ և ոչ կատարեցի ես նոցա զաւետիմն նորա: Այլ զուխտըն զոր ասաց Երեմիա՝ Թէ տաց նոցա, ոչ 'ի ձեռն քարեղէն տախտակաց, որպէս զառաջինն. այլ գրեցից ես զօրէնս իմ, այս ինքն զաւետարանն նոր 'ի սիրտս նոցա, և եղէց նոցա ան, և անարգեսցեն նա քա զկուռս իւրեանց: Եւ մի այլ ես որ 'ի քահանայիցն ուսուցէ զքաղաքակիցս իւր՝ Թէ եկ ծանիր դու զտէր. զի ամենեքին իսկ ծանիցեն զիս 'ի փոքրրկանց մինչև 'ի մեծամեծս: Եւ քաւեցից զնոսա ոչ յաղտեղութէն նոցա, այլ յանօրէնութէն նոցա. ոչ յաղտեղութէն երազոց գիշերի և 'ի դաշտանից, այլ 'ի մեղաց՝ որ գործեցան 'ի նոսա 'ի ձեռն զօրութե չարի: Այլ յայնմիկ զոր ասաց Երեմիա՝ բայ նոր, զառաջինն հնացոյց: Եւ որ հնանայն և ծերանայ, մերձ է նա յապականութի:

ԳԼՈՒԽ Թ

Ու առաջինն ունել ունէր իրաւունս ինչ սպասու պաշտաման արդարուն, յայնմիկ՝ զի պահանջեր 'ի ձեռն պատժոց պատուհասից սրոյն զմեղս: Իսկ այս սրբուն, այս ինքն այս օրէնք՝ որ սրբեն զմեզ 'ի ձեռն ջուրցն, ոչ անցանեն իբրեւ զայնս. քանզի յաւիտենից կան մնան զկնի այսր. զի մերժեաց նա և զօրէնսն 'ի ձեռն ուխտի նորոյ՝ որ աւետարանեցաւ 'ի ձեռն Երեմիայի: Շրջեցաւ նա ասել վասն վրան ժամուն և վասն ամենայնի՝ որ էր 'ի նմա. զի ցուցցէ և յայտ արասցէ՝ Թէ և նոքա անցեալ են հանդերձ օրինօքն իւրեանց որ անցին: Չի չէր ինչ մարթնոցա կալ մնալ զկնի օրինացն անցելոց, զի առակք օրինակաց

էին և նոքա ևս այսր պաշտաման ճշմարտի՝ որ կալոցս և մնալոցս է : Արդ առ նա խափանել և զսպաս պաշտաման վրան ժամուն , որով ձեռն յանձին հարեալ պարծէին նովաւ յասել իւրում այսպէս : Վրան ժամուն առաջինն , ասէ , հանդերձեցաւ այսպէս , զի 'ի նմա կայր աշտանակն և սեղանն , այլովքն հանդերձ : Եւ խորանն ներքին՝ ուր անուանեալ կոչէր սուրբն սրբոց , որ 'ի ներքոյ վարագուրին նորա , եղեալ կայր բուրուառ մի ոսկի և արկին դրուագեալ պատեալ ներքոյ և արտաքոյ ոսկով , հանդերձ ընկերօք իւրեանց : Եւ զինչ ևս պիտոյ է յայսմ ժամուն մի ըստ միօջէ ասել կարգաւ : Զի Թէպէտ և սոքա իւրաքանչիւր 'ի տեղւոյ իւրում՝ ի սպաս պաշտաման ուղղեալ էր , սակայն առակք օրինակաց էին այսր պաշտաման երկնաւորի . և քանզի եկն եհաս ճշմարտութի , ոչ այսուհետեւ պիտոյ է մեզ վասն առակաց օրինակաց խօսել ինչ :

Եւ Թէպէտ և յարտաքին խորան անդր յամենայն ժամ մտանէին քահանայքն 'ի պաշտօն իւրեանց կատարել , իսկ 'ի ներքին խորան անդր միանգամ 'ի տաւրւոյ միայն քահանայապետն մտանէր , և զայն սակայն ոչ առանց արեան , որ մատուցանէին նա նախ վասն իւր , և ապա վասն ժողովրդեանն յանցանաց : Ըստ այսմ նմանութեւ յայտնապէս ցուցանէր Հոգին սուրբ վասն ճանապարհին սրբոց . այս ինքն ըստ այսմ նմանութեւ՝ որ պաշտեալս լինէր 'ի մտանել քահանային 'ի սուրբ սրբոց , յայտնեաց և եցոյց զաւետարանս՝ որ յայտնեալս հանդերձեալ էր : Արդ խորանն արտաքին նմանութի եղև և առակք օրինակօք առ ժամանակ մի . զի 'ի նմա զոհք և պատարագք մատուցեալ լինէին , այն որ ոչ կարէին կատարել ոչ զժողովուրդն և ոչ զմիտս այնոցիկ՝ որ 'ի պաշտօնն մտանէին . այլ զանգեալ էին նոքա ուտելոյն և ընպելով , և պէսպէս մկրտութիւն և ձեռաց և ստոմանաց և այլոց իրաց . զի էին նոցա պատուիրանք մարմնոյ , այս ինքն պատուէր քահանայութեւ և ոչ անութեւ :

Եւ այս ամենայն , որպէս ասացի , այսպէս լինէին անկարգութիւն քահանայից անտի տկարաց մինչ 'ի ժամանակս յայս՝ յորում արար 'ի սմա ան ուղղութի .

յորմէ հետէ եկն Քրիստոս քահանայապետ լինելոց ոչ զօհիցն , այլ բարեաց . և մոռտ նա 'ի խորան , ոչ փոքր 'ի ձեռագործս , այլ 'ի մեծն և 'ի կատարեալ . որ ոչ է ձեռագործ մարդկան՝ որ ոչ յայսպիսեաց յարարածոց է . այս զի յօղնէ եղև նա . և ոչ եթէ իբրև խորանն այն՝ որ կազմեցաւ յաւարէ անտի եգիպտացւոցն : Եւ ոչ եկն նա մտանել որպէս և քահանայքն նոցա՝ արեամբ նոխազաց և զուարակաց . այլ եկն եւ մոռտ նա արեամբ իւրով . Ոչ եթէ որպէս ամի ամի մտանէր քահանայապետն՝ և տէր մեր այսպէս . քան զի եկն եմոռտ նա միանգամայն ոչ յայն սրբութիւն որ անց , որպէս և քահանայութիւն նոցա , այլ մոռտ նա 'ի սուրբ սրբոցն յաւիտենից . և արար քաւուր արեամբն իւրով ամենայն հեթանոսաց : Զի եթէ աւրիւն ցլուց և նոխազաց և մոխիր երընջոցն ցանէր 'ի վերայ պղծելոյն 'ի բորոտութէ և յաղտեղութէ երազոց , և սրբէր զնոսա , որչափ ևս առաւել արիւն Քրիստոսի , այն որ ոչ եթէ իբրև սրսկումն նոցա տըկար՝ որ հանապազօր պիտոյ էր , այլ 'ի ձեռն Հոգւոյն սրբոյ , այս ինքն 'ի ձեռն հոգեղէն գնացից մատոյց զանձն իւր անարատ պատարագ այ . զի նա սրբ բեսցէ զմիտս մեր 'ի ձեռն մկրտուէ 'ի մեռելոտի գործոց անտի , զի պաշտեցիք սրբութիւն զամօ կենդանի : Զի վասն այսորիկ իսկ եղև նա միջնորդ նորոց կտակարանացն . փոխանակ զի մահուամբն նորա եղև փրկութիւն այնոցիկ՝ որ անցին զառաջինն կտակարանօքն . և յաւելցեն առնուլ 'ի ձեռն նորա զաւետիսն , որ հրաւիրեցան 'ի Ժառանգութիւն անդր յաւիտենից : Այլ քանզի 'ի կտակն որ ետ մեզ արդարութիւն , ոչ հաստատի կտակն , եթէ ոչ մեռանի այն որ գրեացն զնա , արդ հարկ եղև նմա մեռանել , զի մի եղիցի և կտակ նորա իբրև զառաջինն՝ որ առանց արեան ոչ հաստատեցաւ . քանզի արիւն երընջոյն ցանեցաւ 'ի վերայ նորա , և ոչ եթէ արիւն կտակագրին : Եւ յայլոյ յարենէ առ նա և ցանեաց 'ի վերայ Ժողովրդեան և վրանին և ամսպասու նր . քանզի արեամբն սրբէր ամենայն ըստ օրինաց , և առանց ցանելոյ արեան առնանոց չլինէր աւանիկ Ժողովր մեղաց պղծելոյն : Ի՞նչ եթէ սղբա որ օրինակ երկնաւորացն են , այս

ինքն նշմարանք են այսր պաշտաման՝ երկնաւոր աւրեամբ արբին, որչափ ևս առաւել այն՝ որ երկնաւոր բունն է՝ լաւ ևս պատարագաւ իւրով արբել քան զայն։ Զի ոչ եթէ 'ի ձեռագործ սրբութիւն մարդկան՝ որ օրինակ են այսմ ճշմարտի՝ եկն եմուտ Քրիստոս, այլ բուն իսկ յերկինս եմուտ յանդիման լինել ոչ վասն անձին իւրոյ, այլ զի յանդիման լիցի առաջի այլ վասն մեր։ Եւ ոչ զի գամու գամու մատուցանել զանձն իւր պատրաստեաց պատարագ այլոյ արեամբ, յայտ է եթէ վասն զի առաւել է պատարագն նր քան զայնս . ապա եթէ այնպէս էր, պարտ էր և նմա 'ի սկզբանէ արարածոց՝ այս ինքն յետ անցելոց պատուիրանին առաջնոյն՝ գամու գամու բազում անգամ մեռանել։ Բայց արդ միանգամայն իսկ եկն 'ի կատարածի ժամանակաց, և չարչարեցաւ . զի իւրով պատարագաւ սպանցէ նա զմեղան, այն որ զԺողովուրդն և զամենայն Հեթանոսս առ հասարակ սպանանէին։ Զի զոր օրինակ միանգամ կայ և մնայ մարդկան մեռանել վասն առաջին մեղաց իւրեանց, և յետ մահու նոցա դատաստանք են, սոյնպէս և Քրիստոս միանգամ եկն և յայտնեցաւ, և մատոյց զանձն իւր վասն մեղաց ամենեցունց . իսկ յերկրորդ նուագի անդ յորժամ յայտնի, ոչ մեռանել վասն մեղաց, այն որ միանգամ մեռաւ վասն նոցա, այլ զի երեւեցի նա յաշխարհն նոր, որ մեղք չիցեն անդ այնոցիկ՝ որ յուսացեալն են և ակն ունին փրկութեւն նորա։

ԳԼՈՒԽ Ժ

ՔԱՆԶԻ գեղնման են օրէնքն . այս զի ամենայն աւետիլքն երկրաւորք գեղնման են հանդերձելոցն բարեաց . և ոչ եթէ կերպարանք կատարեալք էին նոքա, զի եթերի էին։ Զի նստէին նոքա և ակն ունէին այնմիկ՝ որ գային 'ի կատարել զնոսա։ Զի եթէ կատարեալ էին, ոչ եթէ նովին պատարագօք ամի ամի պաշտէին հանապազօրդ, որ երբէք ոչ կարէին զմատուցեալն կատարել։ Զի եթէ կատարէին զնոսա, խափանեալ լինէր քահանայուհի նոցա, քանզի հանգ-

չէին նորա 'ի պատարագաց անտի իւրեանց . և եթէ սուրբ էին միտք նց 'ի մեղաց , միանգամայն սրբեալ լինէին նորա 'ի պղծութեան մարմնոյն . զի անդէն 'ի նմին իսկ յիշատակ մեղաց հանապազորդ լինէր 'ի վերայ նոցա . քանզի ոչ կարէր արիւն ցլուց և արիւն նոխալաց սրբել զմեղս : Քանզի տէր մեր որ եկն յաշխարհ , ասաց 'ի բերան Դաւթայ՝ եթէ "Ընդ զոհս և ընդ պատարագս ոչ հաճեցար . իսկ զմարմինն զոր զգեցուցեր ինձ ,", զի նորա պատարագան խափանեցին զոհք պատարագաց : Եւ զկնի նորա ասէ . "Ահաւսիկ եկեալ հասեալ եմ ես՝ առնել զկամս քո , անձ ,", և յայսմիկ զի ասաց նա՝ բայ գամ ես առնել ըզկամս քո , մերժեաց զառաջինն , զի զերկրորդն հաստատեցէ : Զի սովին իսկ այսու աւետարանաւ՝ որ խափանին եղև զոհից պատարագաց , կամեցաւ նա սրբել զմեզ 'ի ձեռն պատարագին մարմնոյն Յիսուսի Քրիստոսի , այն որ եղևն միանգամայն : Քանզի ամենայն քահանայ՝ որ կացեալ լինէր 'ի մէջ ժողովրդեան , զտոյն իսկ զպատարագան բազում անգամ մատուցանէր , և որ երբէք զմեղս ոչ կարէին թողուլ և քաւել : Իսկ Որդի միանգամայն վասն մեղացն մերոց մատոյց զանձն իւր պատարագ , և նստաւ նա ընդ աջմէ նոյ յաւիտենից . և այսմ ակն ունի մինչև դիցին թշնամիք նորա 'ի ներքոյ ոտից նորա : Զի միով պատարագան անձին իւրոյ կատարեաց զմեզ 'ի ձեռն մկրտութե , և սրբեաց զմեզ մինչ 'ի վախճան կատարածի : Վկայէ վասն այսր սրբութե մեղաց՝ որ ծածկեալ կայր 'ի նոր կտակարանման՝ Երեմիա և ասէ . "Տաց զօրէնս իմ 'ի սիրտս նոցա , և 'ի խորհուրդս նոցա գրեցից զնոսա , և զմեղս նոցա և զանօրէնութիւնս նոցա այլ ոչ ևս յիշեցից ,", Ընդ ուր այսպիսի թողութի խոստացաւ մեզ թողուլ զմեղս մեր , ոչ այսուհետև պիտոյ ինչ է մեզ պատարագք օրինաց մատչել վասն մեղաց մերոց :

Եւ յսուհետև ունիմք , եղբարք , համարձակութի մտանել 'ի սուրբս . զի նա ինքն է հաւատք , այն որ արեամբն նորա նորոգեաց մեզ զայս ճանապարհ հաւատոց . զի ունէին զայս առաջինքն : Եւ զի հնացաւ սա 'ի միջի միջնոցն , նորոգեաց զսա մեզ յայսմ ժամանակի վարագուրաւն հանդերձ , այս ինքն մարմնո-

վրն իւրով : Զի նա ինքն է և քահանայապետ ևս մեր : Եւ որովհետեւ սա վասն մեղաց մերոց մեռաւ , վասն մեր է նա մեզ քահանայապետ , ոչ 'ի վրան ժամուսնու , այլ 'ի տունն ան : Մատիցուք մեք առ նա ճշմարտութիւն սրտիւ , զի կատարեալ իցեմք հաւատովք զոր տնկեաց 'ի մեզ . և եղիցին ցանեւ 'ի վերայ սրտից մերոց , այս ինքն եղիցին լուացեալ նովաւ սիրտք մեր , զի սրբեցուց մեք 'ի խեղճմտաց չարի , զի նա ինքն են խորհուրդք չարի . և մկրտեցուց զմարմինս մեր 'ի մկրտութիւն սրբութեան . և պինտ կալցուց նեղութիւն մերովք յոյսն՝ որ յայտնելոցն է 'ի ժամաւ նակի իւրում . և հանապազորդ խոստովանութիւն գրնասցուց առանց շարժելոյ . և մի թիւրիցիմք մեք իբրեւ լքեալք վասն յամելոյն աւետեաց մերոց . հաւատարիմ է այն , որ խոստացաւ մեզ : Այլ վասն նեղութե արտաքնոցն , կամ վասն տրտմութե ներքնոցն մի թողցուք զմիմեանս 'ի ձեռանէ , որպէս սովոր են ոմանք . այլ մխիթարեցուք զմիմեանս , մահաւանդ յորժամ տեսանիցէք դուք եթէ մերձեալ է օրն տրտմութե կամ հալածանաց : Ապա եթէ խռտորիցիք և կամակոր մտօք յանցանիցէք յետ ընդունելութե այսր գիտութե ճշմարտութե՝ որ տուաւ մեզ 'ի ձեռն Գրիստոսի , ոչ այսուհետեւ ունիմք այլ պատարադ առաւել քան զԳրիստոսին , կամ եթէ իբրեւ զնա իսկ մատչել վասն մեղաց մերոց : Այլահեղ պատուհաս դատաստանացն և հուրն նախանձոտ կերիցէ զթշնամիսն՝ որ եղեն հակառակ անձանց իւրեանց և ընկերաց : Զի եթէ որ անցանէին զտկար օրինակաւն Մովսէսի՝ առանց ողորմութե 'ի բերանոյ երկուց և երից վկայից սպանանէին , և տեղի ապաշխարութե ոչ տային նմա , իսկ որչափ ևս համարիցիմք սաստիկ պատժին արժանի լինել՝ որ առ ոտն եհար ոչ զօրէնսն Մովսէսի , այլ զՈրդին ան , և զարինն նորոց կտակարանացն նոր խառնակ համարեցաւ . այս ինքն իբրեւ զարինն երընջոյն՝ որ ցանեցաւ 'ի վերայ կրտակարանացն Մովսէսի : Իսկ սա անչափ ևս մեծ է քան զայն , զի սովաւ 'ի մեղաց և յանօրէնութենէ 'ի ձեռն մկրտուեւ սրբեցաք : Եւ զՀոգին չնորհաց որ սփռեցաւ 'ի մեզ՝ թշնամանեաց . այնոքիկ են՝ որ զա-

ւետարանն իբրեւ զօրէնս Մովսէսի համարին :

Այլ յետ այսորիկ իբրեւ երկեցոյց նա զնոսա և ած վկայութի 'ի մարգարէէ յասե՛լն՝ դատէ անէր զԺողովուրդ իւր , դարձաւ նա յիշեցուցանել նոցա զառաջինն . այս ինքն ցնծութիւն՝ որ եղև 'ի սկիզբն աշակերտութեն իւրեանց : Յիշեցէք, ասէ, զաւուրսն առաջինս յորս և մկրտեցայքն , և նոքիմք ջուրքն բազում չարչարանաց և ճգնութեց համբերէք . զի այն ինքն են մեղքն ձեր : Մերթ նախատանաց և մերթ նեղութեն՝ զոր ասաց, այս զի օրէնք նեղէին զնոսա՝ թէ 'ի վերայ պատարագաց իւրեանց յայտնեսցեն զմեղա իւրեանց . իսկ նախատինքն 'ի մարդականէն պահանջէին զնոսա , զի մի յայտնեսցեն : Այս , ասէ, նեղութիւն զոր ունիք յայտնել , և նախատանքն որ արգելուին՝ զի մի յայտնեսցիք . զի սոյն իսկ այս ծուխ՝ մտաց զոր ունէիք դուք՝ իբրեւ ցաւք մեծամեծք և իբրեւ չարչարանք դառնուէ էին , բարձան 'ի ձէնջ պատկառանք ցածութիւն՝ 'ի ձեռն մկրտուէ ջուրցն հանդերձ քաւութիւն զոր առէք դուք : Եւ տեսիլ ևս խայտառակութե եղէք յաւուրս հալածանաց ձերոց . և կցորդ ևս եղբորդ դուք այնպիսեաց վաստակաւորաց , զի և դուք վաստակեսցիք : Եւ մինչև ցայսօր ժամանակի չարչարեալ էք դուք ընդ կապեալս . և վասն յափշտակուէ ընչիցն ձերոց դուք ոչ տրտմեցայք , այլ ուրախ ևս եղէք . քանզի յուսացեալ գիտէիք դուք՝ եթէ ձեզ մեծամեծս ևս պատուատեալ է յերկինս փոխանակ այսր փոքու և անցաւորի՝ որ բարձան 'ի ձէնջ : Արդ զգոյշ կացէք և մի վայրապար թօթափէք 'ի ձէնջ զհամարձակութիւն զայդ զոր համարեցայ ես՝ առեալ է ձեր զգա . քան զի գիտէք դուք՝ եթէ մեծաց վարձուց հատուցումն կայ 'ի նմա : Համբերուք պիտոյ է ձեզ առնել զկամսնայ , և առնուլ զայս պարգևս խոստացեալս : Այլ մի վհատիք դուք , զի փոքր միւս ևս այնքան որչափ որ գալոցն իցէ՝ եկեսցէ յերկրորդ գալստեան , այն որ եկն յառաջին գալստեան : Եւ արդ արդարն՝ յորժամ գտանին 'ի նմա հաւատք և համբերութի կեայ .

1 Ի լուանցս օրինակին Ժուդ :

և եթէ յերկմիտս զք իցէ և խղճիւ՝ զի ոչ յայտնեցաւ հատուցիչն, և յաւուրսն յայն ոչ հաճեսցի անձն իմ ընդ նա: Այլ մեք ոչ եթէ խղճիւ ինչ եմք՝ որ կորուսանէ զընթացս մեր, և տանի զմեզ ՚ի կորուստ, այլ հաւատովք. զի վարձեսցուք ստանալ նոքօք զանձինս մեր, այն որ քան զամենայն առաւել առնեն զմեզ:

ԳԼՈՒԽ ԺԱ

Եթէ ինքեամք իսկ հաւատք մեր ոչ յուսահատուած է կախեալ կան, զի ճշմարիտ յուսովն հաստատեալ կան: Եւ են իսկ վկայք՝ որ վկայեն վասն նոցա. զի թէպէտ և ծածկեցան նոքա ՚ի միջնոց անտի, սակայն յաւաքինսն յայտնի էին. զի գոյ յանդիմանուի՝ որ յայտնէ զայն ինչ որ ոչ երևի: Ո՞ր յանդիմանութի. այլ այն՝ որ նոքօք եղև վկայութիւն վասն առաջնոցն. այս ինքն զի վկայեցին գիրք վասն հաւատոց, զի նոքօք առաքինացան հարքն առաջինքն: Արդ առ նա ՚ի պատմել ոչ վասն հաւատոց՝ որ կարգեալ գայր ՚ի հարսն առաջինսն, և հնացան ՚ի մէջ հերբայեցւոցն, այլ և վասն այնոցիկ՝ որ ՚ի սկզբանէ աշխարհի մինչև ցայսօր ժամանակի կարգին և գան ՚ի նոսին իսկ առ հերբայեցիսն: Ընդէր, ասէ, օտարանայք դուք ՚ի հաւատոց անտի. զի ահա առանց նոցա և ոչ եթէ եղև բնաւ աշխարհ գիտէք դուք. քանզի ոչ եթէ ձեր յանդիման եղև, այլ՝ հաւատովքն՝ որով հաւատայք դուք բանին Մովսէսի, կամ տրււած թիւն այնոցիկ՝ որ առաջինքն էին քան զՄովսէս՝ իմանայք դուք թէ արար Թժ բանիւ իւրով զաշխարհ. զի այս ամենայն որ երևիս՝ եղիցի յայնմանէ որ ոչն երևի. այս ինքն կամ զի յոչնչէ եղև, կամ զի յաներևոյթ Կայս արարաւ այս ամենայն՝ որ տեսանելովս է:

Հաւատովք լաւ պատարագս մատուցանէր Հաբէլ քան զՎային՝ որ եբեր նա զարհամարհ ընտրուկս. զի հաւատքն Հաբէլի և անհաւատութիւնն Վայինի ՚ի պատարագս իւրեանց դրոշմեալ էին: Զի եթէ ոչ

1 Յօդակին պակասի Եղև:

էր հաւատացեալ Հարէլ յաւետիս անդր, ոչ պատա-
րագս լաւս ընտրէր և բերէր նա. այլ իբրև ետես նա
զեղծայրն իւր եթէ ուստի և կորզեաց հասկս յոռիս
արհամարհանօք և եբեր նա դնել 'ի վերայ սեղանոյ :
Արդ վասն սորին իսկ այսր հաւատոց Հարէլի եղև
'ի վերայ նորա վկայութի՝ թէ արդար է նա . այլ ոչ
եթէ 'ի մարդոյ, այլ յայ՝ որ վկայեաց 'ի վերայ պա-
տարագին նորա . այն որ ցայսօր ժամանակի նովաւ
պատմի, այս ինքն նովաւ առաքինանայ :

Հաւատովք փոխեցաւ Ենովք և զմահ ոչ ճաշա-
կեաց . զի եթէ ոչ էր նորա հաւատացեալ եթէ կա-
րող է պահել պատուիրանին մոծանել զնա անդր՝
ուստի ելինն տունն Աբամայ վասն անցանելոյ զպա-
տուիրանաւն, ոչ ժրանայր նա հաճոյ լինել յառաջ
քան զփոխելն նորա զերեքարիւր ամ : Զի առանց
հաւատոց, այս ինքն եթէ ոչ հաւատայ մարդ՝ եթէ
է ճշմարիտ անձ, և որ խնդրեն զնա՝ լինի պարգեա-
տու վարձուցն հատուցման, և ոչ յօժարութի յօժա-
րէր նա հաճոյ լինել և խնդրել :

Հաւատովք առնոյր՝ հրաման 'նոյ վասն այնոցիկ՝
որ ինչ աներևոյթ էին . այս ինքն վասն որոյ յետ հա-
րիւր և քսան ամին հրամայեցաւ՝ որ լինելոց էին :
Եւ վասն երկիւղի իւրոյ 'ի հեռաւոր պատժոց անտի
պատուհասին զործեաց իւր տապան մեծաւ աշխա-
տութի վասն փրկութեան իւրոյ : Նովին իսկ այսու
հաւատովք դատեցաւ աշխարհ, այն որ ոչն հաւա-
տաց . և նոյն իսկ հաւատքն արարին զ'նոյ ժառան-
գաւոր աւետեաց :

Հաւատովք ունկնդիր եղև Աբրահամ. եթող նա
զհայր և զազգատոհմն իւր երթալ ոչ 'ի ժառանգուի
անդր իւրոյ, այլ 'ի ժառանգուին՝ որ պատրաստեալ
էր նմա : Հաւատովք համբեր և հաստատեցաւ և
բնակեցաւ պանդխտութի 'ի տեղին աւետեաց իբրև
յօտարութե. այս ինքն իբրև 'ի ժառանգուի՝ այլոց :
Տաղաւարօք բնակէր 'ի նմա Սահակաւ և Յակովբու
հանդերձ ժառանգակցօքն՝ որ էին աւետեաց : Արդ
ժառանգութիւնն որ խոստացեալ է նոցա՝ և ոչ առին,

1 Յօրինակն տուր . . . 'ի հեռեւոր պարտոյ :

յայտ է եթէ քաղաքին այնմիկ՝ որ հիմամբք հաստա տեալ էր, որոյ քաղաքի ձեռագէտ ճարտարապետ ինքնին անձ է, ակն ունին:

Հաւատովք և Սառուա ինքնին զօրութի զաւակի ընդունէր, և ՚ի տարածամ չափովք զանցեալն ժամանակօք ծնանէր. այս զի զօրութի և տղայութի ընկալաւ նա՝ որ պիտոյ են յղութե և ծննդեան, այն զի ոչ կարէր համբերել ծերութի: Այլ եղեն նմա այս ամենայն, քանզի ՚ի մէջ քանանացւոցն հեթանոսաց համարեցաւ հաւատարիմ զայն՝ որ տալն խոստացաւ նմա զայս:

Հաւատովք մեռան սոքա ամենեքին չէ եր ընկալեալ զաւետիսն, այլ հեռի ժամանակօք տեսին. այս ինքն առաջուստ թէպէտ անդէն իսկ յերկրին էին, սակայն ոչ տիրեցին ՚ի նմա յայտնապէս. քանզի առաջ Աբրահամ ցորդիսն Ամովրայ՝ եթէ նշդեհ և պանդուխտ եմ ես ՚ի միջի ձերում: Զի այնպիսիքն որ զայն ասացին ՚ի մէջ ժառանգութեանն իւրեանց, յայտ արարին՝ եթէ այլ քաղաք խնդրէին. ոչ զհաւան, կամ զիւր քաղաքացւոցն, ուստի ել նա անտի Աբրահամ: Իսկ եթէ անդրէն ՚ի նոյն գաւառն ուստի ելին՝ անձկային և զայն յիշէին, գոյր ժամանակ երկայն կենօքն իւրեանց դարձի անդրէն: Այլ քանզի ոչ դարձան անդրէն իբրու կարէին՝ եթէ կամէին դառնալ, յայտ արարին՝ եթէ լաւին ևս քան զնա յառաջագէտցանկացեալ էին. այս ինքն է երկնաւորին: Վասն այսորիկ ոչ համարեցաւ ամօթ անձ՝ կուչել ՚ի վերայ նոցա անոցա: Այն է զոր ասաց նա Մովսէսի՝ եթէ “Ես եմ անձ Աբրահամու և Սահակայ և Յակովբու. այս է անուն իմ՝ յաւիտեան, և յիշատակ իմ՝ յազգէ մինչև յազգ”: :

Հաւատովք փորձեցաւ Աբրահամ, և մատոյց զի սահակ պատարագ, այն որ աւետեօքն ընկալաւ զնա. զի ՚ի նմա կոչեսցի նմա զաւակ: Այլ ոչ երկմտեցաւ Աբրահամ՝ զի և ոչ մինչ դեռ սպանանէր զնա՝ ՚ի նմա կոչել նմա զաւակ. եղ ՚ի մտի իւրում և քաջալերեցաւ թէ և ՚ի մեռելոց կարող է անձ յարուցանել: Վասն այսորիկ և յառակս ընկալաւ զնա. այս ինքն զի նովաւ ուսցին զյարութի մեռելոց, և զի գիտաս-

ցէ նովաւ զորդիսն հոգւոյ՝ որ լինելոց էին նորա :

Հաւատովք վասն հանդերձելոց ժամանակաց օրհնեաց Սահակ զՅակովք զորդի իւր, և ապա զԻսաւ . այս զի յետ դարուց բազմաց կատարեցաւ օրհնութի երկոցունց :

Սոյնպէս և Յակովք հաւատովք օրհնեաց զմի մի յորդւոց անտի Յուսէփու . զի թէպէտ և յերկրի անդ եգիւպտացւոց օրհնեցան, և յետ՝ բազում ամաց ապա՝ ի մէջ ժառանգուէ իւրեանց կատարեցաւ օրհնութի նոցա . զի երկիր պագ նա՝ ի ծայրս գաւազանի իւրոյ . զի հաւատաց նա՝ թէ ճշմարտիւ թաղէ զնա . Յուսէփ որդի իւր՝ ի գերեզմանս հարց իւրոց :

Հաւատովք Յուսէփ ի մեռանելն իւրում, այս ինքն ի մեռանել իւրում հաւատաց նա վտ ելից եղբարց իւրոց յերկրէ անտի եգիւպտացւոց . զի վտոսկերաց իւրոց պատուիրեաց զնա զի ընդ ինքեանս տարցեն :

Հաւատովք զՄովսէս իբրեւ ծնան թաքուցին զնա հարց իւր զամիսս երիս, և ոչ ինչ երկեան նոքա յահէ անտի սաստից թագաւորին յայն երիս ամիսս՝ որ թաքուցին զնա : Հաւատովք Մովսէս իբրեւ աճեաց՝ ոչ առ յանձն կոչել որդի դստերն Փարաւոնի . զի եթէ ոչ յաւետինն Աբրահամիւ հաւատացեալ էր նա, ոչ անարգէր նա թաթաւել ընդ մեղս, և ընտրել կցորդ լինել շարարանաց ժողովուրդեանն այլ : Կարևոր համարեցաւ զնախանձն Գրիստոսի, այն զի և ինքն իսկ գրեաց վասն նորա, քան զմեծութիւն եգիւպտացւոց՝ որ եին եղև նմա : Արդ վասն զի սպասեալ ակն ունէր նա վարձուցն հատուցման, թող նա զերկիրն եգիպտացւոց և ել, և ոչ երկեաւ նա յահէ անտի բարկուէ թագաւորին՝ թէ գուցէ խնդրիցէ և գտանիցէ զնա . զի անձն այն՝ որ յայտնապէսն ոչ երևեցաւ նմա, իբրեւ զտեսեալ համբերութիւն հաստատեցաւ ի նա : Հաւատովք արար զատիկն և զհեղումն արեանն . այս զի մինչ չև զենեալ էր նորա զգառնն, հաւատաց եթէ անդրանիկքն եգիւպտացւոց կոտորին նովաւ, և հերայեցիք փրկին նովաւ : Հաւատովք անցին նոքա ընդ ծով կարմիր . այս զի ժողովուրդ հաւատացեալ որ էջ անդր՝ իբրեւ ընդ ցամաք եկին անցին ընդ մէջ նորա . և եգիպտացիքն առանց հաւատոց իջին անդր,

զհատուցումն յանցանաց իւրեանց ընկալան 'ի մէջ նր։
Հաւատովք Յիսովայ և ժողովրդեանն անկեալ
կործանեցան պարիսպքն երիքով քաղաքի։ զի հաւա-
տովք շրջեցան զնովաւ եւթն անգամ խաղաղութիւն
առանց պատերազմի, և 'ի ձայն բարբառոյ հաւատոցն
կործանեցան աշտարակքն և պարիսպքն նորա յա-
ւուրն եւթներորդի։

Հաւատովք Բախաբ պողնիկ ոչ կորեաւ, զի 'ի
համբաւէ անտի նշանացն՝ որ եղեն յերկրին եգիպտոսացւոց
և յանապատի, հաւատաց եթէ ճշմարտիւ
ժառանգեն նոքա զերկրին քանանացւոց, որպէս և
ասաց ամ Եբրահիմն։ Իսկ Առաքեալ զլրտեսան զոր
ասաց՝ բայ մտին առ նա խաղաղութիւն, զի ցուցցէ եթէ
սրբութիւն և պարկեշտութիւն ելին նոքա անտի։ զի ոչ
վասն պողնկութե մտին նոքա անդր։

Եւ վասն զի մի 'ի համարել իւրում՝ զգործս հա-
ւատոց զայլոց ևս բազմացուցէ նա, թողու զնոսա։
զի ոչ ասաց նա զճառս նոցա բազմադէմ։ այլ ոչ թող
զնոսա, զի բերէ զնոսա 'ի մէջ համառօտ բանիւք։
Եւ զի՞նչ ևս, ասէ, այլ ինչ ասեմ։ զի ոչ ևս լինի ժա-
մանակս 'ի պատմել վասն Գեղէոնի, այս ինքն վասն
հաւատոցն Գեղէոնի։ զի երեքարիւր արամբ կոտորեաց
նա զբիւրս մադիանացւոց։ և Բարակայ, զի
հաւատովք իւրովք կոտորեաց նա զգործս Սիսարայ.
և Սամսոնի, զի հաւատովք իւրովք կոտորեաց իշոյն
ծնօտիւ հազար այր։ և Յեփթայեայ, զի հաւատովք
իւրովք կոտորեաց նա քսան և երկուս քաղաքս զոր-
դուցն ամոնիացւոց։ և Դաւթի, զի հաւատովք իւ-
րովք հար սատակեաց նա զԳողիադ։ և Շմուէլի,
զի հաւատովք իւրովք առաքինեցաւ նա 'ի մէջ փղըշ-
տացւոց։ Եւ վասն այլոց մարգարէից, զի հաւատովք
պարտեցին զթագաւորութիւն՝ մարգարէութիւն և ոչ
սրով։ և գործեցին զարդարութիւն, այս ինքն պատ-
ժովքն պատուհասից զոր ածին 'ի վերայ ամպարըշ-
տից։ և հասին աւետեաց, Եղիա որ յափշտակեցաւն։
և խցին զբերանս առեւծուց, տունն դանիէլեան։ և
շիջուցին զգորուհի հրոյ, տունն անանիանց։ և աս-
րեցան 'ի սրոյ սուսերաց, նոյնք իսկ՝ որ խնդրէին
կորուսանել զնոսա քաղդէացիքն ընդ իմաստունս

բարեւացուոյն , և Որիա և Եղիա և մարգարէքն . և զօրացան 'ի հիւանդութի , Եզեկիա արքայ և Եղիշա . յաղթեցին պատերազմի , Աբրահամ , Ղովթ , Մովսէս , Յիսու . և առին զբանակս օտարաց , Սամոն , Բարակ , Դաւիթ և ընկերք իւրեանց՝ որ 'ի վերագոյն ևս գրեալ են : Ընկալան կանայք յարութենէ զմեռեալս իւրեանց , Սիղոմացին և Ծարփաթացին յԵղիայէ և յաշակերտէ անտի նորա : Կէսք 'ի մահ մատնեցան և արհամարհեցին զկեանս իւրեանց , մակաբայեցիքն եւթն եղբարք մարդն հանդերձ . բայց սակայն թէպէտ և զինչ գործեցին ընկերք իւրեանց հաւատովքն իւրեանց , նոքա ոչ գործեցին , այլ սպասեալ ակն ունէին մեռանելոյ . զի հաւատացեալ էին եթէ լուսաւորագոյն յարութե արժանի լինիցին հասանել : Կէսք 'ի տանջանս և 'ի հարուածս մատնեցան , Եղիշա . 'ի բանդս և 'ի կապանս , և Երեմիա և Միքիա . և 'ի քարկոծանս , Մովսէս , Նաբովթ : Սղոցեցան , Չաբարիա և Եսայի . մտին 'ի փորձանս պէսպէս , Յովբ . յահէ սրոյ մահու մեռան , Միքա , Որիա , Յոհաննէս : Կէսք շրջեցան լեշկամաշկօք և մորթեովք այծենեօք , Եղիա և Եղիշա : Նեղեալք և տառապեալք և հալածեալք՝ զի ոչ արժէ բնաւ աշխարհ զնոսա , մարգարէքն զոր թաքուցեալ էր Աբիեղիայ , և կերակրէր յանապատի : Մոլորեալք եղեն 'ի լերինս՝ և յայրս և 'ի քարածերպս երկրի . այս զի յորժամ լուաւ Յեզարէլ զհամբաւ թաքուցելոցն և 'ի խնդիր էր նոցա , փախոյց թաքոյց զնոսա Ոբեդիա յայլ տեղիս : Եւ վկայէ մեծ նեղութի նոցա 'ի վերայ ամենեցունց՝ եթէ հաւատովք կացին մնացին նոքա , և չեւ ևս ընկալեալ նոցա զաւետիսն իւրեանց : Իսկ մեք թէպէտ և վերջինքն իցեմք փորձանօք , այլ և վամս մեր յառաջագոյն իսկ խոստացաւ՝ զի մի առանց մեր կատարեցին : Զի ոչ եթէ որպէս կանխագոյն են ընթացք ընկերին , նոյնպէս յառաջագոյն իցէ և հատուցումն . զի մի օր է օր հատուցման ամենայն նեղութեցն զոր համբերէին և համբերենն մարդիկ :

ԳԼՈՒԽ ԺԲ

ԱՍՆ այսորիկ և մեք այսչափ ունիմք մեք շուրջ զմեզ մածեալ իբրև զամպ բազմութի վկայից ծանրութեա մերոյ, այս ինքն հանդերձեալ է մեզ ամպ տրտմադին նեղուեց, այն որ 'ի պատիւ հասուցանեն զբազումս՝ որ խոստովանին 'ի ձեռն Եփեսոսի և մեռանին վասն նորա, և վասն այսորիկ 'ի բաց ընկեսցուք մեք 'ի մէջ զամենայն ինչ, զի մի յիմիք պատաղեսցուք մեք մարտնչել ընդ մեզս, այն որ հանապազօրն պատրաստեալ են յանցուցանել զմեզ. և համբերութիւն ընթացուք 'ի հանդերձեալ պատերազմի, ոչ 'ի հալածչաց միայն, այլ և 'ի նմին սատանայէ. եւ հայեսցուք ոչ ընդ մարդիկ, զի է որ այսպէս պաշտեցաւ 'ի նմա, և միւս ոչ. այլ հայեսցուք 'ի զօրագլուխն հաւատոց 'ի Եփեսոս Բրիտոս, այն որ նա եղև առաջնորդ և կատարիչ հաւատոց մերոց. այս ինքն զի սկսաւ նա Երդանանէ 'ի պատերազմութիւնս միայն՝ որ եղև յանապատի և կատարեաց յերուսաղէմ 'ի ձեռն խաչին, որ տնկեցաւ 'ի հալածչաց անտի 'ի վերայ Գողգոթայ: Արդ նմանող եղիցուք նմա և համբերեսցուք վասն նորա հալածանաց, որպէս և նայն. վասն զի ուրախ եղև 'ի մեզ, և յանձն առ զհամբերութիւն խաչին 'ի խաչահանուաց անտի, և արհամարհեաց նա զամօթ, և յետ այսորիկ նստաւ նա ընդ աջմէ աթոռոյն նոյ: Արդ աղէ պծէք զմտաւ՝ որ զայսպիսի համբերութիւն կրեաց վասն սիրոյ մերոյ 'ի մեղաւորաց, ոչ յայնցանէ՝ որ նա եղև նոցա հաւառակութիւն, այլ յայնցանէ՝ որ թերահաւատութիւն իւրեանց եղեն հակառակ անձանց իւրեանց: Արդ մի ձանձրանայցէք դուք նեղութիւնքն ձերովք, և մի լքանիջիք դուք անձամբք ձերովք 'ի ժամ փորձանաց ձերոց. զի այժմիկ դեռ թէպէտ և հալածեցայք, այլ 'ի սպանումն ոչ էք հասեալ. և թէպէտ 'ի փոքր պատերազմի աստ կացեալ իցէք, այլ ցայժմ չեւ ևս էք արեամբ քրտամբ չափ ընդ մեզս մարտուցեալ:

Եւ զայս վասն զի աշխարհականք էին՝ ասաց. օ.

րինաւորք էին և թլփատէին, և ցայն վայր 'ի պահպա-
 նութիս օրինացն փակեալ կային : Ածէ նոցա առակ
 օրինակի 'ի Զգօնութէ Սողոմոնի և ասէ . «Որդեակ
 իմ, մի հեղգար ինչ 'ի խրատ տեառն և մի լքանիր .
 զի զոր սիրէ տէր, և խրատէ , և Արդ յորժամ խրա-
 տիյիք դուք, համբերէք . զի իբրև զորդիս ընդունի
 զձեզ անձ յետ ապաշխարութեանն՝ որ լինի 'ի ձեզ 'ի
 խրատուէ անտի : Զի՞նչ է այն որդի զոր ոչ խրատէ
 հայր իւր . զի եթէ 'ի խրատուէ նորա 'ի բաց լինիք՝
 որով ամենեքին բաժանորդ լինին և հաճոյ, և ապա
 լինիք դուք գործովքն ձերովք օտարք և ոչ որդիք :
 Բայց սակայն եթէ 'ի ձեռն խրատուն հարցն մերոց
 ակն ածէաք 'ի նոցանէն, և որչափ ևս առաւել 'ի
 հնազանդութե կացցուք խրատուն մերով հարցն հո-
 դուց, զի կեցցուք : Զի հարցն մեր, ասէ, սակաւ մի
 ժամանակ ըստ կամս իւրեանց խրատէին զմեզ . զի
 վասն որոյ մեզ փնասն էր, զօրացուցանէին և զգու-
 շացուցանէին զմեզ : Իսկ անձ վասն օգտի հանդերձեալ
 պատրաստելոյ ժամանակաց 'ի մեծութի անդր իւր
 հաղորդս և կցորդս առնել զմեզ աշխատի 'ի մեզ :
 Զի ամենայն խրատ առ ժամանակ ոչ ուրախուի է,
 այլ տրտմութի թուի . բայց յետոյ պտուղ բարեաց
 տայ այնոցիկ՝ որ խրատինն և օգտին նովաւ . և հա-
 տուցումն այնպիսեացն արդարուի է : Եւ այս՝ վասն
 զի ցուցցէ, զի թէպէտ և 'ի ձեռն խրատուն նորա օգ-
 տին նոքա, սակայն յարդարութենէ հատուցման նո-
 ցա, և ոչ շնորհաց : Այլ զձեռա դողդոջոտս և ըզ-
 ծունկս կ'թոտս հաստատեցէք . այս ինքն ընթացք ո-
 տից ձերոց 'ի նեղութիս հալածչաց ձերոց մի սայ-
 թաբեսցեն . զի որ կաղն իցէ, այս ինքն որ գայթափ-
 ղեացն ուրացութի, և մի կործանեսցի և խնդացու-
 ցէ զմեզս, այլ բժշկեսցի . զի առողջութի նորա մեղքն
 յախտ անկցին : Զի զխաղաղութե զհետ երթիջիք դուք
 առ ամենեսին սրբութի անձանց . զի առանց այսո-
 րիկ ես ձեզ 'ի վր գրեցի՝ ոչ որ կարէ զոր տեսանել :
 Իյորհեցարուք, գուցէ որ 'ի ձէնջ յետնեալ որ ի-
 ցէ 'ի շնորհացն անձ որ սփռեցանն 'ի վերայ մեր 'ի
 ձեռն աւետարանին տեառն մերոյ . և մի որ արմատ
 դառնութե 'ի վեր երևեալ՝ այս ինքն աղանդ չար՝ և

նեղեացէ զձեզ, և վասն նորա բազումք կորիցեն : Մի
 ոք իցէ 'ի ձեզ պոռնիկ և պիղծ իբրեւ զԽաւն՝ որ վասն
 միոյ կերակրոյ զանդրանկութիւնս իւր վաճառեաց .
 այլ ոչ եթէ որպէս փակեցաւ դուռն ընդդէմ նորա,
 նոյնպէս փակեցաւ և ընդդէմ մեր : Զայս գիտէք
 դուք, զի եթէպէտ կամեցաւ նա ժառանգել զօրհ
 նութի՝ խոտան գտաւ, զի և ապաշխարութե տեղի
 ոչ գտաւ : Այլ ապաշխարութիւն խաւայ և արտա-
 սուքն ոչ եթէ վասն արգարանալոյ աւելի քան զեղ-
 բօրն էին, այլ զի առցէ նա իշխանութի 'ի վերայ եղ-
 բօրն իւրոյ : Արդ եթէպէտ և բազում արտասուօք
 խնդրեաց, և ոչ տուաւ նմա : Ոչ եթէ արդարութի
 խնդրէր նա՝ որպէս ասացի, այլ զանդրանկութիւնս .
 զի եթէ էր խնդրեալ նորա մեծ լինել քան զեղբայրն
 իւր յարքայութե, ոչ լինէր արգելեալ նմա . այլ զի
 թող նա զայն ինչ՝ որ օգուտ էր հոգւոց իւրոց, և
 խնդրեաց երկիր պարարտ քան զեղբօրն իւրոյ : Զար-
 դարութիւն քան զի ոչ խնդրեաց՝ ոչ եգիտ, ոչ զնա,
 և յայնցանէ զոր յառաջագոյն կանխեաց առ Յակովբ
 հաւատովք՝ իւրովք՝ զրկեցաւ նա :

Ոչ, ասէ, մատուցեալ էք դուք 'ի լեառն շուա-
 փեալ՝ որ հուրք վառեալ էր, և ոչ ուր ծուխն և մէ-
 գըն և մառախուղն, հանդերձ այլովքն որ 'ի լեառնն
 Սինէ գործեցան : Այլ քանզի բաւական ոչ կարացին
 լինել ժողովուրդն, հրաժարեցին . զի մի կրկնեսցի
 այլ առ նոսա բանն : Եւ այնպէս թահադին էր տեսին,
 զի՝ և Մովսէս ինքնին որ անծն կոչեցաւ նոցա, այս-
 պէս ասաց . ասէ . “Զահի հարեալ եմ ես, և դողամ
 ես” : Այլ դուք մատուցեալ էք յերուսաղէմ յեր-
 կինս, և 'ի բանակ բիւրաւոր հրեշտակաց, և յեկե-
 ղեցին որ յերկինս է՝ ուր գրեցարուք դուք . 'ի նմա
 անդրանիկքն, այս ինքն առաջինքն և գլխաւորք . և
 'ի հոգիս արդարոց, այս ինքն հարցն ձերոց առաջ
 նոց՝ որ կատարեցան . և 'ի կտակարանսն՝ ոչ Մովսէ-
 սին, այլ յայսց 'ի նորոցս, որոյ միջնորդ նորա Յի-
 սուս է՝ որ եղև 'ի մէջ մեր և այ . և 'ի հեղումն ա-
 րեան նորա՝ որ առաւել խօսեսցի քան զՀաբէլ . քան

զի սպանուան Աբելի համալաւոր էր 'ի մէջ ժողովրդեանն նոցա, վասն այսորիկ քան զնորայն մեծացոյց զայն յաչս նոցա:

Ո գոյշ լերուք մի պատրիք դուք յաղանդս հերձուածոց, և հրաժարիցէք 'ի խօսելեաց աստի. զի եթէ այնք ոչ իշխեսցին փախել յերկրաւոր հրամանաւորէ անտի, այլ հրաժարեցին նորք՝ զի 'ի ձեռն Մովսէսի խօսեսցի ընդ նոսա, որչափ ևս առաւել ընդունիցիմք մեք զդատաստանս՝ եթէ յերկնաւորէ անտի թիկունս դարձուցանիցեմք: Կամ այն է՝ որ 'ի վերայ Թորգանան գետոյն եղև, ասէ՝ «Սա է Որդի իմ սիրելի», Կամ այն՝ որ խօսեցաւ ընդ նմա՝ 'ի Խանապարհի անդ Դամասկեայ: Որոյ, ասէ, ձայնն նորա և զերկիր շարժեաց յայնժամ զՍինէ լերինն, այժմիկ խոստացեալ է և ասէ. դարձեալ միւսանգամ՝ շարժեցից ոչ զերկիր միայն, այլ և զերկինս: Զնոյն իսկ զայն որ ասացեալն էր տեառն մերոյ՝ երկրորդեաց նա, զի ասէ. «Զօրութիւն երկնից շարժեսցին», Զայս զոր ասաց, ասէ, միւսանգամ ևս՝ յայտ առնէ եթէ որք շարժելոցն են՝ փոփոխին, քան զի անցանէն. իսկ փոփոխինն և անցանէն ոչ նորքա, այլ և ընթացք լուսաւորաց իւրեանց, այն որ 'ի խոնարհէն իւրեանց ծնանին զձմեռն, և 'ի վերանալն իւրեանց ծնանին զամառն: Զանշարժ, ասէ, զթագաւորութիւն ընդունիմք մեք: Արդ եթէ դրախտն որ ոչ անցանէ՝ խօստացեալ է արդարոց, ոչ այսուհետև անցանէ երկիր՝ թէ գուցէ յանցանել երկրին անցանիցէ՝ դրախտն որ ոչ անցանէ: Եւ եթէ երկիր ոչ անցանէ իբրև ամենայն անցցէ՝ որ յանցանել պատուիրանին բոլսոյց երկիր, եթէ այդ այդպէս իցէ՝ ապա և ոչ երկիրն անցանէն, թէպէտ և գնացք տուրնջեան և գիշերոյ և ժամանակք ամարանւոյ և ձմեռանւոյ ոչ ծնան: Արդ պինդ կալցուք զշնորհսն որով պաշտեմք. այս ինքն պինդ կալցուք զաւետարանն շնորհայն, զի նովաւ պաշտեսցուք հաճոյ լինել նյ. զի անհ հուրք վառեալ և հատանէ զօրութիւն հրոյ, այս ինքն զհաճութիւն սպառնուին հալածչաց ձերոց:

ԳԼՈՒԽ ԺԳ

ՊԱՏՈՒԱԿԱՆ են հարսանիք, և սուրբ են անկողինք : Տեսանեն զի բարւոք ասացաւ 'ի վերագոյն' եթէ աշխարհականք էին և օրինաւորք . զի և զսուրբ ամուսնութի՝ որ ըստ օրինաց Մովսէսի էր , պղծէին նոքա : Յիշեցէք , ասէ , զառաջնորդս ձեր . այս ինքն զառաքեալն զընկերս նորա , որ սերմանեցին 'ի նոսա զբանն նյ : Հայեցարուք դուք ընդ վարս նոցա և յելս գնացից նոցա , և նմանողք եղերուք հաւատոցն Յօի Բօի . եթէ երեկ և այսօր կայցէք մնայցէք 'ի նմա , և յաւիտեանս յաւիտենից կացջիք մնասջիք 'ի նմա : Յուսմունս պէսպէս և յօտարաձայն աղանդրս , այս ինքն յուսմունս քահանայիցն և 'ի տասնորդս նոցա դուք մի մոլորիք . զի լաւ է շնորհօք հաւտատել զսիրտս մեր , այս ինքն աւետարանաւն նորով հաստատեալ , և ոչ ընտրութեք կերակրոցն քահանայից : Զի ոչ ինչ օգտեցան նոքօք որ զայսպէս վարս վարէին . այս ինքն ոչ քաւեցան և կեցին նոքօք որք պահեցին զնոսա :

Ունիմք մեք սեղան որ առաւել է քան զնոցայն , ուստի ճաշակել ինչ ոչ ունին իշխանութիւն , ոչ դոյզն հրեայքն միայն , այլ և ոչ զէտացիքն . որ պաշտեն զպաշտօն վրան ժամուն : Այլ զոր օրինակ ըլմարմինս անամնոցն զայնոսիկ զորոց տանէր քահանայապետն զարիւնն փոխանակ մեղաց 'ի ներքս 'ի արբուին քաւել՝ արտաքոյ բանակին այրէին զնա , և Յիսուս Քրիստոս զի սրբեսցէ արեամբ իւրով զժողովուրդ իւր , արտաքոյ դրան քաղաքի առ յանձն զչարչարանսն : Եղև մարմին անամնոց օրինակ տեառն մերոյ , և տէր մեր մեզ , զի և մեք ելցուք արտաքոյ բանակին . այս ինքն ելանել լինել աւետարանիչ քարոզուե նորա , և համբերել նախատանաց նորա : Եւ զգործս բարութե և զհաւասարութիդ մի մոռանայցէք . զի այսպիսի պատարագօք հաճի նձ , և ոչ այսպիսեօք որ 'ի ներքս 'ի տաճարի անդ մատչէին :

Ունինդիր լերուք առաջնորդաց ձերոց և հա-

զանդ կացէք . այս ինքն անարգեսցիք զայն զօրինացն ,
 և կատարեսցիք դուք զայն զՔրիստոսին : Զի համար
 և պատասխանի տալոց են նոքա այ եթէ մոլորեցու-
 ցանեն զձեզ : Արդ ունկնդիր լերուք դուք նոցա , զի
 տացեն նոքա պատասխանի ինդուլթի , և մի գերեալ
 մտօք և յոգւոց հանելոյ : Մեք այսպէս յուսացեալ
 եմք՝ եթէ բարւոք խորհուրդս ունիք . այս ինքն խոր-
 հուրդս կատարեալս ունիք յամենայնի . զամենայն
 զոր խրատ տայցեն մեզ , բարւոք գնասցուք : Այլ ա-
 ռաւել ևս աղաչեմ զձեզ զի արասցիք զայս , զի զմեզ
 յորդորեսցիք դուք այսուիկ՝ զի վաղագոյն 'ի ձեզ
 հասանիցեմք : Այլ ան խաղաղութիւն որ յարոյց զհո-
 վիւն զհօտից մեծն յարիւն կտակարանաց , ոչ յայն
 որ անցն , այլ յայս որ յաւիտեանս յաւիտենից
 կայ , զի նա ինքն է Յիսուս Քրիստոս տէր մեր , զի
 նա կատարեսցէ զձեզ՝ ի կտակարանաց անտի օրինացն
 զոր ունիք դուք յամենայն գործս բարութե . զի ա-
 րասցիք դուք յամենայնի զկամս նորա , և ոչ հիւան-
 դոտ պահպանութիւն օրինացն : Աղաչեմ զձեզ , եղ-
 բարք , ունկնդիր լերուք բանիցս մխիթարութե . այս
 ինքն զի գրեցի և ցուցի ձեզ՝ եթէ ամենայն առա-
 ջիւնքն որով պարծիք դուք նոքօք՝ 'ի նշմարանք են
 այսր որ 'ի ձեռն Քրիստոսի քարոզեցաւ ձեզ : Սա-
 կաւ բանիւք գրեցի՝ ես առ ձեզ ըստ կարի ձերում .
 և եթէ բաւական էիք դուք , ևս քան զայս բազում
 գրեի ես առ ձեզ . այն զի եթէ կատարեալք էիք ,
 ոչ միով իւրի յայսցանէ կարօտեալք էիք :

1 Թօրինակին բազում ուրեք
 հանգերմ « իւ գրեալ էր զատա-
 րեալ ժամանակք բարեց . գրեցի ,
 աւագորանեցի ես , սիրեցի ես . և
 այլն : Կոյնպէս և հրամայականն
 և Ապառնին նորա . օրհնեցէ ,
 յիշեցէ , հասարակեցէ , յարիւնի ,
 Կառնի , ելիւնի , ելիւնոյ ,
 Կառնի , Լիւնի : Իսկ Ապառնի
 Սահմանականն առանց « ի . իւ

դեցէ , մեցէ , զգեցուցէ , ուղե-
 ցէ , գիպեցէ : Մերեցու , աւա-
 ցու , սրբեցու , լիւնեցու , իրիւ-
 ցու : Մեք յայսպիսի և եթէ ան
 ուրեք սովորականաւն վարեցաք ,
 շատ համարեալ ծանօթս տալ առ
 տեղեալս նախնեաց այլ և այլ
 գրութե 'ի քննութի լեզուագէտ
 համոցն :

ՏԻՄՈԹԷՆՈՍ ԸՌԵՂԻՆ

ԼՌԱՔԵԱԼ յղեաց զՏիմոթէոս առ եփեսացիսն վասն ոմանց 'ի հերթայեցւոց , այն որ խռովէինն զնոսա պահել զպահպանութիւն օրինաց , այն որ վասն նոցա գրեաց նա առ եփեսացիսն և ասէ . "Մի՛ այսուհետեւ իցէք իբրեւ տղայք խռովեալք և գանդաչեալք յամենայն հողմս և յուսմունս խաբէութե մարդկան , : Այլ քանզի առաջնորդ 'ի վերայ եկեղեցւոյ արարեալ էր զնա , ոչ էր քաղաք որ հաւածեցաւ , եթէ ոչ փութացաւ նա երթալ և զօրացունել զսիրտս և զմիտս հալածելոց : Արդ քանզի փոյթ և յօժար էր նա յանձնէ իւրմէ , և առաջնորդութիւն ևս եկեղեցեաց ըստ հրամանին Առաքելոյ և 'ի ձեռնադրութե անտի երիցանց՝ զի նոքա իսկ են եպիսկոպոսք՝ տուեալ էր նմա , առ նա գրել նմա թէ որպիսի գործ օրէն է նմա յեկեղեցւոյ անդ գործել : Եւ քանզի աշակերտուի ցայն վայր աշխարհականաց էր , 'ի զօհելոյ արգելուին զնոսա առաքեալքս , և 'ի պոռնկութե և յարիւն ուտելոյ . զի ոչ կամեցան նա քա ծանրացուցանել 'ի վերայ նոցա , զի նախ յերկրպագութենէ անտի կռոց յաճախուի ածցեն զնոսա : Արդ իբրեւ առ վերակացու եկեղեցեաց բազմաց գրեաց նմա՝ թէ որպէս պարտ և պատշաճ է նմա շրջել 'ի տան նոյ , զի նա ինքն է եկեղեցի նոյ , յասել իւրում այսպէս :

ԳԼՈՒԽ Ա

ՊԱՆՆՈՍ Առաքեալ Յիսուսի քրիստոսի ըստ հրամանին կենարարին մերոյ . այս ինքն կենդանարար

Ծածուկ և յայանի է խորհուրդ մեռելութեն մերոյ : Եւ յուսոյն մերոյ Յիսուսի Քրիստոսի . այս զի նովաւ եղև յոյս ամենայն հեթանոսաց , որ զրկեալ էին յուսոյ անտի : Աւ Տիմոթէոս որդի իմ և սիրելի . ոչ 'ի բնութէ , այլ 'ի հաւատոց և 'ի մկրտութէ , զի նորա աշակերտեալ էր զնա : Ընորհք ընդ ձեզ և խաղաղութի 'ի ձեռն պարգևաց Հոգւոյն՝ որ են ընդ ձեզ . յայ 'ի Հօրէ մերմէ , զի արժանի արար կոչել զինքն Հայր մեր զՏեթանոսս , զի անուամբ միայն գիտէին զնա : Եւ 'ի տեառնէ մերմէ Յիսուսէ Քրիստոսէ . այս ինքն յայմանէ՝ որ մարմնոյն և նախնութեն իւրով տէր մեր է : Աղաչեցի ես զքեզ 'ի ժամանակի զի երթայի ես 'ի կողմանս մակիդոնացոց՝ եթէ կայցես մնայցես յԵփեսոս : Նայեաց դու և տես՝ զի և ոչ աշակերտաց իւրոց անգամ իշխանութի իւրով հրամայէր Աւաքեալ . զի և 'ի Տիմոթէէ յորդուոյ անտի իւրմէ աղօթիւք ինչդերէր նա : Զի դու պատուէր տայցես , ասէ , այնոցիկ՝ որ օտարուսմունքն իցեն , զի մի հայեացին նոքա յառասպել և 'ի տոհմութիւս յանչափս . այս ինքն յուսումն հրէութե և 'ի պահպանուիս օրինացն : Եւ մի հնազանդեսցեն պատմութեանցն պատուիրանաց քահանայիցն նոցա . այն զի տոհմութիւ խստից , զի անսպառ իցեն կարգք իւրեանց , նմանեալք են բազմութիւրեանց : Կամ զի մի պարծեսցին առ ձեզ արքահամեան տոհմաւն և երկոտասան ազգաւն Յակովբու . այն զի վասն բազմութիւրեանց անչափ են : Սղբին իսկ այս հակառակուի առնեն 'ի մէջ եկեղեցւոյ . և չիք 'ի նոսա հաւատք տնտեսութե այ . այս ինքն չիք 'ի նոսա հաւատք՝ որ սպասեալ ակն ունին խոստացեալ հատուցմանն . զի ամենայն աւետիք պարգևացն նոցա յերկրի են :

Օ ի դուրս պատուիրանին սէր է . այս զի վասն նորին սիրոյ եղան ամենայն պատուիրանքն : Եւ ուր սէր է , օրէնք ինչ չեն պիտոյ : Այլ զսէրն զոր ասացի , ոչ այն որ շրթանցն է , այլ 'ի սուրբ սրտէ , յայնչանէ՝ որ 'ի կնճռան անդէն 'ի մտաց բարեաց որ իւրիք չիցեն պղծեալ , և յանհաւառակ հաւատոց՝ որ 'ի բանից մի ուսմանց և յամենայն ուսմանց ոչ խռովեցին : Զի 'ի սոցուն իսկ 'ի պատուիրանաց աստի

սիրոյ և հաւատոց վրիպեցան նոքա և խոտորեցան յունայնութի բանիցն հերբայեցւոց : Որ կամեցան զանձինս իւրեանց ունել օրինադիր վարդապետս . քանզի ոչ գիտէին նոքա զգորուիս օրինաց , ոչ զայն ինչ զոր խօսին՝ գիտեն , զի ընդդէմ անձանց իւրեանց խօսին , և ոչ վասն որոյ պնտեալն էին և յամառեալն են թէ գիտեմք՝ ճշմարիտ ինչ գիտեն : Զայս գիտեմք եթէ բարւոք են օրէնք , եթէ որ զնոսա օրինօքն կրեացէ . այս ինքն եթէ ծանիցեն զժամանակն նոցա , և գիտասցեն զխորհուրդն ճշմարիտս՝ որ ակնարկեալ են ՚ի նշմարանս նոցա : Ապա եթէ այնոցիկ ոչ լինին հասու , և ՚ի պատուիրանս նոցա անխտիր հաստատեալ կայցեն , զայս գիտասցեն՝ եթէ արդարոցն որ յառաջ քան զօրէնսն էին և որ զկնի օրինացն , օրէնք ինչ ոչ են եղեալ : Զի յօրինաց անտի ուստի արդարացանն՝ որ յառաջ քան զօրէնս էին , անտի արդարացան որք յաւուրս օրինացն և որք զկնի օրինացն էին : Պիտոյ եղեն դնել ոչ վասն արդարոց՝ զի չէին ինչ կարօտ նոքօք , այլ վասն անօրինացն և սպանողաց և արուագիտաց և այլոց որ նման իցեն նոցա . զի թերևս վասն մօտաւոր պատժոցն օրինացն երկիցեն , և արգելցին ՚ի չարեաց անտի :

Այլ շնորհ ունիմ այնմիկ՝ որ զօրացոյցն զիս ՚ի Քսթ ՚ի տէր մեր՝ կալ և ժուժկալ լինել ինձ առաջի նեղութեց . և հաւատարիմ համարեցաւ զիս տալ ինձ զաւետարանն , և հաստատեաց զիս ոչ յայն պաշտօն ՚ի զոհիցն , այլ յայս պաշտօն յերկնաւորս : Զիս որ յառաջ հայհոյիչ և հալածիչ և թշնամանիչ , և ահա արժանի արար զիս այսօր՝ զի հալածեցայց վասն նորա , փոխանակ զի հալածեցի ես զեկեղեցի նորա . և թշնամանեցայց վասն նորա , զի թշնամանեցի ես զպաշտօնեայս նորա . և եղէց ես ՚ի նմա խոստովանեալ , փոխանակ զի եղէ ես ըստ օրինաց նախանձուն հայհոյիչ : Ողորմեցաւ ինձ և առ զիս անտի , քանզի զայս ամենայն ՚ի տգիտութե իմո՞ւմ գործեցի յեկեղեցւոյ նորա և յանհաւատութե : Այլ առաւել եղեն շնորհքն տեառն մերոյ հաւատովք և սիրովն հանդերձ՝ որ ՚ի Յիսուս Քրիստոս է . այս ինքն զի առաւել են յիս հաւատքն զոր հալածէի ես , և

յաճախեաց յիս սէրն Յիսուսի Քրիստոսի զոր երբեմն հայհոյէի : Հաւատարիմ է բանս և ամենայն ընդունելութեւ արժանի է , թէ Ճշմարիտ Յիսուս Քրիստոս ապրեցողցանել եկն զմեղաւորս , որպէս և ասաց իսկ . “Ոչ եկի ես կոչել զարդարս , այլ զմեղաւորս յապաշխարուի” : Զի ինչ և կատարեցաւ գործ բանի նորա , այն զի գլուխ մեղաւորաց ես եմ : Այլ վասն այսր իսկ գտի ողորմութի , զի յիմ գտանելն ցուցցէ Յիսուս Քրիստոս ամենայն զերկայնմտութի իւր : Զի եթէ սպանեալ էր զիս արդարութի իւրով մինչ դեռ հայհոյէին ես , զիա՞րդ գտանէին զիս շնորհք նորա : Արդ ահա կոչեաց և մեծացոյց զիս իւրեւ , զի զիս արասցէ օրինակ ամենայն մեղաւորաց՝ որ հաւատաւոցն են ՚ի նա , զի և նոքա իբրեւ զիս գտցեն զկեանսն յաւիտենից : Այլ թագաւորին յաւիտենից՝ որ արար ինձ զայս , և կենդանոյն՝ որ անեղծն և անարատն և աներեւոյթն է՝ որ գործեաց ՚ի ձեռն Որդւոյ իւրոյ , որ երևեցաւ նա ամենայն հեթանոսաց , նմա փառք և պատիւ յաւիտեան յաւիտեանս յաւիտենից . ամէն :

Այլ զայս պատուիրան զոր հանդերձեալ եմ ես գրել , յանձն առնեմ քեզ , որդեակ իմ Տիմոթէոս , ըստ կանխելոցն ՚ի վերայ քո մարգարէութեցն . զի դու վառեսցիս նոքօք զգեղեցիկ սպառազինութի՝ գործել զգործս բարիս : Այլ մարգարէութի որ եղև ՚ի վերայ նորա , կամ ոք ՚ի մարգարէից անտի նորոյն խօսեցաւ ՚ի վերայ նորա մարգարէութի՝ եթէ անօթ է նա ընտրեալ , կամ նմին իսկ գլխովին տուաւ մարգարէութիւն , և պատուիրեաց նմա եթէ հանդերձ մարգարէութի որ տուաւ քեզ՝ գործս ևս բարիս նշմանող նմին արժան է գործել նովաւ . այս ինքն ճշմարիտ հաւատովք զոր ստացարդ , և սուրբ մտովքդ զոր ունիս դու : Զի են ոմանք որ մերժեցին զայս յանձանց իւրեանց . այս ինքն զգործսն բարութեւ , և զմիտս սրբութեն որ առ անձ է . և ՚ի հաւատոց անտի զրկեցան . այս ինքն են մի ՚ի նոցանէն Մենէոս , և միւս ևս Աղէքսանդրոս : Յայնմանէ զի ասաց՝ բայ են ոմանք որ մերժեցին զայս յանձանց իւրեանց , և ՚ի հաւատոց անտի զրկեցան , մի յերկուց կարծիք կան ՚ի վերայ նոցա . կամ վասն զի մերժեցին յան-

ձանց իւրեանց զգործս բարութեւն զմիտս սրբութե՛
 ունայնացան՝ի հաւատոց անտի և ոչ ընկալան զնոսա ,
 կամ զի հաւատացեալք էին՝ և իբրեւ հեռացուցին
 յինքեանց զգործս բարութեւն և զմիտս սրբութեւն, և
 ՚ի հաւատոց անտի ունայնացան. և ապա յետ այնու
 րիկ անչափ հակառակութիւն կացին նոքա ընդդէմ
 հաւատոց: Իսկ զի ասաց՝ բայ զորս մատենցի ՚ի ձեռս
 սատանայի զի խրատեսցին , զի յայսմ հետէ մի լիցին
 հայհոյել: Զի որպէս սաստեաց նա Բարշումայի կա-
 խարդի և սուտ մարգարէին՝ որ կամակորէր և թիւ-
 րէր զձանապարհն նոյ, և ասաց ցնա՝ եղիցիս դու
 կոյր և մի տեսցես զարեւմինս ՚ի ժամանակ, սոյնպէս
 մատենաց և զնոսա դիւաց, զի մտցեն ՚ի նոսա. զի
 յորժամ խրատեսցին նոքա վասն առաջին գործոց
 զոր գործէին նոքա, արգելին ՚ի հայհոյուէ անտի,
 որ զտէրն մեր և զմանկունս եկեղեցւոյ հայհոյեցին:

ԳԼՈՒԽ Բ

ԼԱՅԵՍ ԶԵԵԳ, ասէ, զի նախ քան զամենայն
 ինչ: Նայեաց դու և տես, զի և ըստ սովորութեւն խո-
 նարհութեւն իւրոյ աղաչէր նա ցնա, և ոչ եթէ ըստ
 դիպի ինչ պատճառանաց: Աղաչեմ, ասէ, զքեզ՝ զի
 նախ քան զամենայն ինչ առնիցես աղօթս և խըն-
 դրուածս առ անձ վասն ամենայն մարդկան, և պա-
 ղատանս վասն թագաւորաց, և գովուի վասն այնու
 ցիկ՝ որ առաւելն իցեն. զի խաղաղութիւն պատերազ-
 մաց և շինութիւն վարեսցեն զամենայն զկեանս իւ-
 րեանց. այս ինքն սրբութիւն և արդարութիւն: Թերեւս
 այս քարոզութիւն աղօթից որ քարոզիս այսօր ընդ
 առաւօտս և ընդ երեկորի ՚ի մէջ եկեղեցւոյ, աստի
 առ սկիզբն: Զայս թէ արասցես, բարեւոք է, ասէ,
 և ընդունենի առաջի նոյ, որ զամենայն մարդ կամի՝
 թէ ապրեսցին ՚ի մոլորութենէ և ՚ի խաբէութենէ,
 և ՚ի դիտութիւն ճշմարտութեւն հասցեն, և զոր մեքս
 քարոզեմք. զի մի է անձ և ոչ բազումք, որպէս և հե-
 թանոսքն կարծեն. և մի է միջնորդ նոյ և մարդկան,
 զի վասն փրկութեւն ամենայն մարդկան չարչարեցաւ

նա՝ի ժամանակի իւրում, այն որ յառաջագոյն նկարեալ և դրոշմեալ էր մահն նորա՝ի խորհուրդս ծնչի իւրոյ . և ակնարկեալ էր ՚ի Մովսէս և յամենայն մարդարէս : Եւ եղայ ես՝ որ գլուխս մեղաւորաց եմ՝ քարոզիչ և Առաքեալ : Զձմարիտ ասեմ՝ և ոչ ստեմ, զի եղէ ես վարդապետ հեթանոսաց , ոչ զոհիւք պաւտարագացն , այլ հաւատովք ճշմարտութիւն :

Վարձեալ յետ այսոցիկ իբրեւ ուսոյց նա արանց կալ յաղօթս առանց բարկուէ և առանց սրտմտութե , շրջեցաւ նա զգաստացուցանել և զկանայս , և խափանել զգարդն պաճուճանացն և զկտուութե և զհելաս ոսկեմանս ընդելուզեալս մարդարտովքն և զհանդերձն երևելի : Այլ որպէս վայելեսցէ կանանցն՝ որոց զածպաշտութիւն յանձն առեալ իցէ ՚ի գործս բարութե , և ՚ի գործս արդարութե և հեզուէ պաշտեսցեն նոքա զարդարութիւն սրբութե :

Վարձեալ սկսաւ պատուիրել . զի ՚ի հնազանդուէ կացցեն արանց իւրեանց և քահանայից իւրեանց . և ցածութիւն հանապազօր ուսցին , և երբէք զաշտիւ ճան վարդապետաց նոքա մի առցեն , թէպէտ և իցեն նոքա խօսողք և իմաստունք : Եւ ուսուցանել , ասէ , կնոջ մարդոյ ոչ հրամայեմ , և ոչ ճոխաբան լինել քան զայր մարդ . այլ ՚ի լուութե կալ և ուսանել հաւապազօր : Զի Ագամ՝ նախ ստեղծաւ , և ապա ՚ի պատիւ նորա հաստեցաւ և Եւայ կին նորա . և Ագամ ոչ անկաւ ՚ի պատրանս խաբէութե , զի կինն զառաջեաց և անց զպատուիրանաւն . բայց ապրեսցէ վամս ծննդից իւրոց , այն որ տուաւն նմա երկամբք և ցաւովք , եթէ փութացուցցէ և յօժարեցուցցէ զնոսա կալ ՚ի հաւատս և ՚ի սէր և յարդարութիւն ճշմարտութեանն :

ԳԼՈՒԽ Գ

Եթէ իցէ , ասէ , որ որ երիցութե ցանկայ , այն պիտին ՚ի գործս բարիս զոր առանց երիցութեն ոչ կարէ վճարել կամ ՚ի կատարել երիցութե , պարտ է նմա անարատ լինել . այս ինքն պարգևովք և դահամամբք ուրուք նա մի կապեսցի : Միոյ կնոջ այր . զի

'ի տեղ կնոջ իւրոյ զբազմունք ինչ չարի չիցէ նորա ընդ այլում: Եւ որդիք նորա դարձեալ մի հպարտասցին 'ի նմանութի որդւոցն Հեղեայ. այլ 'ի հնազանդութե կացցեն նոքա հարց իւրեանց և ամենայն ժողովրդեանն ամենայն սրբութիւն և պնտութիւն: Զի եւթէ զորդիս իւր 'ի խրատու չկարէ կացուցանել, զի ամրդ մարթ է եկեղեցւոյն նոյ հրաման տալ: Մի մատաղատունկն, զի մի հպարտասցի և անկցի նա յամպարտաւանութի, զի նա ինքն է որոգայթ մեծ սատանայի: Սոյնպէս և պաշտօնեայք սարկաւազունք սուրբ եղիցին անձամբք իւրեանց 'ի զօշաբաղութէ, և մարմնովք իւրեանց 'ի ցաւոց ցանկութէ. և հաստատեալ կացցեն նոքա 'ի հալածանս 'ի խորհուրդս հաւատոցն, և պատուեսցեն նոքա զխորհուրդն մարմնոյն Քրիստոսի 'ի սրբութի մտաց իւրեանց: Եւ նոքա նախ փորձեսցին իրօք իւրիք որ 'ի խոնարհագոյն իցեն քան զկարգ սարկաւազութե: Սոյնպէս և կանայք նոցա մի սատանայոտք, այլ հեզք, զի մի 'ի ձեռն լկտութեան նոցա հայհոյեսցին արք իւրեանց. և մի չարախօս լիցին նոքա զընկերաց իւրեանց առ արս իւրեանց, զի առաջնորդք նոցա են: Այլ հանապազօր եղիցին նոքա արթուն 'ի գործս բարիս, և յամենայնի հաւատացեալք լինիցին, զի մի անկեալ գտցին նոքա 'ի դիւթեալ և 'ի հմայեալ:

Այլ զայս զոր գրեմ ես առ քեզ, ոչ եթէ իբր զքի չունիցիմ ակն տեսանել զքեզ: Ապա եթէ յամեցից, գիտասցես թէ որպէս պարտ և պատշաճ իցէ շրջել քեզ 'ի տան նոյ, զի նա ինքն է սիւն հաստատութե և ճշմարտութե 'ի մէջ աշխարհի. զի վասն նորին իբկ եկեղեցւոյ կայ աշխարհս: Եւ արդարեւ վկայեն' զի մեծ է խորհուրդ այսր արդարութե զոր քարոզեմք մեք: Յայտնեցաւ մարմնով 'ի կուսե. արդարացաւ Հոգւով, այս ինքն արդարութիւն Հոգւոյն սրբոյ. և երևեցաւ հրեշտակաց ծննդեամբն իւրով. և քարոզեցաւ 'ի հեթանոսս զօրութիւնք և նշանօք. և հաւատարիմ եղև յաշխարհի 'ի ձեռն վարդապետուն աւետարանին իւրոյ. և վերացաւ փառօք հրեշտակացն և աշակերտաց 'ի ժամանակի իբրև ընկալաւ զնա ամպն:

ԳԼՈՒԽ Դ

ՔԱՆԶԻ Հողին սուրբ յայտնապէս ասէ՝ 'ի ձեռն մարգարէիցն, որ էջն և հանգեալ 'ի վերայ նոցա, եթէ 'ի Ժամանակս յետինս՝ այս ինքն յաւուրս յետինս՝ քակեսցին ոմանք 'ի հաւատոց անտի իւրեանց, և հայեսցին նոքա յայսս մոլորութե և 'ի վարդապետութիս սատանայութե։ Նայեաց դու, զի նոքա 'ի ճշմարիտ հաւատոց անտի խոտորին . քանզի տան զանձինս իւրեանց 'ի տեսիլս այլոց մոլորութե, և լի նին ինքնակամք ուսուցիչք վարդապետութե դիւայ՝ որ յայտնին նոցա։ Որոց զիւրեանց խորհուրդն ընկեցեալ և որոշեալ է . այս ինքն պղծեալ են խորհուրդք իւրեանց։ Եւ արգելուն զհարսանիս, ոչ վամս առաւել աշտիճանին կուսութե, այլ վամս զի պիղծութի յայս նոցա ամուսնութի։ Այլ այս 'ի սոցանէ ասի 'ի վերայ մարկիոնացւոց, և 'ի սոցանէն 'ի վերայ մանինացւոց և 'ի վերայ ազգի ազգի աղանդոց։ Զի կանխեաց յառաջագոյն և մարգարէացաւ 'ի վերայ նոցա Առաքեալ որ լինելոց էին զկնի նորա։ Մարկիոնացիք պղծեն զամուսնութի, և մանինացիք ըզկերակուրս՝ զոր ամբ արար 'ի մխիթարութի գոհուն հաւատացելոցն . այս ինքն 'ի մխիթարութի այնոցիկ՝ որ ուտենն, և 'ի գոհունութի այնոցիկ՝ որ ոչ ուտեն . զի ոչ եթէ վամս զի մի պղծիցին՝ արգելեալ են 'ի նոցանէն հաւատացեալք, այլ զի կեցցեն 'ի պատճառս նոցա . զի կարճեն նոքա զանձինս իւրեանց յուրախութենէ անտի նոցա։ Զի ամենայն արարածք այ բարի են, որպէս և ասացեալ իսկ է . “Եւ ետես ամբ զամենայն զոր արար, և ահա բարի է յոյժ”, Եւ չիք ինչ խոտան 'ի նոսա . այս ինքն չիք ինչ պիղծ 'ի նոսա, զի ոչ եթէ հայհոյութի ինչ պաշտին նոքօք՝ թէ պղծեսցին։ Եւ այն որ 'ի վաճառի անդ՝ զոր հեթանոսքն զենուն, և ոչ այսպէս պղծեն զնոսա . քանզի սրբին նոքա բանիւ այ և աղօթիւք զոր յիշեն 'ի վերայ նոցա։

1 ԅօրինակին պակասի ունէ։

ԼՆԼ 'ի բանից զազրուութեց Հրէից և յօտար ազանս
դոց հրաժարեա 'ի նոցանէ . և կրթեա զանձն քո
յաճպաշտութի, այս ինքն 'ի գործս արդարութե,
Զի մարմնոյ կրթութի այնոցիկ՝ որ կրթեն զանձինս
իւրեանց, սակաւ ինչ օգուտ է . որչափ և կենդանի
է մարմինն նոցա՝ օգնէ նոցա . իսկ գործքն արդարու-
թե որովք ոգիքն կրթին՝ միշտ օգնական են, աստ
բարւոք անուամբն զոր տան մեզ ստանալ, և յաշխար-
հին որ գալոցն է կենօքն՝ որ յաւիտենիցն տան մեզ
շահել: Այլ զի մի ոք զքո մանկութիդ արհամար-
հիցէ, օրինակ բարեաց լինիջիր դու հաւատացելոցն,
ոչ բանիւք միայն, այլ և գնացիւք, սիրով և հաւա-
տովք և սրբութե, մինչև գամ էս: Միտ գիր դու
գրոց միսիթարութե և վարդապետութե. այս ինքն
միտ գիր դու աղօթից և ընթերցուածոց գրոց: Եւ
մի, ասէ, հեղգար դու վասն շնորհացն՝ որ տուեալ
է քեզ մարդարեութե 'ի ձեռնդրութե՝ երիցանց .
այս ինքն եպիսկոպոսից: Թերեա ընդ նմին իսկ ընդ
ձեռնդրութեն եպիսկոպոսութե զոր առ, ընկալաւ
նա և զմարդարեութեն: Յայս, ասէ, լեր և 'ի սոյն
կանխեա . այս ինքն յայս լեր և թեալոխել և 'ի
սոյն կանխեա գործել. զի յայտնի լիցին 'ի ձեռն գոր-
ծոցդ այդոցիկ եթէ յառաջ և եթէ դաս դու: Զգոյշ
լինիջիր անձին քում և վարդապետութեդ, և 'ի սոյն
կանխեսջիր անձամբ քով, զի մի իւրք դարովեսցիս .
և հաւատովք քովք, զի 'ի ժամ նեղութե մի խոտո-
րիցիս: Եւ զայս յորժամ առնես դու, ոչ միայն զանձն
քո ապրեցուցես բարւոք տեսլամբն քով, այլ և
զայնոսիկ որ լսենն քեզ՝ շահեսցես դու:

ԳԼՈՒԽ Ե

Օ ԱՅՐԻՍ մեծարեսցես՝ որ ստոյգ այրիքն իցեն .
այս ինքն կերակրեսցես: Եթէ ոք այրի իցէ, և որդիք
և թուռւնք իցեն նորա, ուսցին նոքա 'ի քէն՝ զի նախ
զտուրմն իւրեանց անդրէն 'ի տունս իւրեանց արա-
ցեն, և ապա այլոց: Բայց սակայն այնոցիկ՝ որ զար-
դարութին ոչ կատարեցին և փոխարէն զերախտիւն

զոր հօր և մօր պարտէին՝ ոչ հատուցին, ո՞ հաւատայ նոցա՝ եթէ արտաքինքն գոհ են զնոցանէ . զի ներքինքն անչափ տրտունջ են զնոցանէ : Այս գործ զոր ասացի, ընդունելի է առաջի անձի : Ապա եթէ իցէ ոք որ անձին իւրոյ և մանաւանդ ընտանեաց խնամ ոչ տանի, ուրացեալ է նա ՚ի հաւատոց . զի ոչ գործէ նա զգործ զոր հաւատքն քարոզեն, և է չար ևս քան զթերահաւատն . զի առնէ նա զայս զոր ոչն կամեցաւն առնել : Դարձեալ ընտրեսցես դու այրի ՚ի սպասաւորութի սարկաւարդօւն՝ որ ոչ պակաս իցէ ՚ի վաթսրնեմնից . զի իցէ միոյ առն էին լեալ : Զի եթէ առնն իւրում առաջնում հաստատուն եղև սէրն նորա, զի զկնի մահու նորա այլում ոչ եղև նա այլ, ՚ի սէրն անոր զի առաւել ժողովալ լինի նա : Եթէ ՚ի գործս բարիս վկայեալ իցէ վասն նորա, եթէ մնուցեալ իցէ նորա մանկունս իւր, և ոչ թարթափեցուցեալ իցէ զնոսա, եթէ զամենայն գործոց բարեաց զհետ երթեալ իցէ նորա, այնպիսին եղիցի : Իսկ որ աղձկամարդ այրիքդ են՝ ՚ի նոցանէ ՚ի բաց մերժեաց, զի չիք ՚ի նոսա յոյս ապաստանի . պատուին նոքա ՚ի պատճառս աշտիճանին, և հատանին ՚ի խաչ տալ, և անկուշէ մարմինն . իսկ արանց կամին լինել, զգատաստանս յանձինս իւրեանց ընդունին . զի յառաջին հաւատոց անտի թեւրեցան, այս ինքն է յառաջին խոստմանէ անտի իւրեանց : Դարձեալ դատարկանձօնք սովորեալ են շրջողք մուտ և ելք ՚ի տանէ ՚ի տուն . և զայս ինչ խօսին՝ որ զինչ ոչ է պիտոյ : Փարթար կամիմ՝ որ մանկամարդք իցեն թէ արանց լինիցին, զի մի ինչ պատճառս տայցեն սատանայի ՚ի հայհոյուէ աղագս . զի և արդէն բազումք են՝ որ խոտորեցան և զկնի գնացին սատանայի, և եղեն մեզ իբրև պատնէշ և որոգայթ :

Երիցունքն որ բարւոք առաջնորդեալ գիտեն ժողովրդեանն, կրկին պատուոյ արժանի լինիցին նոքա քան զընկերս իւրեանց՝ որ խոնարհագոյն իցեն քան զնոսա գործովք իւրեանց . մանաւանդ որ ջանան և վաստակեն բանիւ և վարդապետութի : Զի վասն նոցա գրեալ է յօրէնս՝ թէ «Մի կապեր զցուռկ եզին կալուոյ .» և վասն նոցուն ասացեալ է ՚ի նորում

անդ՝ եթէ «Արժանի է մշակն վարձուն իւրոյ», Զերիցունէ առնէ վաղվաղակի զբարախօսունի՝ ի ծածուկ յանձն մի առնուր. բայց եթէ երկուք և երիւք վկայիւք : Զամենայն զինչ առնիցես՝ մի իւրք աշուանօք առնիցես հնազանդելքեզ . մի՛ ի խնդրուածոց երեսաց մարդոց պատուականաց պատկառիցես դու : Զեռն վաղվաղակի առանց փորձելոյ յուրուք վերայ մի դնիցես , և մի կցորդ լինիցիս դու մեղաց այնոցիկ զոր առնես դուն : Են մարդք որոց մեղքն իւրեանց յայտնի են նոցուն , յառաջագոյն քան զնոսա հասեալ են յատեան դատաստանի . այս որ վաղվաղէն դնել ձեռն ՚ի վերայ՝ ոչ եթէ միայն առաջի նոցա և ընդ նոսա երթան , այլ և զինի նոցա երթան մեղքն և անօրէնութիւնք այնոցիկ՝ որ արարինն և թողին զինի իւրեանց : Այսուհետև մի ջուր և եթէ ընպիցես , այլ ոչ գինի ասեմ՝ թէ ընպիցես , այլ սակաւիկ մի ընպիցես վասն ստամոքսի քո և ստէպ ստէպ տկարուէ . զի ցաւազնոտեաց նա՛ ի բազում պահոց անտի . և մեք բազում հիւանդուութեցն՝ որ հանապազօր զարթնուն ՚ի վերայ քո՛ ի պատճառս ցաւոց ստամոքսի քո :

ԳԼՈՒԽ Զ

Եւ պատուիրեսցես դարձեալ որ ընդ լծով ծաւայուէ իցեն՝ զի զտեարս իւրեանց ամենայն պատուոյ արժանի համարեսցին . մանաւանդ զայնոսիկ՝ որ լծեալն իցեն ընդ նոսա ընդ լծոյն Քրիստոսի : Եթէ ոք այլ ազգ յօտար յօրէնս ոք ինչ ուսանիցէ ՚ի մտաց իւրոց , և ոչ անսայցէ ողջամտութե բանիցն տեառն մերոյ և որ անպաշտութեն վարդապետութիւն է , այս ինքն վարդապետուեն որ հաստատեալ կայ գործովք արդարութե՝ ոչ անսայցէ , այնպիսին հպարտացեալ է ՚ի գիւտս անձին իւրոյ , և ոչ ինչ ՚ի ճշմարտութե նա ոչ փիտէ , այլ տապի նա՛ ի բանիցխնդիր գրգռութիւն . և յայնմանէ իսկ ծնանին հեռ և նախոնձ և հակառակութի և այլ ևս որ ծնանին . և ապականեն զմիտս մարդկան ծնանեւն նոցա զօտարոտիս , որ զբկեալ են ՚ի ճշմարտութե . և զարդարութիւն այ՛

ինքն զՃմարիտ քարոզութիւնն ան՝ իբրեւ շահի վաճառարարին : Բայց դու մերժեսցիր յայսպիսեաց անտի , զի մի կռուիցի 'ի քեզ ագահութիւն նոցա : Զի շահն մեր օչ եթէ անցաւոր իցէ անյագ . զի շահն մեր ճիշմարտութի է . և այս շատ իցէ ծածուկ կենացս մերոց : Իսկ որ կամին մեծանալ , անկանին նոքա ոչ 'ի մի փորձանս , զի ագահութիւն նոցա որ է 'ի նոսա 'ի փորձանս բազումս տանի զնոսա , և յորոգայթս պէս պէս ցանկութեց ցանկութի մարմնոյ նոցա արկանէ զնոսա : Զի արմատք ամենայն չարեաց՝ որ 'ի նոցանէն ելանեն և որ ստանան , արծաթախրութի է : Եւ են ոմանք , այս ինքն և դիպեցան մեզ ոմանք՝ որ այսմ իսկ ցանկացան և խոտորեցան 'ի հաւատոց անտի ճմարտութե . այս ինքն 'ի ճանապարհէ դուրծոց բարեաց հաւատոց թերեցան նոքա . կապեցին զան ձինս իւրեանց 'ի զբազումն չարեաց , և անկան 'ի ցաւս բազումս :

Եւ դու , օվ մարդ ան , յայսպիսեաց աստի որ հեռի առնեն զքեզ յայն՝ փախիր , և երթ զկնի արդարութե՝ քարոզել , և զհետ անպաշտութե՝ աւետարանել , զհաւատոց՝ ուսուցանել , զսիրոյ՝ հասանել , և զհամբերութե՝ գտանել , և զհեղութե՝ ստանալ : Եւ մարտիր բարւոք զմարտ պատերազմի հաւատոց՝ որ հայեցեալ անն ունին հատուցմանն . և բուռն հարմի զկենացս ժամանակեանս , այլ զկենացն յաւիտենից յոր կոչեցարն դու 'ի ձեռն քարոզութե իմոյ , և խոստովանեցար զբարւոք խոստովանութի առաջի բազում վկայից . այս ինքն զի առաջի բազում հաւածչաց կացեր դու քաջալերեալ՝ և խոստովանեցար , և նեղեցին զքեզ՝ և դու ոչ ուրացար : Պատուիրեմ առաջի ան՝ որ կենդանի առնէ զամենայն 'ի կատարածի , և առաջի Յիսուսի Քրիստոսի՝ որ մեռաւ իսկ վասն այսորիկ , զի պահեսցես դու զբարւոք խոստովանութի և զհաւատսն ողջ , անեղծ և անարատ . այս ինքն խոստովանութիւն քո՝ որ է առաջի բազում դատաւորաց , և զհաւատսն զայն՝ որ ցայժմ պարհեցեր զնոսա ողջ , անեղծ և անարատ մինչ 'ի գալուստ տեառն մերոյ , յիմիւ սատանայի կամ մարդկան մի կապիր :

Մեծամեծացդ որ յայսմ աշխարհի իցեն՝ պատուէր տալիր, զի մի հպարտացեալ իցեն. և փոխանակ այ մշտնջենաւորի զյոյս իւրեանց յանցաւոր մեծութիւն արասցեն: Եւ ուսուցիւր նոցա մեծանալ զմեծութիւն գործոց բարեաց. լինել նոցա առատ, սիրուն, ոչ միայն առ մերձաւորս, այլ և հաւասարորդս լինել տրովքն իւրեանց հեռաւոր սրբոցն, զոր տայցեն տանել: Զի այսուիկ որ ժամանակեանս է, կարասցեն հասու լինել կենացն այն որ ստոյգն են յաւիտենից: Արդ պահեա դու զաւանդս պատուիրանացս այսոցիկ վայելցուի՞ր. այս ինքն սրբութիւն և ճշմարտութիւն. և խոտորեցիւր դու ՚ի պիղծ և նորաձայն բանից. զի հակառակութիւն աճեցուցանէ զնոսա, և մեղարանուն դիտուի յաճախէ զնոսա: Եւ են ոմանք՝ որ կարծեալք որ յանձն առին զայս, և զառաջին հաւատս իւրեանց զճշմարիտս բոշինել ինչ ոչ կարացին:

ՏԻՄՈԹԷՆՈՍ ԵՐԿՐՈՐԴ

ՊԱՒՂՈՍ ծանեաւ Հոգւովն որ էր 'ի նմա՝ եթէ մերձեալ է ժամանակ վախճանի իւրոյ ելանել նմա յաշխարհէ աստի յայսմանէ։ Եւ գրեաց նա առ Տիմոթէոս, զի եկեսցէ վաղվաղակի առ նա . մի՛ զի յաւելցէ պատուիրել նմա՝ թէ՛ որպէս պարտ և պատշաճ իցէ նմա շրջել յեկեղեցւոյ ւայ . և երկու՝ զի եղիցի նա նմա օրինակ և քաջալեր մահուամբն իւրով, որպէս և եղև նա նմա տանջանօքն և քարկոծանօքն և քարշելովն։ Իսկ զփիղոն և զգիրմն զոր հրամայեաց բերել, կամ զի վաճառեսցէ զնոսա և տացէ զվարձս տանն, կամ զի ժառանգեցուցէ զնոսա ում՝ և արժան իցէ։ Տիմոթէոս թէպէտ և սիրելի էր, սակայն մեծատանց որդի էր։ Այլ քանզի ցանկացեալ էր նա երթալ և աշակերտել 'ի Հռոմէ, մոլեցան 'ի վերայ նորա հեբրայեցիքն սպանանել զնա յերուսաղէմ . զքողոք կալաւ նա առ կայսր, ոչ վասն զի երկնչէր նա 'ի մահուանէ, այլ զի գոնեայ 'ի պատճառս շղթայիցն կապանաց ելցէ նա քարոզել 'ի քաղաքին յայնմիկ՝ որ առանց այսր ինչ պատճառանաց չէր ինչ նմա անդր հնարել ելանել։ Արդ զերկուս ամս ներեցին նմա շնորհք, զի հալածեսցի նա և աշակերտեսցէ 'ի Հռոմ քաղաքէ, այն կարծէր թէ սակաւ աւուրբք հասանէ քարոզել և նեղել նմա։ Արդ սա որ զնախաբարմն և զնոտանիս Կեսարեայ աշակերտեաց, ոչ 'ի տան միոյ ուրուք 'ի նոցանէ բնակել կամեցաւ, և ոչ զվարձս տանն յորում նստէր նա բազմօք հանդերձ՝ թոյլ ետ միւում ումեք 'ի նոցանէ թէ տացեն։ Արդ վասն այսր և վասն այլոց գրէ նա 'ի Հռոմ քաղաքէ առ Տիմոթէոս՝ յասել իւրում այսպէս։

ԳԼՈՒԽ Ա

ՊԱՒՂԱՍ ԱՐԱՔԵԱԼ ՅԻՍՈՒՍԻ ՔՐԻՍՏՈՍԻ 'ի կա-
մաց այլ, զի կամեցաւ ընդ իս. և ըստ աւետեացն
կենդանութե որ 'ի Քրիստոս Յիսուս են, զի կամե-
ցաւ նա քարոզել ինչ. Առ Տիմոթէոս սիրելի որդի,
'ի հոգւոյ ծննդենէ. Ընորհք և խաղաղութի յայ
'ի շօրէ մերմէ եղիցին ընդ ձեզ յամենայն կողմանց
վասն հալածչացն՝ որ ընդ ամենայն տեղիս ընդդէմ
լինին մեզ. և 'ի տեառնէ Յիսուսէ Քրիստոսէ. և ոչ
եթէ 'ի ձեռն տեառն մերոյ Յիսուսի Քրիստոսի. Գո-
հանամ զայլ զոր պաշտեմն 'ի նախնեաց սրտէ. այս
ինքն նախնեաց մտօք՝ որ յառաջ էին քան զօրէնսն.
ոչ եթէ զօհիւք պատարագաց, այլ մտօք սրբութի.
Իբրեւ զի անպակաս ունիմ զյիշատակ քոյ յաղօթս իմ
որպէս և հայր ճշմարիտ. և անձկացեալ եմ տեսա-
նել զքեզ իբրեւ զորդի սիրելի. և յիշեմ ես զարտա-
սումս քո վասն նեղութեցն իմոց. և որ յամենայն
ժամ յաղօթս կաս դու, վասն զի լի եղիցիս հոգւոյ
ուրախութի, եւ զմտաւ ածեմ ես զանխեղձ զանա-
րատ զառանց երկմտութե հաւատս քո, այն որ ա-
մենեկն 'ի նեղութի ոչ շարժեցան. Վասն այսորիկ
յիշեցուցանեմ քեզ աղօթիւք իմովք զուարթացու-
ցանել արծարծանել նորոգել քեզ զշնորհսն այլ զոր
ընկալար 'ի ձեռնադրութի անտի իմմէ. այս ինքն
զհոգին սուրբ զոր ընկալար դու 'ի ձեռնադրութի ան-
տի իմմէ. զի ոչ ետ քեզ անձ 'ի ձեռին իմում ոգի վա-
տութե, այլ զօրութե կալ առաջի հալածչաց սիրով
և զգօնութի, շինել և շահել նոքօք զհաւատացեալս
Ընդ իբրեւ քաջալերեալ և զօրացեալ 'ի հոգւոյ
անտի զոր ընկալար՝ մի ինչ ամօթ համարեալիք զխոս-
տովանութիւն տեառն մերոյ առաջի ամենայն մարդ-
կան, և մի զիս զկապեալ նորա. Զի լեպէտ և այս
խոստովանութի 'ի մէջ նեղութե մեծի կացուցանէ
զքեզ, այլ քեզ պարտ է պատշաճ է կցորդ լինել շար-
չարանացն աւետարանին հալածելոյ ըստ զօրութե
որ յայ է. այս ինքն ըստ օգնականութե որ յայ է,

այն որ փրկեաց զմեզ 'ի նոր փրկուի, և կոչեաց զմեզ 'ի կոչումն իւր սուրբ՝ որ յերկնից է . և ոչ ըստ գործոց իմոց՝ զի հայհոյիչ էի, այլ ըստ կամաց իւրոց՝ որում ոչ սպասէի և ոչ ակն ունէի . ըստ շնորհացն որ տուան ինձ Յիսուսէ Քրիստոսէ յառաջ ժամանակօքն յաւիտենից, որպէս և աշակերտացն ընկերացն իմոց : Այն իսկ է զոր ասէ . «Ընտրեցի ես զձեզ ինձ 'ի սկզբանէ արարածոց» : Բայց յայտնեցաւ այժմիկ 'ի դալստեան տեառն մերոյ Յիսուսի Քրիստոսի՝ որ խափանեաց զմահ մահուն իւրով, և լուսաւոր արար զկեանս և զանապականութի . այս ինքն և քարոզեաց զկեանսն անմահութե յարուածն իւրով : Այն որ առաքեցայ ես նովին աւետարանաւն քարոզիչ և Առաքեալ և վարդապետ հեթանոսաց : Վասն այսորիկ զայս չարչարանս ընդունիմ ես զոր տեսանես յիս, և լսես դու վասն իմ . և ոչ ինչ ամօթ համարեալ է ինձ, վասն որոյ տեսին աչք իմ և լուան ականջք իմ և համբեր մարմին իմ : Քանզի գիտեմ ես յայն որ կարողն է նա ինձ պարհել զաւանդն իմ յօրն յայն, հաւատացի ես : Արդ լեր դու ոչ քարոզ բանից միայն, այլ եղիցիս դու օրինակ բարեաց գործովքն քովք բանիցն ճշմարտութե զոր յինէն լուար 'ի հաւատս ճշմարիտս և 'ի սէր յստակ, այն որ Յիսուս Քրիստոս են : Զաւանդն բարւոք զոր աւանդեցի քեզ, պահեալ ջիւր հանդերձ Հոգւովն սրբով որ բնակեցաւ և 'ի քեզ, որպէս և յիս :

Օ այս գիտաւջիր՝ եթէ որ միանգամ 'ի կողմանս ասիացւոց ժողովեալ էին առ իս 'ի մխիթարութի ըզբօսանաց վասն բազում նեղութեց և յերկար ճանապարհին, ապստամբ եղեն յինէն : Տացէ ողորմութի տէր Անիսեփորեայ տանն, զի բազում անգամ հանգոյց զողի իմ տեսլեամբ իւրով և մխիթարութի, և զկապանս իմ 'ի հալածչաց մարդկանէ անտի՝ որ պառտեալ էին զինս՝ ամօթ ինչ ոչ համարեցաւ : Այլ իբրեւ եկն նա 'ի Հռոմ՝ աշխարհ երկրորդ, փոյթ եղև նմա խնդրել զիս պնտադոյնս, և մեծաւ աշխատութի գտանել զիս : Տացէ նմա տէր գտանել ողորմութի յաւուրն յայնմիկ, ոչ միայն վասն այսր զոր արար նա ինձ 'ի Հռոմ քաղաքի, այլ և որչափ միանգամ փոյթ

եղև նմա սպաս ունել ինձ 'ի հալածանս' որ յարուցեալ էին 'ի վերայ իմ' յեփեսոս, այն զի և դու ինքնին իսկ քաջ գիտես՝ զի անդ դիպեցար :

ԳԼՈՒԽ Բ

Եւ դու զուարթասցիր զօրութիւն Հոգւոյն զոր ընկալար հանդերձ հաւասարութիւն շնորհացն Յիսուսի Բրիստոսի . և ինչ զոր լուար դու յինէն բազում վկայիւք, այս ինքն զայն զոր վկայեցի ես յանդիման քո առաջի հալածչացն յամենայն տեղիս, զայս պատուիրեսցիր և դու հաւատարիմ մարդկան՝ զի սոյն պէս և նոքա կարգիցեն զաւետարանն ճշմարիտ 'ի ձեռն այլոցն՝ որ աշակերտէինն նոցա : Զգնեաց դու և համբեր չարչարանաց 'ի ձմերուտն հալածանաց իբրև խապառաղէն քաջ Յիսուսի Բրիստոսի : Զի ոչ որ իցէ որ զինուորի և աստէն պատաղի և 'ի կեանս աշխարհիս, այս ինքն եթէ փոյթ ինչ իցէ նմա տեսանել զինչս իւր և զստացուածս . այլ 'ի հպատակութե կայ այնմիկ՝ որ ընտրեացն զնա, թէ որպէս հաճոյ մարթապէս լինել նմա : Սոյնպէս և մարդ թօթափեսցէ զանձն իւր յամենայնէ, զի զիւիք ոչ իցէ պատաղեալ . բայց միայն քարոզել և հալածիլ, զի տեսառն իւրում երկնաւորին և եթ հաճոյ լիցի : Եւ մարտիկ ոք որ 'ի խաղ մտանէ, ոչ մարթէ պսակ դտանել, եթէ ոչ ըստ օրինաց խաղուն մարտիցէ . բայց եթէ ըստ կերպարանաց խաղուն և որպէս ուսուցին զնա՝ մարտիցէ և յաղթեսցէ : Սոյնպէս և այնոքիկ որ աշակերտինն, եթէ 'ի պատերազմ ծածուկ նեղութեցն ոչ մօտնիցեն և յաղթիցեն, և յայտնի հալածանօք՝ որ յառնէ 'ի վերայ նոցա՝ ոչ առաքինանան, զպսակ յաղթութե առնուլ նոքա ոչ կարեն : Եւ հողագործին ըստ վաստակոցն պարտ է և 'ի պտղոյ անտի նախ վայելել նմա : սոյնպէս և մեք 'ի վաստակոց աստի զոր վաստակիմք մեք յայսմ աշխարհի՝ զկեանս անմահութե 'ի միւս աշխարհս ընդունիմք մեք : Իմաց դու զինչ խօսիմս ընդ քեզ առակօք օրինակօք : Տացէ քեզ տէր իմաս

տուլթի՝ իմանալ քեզ զծածկեալն զորս կարգեցի ես առաջի քո յայսնեօք :

Յուշ լիցի քեզ Յիսուս Քրիստոս . այս ինքն քարոզեա՝ զՅիսուս Քրիստոս զյարուցեալն 'ի մեռելոց , այն որ եղևն 'ի զաւակէ Դաւթի , որպէս յաւետարանին իմում գրեալ է : Կամ այն՝ որ ասացեալն է վասն Մարեմայ և զՅուսէփու՝ եթէ երկոքին 'ի տունէ Դաւթի էին , կամ այն՝ զի ասէ . “Տացէ նմա տէր անձ զաթոռն Դաւթի հօր իւրոյ ” : Որով համբերեմ ես նեղութեց և չարչարանաց . այս ինքն աւետարանաւն , ոչ եթէ թշնամանաց միայն կամ նախատանաց համբերեմ ես , այլ իբրեւ չարագործ մի կապանօք 'ի քաղաքէ 'ի քաղաք տանէին զիս , և շղթայիւք յաշխարհէ յաշխարհ մասնէին զիս : Այլ թէպէտ և ձեռօք կապելովք տարան զիս 'ի Հռոմէ , զլեզու իմ կապել ոչ կարացին : Եւ որովհետեւ բանն այն ոչ է արգելեալ , ամենայնի համբերեմ , զի շղթայիւք իմովք անգամ կեանս խոստացեալս որ 'ի Քրիստոս Յիսուս են ընտրեալք՝ որ լսենն ինձ գտցեն իւրեանց զփառս , որ 'ի Քրիստոս են . այս ինքն յառուր փառաց Քրիստոսի : Հաւատարիմ է բանս , այս ինքն արդար է բանս . զի եթէ մահուն նորա կցորդք եղեաք , և կենացն կցորդ լիցուք ընդ նմա : Եւ եթէ համբերեմք մեք առաջի հալածչաց , և ընդ նմա թաղաւորեմք և 'ի կատարածի . և եթէ ուրանամք 'ի նեղութեան կամ առանց նեղութե , և նա յուրաստ լինի 'ի մէնջ , որպէս և ասաց նա . “Եթէ դք յուրաստ լինի յինէն առաջի մարդկան . և ես յուրաստ եղէց զնմանէն և առաջի հօր իմոյ յերկինս ” : Եւ եթէ թերահաւատեն 'ի նմանէ , ոչ խափանեմք մեք զնա . հաւատարիմ իսկ է , այս ինքն է իսկ նա և ուրանալ զանձն իւր ոչ կարէ :

() Այս յուշ արասցիր այնոցիկ՝ որ ուսանիցինն 'ի քէն . և եղիցես հաստատել զնոսա ոչ առաջի մարդկան , այլ առաջի այն . զի մի հակառակիցեն նոքա 'ի բանս՝ որ ոչ իցեն պիտոյ , բայց կործանուին են լսելեաց իւրեանց : Արդ ջանասցիր զանձն քո օրինակ կացուցանել ընտիր՝ յուսացեալ առաջի տեառն մըշակ առանց ամօթոյ . որպէս զի կարասցես զուարթ

երեսօք ուղղել զթեւերեալն բանիւ ճշմարտութիւն : Այլ 'ի պղծաբան և 'ի զազրաձայն խօսից ամենայն աղանդոց՝ որ օտար իցեն իմաստութեան գրոց՝ 'ի բաց մերժեսցի որ զքեզ . զի անօրէնութիւնք իւրեանց առաւել ևս բազմանան յաշխարհի . այս զի վասն անօրէնութեան իւրեանց մոլեգնին անօրէնք զինի նոցա : Եւ բանք նոցա նմանեալ են կեղոյ , որ անուանեալ կոչի քաղցր կեղ . կամ զոր օրինակ չիք բժշկութիւն այսմ կեղոյ , սոյնպէս և ոչ նոքա ստանան զառողջութիւն 'ի հաւատոց անտի ճշմարտութեան . կամ որպէս փորեւ և ծակոտեւ ախտս այս զմարմին , սոյնպէս ապականեւ և եղծանեւ աղանդս այս զմիտս : Արդէն իսկ աւասիկ յետս կացին 'ի ճշմարտութեան անտի՝ որ յայտնին է . որոց սակի են Հեմենոս և Փիղիտոս . և հակառակ այնմիկ զոր ուսանն , և ուսուցանենն և պնտեալ են և ասեն՝ եթէ յարուի մեռելոց եղև և անց , ոչ եթէ մարմնոց , այլ հոգւոց . և 'ի ձեռն այսորիկ զհաւատս մարդոց մարդոց որ շարժեալ էին հիմունք նորա՝ կործանեն : Այլ հաստատուն հիմն այ կայ . այս ինքն ճշմարիտ քարոզութիւն՝ որ քարոզեցաւ յայ 'ի ձեռն մարգարէիցն և առաքելոց՝ հաստատուն կայ 'ի գիրս նոցա . և ունի զդատակնիքս զայս , այս ինքն յարութիւն՝ զի քարոզի 'ի նմա . զի այն որ զյարուի մարմնոց ոչ քարոզէ , ոչ չինի նա 'ի վերայ հիմանն այնորիկ : Եւ ճանաչէ տէր զայնոսիկ՝ որ իւրն են , զի յամենայնի օգնեսցէ նոցա , և փրկեսցէ զնոսա և յանօրէնուէ :

Ի՞՞՞՞ նա օրինակ բանի իւրում և ասէ՝ եթէ եկեղեցի որ ընդ ամենայն տիեզերս է , մեծի տան նմանեալ է . ոչ է միայն անօթք ոսկեղէնքն և արծաթեղէնք՝ որ 'ի պատիւ փառաց պիտոյ են՝ գոն 'ի նմա , այլ և փայտեղէնք և խեցեղէնք 'ի պէտս անարգանաց : Այլ ոչ եթէ որպէս պիտոյ եղև սպաս պաշտաման անօթոցն անարգութեան 'ի տան մեծի , այսպէս պիտոյ իցէ մոլորութիւն նոցա յեկեղեցւոյ այ : Եթէ որ կամեսցի և սրբեսցէ զանձն իւր յօտարոտի բանից անտի յայնպիսեաց զոր ուսուցանէ , լինի այնուհետև անօթ պատուական , սրբեալ , պիտանի տեառն իւրում , պատրաստեալ ոչ յապականել զմիտս հաւատացելոց , այլ պատրաստեալ յամենայն գործս բարիս :

Եւ յերիտասարդութե ցանկութե փախիւր՝ որ հետամուտ լիեալ են քո, և երթ զհետ արդարուե. այս ինքն զհետ գործոց արդարուե, և զհետ ճշմարիտ հաւատոց՝ որ առ նձ են, և զհետ կատարեալ սիրոյ՝ որ առ մարդիկ է: Եւ խաղաղուի եղիցի աստ և անդ այնոսիկ՝ որ կարգան զանուն տեառն սուրբ սրտիւ, զի ոչ իցէ խոտորեալ ՚ի ճշմարիտ հաւատոց իւրոց: Եւ յիմարութենէ և յանխրատ հակառակութենէ՝ յորում տգէտքդ յարակեալ են հրաժարեա. քանզի ոչ ունին նոքա առնել նշանս և դարձուածս բանից պատասխանի, ծնանին իւրեանց կռիւս: Եւ ծառայն տեառն որ հեզն է, կռուել ընդ այնպիսիսն անխրատս ոչ է պարտ. այլ լինել նմա հեզ և խոնարհ, որպէս ուսոյց նմա տէր իւր, ոչ առ մի ոք, այլ առ ամենայն մարդ. և լինել նմա ուսուցիչ և համբերող առ աշակերտս իւր. և խրատել զհակառակողսն, ոչ թշնամանօք կամ հետուութե, այլ հանդարտութե: Չէ արժան հեռացուցանել և մերժել զնոսա ՚ի մէնջ, թերեւ տայցէ նոցա ապաշխարութի երկայնմտութիւն իւրով, զի յորժամ ծանիցեն զճշմարտութիւն, սթափեցին և սգայցեն խելաց իւրեանց. և ապրեսցեն յորոգայթից անտի սատանայի, զի նա ինքն է վարդապետութի սատանայի, այն որ արգելեալն և փակեալ և ձերբակալեալ են. այս ինքն զի զգեցեալ են նովաւ ըստ կամացն սատանայի:

ԳԼՈՒԽ Գ

ԴԱՐՁԵԱԼ ասաց նա ՚ի ձեռն Հոգւոյն զոր ունէր՝ վասն հակառակորդաց, որ զարթնուն յաւուրս յետինս ՚ի վերայ եկեղեցւոյ, գրէ այսպէս՝ Թէ յաւուրս յետինս յարիցեն մարդիկ՝ զի ոչ եթէ միայն բանիւք իւրեանց լինին հակառակ ճշմարտութեն, այլ և գնացիւք իւրեանց. ՚ի գործոց անտի ն՞ջ պարտ է ճանաչել զբանսն ապականութե զոր ուսուցանեն: Յարիցեն մարդիկ ոչ տալ զանձինս իւրեանց իբրև զիս ՚ի մահ փոխանակ մարդկան, այլ անձնասէրք. ոչ սոսկք որպէս և եսս՝ զի ոչ ցանկացայ ոսկւոյ և

արծաթոյ և հանդերձից, այլ արծաթասէրք. ոչ խոնարհք և գձուձք, այլ հպարտք և ամպարտաւանք. ոչ խոստովանեալք, այլ հայհոյիչք. զի ընտանեաց իւրեանց որ սաստեն նոցա՝ ոչ անօտն. ոչ երախտաւորք բարեաց, կամ հատուցիչք բարւոք երախտաւորաց, և ոչ հեզք, այլ անշնորհք և ապարասանք. ոչ ողորմածք և քարոզիչք խաղաղութե, այլ անգութք և անհրաւելք. ոչ հոգաբարձուք մարդկան, այլ չարախօսք ընկերաց իւրեանց. ոչ երկայնամիտք, այլ անհամբոյրք. ոչ քաղցունք, այլ խիստք. և ոչ չարատեացք, այլ անբարիք. ոչ որ ընդ յարկաւ առնեն և թագուցանեն զհալածեալսն, այլ մատնիչք հալածելոց. ոչ սիրունք ճանապարհի կենաց, այլ ցանկասէրք առաւել քան ձծասէրք :

Հանդերձ այսու՝ որ ճշմարտութեն օտար են՝ որ գործէին 'ի նմա, որ ուրացեալն են 'ի ճշմարտութե անտի. որ ունին զկերպարանն ճշմարտութե գործովք իւրեանց չարեօք : Պաշտեն զկամս մարմնոց իւրեանց, և կերպարանօքն ճշմարտութե զոր զգեցեալ են՝ դերեն զմարդիկ 'ի մոլորութի խաբէութե : Եւ յայնպիսեաց անտի յորս զայս տեսանես՝ խորշնսլիւր, զի ոչ ինչ օգտին նոքա 'ի քէն. զի զարդարեալ հային նոքա 'ի քեզն մերձենալով : Սպրդեն և մտանեն 'ի տանէ 'ի տուն, ոչ յանդիմանել և 'ի խրատել, այլ գերել յուսումն վարդապետութե իւրեանց զկանայս շեղջակութեալս մեղօք. զի գնան նոքօք և վարին ոչ 'ի մի ցանկութի, այլ 'ի պէսպէսս 'ի ցանկութիս : Եւ յամենայն ժամ՝ ուսանին, այս ինքն հանապազօր ճաշակեն նոքա զճշմարտութիւն, և դարձուցանեն անդրէն, և երբէք յամենայն սրտէ իւրեանց ոչ դառնան ճանաչել զճշմարտութի : Այլ որպէս Յանէմն և Յամրէն հակառակ եղեն Մովսէսի 'ի հնումանդ, սոյնպէս և սոքա հակառակ են ճշմարտութեան նորոյն : Մարդք՝ ապականեալք միտք իւրեանց 'ի ճշմարտութենէ. և անպիտանք, այս ինքն անպիտանք 'ի հաւատս : Եւ քանզի մոլեգնեցան նոքա այսոքիմիջ զորս համարեցայս, անարգել զնոսա և գալ յառաջ ոչ կա-

րեն . զի յայտնի իսկ են գործք իւրեանց՝ եթէ ինչ ճշմարիտ նոքա ոչ գիտեն , որպէս և ինքեանք իսկ զինքեանս ծանեան :

Այլ դու զհետ եկիր ճշմարիտ վարդապետութիւնոյ և զհետ օրինակի զոր ցուցի ես քեզ յանձն իմ . և զհետ հաւատոց իմոց , զի մեծաւ հանդիսիւ քարոզեցի զնոսա . և զհետ երկայնմտութիւնոյ առ հաւատացեալս , և զհետ համբերութիւնոյ առաջի նեղչաց , և զհետ հալածանաց իմոց ընդ ամենայն տեղիս , և զհետ հին ցաւոց իմոց որ 'ի հալածչացն' որ արգել լինէին ինձ : Զի դու ինքնին իսկ գիտես որպիսի իրք անցին ընդ իս 'ի կողմանս անտիոքացւոց և յեկոնիացւոց և 'ի լիստրացւոց : Եւ Անտիոք՝ ոչ այս աստուոցս , այլ յայն 'ի փիսեդացւոցն' գրգռեցին յարուցին շրեայքն զքաղաքապետս և զկանայս մեծատունս , և արարին նեղութի մեծ 'ի վերայ նոցա , և հանին զնոսա արտաքս քան զսահմանս իւրեանց . և յեկոնիայ յետ նեղութեն առաջնոյ արարին հալածանս շրեայք և հեթանոսք , և քարկոծ արարին զնա և զԲառնաբա , և հանին զնոսա 'ի քաղաքէ անտի : Եւ 'ի Լստրոս դարձեալ չարախօսութիւն շրեիցն' որ եկեալ էին անդր 'ի կողմանց անտիոքացւոց և յեկոնիացւոց՝ քարակոշկոճ՝ արարին զՊաւղոս , և հաւնին քան զքաղաքն արտաքս քարշելով , և ակն ունէին թէ մեռաւ նա : Եւ զի այս այսպէս եղև , ահա 'ի Գործս երկոտասան առաքելոց գրեալ է :

Համենայնէ փրկեաց զիս տէր . ոչ զի մի չարչարեալսն զիս , այլ զի մի սպանցեն զիս : Եւ ամենեքին որ կամիցին կեալ 'ի վախճանի յարդարունի , մատնեսցեն զանձինս իւրեանց հալածանաց . իսկ այնոքիկ՝ որ 'ի կերպարանս ճշմարտութեան ծածկեն ստուքն իւրեանց , յառաջ գան նոքա 'ի չար իւրեանց . այս ինքն վամս չարեաց նոցա աճէ և զարգանայ խաբէութիւն անձանց իւրեանց , և այնոցիկ՝ որ խաբին զինի նոցա : Այլ դու հաստատուն կաց յայդմ զոր ուսարդ յինէն , և յայնմիկ՝ որ ինչ հաւատարիմեղեր դու յայ 'ի ձեռն հոգեւոր մարդոյ . գիտես դու յորպիսի մարդոց ուսար : Եւ 'ի մանկութենէ քումմէ գրովք մարգարէից մնար , որք կարողք են խորհրդովք իւրեանց ի-

մաստուն առնել զքեզ 'ի կեանսն, ոչ զկեանսն հնոյն, այլ զկեանս նորոյն՝ որ 'ի հաւատոց անտի Յիսուսի Քրիստոսի է հանդերձ ամենայն գործովք։ Դարձեալ որ անծաշունչն են. այս ինքն հանդերձ գորովք մարդկան՝ որ ընկալան զՀոգի, ոչ 'ի մարգարէանալ, այլ յանդիմանել խրատել և ուսուցանել՝ թէ որպիսի վարք արժանի են ճանապարհին կենաց. զի 'ի ձեռն նոցա կատարեալ լիցի մարդն այն նորն յամենայն գործս բարութե հաստատեալ։

ԳԼՈՒԽ Դ

() ԱՅՍ վկայեմ ես առաջի այն և առաջի տեառն մերոյ Յիսուսի Քրիստոսի, զի անդադար քարոզես ջիր դու զբանն. և եղիցես 'ի մտի ունել զայն վկայութիւն զոր վկայեցի քեզ լռելեան. այս ինքն 'ի ներքս յանձին քում հանապազ։ Այլ ոչ ասեմ քեզ թէ ուր արժան իցէ և ուր չիցէ արժան. այլ սւր տեղի գտանես դու քեզ, յանդիմանեա և խրատեա աներկիւղ, և շինեա և ուստ ամենայն երկայնմտութիւն։ Ձի եկեացեն ժամանակք՝ յորում՝ ողջամտութեամբ վարդապետութե բանիցս ոչ ունկնդիր լինիցին բազումք յիմաստնոց. այլ ըստ իւրաքանչիւր ցանկունց յանձանց իւրեանց և ոչ ըստ պատճառանաց գրոց յաճախեն վարդապետս ճոխութե անձանց իւրեանց ըստ մարմնաջել լսելեաց իւրեանց 'ի լսել, յասել, կործանին նոքա յառասպելս խաբէութե. թեւերն զլսելիս իւրեանց 'ի ճշմարտութենէ անտի վասն յրատակութե և իմաստութե նորա։ Այլ դու զուարթ կաց յամենայնի ուսուցանել, և համբեր չարչարանաց 'ի հալածչաց. և գործք քո եղիցին ոչ ըստ քահանայից հնոյն, այլ ըստ աւետարանչի նորոյս։ Եւ եղիցես դու քաջալերեալ 'ի պաշտաման քում. այս ինքն յաւետարանութե քում։ Ձի ես արդ այսուհետեւ նուիրեալ եմ ոչ դոյզն մահ մեռանել, այլ պատարազել. և ժամանակ իմոյ դարձին հասեալ կայ 'ի վե-

բայ իմ : Զի պատարագելոյն իւրով հանգեաւ նա 'ի հալածանաց զոր համբեր նա զամս բազումս : Զպատերազմ մեծ զհալածանաց և զամենայն նեղութեց պատերազմեցայ , և զընթացս իմ կատարեցի 'ի ձեռն մարհուն՝ որ սահմանն է ընթացից , և զհաւատս իմ պահեցի 'ի մէջ բեր չարարանաց՝ որ յարեան 'ի վերայ իմ : Եւ այսուհետեւ պահեալ մնայ ինձ պսակն , ոչ շնորհացն , այլ զոր հատուցէ ինձ տէրն յառուրն յայնմիկ . ոչ եթէ ինձ միայն տայ արդարութիւն , այլ ամենայն որ և սիրեցին զօրն երեւելոյ դաւստեան նորա : Զի թէպէտ որ աստս լինի տուեալ մեզ՝ շնորհաց են , սակայն այն որ պատրաստեալն պարհի՝ արդարութեւ են :

Փութասլիր դու գալ առ իս վաղվաղակի , զի 'ի պատճառս պատճառս մնացայ ես յառաջին ուղեկցաց անտի . զի Դեմաթ թող զիս և սիրեաց զաշխարհ . այս ինքն փախեալ 'ի նեղութենէ , ուստի պարգեքն աւետեաց պարհեալ էին նմա . և մերձեցաւ նա առ հանգիստ երկրաւոր , ուստի շահ ինչ չիք նմա : Եւ Կրիսպոս զնաց երթալ շինել 'ի կողմանս դադատացւոց . և Տիտոս աւետարանել 'ի կողմն դադատացւոց : Եւ Ղուկաս աւետարանիչ միայն է ընդ իս : ԶՄարկոս ընդ քեզ առջիր եկեսլիր , զի է նա ինձ պիտոյ , ոչ 'ի պաշտօն անձին իմոյ , այլ 'ի պաշտօն Հոգւոյ : ԶՏիբեկոս որ պաշտէր ընդ իս , առաքելի ես շրջել տեսանել զեփեսացիմն : Զփիղոնն և զմատեանսն մագաղալ թեայս , քանզի յայտնուին որ եղև ինձ 'ի Տրուադայ՝ զի երթայց շինեցից զկողմանս մակիդոնացւոց՝ թողի զնոսա անդ , յորժամ գայցես՝ բերջիր ընդ քեզ : Աղեքսանդրոս դարբինն բազում ինչ չարիս հատոյց ինձ . տացէ նմա անձ գործս նորա զոր գործեաց նա ընդ մեզ : Ընկեր էր նա Սիմոնի , որպէս կիսարացի Քրիստոսիւ անդ ցուցանէ : Թորմէ , ասէ , և դու անձնպահ լինիլիր , զի խորամանկութիւնն անխանձու սատանայի որ մտեալ էր և զօրացուցանէր զնա՝ շատ հակառակ եկաց նա բանիցն մերոց : Եւ յառաջնում յատենին իմում զոր կացի ես առաջի կայսեր , ոչ ոք յեղբարցն մնաց առ իս . այլ ամենեքին թողին զիս առ երկիւղի և փախեան . մի մեղք համարիցին նոցա

այս : Զի թէպէտեւ փութացաւ եւ փախոյց զնոսա շարժումն , ժողովեաց ած զնոսա առ մեզ սէրն : Այլ ինձ տէր օգնական էր , եւ զօրացոյց զիս քաջալերութիւն համբերել ինձ չարարանաց եւ նեղութեց՝ որ պատեցան զինեւ . զի ինեւ քարոզութիւն քաջալերեսցի , այս ինքն ամենայն քարոզիւքն նորոյն քաջալերեսցին ինեւ . եւ լուիցեն ամենայն հեթանոսք որ աշակերտեցանն , զի ապրեցայ ես ՚ի բերանոյ առեւծու . այս ինքն ՚ի ձեռաց կայսեր : Զի սպանանել կամէր զիս առաջին ատենն նորա . եւ տալ պատասխանի նորա թէ վասն որոյ պատճառանաց մատնեցաւ նա ՚ի Հրէից անտի ՚ի ձեռս դատաւորին , եւ վասն որոյ իրիք կալաւ նա զբողոք ՚ի կայսր : Եւ ապրեցուսցէ զիս տէր յամենայն գործոց չարութենէ , որպէս եւ փրկեալ եմ ես յամենայնէ՝ որ միանգամ գրեցաւ վասն իմ կայսեր՝ ՚ի չարախօսութիւն անտի Հրէիցն . եւ հասուսցէ զիս յարքայութիւն անդր իւր՝ որ յերկինսն է , զի կացի ես եւ քարոզեցի զնա առաջի երկրաւոր թագաւորաց :

ԸՌՏՈՒՄ

ՊԱՒՂՈՍ ԵԹՈՂ ՉՏԻՊՈՍ 'ի Կրիտէ իբրև զվերակացու և իբրև զեպիսկոպոս, զի շրջեսցի նա և կացուցէ երիցունս 'ի քաղաքս քաղաքս, և այլ իբք որ պակաս իցեն 'ի տեղիս տեղիս՝ ուղղեսցէ : Այլ իբրև լուաւ Պաւղոս Եթէ ոմանք 'ի Ելփատու թենէ անտի խռովեն զմիտս հեթանոսաց՝ պահել ըզպահանուծիս օրինաց, փութացաւ նա գրել վասն որոյ իրի զնայն 'ի Կրիտէ Եթողեալ էր, 'ի պատուիրել իւրում և վասն որոյ 'ի Ելփատու թենէ անտի էին . զի պարտ է մեզ ընբերանել զնոսա : Զի նոքա վասն ագահութե իւրեանց զամենայն տունս կործանեն, և ուսուցանեն զոր ինչ ոչ է արժան՝ վասն զօջաբաղուն իւրեանց : Քանզի ասացին ոմանք՝ և վասն Տիտոսի 'ի խռովաց անտի՝ Եթէ չէ նա 'ի Պաւղոսէ առաքեալ, գրէ նմա Պաւղոս և ցուցանէ 'ի ձեռն թըղթոյն զիշխանութի զոր ունէր Տիտոս և առանց թըղթոյ : Եւ պատուիրէ նմա 'ի թղթի անդ երիցունս կացուցանել, և սարկաւագունս առնել, և ընբերանել զայնոսիկ՝ որ 'ի Ելփատու թենէ անտի են . և զի զամենայն ինչ 'ի կարգի իւրում ուղղեսցէ : Եւ մինչ առաքեսցէ զկնի նորա գալ նմա 'ի Նիկոպոլիս, անդ կացցէ : Արդ վասն այսորիկ և որ ինչ նման էր սոցին՝ առ նա գրել առ Տիտոս, յասել իւրում այսպէս :

ԳՆՈՒՄ Ա

ՊԱՒՂՈՍ Ժառայայ և Առաքեալ Յիսուսի Քրիստոսի ըստ հաւատոց ընտրելոցն այլ, այս ինքն ըստ հաւատոցն որ ընտրեալ էին առաքեալքն . և ըստ գի-

տուութե՛ ոչ մեղաց և ստուէ, այլ ըստ գիտութե՛ արդարութե՛ և ճշմարտութե՛ և յուսոյ կենաց, ոչ եթէ անցաւորք, այլ կեանք յաւիտեանս յաւիտենից զոր խոստացաւ արդարն անձ յառաջ քան զժամանակս յաւիտենից, այս ինքն յաւուրց անտի Աբրահամու սիրելոյ իւրոյ. և յայտնեաց մեզ զբանն քարոզութե՛ իւրովք ժամանակովք ըստ աւետեացն կարգելոյ՝ որ կարգէր յամենայն դարս՝ ի ծածուկ և ոչ ումեք երեւէր, մեզ առաքելոց յայտնեցաւ՝ ի գալստեան իւրում՝ լինել մեզ քարոզք նորա : Եւ ոմին իսկ այսմ՝ աւետարանի եղէ ես հաւատարիմ, ոչ ՚ի մարդկանէ, այլ ըստ հրամանի այ փրկչի աշխարհի : Առ Տիտոս սիրելի որդի, ոչ ՚ի մարմնաւոր ծննդենէ՝ զի նա հեթանոս և ես հեթալեցի, այլ ըստ հաւատարութե՛ հաւատոցն այ. զի նոքզք ՚ի մոլորութե՛ ՚ի գիտութե՛ ճշմարտութե՛ ծնայ զքեզ : Ընդ ձեզ և խաղաղութի՛ այս ՚ի Հօրէ մերմէ ընդ ամենայնի զոր գործես դու. և ՚ի տեառնէ Յիսուսէ Քրիստոսէ, և ոչ եթէ ՚ի ձեռն տեառն մերոյ Յիսուսի Քրիստոսի : Աման այսորիկ թողի ես զքեզ ՚ի Կրիտէ, զի զոր ինչ միանգամ պակաս իցէ յամենայն եկեղեցիս, ուղղեսցես և կացուսցես երիցունս երիցունս, ոչ ՚ի միում քաղաքի, այլ ՚ի քաղաքս քաղաքս, որպէս և ես քեզ հրամայեցի : Զայն ինչ զոր բանիւքն ասացի քեզ մինչդեռ, մերձն էի, ահա աւստիկ գրեցի ես քեզ թղթովք ՚ի հեռաստանէ, եթէ իցէ որ անարատ ըստ մարդկանէ՝ միոյ կնոջ այր, և որդեակս ունիցի հաւատաբիմն. զի մի եղիցի հայհոյել և այսն կատականայ առնել զխորհուրդն որ դնի ՚ի տան նորա : Եւ մի գնացէ նա ՚ի միտս անձին իւրոյ, այլ ըստ խրատութե՛ ընդ նմայն : Իցեն : Եւ եղիցի նա սիրել ոչ ՚ի բարեաց անտի, այլ զամենայն բարիս. և պարհեստէ ըզսրբութիւն՝ որ ստացաւ ՚ի մկրտութե՛ անտի : Եղիցի նա զարձեալ վերակացու լինել հաւատարիմ՝ բանին վարդապետուէ, զի կարող իցէ մսիթարել, այս ինքն ՚ի մսիթարելն իւրում՝ զուսանելիմն՝ ուսուցանել նո-

ցա զուսուսն ճշմարտութե . և կշտամբել զայնառիկ՝
որ ընդդէմ կան այսր ճշմարտութե :

Քանզի բազումք են որ ոչն հնազանդին գնալ հռ-
գեպէս , այլ օրինապէս . զրախօսք են , զի ոչ ճշմար-
տութի գոյ 'ի նոսա . և ոչ զօրութիւն և նշանս գոր-
ծեն՝ որք զայնպիսիսն խօսին : Թէպէտ և այսպէս
մերկացեալք են , սակայն և խաբեն զմիտս մարդ-
կան , մանաւանդ որ 'ի Թլփատութէ անտի են : Զի
զայնպիսիսն անդրէն ընթերանել պարտիմք ոչ միայն
գործովք մերովք՝ որ նոցայոցն ոչ նման են , այլ և
ուժգին բանիւք մաքառելոյ և նշանօք և սքանչելօք ,
և մանաւանդ 'ի ձեռն նոցուն իսկ գնացիցն , զի ամօ-
թոյ են . զի զամենայն տունս կործանել գիտեն , ոչ
ուսուցանել զճշմարտութի , այլ ինչ որ ոչ է արժան .
ոչ վասն կենաց խոստացելոց ուսուցանեն , այլ վասն
իւրեանց զօջաքաղուե . զի պիղծ են ամենայն շահք
նոցա , զի մարդկան մահուամբ գտանեն նոքա զօգ-
տութիւն իւրեանց : Այլ ասաց ոմն զբ ուրեք 'ի նո-
ցուն իսկ մարգարէ . կրեացիք հանապազասուտք ,
չարաճճիք , դատարկապօրտք . և ստոյգ է այս վկայ-
ութիւն 'ի վերայ նոցա : Այլ մարգարէ 'ի նոցունց՝
կամ վասն միոյ պիտոյից նոցա ասաց , զի գտան կա-
տարեալ 'ի վերայ նոցա բանք նոքա իբրև մարգարէ-
ութի՝ իբրև ոչ թէ յառաջ քան զլինել նոցա ասաց
զայս , զի զայն ինչ զոր ետես 'ի նոսա՝ գրեաց և յա-
մօթ արար զնոսա և ոչ ինչ երկեաւ 'ի նոցանէն . կամ
մի զք 'ի մարգարէից անտի նորոյն ասաց և կշտամ-
բեաց զնոսա . և գրեաց նոցա Աւաքեալ իբրև 'ի նա-
խատինս : Վասն այսորիկ և դու ըստ նմանութե այ-
նորիկ՝ որ մարգարէացաւ 'ի վերայ նոցա , կշտամբեա
խտադոյնս , զի առողջացին 'ի հաւատս իւրեանց
յորում կանն : Մի հայեսցին նոքա յառասպելս չրէից
և 'ի պատուէրս մարդկան , այս ինքն քահանայից նո-
ցա . և դարձուցանիցեն նոքա զմիտս իւրեանց 'ի ձեռն
նշմարանացն որ անցին՝ 'ի ճշմարտութենէ անտի որ
քարոզի մեւք :

Մենայն ինչ սուրբ է , այս ինքն ամենայն կերա-
կուրք սուրբ են սրբոց . իսկ չրէիցն որ պղծեալ են
խորհուրդք իւրեանց , և ոչ հաւատան նոքա բանին

տեժուն մերոյ զոր ասաց՝ եթէ «Չիք ինչ որ մտանէ՝
'ի մարդ անդր և պղծէ զնա», իսկ նոցա սուրբ ինչ
բայց յայնմանէ որ գրեալն է յօրէնսն իւրեանց՝ չիք
նոցա. այլ պղծեալ են 'ի միտս և 'ի խորհուրդս իւ-
րեանց, այս ինքն խորհրդովք իւրեանց առ ամուս-
նութիւն, և մտօք իւրեանց առ կերակուրս : Եւ վը-
կայել գիտեն զանձ, և գործովք իւրեանց ուրացեալ
են 'ի նմանէ. և այնպիսիքն նզովեալ են, վասն զի ոչ
հաւատան աւետարանին նորոյ, և խոտեալ են նովին
թերահաւատութիւն յամենայն գործոց բարեաց :

ԳԼՈՒԽ Բ

Լ՝ 81. Դու խօսեաց որ զինչ վայել է, ոչ վարդապե-
տութեան օրինացն՝ որ պաշտեացն և անց ժամանակ
իւր, այլ որ զինչ վայել է ողջամտութե վարդապե-
տութե. այս ինքն երէցն որ լինի, ողջամիտ լինել նմա
'ի հաւատս իւր առ հալածիչն, և 'ի սէր և 'ի համ-
բերութե իւրում առ այնոսիկ՝ որ ուսանինն 'ի նմա-
նէ : Սոյնպէս և կանայք որ ունին իշխանութի սպա-
սու սարկաւարդութեան, հանապազօր զբարիս և եթ-
ուսցին և բարեխրատք լիցին, որպէս զի տեսլեամքն
իւրեանց մարթասցեն ուսուցանել և խրատել զաղջ-
կամարդան : Զանձն քո օրինակ արասջիր ոչ միոյ բա-
րւոյ միայն, այլ ամենայն գործոց բարեաց, և վար-
դապետութիւն բարի քո վանականութիւն, այս ինքն զի
ոչ երբէք ցանկացայ ես իմիք : Եւ պարկեշտութիւն դար-
ձեալ և ողջամիտ բանիւ այոյնիւն՝ և ոչովն : Եւ ա-
ռանց ստգտանելոյ եղիջիր դու առ այնոսիկ զոր ու-
սուցանիցեան. զի օտարն որ ² հակառակորդն իցէ
մեր, և կամ 'ի զնել 'ի վերայ մեր բանս աղտեղութե՝
յամօթ լիցի առաջի լսողաց իւրոց յորժամ ոչ կա-
րասցէ նա շջմարիտ և խօսել զմէնջ բանս աղտեղու-
թե : Ծառայք տերանց հնազանդ լիցին յամենայնի .
և մի հատուք լինիցին, զի մի տացեն նոքա զգատաս-
տանս գողոց. այլ ցուցցեն նոքա զճմարտութիւն իւ-

1 Յօրինակին այսպիսին :

2 Յօրինակին ու :

րեանց , զի և սովին ճշմարտութիւնս իւրեանց զարդարեալ
ցեն զսուրբ վարդապետութիւն զոր ուսան :

Օ ի երևեցան շնորհքն փրկութեան նոյն ամենայն
մարդկան . այս ինքն քարոզեցաւ ճշմարտութիւն ժո-
ղովրդեանն և հեթանոսաց , տերանց և ծառայից :
Եւ խրատէ զմեզ հաւասարութիւն , զի ուրասցուք մեք
յամպարշտութենէ անտի զոր գործէաք և 'ի ցան-
կութենէ աշխարհի , զի նոքոր գնայաք . և կեցցուք
յաշխարհի յայսմիկ , ոչ որպէս կէաքն երբեմն , այլ
սգաստութիւն , զի որ ընդ կին ընկերի իւրոյ չարութիւն
մի հայեսցի . և արդարութիւն , զի մի որ ագահեցէ
վասն ստացուածոց մերձաւորի իւրոյ . և սրբութիւն ,
զայն զոր ստացաք մեք 'ի մկրտութենէ անտի . և ար-
դարութիւն , այս ինքն և տրուիք զոր տայցեմք մեք կա-
րօտելոցն , ոչ իբրեւ հայիցիմք ընդունել զհատուցումն
նոցա աստէն , այլ իբրեւ ոպասեալ ակն ունիմք մեք
ընդունել զերանութիւն յուսոյն և զերևել փառացն
մեծի նոյն : Այս ինքն կամ այն է զոր ասացն Մովսէս
“Ա՞՞՞ մեծ և ահաւոր ,” կամ յայտնուեն մեծի փա-
ռացն նոյն , զի ոչ եթէ չայր յայտնելոց է յայնմ ա-
ւուր , այլ Որդի : Եւ եթէ գալուստն Որդւոյ է և ոչ
չօր , եթէ այդ այդպէս իցէ , զայտնութիւն կոչեաց
մեծ , և ոչ զմեծ . և առ 'ի գրչաց ապականեցաւ այս ,
զի առին եդին 'ի վերայ նոյն զայն ինչ զոր Առաքեալ
յամենայն վայրի վասն աւուրն դնէր զնա յայտնու-
թեն : Ասէ . մեծի փառացն նոյն և փրկչին մերոյ Յի-
սուսի Քրիստոսի : Զի նա ետ զանձն իւր 'ի վերայ
մեր , զի փրկեացէ զմեզ 'ի ձեռն մկրտութե յանօրէ-
նութենէ անտի զոր գործէաք : Եւ սրբեսցէ անձին
իւրում , այս ինքն և ընտրեսցէ անձին իւրում ժողո-
վուրդ սեփական նախանձաւոր գործոց բարութե .
որպէս և ասաց Յովհաննէս 'ի ձեռն չորհոյն : Զայս
խօսեաց և մխիթարեա զնոսա , և ընդ մխիթարութիւն
քո խառնեալ իցէ ընդ նա և սատու ևս . զի գուցէ վասն
բազում քաղցրութեն քո արհամարհեսցէ որ զքեզ ,
և 'ի բարւոք գնացից իւրեանց յետնեալ գտանիցին :

ԳԼՈՒԽ Գ

Եւ յուշ արասցիր նոցա, այն զի գրեալ իսկ է իմ՝ եթէ ամենայն անձն որ ընդ իշխանութիւն իցեն, 'ի հնազանդունէ կայցեն. և եղիցին նոքա պատրաստ լինել ամենայն գործոց բարեաց, եւ ոք զոք զոր յաժըշտակէ կամ չարաչար գնայ, մի հայհոյեսցէ զնա և մի մարտնչեացին ընաւ ընդ այնպիսին, այլ եղիցին ցուցանել զամենայն ցածունի առ ամենայն մարդիկ. և ցուցցեն զխոնարհութիւն հեզութեան իւրեանց ոչ առ ընտանիմն հաւատոց միայն, այլ և առ ամենայն մարդիկ: Զի և մեք երբեմն իբրեւ զնոսա էաք. և այսուք իմիք որով չըջինաւ այսօր նոքա, չըջաք և մեք. և զայս զի ոչ համբերեմք մեք տեսանել՝ որ գործինս, գործէաք և մեք: Անմիաք էաք որպէս և նոքայն, և հեռք էաք ըստ նոցա նմանութեան. այլ մոլորեալ էաք իբրեւ զնոսայն, և ծառայ էաք պէսպէս ցանկութեան ըստ նոցա օրինակին. և նախանձու և չարութիւն՝ որպէս չըջին նոքա, չըջաք և մեք. և ատեցեալք էաք յոյց, և զմիմեանս ատէաք որպէս և նոքայն:

Եւ յորժամ երեւեցաւ ոչ արդարութիւնն նոյ, այլ քաղցրութիւն մարդասիրութեան նորա 'ի վերայ ամենայն մարդկան, ոչ 'ի գործոց յարդարութեան զոր առնէաք, զի զայն գործս անօրէնութեան զոր համարեցայն 'ի վերադոյն՝ գործէաք մեք, այլ ողորմութիւն իւրով կենսաւ զսնացոյց զժածուկ մեռելութիւն մեր. և 'ի ձեռն աւազանին ջուրոց ծնաւ զմեզ միւսանգամ ծննդեամբ 'ի նորոգել Հոգւոյն սրբոյ, որ սփռեացն 'ի մեզ առաւ տապէս. այս ինքն զի փշեաց զնա յառաքեալն, և բաշխեաց զնա 'ի ձեռն հրեղէն լեզուացն: Եւ ամանք մարդարեանմն նովաւ, և այլք թարգմանեն նովաւ, և կէսք յամենայն լեզուս խօսին նովաւ, այլք զօրութիւն պէսպէս առնեն նովաւ: Բայց յայնմանէ՝ որ միանգամ եկին 'ի մկրտութիւն և գան քաւիլ նովաւ. զի արդարասցուք մեք 'ի շնորհս նորա, ոչ 'ի գործոց, այլ 'ի մկրտութեան անտի. և լիցուք յետ քաւութեան մերոյ ժառանգակիցք, ոչ յերկրին որ բղխէ կաթն

և մեղր, այլ յուսով կենացն յաւիտեանս յաւիտենից : Հաւատարիմ է բանս զոր ասացի, և այսու կամիմ եթէ հաստատեսցես դու զնոսա յամենայն ժամ . որ պէս զի այսու վերակացու լինելով փոյթ արասցեն նորա դործոց բարեաց . այս ինքն մարդիկ որ հաւատացեալ իցեն՝ եթէ է իսկ նա՞ : Զի այս ինքն է բարի և օգտակար մարդկան, որ դալոց են յաշակերտուի :

Եւ զի մարտութե զհակառակութիս և զտոհմութիւս, այս ինքն՝ ի բազում և ի ջախջախ խօսից անտի երբայեցւոց, և զհեռ և զնախանձ և զհակառակութիս դպրաց հեթանոսաց՝ ի քէն՝ ի բաց մերժես ջիր . զի այն անօգուտ իսկ են երկոցունց կողմանց, և զրաբանք էին, նանրացեալ են ի ճշմարտութենէ : Յառնէ՝ որոյ միտք իւր բաժանեալ են յօտար ուսումն, ի միանգամ և յերկիցս խրատելոյ՝ հրաժարեսջիր ի նմանէ . այս ինքն յետ խրատելոյն որ խրատեցաւ և եկն միանգամ և դարձաւ անդրէն յուսումն իւր, հրաժարեսջիր զքեզ ի նմանէ : Եւ այնպիսին որ ոչ ճշմարտութի տոյգ է նմա և ոչ ստուծի, թեւերեալ է նա մտովք իւրովք և մեղանչէ, զի ճաշակեաց նա զճշմարտութի և դարձոյց . և նովին երթալով գալով իւրով անձամբ զանձն դատապարտէ, այս ինքն մատնէ և պարտաւորէ զանձն իւր ի դատապարտութիւն :

121

121

3 2044 012 934 204

Widener Library



3 2044 108 732 363

HD

